

ჯაბა
იოსელიანი

კიესეზი



საქართველოს თეატრალური
საზოგადოება
თბილისი 1987

© საქართველოს თეატრალური
საზოგადოება

ე თ ე რ ი ა ნ ი

ტრაგედია-წიგნაკარი იკრ. მოქმედებად

მოქმედი პირნი.

გთერი.

აბესალომი.

მურმანი.

ბერიკა ბაბუხადია.

დიდი ვეზირი.

დევდარ-ვეზირი.

ქოსა-ვეზირი.

შუქურნა-როსკიპი.

მასხარა.

ბერიკა-ბიქი.

ნაკუდა-ბქე.

მკურნალი.

ქადაგი (მეენე).

გლეხისქალი.

შავებში ჩაცმული მოცეკვავე მამაკაცი-

თეთრებში ჩაცმული მოცეკვავე მამაკაცი.

მოცეკვავე ქალი.

I. ლტოლვილი.

II ლტოლვილი

ბქე.

ბერიკები, რომლებიც ასრულებენ გლეხების როლს ინტერმედიებში, ჯალოთუბი, დიდებულები, ლტოლვილები და სხვანი.

პ ი რ ვ ე ლ ი მ ო ქ მ ე დ ე ბ ა

დარბაზში სინათლე ქრება. ფარდის წინ მარცხენა მხარეს მო-
ჩანს მესტიერე, მარჯვენა — მეჩონგურეა

მესტიერე (სტიერისა და ჩონგურის ხმაზე).

ჩავლა უნდა ჩაუვალსა, ჩანაყევსა
ყორნისასა,

ქვებსა ციხით გადმოჰყრიან
ნამტვრევებსა ლოდისასა.

მეჩონგურე (სტიერისა და ჩონგურის ხმაზე).

ზეცას რო ოქროს ყანა დგას,
ბრინჯაოს ადგა ნათელი,
ქართ უბრუნავს წისქვილი,
მესაფქვავედ ჰყავ ეთერი...

ეთერი ეთერიანი
დედოფალია მზიანი,
იცის ქვრივ-ობლის გაკითხვა,
ქალია კეთილდღიანი.

ნარინჯისფრად განათებულ სცენაზე მოჩანს ბამბის სასახლე. სასახლის წინ ხეზე დიდ ბუდეში სხედან ორბი და ეთერი. ქვემოთ, ორკესტრში, შემოდის მოხუცი პიანისტი გაქუცულ პალტოსა, კრელ გაკვეთილ კაშნესა და გახუნებულ შლაპაში, იწყებს დაკვრას.

აუანსცენაზე ვადამდე ჩარჭობილია მურმანის ხმალი, რომელიც უცვლელად არის ყველა სურათსა, ინტერმედიასა და ფინალში.

სცენაზე ტრიალით შემოიკრება ეშმაკი, რქიანი ნიღაბი კეფაზე მოუდვია, სახეზე ლამაზი ახალგაზრდაა. ცეკვით უახლოვდება ეთერს, რომელიც ჩამოსულა ხილან; ორბი აღარ ჩანს, ეთერი ნელ-ნელა მიიწევს ეშმაკისაკენ, ისიც ცხოველი ეესტებით და მიხრამოხრით იტყუებს თავისკენ, ბოლოს ხელს მოხვევს, ნიღაბი სახე-

ზე მოექცევა და ახლა ეთერი ნათლად ხედავს, რომ იგი ეშმაკია იწყება ჭიდილი. ეთერს გრძელი, შავი თმა გასწეწია. მუსიკის საგან გაშო ჰანგები; ეშმაკი შეერთა, მოჩანს საპყარი, დედაბერი, ეშმაკი გარბის. ეთერი ეშველება დედაბერს სიარულში, ხელმოხვეული მიდიან. უცებ დედაბერი შედგება და ჯობით, რომელზეც ეყრდნობოდა, მიუთითებს ეთერს პატარა შავ ნაკადულზე, რომელიც იქვე ჩამოჩქებს. ეთერი ნაკადულში ხელს ჩაყოფს, დედაბერი უარის ნიშნად ჯობს ზემოთ აღმართავს. ნაკადული ოქროსფრად იცვლება. მაშინ დედაბერი ანიშნებს ეთერს—თავი ჩაყავიო და გადის; ეთერი თავს ყოფს ნაკადულში და მისი შავი თმა ოქროსფრად იღებება. თმის ვარცხნით მიადგება ორ ვარდს, რომელიც ერთმანეთისკენ გადახრილა, შუაში კი ეკალია, ეთერი ეკალს ამოგლეჯს, მაგრამ ეკალს ვარდებიც ამოყვება, თურმე ეკალი ვარდის ტანი და ძირი ყოფილა. იგი ჩაფიქრებული დასცქერის, ეკლიან ვარდებს. სინათლე ქრება.

ერთი მხრიდან გამოდის ეთერი. მას კოკა შეუდგამს მხარზე. მოპირდაპირე მხრიდან ნელა მოდის მურმანი; შეამჩნიეს ერთმანეთი, ოდნავ შეუნელეს სეკას, ჩაიარეს უსიტყვოდ. მურმანმა მიხედა ეთერს და ისევ თავჩაქინდრული გაუყვა გზას. ეთერმა სცენიდან გასვლის წინ მოუხედა მურმანს, რომელიც უკვე აღარ ჩანს. ეთერი გადის. ერთდროულად იცევ საწინააღმდეგო მხარეებიდან შემოდიან ეთერი და აბესალომი. ეთერი — პატარა კალათით ხელში. აბესალომი შურმანისაგან (ტანსაცმელში რაღაც შესამჩნევი დეტალის გარდა ძვირფასი ქუდი ახურავს ან ახალი ქულაჟა აცვია): არაფრით განსხვავდება. წინა გამოსვლასთან შედარებით უფრო სწრაფად მოძრაობენ, შუა სცენაზე აბესალომი თითქოს გადაეღობა ეთერს.

ა ბ ე ს ა ლ ო მ ი. ქალო, რა გქვია?

ე თ ე რ ი. ეთერი.

ა ბ ე ს ა ლ ო მ ი. ქალო, ვინა ხარ?

ე თ ე რ ი. ეთერი.

აბესალომი. ბინად რა გიღვეს?

ეთერი. ეს ხევი.

აბესალომი. ჭერად რა გფარავს?

ეთერი. ეს მთები.

აბესალომი. რა აფრქვევს ოქროს?

ეთერი. ეს თმები.

აბესალომი. თავს რეტს რა მასხამს?

ეთერი. თვალები.

აბესალომი. როცა იცინი, მე ვდნები.

ეთერი. მაშინ გავწყრები.

აბესალომი. მოვკვდები. (ხელს სტაცებს).

ეთერი. აბესალომ, ბესიაო, რა ხუმრობის

წესიაო,

შენ — ბატონი მეფის შვილი,

მე — ობოლი გლეხის შვილი,

არ შეგფერის სიტყვა ტყუილი.

აბესალომი. ეთერო, შენს მოღალატეს

ხიდი წყალში ჩაუტყდება,

ცხენსა და გაჭენებულსა

აეშარაცა შეუწყდება,

მტრისთვის გაქნეული ხმალი

ვადაზედ გადაუტყდება.

სადაც მცივანი მივიდე,

იქაც ცეცხლი გამიქრება,

სადაც მწყურვალი მივიდე,

ზღვა რომ იყოს, დამიშრება.

შვიდი წლის გზასა მაგალსა

საგზალიც დამავიწყდება,

მუხლებზე ნადები თოფი

უბეში დამიბრუნდება.

სინათლე ქრება.

„ბებრის ციხე“

დაუზუსტებელი გარემო, ხევი, შთის ფერდობი, ველი თუ მინდვრის გზა. მოჩანს „ბებრის ციხის“ ნანგრევები.

ი ს მ ი ს ხ მ ა. ეთერ ქალო, ეთერ ქალო!

ე ქ ო. ქალო, ალო ალო...

ხ მ ა. ეთერ ქალო, ქვეყნის თვალო!

ე ქ ო. ეთერ ქალო, ქვეყნის თვალო,
თვალო, ალო...

ხ მ ა. გაგვიხსენ კარი

ე ქ ო. არი... არი... არი...

ციხის კარი ხმაურით იღება, სინათლე მატულობს. აშკარად მოჩანს „ბებრის ციხის“ ნანგრევები.

შავებში ჩაცმული ლტოლვილი, რომელნიც გაურბიან პირის ეპიდემიას. ოჯახებად, ჯგუფად დაყოფილი, აყრილი ხალხი ნელა ჩაივლის. ერთი ჯგუფის გასვლის შემდეგ იქვე შემოდის მეორე, სხვა კონფიგურაციის ჯგუფი, არიან ბავშვებიც. ერთ მხარეს, წინ მაყურებლისაკენ, ზის ბერიკა — ბაბუხადია, ტყავკაბის და ნაღბის შეკეთებით გართული.

პ ი რ ვ ე ლ ი ლ ტ ო ლ ვ ი ლ ი. ხატისაგანა ვართ და-
წიზღებულნი, ხატისაგან. დღეს მეჭინიბებმა წყალზე
ცხენები მოიყვანეს. არც ერთმა პირი არ გააკარა, არც
ერთმა არ დაღია წყალი.

მ ე ო რ ე ლ ტ ო ლ ვ ი ლ ი. ხუცესისთვის უნდა და-
ეძახათ და შეელოცათ.

პ ი რ ვ ე ლ ი ლ ტ ო ლ ვ ი ლ ი. პირს შელოცვა არ
შეეღის, არა!

ბ ა ბ უ ხ ა დ ი ა. რას აყრილხართ და მიგიტოვე-
ბიათ სახლ-კარი. ეგ გიშველით? სად მიდიხართ? ყველა
ციხის კარი ჩაკეტილია, მალე ალბათ აქაც გამოჩნდება
დიდვეზირის ხალხი.

პ ი რ ვ ე ლ ი ლ ტ ო ლ ვ ი ლ ი. ეჰ, ჩემო ბაბუხა-

დია, შენ რა გენაღვლება, აგერ ტყავ-კაბებს და ნიღბებს აკეთებ. ბერიკაობასა და მაიმუნობაში ატარებ დროს. სახლი შენ არ გაქვს და კარი, სარჩენი არავინა გყავს და საზრდელი.

მეორე ჯგუფს გამოეყო ორი დედაკაცი.

I დედაკაცი (იძახის), ეთერ ქალო! (შემოდის ეთერი).

II დედაკაცი. ეთერ ქალო! გვიშველე, სად ხარ? ბალლი გვიკვდება, ეთერ ქალო, პაწაწკინტელა, გაფიცებ ღმერთებს, გვიშველე რაჩე. ციებ-ცხელება არ უწყდება, დავიღუპეთ, ქირი აქვს მგონა.

შემორბის III დედაკაცი.

III დედაკაცი. ჯერ ჩემთან წამო, ცხენით წაგიყვან და ცხენითვე მიგაცილებ, სადაც გენებოს.

ეთერი. ფენითაც შევძლებ, მხოლოდ ჯერი ამ დედისაა, ხომ გაიგე, ავად ჰყოლია სულ ჩვილი ბავშვი.

III დედაკაცი. ჩემს ავადმყოფს ქირი არა აქვს, აციებს მხოლოდ და ალბათ ბევრი არაფერი დასჭირდებოდა. . .

ეთერი. მით უმეტეს, მოითმინე, თქვენც მოგხედავთ, თუ რამეს შევძლებ. ამ ბილიკით ახვალთ ზემოთ, ჩემს დედობილთან, მეც მალე მოვალ, დასაჭრელად ვეძებ ბალახებს.

ეთერი გადის. დედაკაცებიც გადიან. შემოდის კვლავ ერთი ჯგუფი, უცებ ამ ჯგუფში ჩოჩქოლი შეიქნა.

ერთ-ერთი ქალი (ჩააფრინდა შუქურნას თმაში), შე კახპა, შე უნამუსო, არ გეყო, ქმარი შემიცდინე, ახლა ამ ბალლსაც მოსდექი.

შუქურნა. ვის რად უნდა შენი ცვედანო ქმარი, შე ყვავო, შე ჭინკა!...

რამდენიმე ქალი და ჯოხიანი კაციც ურტყამენ გამეტებოთ შუქურნას. ბაბუხადია წამოხტა და აშველებს.

ბ ა ბ უ ხ ა დ ი ა . რას ერჩით, ხალხო, რატომ კლავთ შუქურნას, რა გინდათ ამ საცოდავისაგან, შენ მაინც გაჩერდი, არა გრცხვენია, ქალს როგორ სცემ?!

ჯოხიანი მამაკაცი. ეს ქალია რო? მე ამათი მამასახლისი ვარ, რამდენიმეჯერ დავითხოვე, ჩვენ არემარეს არ გაეკარო-მეთქი, კიდევ მოვიდა... უუ... შე...
— ბ ა ბ უ ხ ა დ ი ა . თავი დაანებეთ, რა გინდათ, ჩვენს საროსკიპოში ეგ ყველაზე პატიოსანი ბოზია. მოდი, აქ მოდი, შუქურნა, (ჯოხიან მამაკაცს). წადით, გაიარეთ, თორემ მალე ციხის კარებს დაკეტავენ. (შუქურნას). შენც რას დაწანწალებ აქეთ-იქით, ხომ ხედავ, სასიკვდილოდ გიმეტებენ.

შუქურნა. ეგ საფრთხობელა წინათ თავად დამდევდა, უარი ვუთხარი და ახლა ვითომ წესრიგს იცავს. ჯავრი იყარა.

შემოდის ეთერი.

ბ ა ბ უ ხ ა დ ი ა . ეთერ ქალო, ამ გოგოს თავი გაუტეხეს, მოუარე, ცოლო...
ე თ ე რ ი (უსინჯავს კრილობას) ასე უმოწყალოდ როგორ დაგარტყეს?

შუქურნა. ჩემი ბრალია, მაგათი მეზობელი მომეწონა და გავეთამაშე!

ე თ ე რ ი. მერე ეს არის დანაშაული?

შუქურნა. რად მინდოდა ის შტერი ღლაპი?

ე თ ე რ ი. ხომ მოგეწონა?

შუქურნა. მოწონება რას მიქვია, რის მაქნისია. საფრთხობელასთვის დამეგდო ყური, აჯობებდა, თავისუფლად ვიპარპაშებდი მაშინ სოფელში.

ე თ ე რ ი. მე დავინახე, ბიჭი გიცავდა...

შუქურნა. მაგით უფრო გაამწარა და მეც მეტი მომხვდა.

ე თ ე რ ი. წავიდეთ, ზემოთ, დედობილი მალამოს მოგცემს. (გაღიან).

შემოდის მურმანი.

ბ ა ბ უ ხ ა დ ი ა. (წამოდგა). მოგესალმები, აბესალომ ბატონიშვილო!

მ უ რ მ ა ნ ი. მე მურმანი ვარ.

ბ ა ბ უ ხ ა დ ი ა. ღმერთებს ვფიცავ, შენს ტყუბ ძმა-ში ვერვინ გაგარჩევს. გეტყობა, ვერ მიგიგნია უკვდავების წყლისთვის.

მ უ რ მ ა ნ ი. უკვდავებას შენ რას უწოდებ?

ბ ა ბ უ ხ ა დ ი ა. როცა ხალხი საუკუნოდ არ დაგივიწყებს.

მ უ რ მ ა ნ ი. სიკვდილის შემდეგ რომ გაგიხსენონ, ძნელი არ არის, უნდა დატანჯო და მოკლა მრავალი კაცი.

ბ ა ბ უ ხ ა დ ი ა. ეგ უკვდავება მკედარი სახით წარმოგვიდგება.

მ უ რ მ ა ნ ი. განა იცი სხვან რამ საშველი?

ბ ა ბ უ ხ ა დ ი ა. ღმერთებთან შეყრა.

მ უ რ მ ა ნ ი. რა არის ღმერთი? ვინ დაგვაჯერებს მის არსებობაში?

ბ ა ბ უ ხ ა დ ი ა. ჩვენივე თავი...

მ უ რ მ ა ნ ი. ვინ უკუაგლებს ტანჯვა-წვალებას, ავადმყოფობას, სიბერეს, სიკვდილს, ამაოებას.

ბ ა ბ უ ხ ა დ ი ა. ადამიანი.

მ უ რ მ ა ნ ი. დიდი ვეზირიც ხომ მამაჩემს ცოცხლად ასალებს, აკი თქვენც გჯერათ...

ბ ა ბ უ ხ ა დ ი ა. უნეტარესი ჩვენი ხელმწიფე, მათქვენნი აღარ არის ცოცხალი?

მ უ რ მ ა ნ ი. დიდი ხანია.

ბ ა ბ უ ხ ა დ ი ა. ბატონიშვილო, რა დაგიმალო, დიდ-

მავეზირმა შენ დაბრუნებას თუ მოკრა ყური, არც შენ დაგინდობს.

მ უ რ მ ა ნ ი. რაც უნდა, ის ქნას.

ბ ა ბ უ ხ ა დ ი ა. და არა გასურს იძიო შური?

მ უ რ მ ა ნ ი. მამაჩემი სიბერით მოკვდა. გარდა ამისა, შურისძიებას რომ აპყვეს კაცი, წუთისოფელში მეტი საქმე აღარ დარჩება.

ბ ა ბ უ ხ ა დ ი ა. მაშ რას აპირებ?

მ უ რ მ ა ნ ი. სულ არაფერს... წყალი მწყურია.

ისმის საყვირის ხმა.

ბ ა ბ უ ხ ა დ ი ა. სასახლის კაცთა საყვირია. გაიხადე ეგ ტანსაცმელი, ბატონიშვილო, აქ ჯალათები მოვლენ ახლა ციხის გადასაკეტად. გთხოვ, დამიჯერო, გაეცალე აქაურობას, ტყუილ-უბრალოდ შეეწირები.

ლტოლვილების ერთი ჯგუფი ორად გაიყო. ზოგი უკან ბრუნდება, ზოგიც წინ გარბის. შემოდინა ჯალათები. ციხის კარი ხმაურით იკეტება.

ფ ა რ დ ა.

სატახტო დარბაზი

საყვირების ხმაზე შემოდის დიდი ვეზირი. სცენა წარმოადგენს ამფითეატრის ერთ რიგს, წინ სამეფო ტახტია. ანფითეატრში სხედან დევდარ-ვეზირი, ქოსა-ვეზირი, ნაკუდა-ბჰე და სხვა ბჰენი,

დი დ ი ვ ე ზ ი რ ი. შესაძლოა, თქვენში ვინმე ელოდება მეფის გამოსვლას?

ნ ა კ უ დ ა. დიან. დიდო ვეზირო, იმედი გვქონდა,, გვქონდა...

დი დ ი ვ ე ზ ი რ ი. ადექი. ფეხზე! ეს ძირნაყარა ხალხი სად მონახეთ ამ ჩვენს საბჭოსთვის? რა გქვია შენა?

ნაკუდა. ნაკუდა!.. (პაუზა). რა ვთქვი ისეთი? იქნებ დღეს მაინც ინებოს და გამოვიდეს ჩვენი ხელმწიფე, იქნებ დღეს მაინც გვითხრას-მეთქი, თუ რა ვიღონოთ, სოფლებიდან ხალხი იყრება.

ყველანი. სუ, სუ, ჩუმაღ!

ქოსა. დიდმა ვეზირმა თვით უკეთ იცის... არ გაგიგია, რას ამბობენ ჩვენი ხუცესნი? დაისის ჟამს მზის მაგიერ მთები ანათებს აქაურობას.

ნაკუდა. და თუ მზეა ჩასვენებული?

დევდარ-ვეზირი. გაჩუმდი-მეთქი, როცა გეუბნებიან, კრინტი არ დასძრა. დიდი ვეზირი მეფის ნებას ასრულებს მხოლოდ.

დიდი ვეზირი. მაშ, ასე, ბჰენო, ზოგსა ჰგონია, რომ ჩვენი მეფე აღარ არის უკვე ცოცხალი და შესაძლოა, იმასაც ფიქრობთ, იგი მე მოვკალ?

ყველა. არა და არა, ვფიცავთ კვირიკეს.

დიდი ვეზირი. დაე, ასე იყოს. ახლა მისმინეთ. მეფე ღვთისა და ღვთის შვილთაგან მოვლენილია ამ ქვეყანაზე. ამიტომ მეფის ნება ღვთის ნება არის. ჭირი არ არის, ბრძანა მეფემ და სოფლის სენი თვითვე გაქრება, მკბენარი კი სასახლემდე ვერ ამოაღწევს. არ არის ტილი. არ არის ჭირი—დაიმახსოვრეთ. რაწამს სიმართლე გამოითქმება, მყისვე სიცრუედ გადაიქცევა. ნაკუდა ჩემო, შენ მგონი ეს ვერ გაგიგია?!

დევდარ-ვეზირი (გამოჰყავს ნაკუდა). დიდმა ვეზირმა ორი მცნება გამოაცხადა: „არ არის ტილი, არ არის ჭირი“. ჩვენ როგორც ვიცით, ჩვენი მეფე ღვთის არის შვილი. დიდი ვეზირის სახით კი ღალატებს ღვთის-შვილთა ნება. ყოველი სიტყვა ციურია, სამუდამქვეყნო, სამუდამქვეყნო და ციური ვარსკვლავებია. და რახან სიტყვაც დიდ-ვეზირის ციური არის, მაშასადამე, ტილიც

არის ვარსკვლავი ტისა: მაშ, რაღას ნიშნავს ეს გამოთქმა „არ არს ტილიო“? რახან ვარსკვლავი არის ტილი, მისი ვაჭრობა ხდება ხოლმე ვარსკვლავთცვენის დროს, ხომ გინახია? ჰოდა, ვარსკვლავი ჩამოვარდნილა.

ნაკუდა. ესე იგი მომკვდარა მეფე.

დევდარ-ვეზირი. ჩუ... რეებს როშავ!

ნაკუდა. არა, მე მხოლოდ... მინდოდა მეთქვა...

ქოსა-ვეზირი. ჩუ... რეებს როშავ!

ნაკუდა. არა, მე მხოლოდ მინდოდა მეთქვა...

ქოსა-ვეზირი. ჰა, ჰა, (წაიწევს მუშტებით),

ნაკუდა. რახან ჩამოვარდნილა...

დევდარ-ვეზირი! ჰა, ჰა-მეთქი, (წაიწევს მუშტებით),

ქოსა-ვეზირი (ნაკუდას). დიდმა ვეზირმა ორი მცნება გამოაცხადა, დაუგდე ყური მეორე მცნებას: „არ არის ჭირი“. ასე ბრძანა უბრწყინვალესად და რადგანაც ვარსკვლავთცვენა, ჩვენ როგორც ვიცით, ჭირია დიდი, მაშასადამე არ ყოფილა ეს ვარსკვლავთცვენა.

ნაკუდა. ესე იგი... არ...

ქოსა. ჰა, მორჩი, მორჩი მეთქი, შენ ვერ გაიგებ.

ნაკუდა. მე... თუ... ვერ...

დევდარ-ვეზირი. ჰა, არ წამოგცდეს, გესმის?

ქოსა-ვეზირი. გაიგე?

ნაკუდა. მე უმეცარს კი მეგონა, რომ ტილი ტილი იყო და ჭირი — ჭირი.

დიდი ვეზირი (ნაკუდას). თუ მოახერხებ ხმლის ამოძრობას, გჩუქნი სიცოცხლეს, შენს მეზობელსაც ვაპატიებ მე მაგ სიჩუმეს.

II ბჭე. დიღო ვეზირო, ვისაც თავი აქვს გატენილი, ქვაც მასა ხვდება. რატომ შეგძულდი აგრერიგად, რას შემართლები. ტყუილუბრალოდ მამა მომიკალ.

დიდი ვეზირი. რაც მეტს გიმუხთლებ, უფრო

მეტად შემზარდები. აბა ჯალათო, წაიყვანე, გაერკვნენ უკვე.

ნაკუ და, ხომ დამრთეთ ნება, ჩემი ძალა გამომეცადა?

დევდარ-ვეზირი. მურმანის ხმაღს მურმანის მეტი ვერავინ დასძალავს.

ქოსა-ვეზირი. და ეს იქნება თავაზიანი.

ნაკუღაღი II ბჭე გაყავთ. კულისებიდან ისმის მათი ყვირილი.

III ბჭე (წამოხტება და ხელებს ასწევს ღალადით).
დამნაშავე ვართ, დიდო ვეზირო, დამნაშავე ვართ.

დიდი ვეზირი. მერე თქვი — რაში!

III ბჭე. ყველაფერში, დიდო, ვეზირო, შენ შეგვიწყალე! (მუხლებზე დაეცემა).

დიდი ვეზირი. და მაინც, რაში, გვითხარი მალე!

III ბჭე. ვართ, ვართ, ყველაფერში, ჩვენ — ყველაფერში,

დიდი ვეზირი (ზიზლით). წადი, დაჯექი!

ქოსა-ვეზირი. და ეს იქნება თავაზიანი.

დევდარ-ვეზირი. თავს ნუ ისაწყლებ, არა ხარ, გითხრეს!

III ბჭე. როგორ თუ არა.

ქოსა-ვეზირი. არა ხარ, არა!

III ბჭე. ვარ, ვარ, დამნაშავე ვარ. (ლულულღი, თითქოს დაწყნარდა).

დევდარ-ვეზირი. არა ხარ, არა, მიდი, დამშვიდდი

III ბჭე. (ისევ ღალადით). დიდო ვეზირო, არ დაუჭერო, დამნაშავე ვარ...

დიდი ვეზირი. ჰო, ეს კარგია, რახანა გრძნობ შენს თავს ასეთად. ახლა მასხარას დაუძახეთ, ჩვენს კარგ მასხარას.

შემოდის მასხარა.

მ ა ს ხ ა რ ა. დარბაისელნო, ამ ხელმანდილს მე ჰა-
ერში შევათამაშებ, შემდეგ ხელს ვუშვებ და სანამ და-
ვარდება, ჩვენ ყველამ უნდა გავიცინოთ. აბა, (ისვრის
ხელმანდილს). ხა-ხა-ხა! (ყველა იცინის). აბა, კიდევ ერთხელ.

ყველაფერი მეორდება

ბ კ ე ე ბ ი (ითხოვენ სკანდირებით), ხანდრა-ცია, ხანდრა-
ცია! ხან-დრა-ცია!

მ ა ს ხ ა რ ა. ყველაზე სასაცილო სიტყვაა ხანდრა-ცია.
ხა-ხა-ხა-ხა; (ყველანი იცინიან), ხანდრა-ცია ყველაზე სასა-
ცილო სიტყვაა, ხა-ხა-ხა. (ყველანი იცინიან), სიტყვა ხან-
დრა-ცია ყველაზე სასაცილოა.

ხა-ხა-ხა.

ყველა ერთბაშად ჩუმდება.

დ ი დ ი ვ ე ზ ი რ ი. მივხედოთ საქმეს. ჩვენს უფალ
მეფეს სურს გაუწყოთ, რომ ტყუბი შვილნი, ძენი მის-
ნი — მურმანი და აბესალომი, მემკვიდრეებად აღარ შე-
ვრაცნოთ, ტახტს მოვაცილოთ. მოგეხსენებათ, მურმანმა
თვით უარპყო სამეფო ჩვენი და უკვდავების წყლის
საძიებლად არის წასული.

დ ე ვ დ ა რ - ვ ე ზ ი რ ი. წარმოიდგინეთ, დარბაისელ-
ნო, მურმანმა გამგზავრების წინ საოცარი აზრი წარმო-
თქვა: უბედურების ნაფოტებზე ბედნიერებას ვერ ააგე-
ბო. ვის გულისხმობდა? განა შემეძლო, ეს არ მეთქვა
დიდ-ვეზირისთვის? წარმოიდგინეთ, დარბაისელნო, სა-
შინლად გაწყრა უფლისწული და უკმეხი სიტყვაც კი
მკადრა მე, მის მოძღვარს, მის დამრიგებელს.

ქ ო ს ა. ჭეშმარიტად, ეგ მთლად ვერ იყო თავაზიანი.

დ ე ვ დ ა რ - ვ ე ზ ი რ ი. ამგვარ აზრებით მურმანი
უკვდავების წყალს ვერსად მიაგნებს.

დ ი დ ი ვ ე ზ ი რ ი. იქნებ გგონიათ, უფლისწულთა
უდარდებლობა მე არ მახარებს. შენ რას იტყვი, ქოსა-ვე-
ზირო?

ქოსა. ეს იქნებოდა თავაზიანი...

დიდი ვეზირი. შენ რაღას იტყვი, დევდარ-ვეზირო?

დევდარ-ვეზირი. მე მომიტყევებს დიდი ვეზირი. არამც და არამც თქვენ არ განხარებთ დაუდევარი ეს საქციელი. სამი წელია, რაც მურმანი გადაიხვეწა ჩვენს სამეფოდან...

დიდი ვეზირი. დღეს, სამწუხაროდ, მოწმენი გავხდით კიდევ ერთი უღარდებლობის. ხომ არ ჰგონია აბესალომს, ამ წმიდა ტახტზე გლეხის გომბიოს წამოვასკუპებთ ჭუპრა-დედოფლად?

დევდარ-ვეზირი. არამც და არამც, ვიმეორებ, ეს არ განხარებთ, ეს არ განხარებთ, ვფიცავ კვირიკეს.

დიდი ვეზირი. დაე, ასე იყოს. ახლა კი აბესალომს შევეკითხოთ, რა გადაწყვიტა. (შემოდის აბესალომი). უფლისწულო, დიდ მეფეს და ბჭეებს სურთ იცოდნენ, მართლა აპირებ შენ ეთერთან დაქორწინებას?

აბესალომი. მამაჩემს არ შევხვედრეივარ კარგა ხანია და თუ კვლავ არ სურს მას ჩემი ნახვა, გთხოვთ, მოახსენოთ: ოღონდ ეთერი მე დამთანხმდეს, დღესვე შევირთავ, მწირად ვიტყევი.

დიდი ვეზირი. უფლისწულო, ქალი ეთერი გაუტეხელი მეხ-დედაკაცის შვილობილია.

აბესალომი. ბებრის ციხეში მოღვაწეობს იგი ამჟამად, სნეულთ მკურნალობს, გაუხილავად ქალაქისკენ არავის უშვებს.

დიდი ვეზირი. ხალხი თავისთავს თვითონ მოუფლის, ის დედაბერი ჭინკა არის, ეთერი კი — უბარი გლეხი.

აბესალომი. არა მგონია, ავი სულეები უბარი ქალით დაინტერესდნენ. ქალი ეთერი, მისი ელფერი ამომავალ მზეს ეცილებს, სულნი ალები, მუქი თვალჯი

ირეკლავენ ვარსკვლავთა კიაფს და სათნოება მთვარის
ბილიკად ეგება ზღვაზე, კლდეები სალი, ქალღმერთი
დალი ჯიხვთა სამქაროს ელოლიება; ჩემი სიზმრები,
ოქროსფერი თმა მიხმობს, მეძახის, ცეცხლად მეღება და,
თუ შემომწყრა ქალი ეთერი, ცა დასერილი ჩამოწვება
ელვის ძარღვებად.

დიდი ვეზირი. მაშ ამოიღე ეგ შენი ხმალი და
აქ, შენი ძმის მურმანის ხმლის გვერდით ჩაასე. (ბესალო-
მი ასეც იქცევა).

ხმარის ციხე

ბესალოში დგას შთის ძირას, ეთერი შთაზე, დანგრეული ციხის
კოშკთან.

აბესალოში. შუბლი შლილი,
თმები—ზვინი,
საფეთქელი მწყაზარია,
ცხვირი—სტვირი,
წარბი წვრილი,
წამწამსა და წამწამს შუა ბალი
გაგიშენებია.

კბილი — მძივი,
თითი — თლილი,
ბაგე ვარდის ფურცელია,
ტანი — ალვა,
შეერა — გვალვა.

ვერხვის ტოტს და ტოტის შუა
ყელი მოგიღერებია.

ეთერი. რატომ არ წახვალ. უფლისწულო და არ
მიხედავ გაჭირვებულ შენსა სამეფოს?

აბესალოში. უარყავი ძალა-უფლება, რათა ვიქცე
შენსა საფერად.

ე თ ე რ ი. მერე?

ა ბ ე ს ა ლ ო შ ი. მერე შევერთდეთ.

ე თ ე რ ი. მერე?

ა ბ ე ს ა ლ ო შ ი. მერე ვილხინოთ.

ე თ ე რ ი. მერე?

ა ბ ე ს ა ლ ო შ ი. მერე გავმრავლდეთ.

ე თ ე რ ი. მერე?

ა ბ ე ს ა ლ ო შ ი. მერე მოკვდებით. (აუხა).

ე თ ე რ ი. ეს ყოველივე ხომ შეიძლება უსიყვარულოდ.

ა ბ ე ს ა ლ ო შ ი. უსიყვარულოდ ყოველივე ბოროტე-
ბა არს.

ე თ ე რ ი. მე მამაჩემი სიყვარულის გულისთვის მკლა-
ვდა.

ა ბ ე ს ა ლ ო შ ი. გკლავდა?

ე თ ე რ ი. დედინაცვალმა მოინდომა ჩემი სიკვდილი.

ა ბ ე ს ა ლ ო შ ი. მაგას სიყვარულს ვერ მიაკუთუ-
ნებ, სიძულვილია.

ე თ ე რ ი. სიყვარულიდან წარმოშობილი... ან რა-
ტომ გიყვარს ის, ვინც გიყვარს, და არ სხვა ვინმე?

ა ბ ე ს ა ლ ო შ ი. ამის განსჯა ღმერთებს მივანდოთ.

ე თ ე რ ი. განსვენებული დედობილი მეუბნებოდა,
ცოცხალი ძალა მომაკვდავად იმიტომ იქცა, მოინდო-
მაო ღმერთებისებრ შემოქმედება.

ა ბ ე ს ა ლ ო შ ი. თუ დედაბერი მიიცვალა, მარტო
როგორ ძლებ? წამოდი ჩემთან, ერთად ვიყოთ, ვისიყ-
ვარულოთ.

ე თ ე რ ი. აღთქმა მივეცი ღვთის შვილებს, რომ
ხალხს ვემსახურო, გამოვისყიდო მამაჩემის შეცოდე-
ბანი.

ა ბ ე ს ა ლ ო შ ი. სიყვარულით გინდა დამდაგო და
კიდევ ერთი დანაშაული მიუმატო ცოდვილ მამის
სულს?

ე თ ე რ ი. ესე იგი, მართალი მითქვამს: სიყვარული
ბოროტებას უქმნის ნიადაგს.

ა ბ ე ს ა ლ ო მ ი. სიყვარულის უარყოფა, მზეო,
ცხრათვალავ. . .

ე თ ე რ ი. მე ჭერ უ ი არ მითქვამს, არა.

ა ბ ე ს ა ლ ო მ ი. ძაშ, შემომიშვი, შენთან ერთად
მეც აქ დავრჩები. ტახტის შემკვიდრე აღარა ვარ, რი-
თაც მწუნობდი, და თუ უბრალო დიდებულისც არ
გინდა ვიყო, ძველი ქულაჯით ვიწანწალებ გლების ბი-
ჭვიით.

ე თ ე რ ი. ყვავილი ფუტკარს მიიზიდავს თავის სურ-
ნელით. ხომ შეიძლება უნექტარო აღმოჩნდეს იგი? შენც
მასვე ამბობ, რაცა მსმენია: ვისიყვარულოთ, ვიმრავ-
ლოთ და დავიხოცოთო. ან იქნებ მე თვით მუშა ფუტ-
კრად არ ვარ შობილი?

ა ბ ე ს ა ლ ო მ ი.

გუნდ-გუნდი ფიქრთა ღრუბელი
იაგუნდის ფრად ანათებს,
მზე პირს დაიბანს, გადიერის,
ეთერად გამონათებს.

ეგ ლოდი-ლოდი სიტყვები
თივის ბულულად მიქციე,
ვაზის ჰირხლივით ნადები
ხნულ გულზე გადმომიქციე.

ფ ა რ დ ა.

ხ ბ ტ ო ბ ა

მთავორიანი ადგილი, ხალხი ჩამომქდარა მთის კალთებზე. არი-
ან ავადმყოფებიც, რომლებიც ხელით მოუყვანიათ ჰირისუფლებს.

VI გ ლ ე ხ ი. ისედაც ხომ კარგად ვცხოვრობდით,
ახლა კიდევ ჰირი დაგვემატა.

გ ლ ე ხ ი ს ქ ა ლ ი. ამბობენ, ღვთისშვილნი მეფეზე არიან გულნატკენი, რომ ხალხს აღარ ენახება და იმიტომ გაჩნდა ჭირიო.

VI გ ლ ე ხ ი. ეგ კი არა და მგონი მეფე სულაც აღარ არის ცოცხალი. მაშ, რატომ აღარავის უნახავს სამ წელზე მეტია?

ბ ე რ ი კ ა ბ ა ბ უ ხ ა დ ი ა. თავს ნუ ყოფ დასიცხული ცხვარივითა, ენა დააყენე. იცოდე, სად ლაპარაკობ, თორემ დაგავიწყდა, კაქკაქმა რა უთხრა ყვავსა?

II გ ლ ე ხ ი ს ქ ა ლ ი. რაო, რა უთხრა?

ბ ა ბ უ ხ ა დ ი ა. რაც უთხრა. . . აგერ მოდიან.

ხუცესი, შულტა და ნათე ქალი მოაგორებენ თივით სავსე გოდორს, რომელსაც ცეცხლი უკიდია, ცალ ხელში სანთლები უჭირავთ, მეორე ხელით ქათო ამოაქვთ წინ ჩამოკიდებული ბარკადან და გოდორს აყრიან. ისმის დოღების განუწყვეტელი დაფდაფი.

ირგვლევ ხალხია მიწაზე ჩამომჯდარი. ოდნავ ეოშორებით მალომბზე დგას ხატი — სახლის მაგვარი დაბალი წაღო. ხუცესი, შულტა და ნათე ქალი ხატისაკენ მიაგორებინ გოდორს. ხალხი აწყობს ქორბეღელას (ორსართულიანი ზორუმი) და ნელ-ნელა მიხვევება გოდორს ხატისაკენ. შემოდის მურმანი. აქვე მიწაზე ზის ბერიკა ბაბუხადია. ხუცესი, შულტა და ნათე ქალი მიადგნენ ხატს, ხუცესმა ხელი ასწია. დოღების ხმა შეწყდა, ქორბეღელა იშლება, უსიტყვოდ სხდებიან მიწაზე. სრული უმოძრაობა და ხიჩუმეა.

მ უ რ მ ა ნ ი (ბაბუხადიას), რას სთხოვენ ღმერთებს?

ბ ა ბ უ ხ ა დ ი ა. სსსუუუ. . . ხატიდან ქადაგს ელიან.

მ უ რ მ ა ნ ი. იქნებ ჭირად მოსული სიკვდილი სჯობს სხვა სახით მოსულს!

ბ ა ბ უ ხ ა დ ი ა. რა გენაღვლება, სიცრუით მაინც დაამშვიდონ საწყალი ხალხი.

მ უ რ მ ა ნ ი. ეგ წამიერი მოტყუებაა. ბედკრულ მიწაზე მოვლენილ კაცთა დანიშნულება თუ სიკვდილია ან მხოლოდ ტანჯვა, ვიდრე იქ! იქითკენ ეჭვი ციმციმებს! ადამიანს თავისი ხვედრის შესაგუებლად სჭირდება ხოლმე მაგალითი, შეუქცევად უბედური, შთამაგონები. ბრმას თუ დაჭერა არ შეუძლია, იგი გაქცევას ხომ მაინც შეძლებს.

ლოლებს დაფდაფზე ხატიდან გამოდის ქადაგი. ქადაგი აღმოსავლეთისაკენ პირშექცეული იჩოქებს ხატის თავზე. ყველანი იჩოქებენ მურმანის გარდა. დაფდაფი შეწყდა. ქადაგი წამოდგა. ხალხი დაჩოქილია.

ქ ა დ ა გ ი. ცის ხორხოზ-კორკოტნ გარმამსხნავ ღმერთმან, ღორღან, გოდორნივ, სენ-სამსალანიავ გარბასულნივ გამიმთხილდითავე! მეშნისავე!

ისევ იჩოქებს ქადაგი. ისევ გაისმის ხმამალალი დაფდაფი. ქადაგი ფეხზეა, ყველანი დაჩოქილნი არიან.

ქ ა დ ა გ ი. გამიმთხილდითავე, ყმანო, ცუდ საქმეი მაქვავ ხთის კარხედავე მახილულივ, მთხილად იყავნითავე, ჩემნო ყმანო!

მურმანი ხელს ჰკრავს ქადაგს და გადაადებს ხალხში. შემდეგ ხატს წიხლს დაუშენს. ისმის შეწირული ჭაიების მსხვრევის ხმა. ხალხი გაოგნებულია, შემდეგ უკანა რიგიდან უცებ წამოვარდება შუქურნა-როსკიბი.

მ უ ქ უ რ ნ ა (ყვირის), ეგ ეშმაკია, ავი სული, დავწვით გოდორში!

ღენთად გავარდა ეს ხმა ხალხში, ყველა ერთბაშად წამოიშლება და გარბის მურმანისაკენ. მურმანი დინჯად ელოდება, ყველაზე წინ გარბის შუქურნა-როსკიბი, ხელში დიდი ქვა უჭირავს.

ბ ა ბ უ ხ ა დ ი ა (გადაუდგა წინ, გადაეფარა მურმანს). შეჩერდით, ხალხო, შეჩერდით! ეს მეფის შვილია, მურმანი! ავადმყოფია და გიჟი. ხომ გაგიგიათ, სამი

წელია სამკურნალოდ იყო წასული, ეტყობა, ჭერაც ვერ მორჩენილა. შენ კი, შუქურნა-როსკიპო, შენს თავს მოუარე, გამომიხვედი სიკეთის მაძიებელი, აბა, ჩქარა შეაყოლე აქედან, ხალხს დღესასწაულს ნუ უფუჭებ. წადი, წადი, სწორედ ამისთანებზეა ნათქვამი — „ცხვარი რომ შემობრუნდება, კოკლი წინ მოექცევაო“.

მ უ რ მ ა ნ ი. ხალხო, არ დაუჭეროთ, მე გიყი არა ვარ! არა ვარ გიყი!

ხალხი იცინის.

ბ ა ბ უ ხ ა დ ი ა (უნდა ხალხის ეს განწყობილება შეინარჩუნოს). დედალი იმიტომ კი არ კაკანებს, დიასახლისო, მოდი, კვერცხი წაიღეო, კურტუმი (დახტის) ტკივა, კურტუმი! ასკიკუკე, ასკიკუკე! ასკიკუკე! (ხალხი იცინის). ხუცები შელოცვას რომ მორჩებიან, გორაკზე ბერიკაობა გაჩაღდება, ხალხო, ბერიკაობა.

ფ ა რ დ ა .

ბ ე რ ი კ ა მ ბ ა

(ინტერმედიის მაგივრად)

ფარდის წინ, მარჯვენა მხარეს, ორ კუნძზე სკამის მაგივრად გადებულია ფიცარი. ზედ ზის მეჩონგურე, ფიცარზე ხის კუკნები რაკივით არის ჩანოშვებული, რიკზე ბაწარია მობმული, ის ბაწარა კი იმ თითზე აქვს მეჩონგურეს გადახვეული, რომლითაც უკრავს ჩონგურს, როგორც ჩონგურს დაუკრავს, კუკნებიც ისე ხტის.

მ ე ჩ ო ნ გ უ რ ე. ნაირი და ნაირები,

ძველებური შაირები,

მომღერალი დაირები,

მოცეკვავე საინები,

სავარძელში მახათები,

ზურგზე შოლტის ნახატები,

ყანწები და თამაღები,
სასამართლოს კამათები.

შემოდის ბაბუნადია.

ბ ა ბ უ ხ ა დ ი ა. აბა, ჩუმად, სასამართლო მოდის!
შემოდის ბერიკა-მოსამართლე, მუცელი გამობერილი აქვს —
ტიკი უღვეს და უბიდან. მასრას ამოუყვია თავი.

მ ო ს ა მ ა რ თ ლ ე. ბაბუნადია, წადი მომიყვანე ვინმე
დამნაშავე!

ბაბუნადია, გადის და შემოჰყავს მოფამფალებული მოხუცი.

ეს ვინ მოიყვანე, შე მაგაზე გამო... გამო... გამო-
შტერებულო.

ბ ა ბ უ ხ ა დ ი ა. დამნაშავეო, ხომ მითხარით, ბა-
ტონო, ქათმის ქურდია.

მ ო ს ა მ ა რ თ ლ ე. ჰიდან წყალი მაქვს ამოსაზიდი,
რა ჯანდაბად მინდა ასეთი დამნაშავე, დაიკარგე აქედან!
ჩხუბით შემოდის ორი გლეხი.

I გ ლ ე ხ ი. გამიშვით, ააადამიანო, მოსამართლეს-
თან!

II გ ლ ე ხ ი. გაგიშვათ, თორემ შენც არ ჩაურიკ-
რიკო.

I გ ლ ე ხ ი. გაჩუმდი, შე ორი სოფლის კიბო.

II გ ლ ე ხ ი. შენ თორმეტი შვილი რომ გყავს, არც
ერთი შენი არ არის.

I გ ლ ე ხ ი. შენ ერთი ბიჭი რომ გყავს, ის ჩემია.
ჩემი.

მ ო ს ა მ ა რ თ ლ ე. გაჩერდით! ჩუმად! რაშია საქმე?

I გ ლ ე ხ ი. მანეთი მაართებს და არ იძლევა.

მ ო ს ა მ ა რ თ ლ ე. რატომ არ აძლევ?

II გ ლ ე ხ ი. აი, წითურას დაუძახეთ, ის უკეთ მო-
ვახსენებთ.

შემოდის წითურა.

მოსამართლე. მოყვე, რაშია საქმე.

წითურა. ორ კიბოს რომ ეძახიან, აი, ამასა, კარგა ხნის წინათ მანეთი ვთხოვე ერთი კვირითა, ერთი კვირა რომ გავიდა, მივედი თორმეტშვილიანთანა და გამოვართვი მანეთი, თანაც ვუთხარი — ერთ კვირაში მოგიტან-მეთქი და მივუტანე ისევ ორ კიბოსა, ერთი კვირაც რომ გავიდა, ახლა გამოვართვი ორ კიბოს ეს მანეთი — ერთ კვირაში მოგიტან-მეთქი და მივუტანე თორმეტშვილიანს, მერე კიდევ ამას გამოვართვი იმას მივუტანე, მერე იმას გამოვართვი, ამას მივუტანე, მერე, ბატონო მოსამართლე, მომწყინდა; მე რა შიკრიკი მნახეს, წადი, შენ თვითონ გამოართვი-მეთქი. ეს იყო და ეს. ვერ მორიგებულან.

მოსამართლე (ბაბუხადიას). თორმეტშვილიანი და ორი კიბო წაიყვანე და ჩემი ჭიდან მთელი დღე წყალი აზიდინე. გაიგეთ, თქვე უსაქმურებო, თქვენა. (წითურა გადის, ბაბუხადიას გაჰყავს გლეხები), ბაბუხადია, საჭმელი თუ მოუნდეთ, კვერცხები მოუხარზე, კვერცხები აქ მომიტანე, წვენი მაგათ მიეცი.

სამი გლეხი შემოდის და ისევ წითურა მოჰყავთ.

მოსამართლე. რა გინდათ ამ პატიოსანი კაცისგან?

III გლეხი. ბატონო მოსამართლე, ჩემგან ძეხვი წაიღო, ერბოკვერცხი ძეხვით გავაკეთოთ და ერთად ვჭამოთო. გააკეთა და არ მაჭამა. მარტო ძეხვი მომეცი და ერბოკვერცხი გინდოდა გეჭამაო? . .

მოსამართლე. წადი გაეთრიე აქედან. სწორად უთქვამს. (გლეხი გადის).

IV გლეხი. ჩემგან, ბატონო მოსამართლე, კვერცხი წაიღო მაგანა, (აჩვენებს წითურაზე). ძეხვით ერბოკვერცხს გავაკეთებ და ვჭამოთო. მერე აღარ მაჭამა. მარტო

კვერცხი მომეცი და ძეხვიანი ერბოკვერცხი გინდა ჭამოო?!

მოსამართლე. წადი, დაიკარგე, სწორად უთქვამს.

II გლეხი გადის.

IV გლეხი. ჩემგან, ბატონო მოსამართლე, ერბო წაიღო — ძეხვიან ერბოკვერცხს გაჭმევო, მერე აღარ გამიკარა. შენ სულელი ხომ არა ხარ, მარტო ერბო მომეცი და ძეხვიანი ერბოკვერცხი გინდოდა გეჭამაო?!

მოსამართლე. სწორად უთქვამს.

გლეხი. როგორ თუ სწორად? მაშ ჩალით არის ქვეყანა დახურული?!

მოსამართლე. ნელა, ნელა, მოიცა, ჰო აზრზე მოდი!

გლეხს იჭერენ, გაუსხლტება და დანას ჩასცემს მუცელში „მოსამართლეს“.

მოსამართლე. ვაიმე, ვაიმე, რა ტიკი გამიფუჟა, გამიშვეთ, ერთი სილა მეც ვაწეპო. ვახ, ტიკო, ტიკო ჯან ტიკო-ტიკო...

შემოდინ დევდარ-ვეზირი და ქოსა-ვეზირი მხლებლებით.

დევდარ-ვეზირი. შენ ბერიკა ბაბუხადია არა ხარ?

ბაბუხადია. გახლავართ.

დევდარ-ვეზირი. ვინ ამოგიშვა ხაროდან? ჭკუა ისწავლე?

ბაბუხადია. რა ვიცი, ბატონო, ჭკუის სწავლება რომ შეიძლებოდეს, მდიდრები და ბატონები სულ ერთიანად ჭკვიანები იქნებოდნენ. . . მერე და ხარო ხომ

ემისთვისაა, ხან ჩახტე და ხანაც ამოხტე?! ალბათ სხვისთვის ეუ დაჭირდათ.

ქოსა-ვეზირი. ადამიანი სპილოს არჯულებს, სპილოს! ეუბნება, ხორთუმი აქ დადგო, და ისიც დებს.

ბაბუხადია. მერე ადამიანი სპილოა? გინდათ, ასკიკუკეს დაუვლი. ასკიკუკე, ასკიკუკე...

დევდარ-ვეზირი. მოიცა, ის გიყი ხომ არ გინახავს, საით წავიდა?

ბაბუხადია. ვინა, მეფისწული?

დევდარ-ვეზირი. ჰო, მურმანი.

ბაბუხადია. გიყების გზას ვინ გაიგებს, საგიყე-ში შეგდებული ჭკვიანი ხომ ყველაზე დიდ გიყად ითვლება... ასკიკუკე, ასკიკუკე (დახტის).

ქოსა-ვეზირი (ხელი ჩაიჭნია), წავიდე.

დიდი ვეზირის ჯალათებს მოჰყავთ ვაკოპილი გლეხის ქალი, I გლეხი, შუქურნა-როსკიპი.

შუქურნა. ჩემგან რა გინდათ, სად მიგყავართ, რასა მჩქმეტ, შე ყიქალა მამალო!

I ჯალათი. გაიარე, გაიარე, იქ გაიგებ.

შუქურნა. სად იქ, აქ მითხარით, იქ მე ვიცი. რასაც გავიგებ.

გლეხის ქალი. ქალებს რაღას გვემართლებით, ვაიმე, შვილებო.

I გლეხი. გვაპატიე, უფროსო, შენი ჭირიმე.

გლეხის ქალი. მე არაფერი მითქვამს. ეს ამანა თქვა — მეფე აღარ არის ცოცხალიო, ვაიმე, ჩემო ნიკორა ძროხა!

I და II ჯალათები. სსუუუ, ჩუმაღ!

ჯალათები მიათრევენ გლეხებს და ვეზირებიც გადიან.

გამოდის ვირი, აქნევს კუდს, ღგება ავანსცენის შუა, აყრის ტლი
ნკებს, ყროყინობს, შემდეგ მისი წინა ნაწილი გაიქცევა, უკანა კ-
ეცემა იატაკზე. ესენი გადაცმული ბერიკები ყოფილან—ბერიკა-ბა-
ბუხადია და I ბერიკა.

ბ ა ბ უ ხ ა დ ი ა. ორი დიდი კაციდან ერთი პატარა
კირი გამოდის ხოლმე.

სინათლე ქრება.

მეორე მოქმედება.

ბებრის ციხე

ისმის მურმანის ხმა: ეთერ ქალო, გააღე კარი.

ეთერი. რომ გადაგიცვამს, უფლისწულო, ველაო გიცნობდი?!

მურმანი. გინდა მიტანი და გინდა ვერა, რა მეხალ-ვლება, დედობილის ნახვა მსურდა, გამიღე კარი.

ეთერი. აკი გითხარი — დედობილი გარდამეცვალა.

მურმანი. გარდაიცვალა? მაშ კუდიანი არ ყოფილა, ტყუილად ამბობდნენ.

ეთერი. რა საქმე გქონდა, იქნებ ვინმე სნეულო-სთვის გინდა წამალი?

მურმანი. შენ რა წამლობა შეგიძლია?

ეთერი. მალამოს მივცემ, დავაპურებ, ან წყალს შევასმევ, შევეულოცავ, თავს გავუხილავ.

მურმანი. სხვა რამ იმედს რა ეშველება?

ეთერი. ნუგეშიან სიტყვას ვეტყვი.

მურმანი. მაინც რა სიტყვას?

ეთერი. სხვადასხვა რამეს და დროებით დავაიმე-ღედი.

მურმანი. მარადიული და ერთი რამ მაინტერესებს:

ეთერი. ეგ ღმერთების საიდუმლოა.

მურმანი. ავი სულიც ვერ მიპოვნია, რომ დავი-ჯერო ღმერთების ყოფნა. ნუთუ ქვეყანა ცარიელია?

ეთერი. შე დედობილი მეუბნებოდა. . .

მურმანი. თუკი მოკვდა, საგულისხმო რა უნდა ეთქვა? შენი წამალი მე არ მომარჩენს, დაკეტე კარი. (დააპირა წასვლა).

ე თ ე რ ი. მოიცადე, ჯერ ნუ მიდიხარ. მინდა გამოვ-
ტყდე, გამახარე მაგ ჩაცმულობით, თუმცა ნაქარგი ოქ-
რო მკერდიც გშვენოდა უწინ.

მ უ რ მ ა ნ ი. წამიერი ბრწყინვალეობა დიდი ხანია მუ-
ჟარყყავი.

ე თ ე რ ი. განა არის რამ, რომ არ იყოს ის წამიერი?
მ უ რ მ ა ნ ი. არ შეიძლება, რომ არ იყოს.

ე თ ე რ ი. ეგ შიუწვდომელ მთის მწვერვალზე თუ
იპოვია.

მ უ რ მ ა ნ ი. მწვერვალი მთისა ქვემოდანაა, ზემოდახ-
იგი ხევია მხოლოდ.

ე თ ე რ ი. მერედა, როგორ გავხადოთ ხევად?!

მ უ რ მ ა ნ ი. კაცთა ცხოვრების ფუჭი ტრიალი ჯიუ-
ტად მუნჯობს.

ე თ ე რ ი. და მისახვედრად არავითარ ნიშანს არ გვა-
ძლევს?

მ უ რ მ ა ნ ი. გზაზე ბოლივით ავარდნილ მტვერს ხომ
ქარს ვეძახით? მოტაცებულ ქუდს? თავდახრილ ხეებს—
ისინიც ქარის სახეებია.

ე თ ე რ ი. უჩინმაჩინად არსებულა ის ქვეყანაზე.

მ უ რ მ ა ნ ი. თუკი არსებობს. . .

ე თ ე რ ი. ამასწინათ უკეთესად გამოთქვი აზრი.

მ უ რ მ ა ნ ი. რაღაც არ მახსოვს.

ე თ ე რ ი (ჩაფიქრებული), თუმცა სურნელი დამკქნარ
ვარდსაც ხომ შერჩენია?!

მ უ რ მ ა ნ ი. მშვიდობით იყავ, დაკრტე კარი.

ე თ ე რ ი. რა დაგემაართა? ან რად ჩქარობ? ათარა
ვსურს გაიმეორო ტკბილი სიტყვები?

მ უ რ მ ა ნ ი. ვერ გავიგე, ტკბილს რას უწოდებ, რი-
თაც დავიწყე?

ე თ ე რ ი. ჰო, სიყვარულზე რად არ ამბობ ალარც ერის სიტყვას?

მ უ რ მ ა ნ ი. ცხოველი ძებნა, მისწრაფება მარადობისკენ სიყვარულად გინდა მონათლო?

ე თ ე რ ი. ალბათ ნამდვილი სიყვარული მაგით სულდგმულობს.

მ უ რ მ ა ნ ი. ერთმანეთთან მათ საერთო არაფერი აქვთ

ე თ ე რ ი. რატომ?

მ უ რ მ ა ნ ი. სიყვარული კაცთანვე კვდება... და უფრო აღრეც!..

ე თ ე რ ი. განა ძიება არა კვდება ადამიანთან?

მ უ რ მ ა ნ ი. რაღაცა რჩება.

ე თ ე რ ი. სიყვარულიც ხომ ტოვებს რამეს?

მ უ რ მ ა ნ ი. უიმედო ახალ სატანჯველს.

ე თ ე რ ი. თვით სიყვარული იძლევა იმედს.

მ უ რ მ ა ნ ი. მაგ სილამაზით (პაუზა) ეგ შენ უკეთ გეცოდინება.

ე თ ე რ ი. მე ერთ სიყვარულს შევესწარ-მეთქი, აკი გითხარი. როცა მამაჩემს შეუყვარდა მეზობლის ქალი, მე ლოგინის ქვეშ ვთამაშობდი, მათ შეეშალათ და ჩემ მაგივრად დედის ნაყოლი ორბი მოკლეს, ლოგინში მჭდომი.

მ უ რ მ ა ნ ი. მაშასადამე სიყვარული ბოროტებაა.

• ე თ ე რ ი. ჩემივე სიტყვით გახვლება გსურს? თუკი ეგრეა, მაშინ იცოდე, ის იყო მხოლოდ ავხორცობა. სიყვარული სულ სხვა რამ არის.

მ უ რ მ ა ნ ი (წაიწივებს ვთერისაკენ). საიდან იცი?

ე თ ე რ ი. გამცილდი, ველარ ვუგებთ ჩვენ ერთმანეთს. . .

პაუზა.

მ უ რ მ ა ნ ი. დაისი დგება. . .

ე თ ე რ ი. დღისა და ღამის შესვენებაა.

მ უ რ მ ა ნ ი. დღე და ღამე გაერთიანდნენ და, როს ბოროძიკით გაიყრებიან, დრო დაგვანახებს თავის ნაბიჯებს.

ე თ ე რ ი. წადი. . .

მ უ რ მ ა ნ ი. სათხოვებით გინდა ატყუო ხალხი, იმედი მისცე?

ე თ ე რ ი. იმას ვაკეთებ, რაც შემძლია.

მ უ რ მ ა ნ ი. არაფერი არ შეგიძლია, ეგ სიცრუეა!

ე თ ე რ ი. შენ შეხს უდაბნოს მიაშურე — კარი ღიაა.

მ უ რ მ ა ნ ი. ავი სული თუ არ არსებობს, მე გაღვიქცივი თვითონ სატანად.

მურმანი მიიწევს ეთერისაკენ. იწყება ჭიდილი. ეს არის სცენა პირობითი ბრძოლისა, და არ უნდა ატარებდეს სექსუალურ შეფერილობას. მომდევნო ორი რეპლიკა ბრძოლის წამიერ შესვენებებში უნდა წარმოითქვას.

უახვორცოდ არ არსებობს არც სიყვარული.

ე თ ე რ ი. მაშინ ჯობია, არ იცოცხლოს კაცმა არც ერთ დღეს. . .

მ უ რ მ ა ნ ი. იქნებ პირიქით. . .

ბოლოს, როდესაც ყველაფერი დამთავრებულია, ორივენი შერიგებულები, ან უფრო სწორედ, ორივე დამარცხებული შორღება ერთმანეთს, უსიტყვოდ. მურმანი გადის სინათლე ქრება.

სატახტო ღარბაზი

დიდ ვეზირს გვერდზე ორი ქალათი უდგას. აქვე არიან: დედარ-ვეზირი, ქოსა-ვეზირი და შესამე ბჰე.

დიდი ვეზირი. თქვენა გგონიათ, მოსაწონია, რომ

მურმანი გიჟად გამოაცხადეს? ან კიდევ უფრო მოსაწონი ის იქნებოდა, მოეკლათ ღვთისა და მამის წინააღმდეგ წასული შვილი?

დე ვ დ ა რ - ვ ე ზ ი რ ი. არამც და არამც, თქვენს ბრწყინვალეობას მაშინ მეტი მტკიერი გაუჩინდებოდა.

დი დ ი ვ ე ზ ი რ ი. რაც მეტია მტერი, მით იოლია ცხოვრება.

ქ ო ს ა - ვ ე ზ ი რ ი. ჰეშმარიტია და გასაგები ყოველი სიტყვა, დიდო ვეზირო.

დი დ ი ვ ე ზ ი რ ი. უნდა პირდაპირ ვაღიაროთ, რომ ჰირი იყო ჩვენს ქვეყანაში, მაგრამ ღვთისა და ღვთის შვილთა მადლით, ჩვენი მცდელობით საგრძნობლად იკლო, აღარ არის თითქმის აღარსად.

ახლა მურმანის დაბრუნება უნდა როგორმე ვაცნობოთ მეფეს. ვშიშობ, არ გაწყურეს და არ დაგერიოთ თქვენ, სახელმწიფოს მყუდროება რომ გევალებათ.

||| ბ ჰ ე. დამნაშავე ვართ, დამნაშავე დიდო ვეზირო!

დე ვ დ ა რ - ვ ე ზ ი რ ი. დიახ, მურმანი ტყუპის ცალია და შეიძლება მოითხოვოს ისეთივე უფლებები, როგორც ძმას აქვს...

დი დ ი ვ ე ზ ი რ ი (შეპყვირებს). თანასწორუფლებიანი ისინი არიან, ვისაც არა აქვთ უფლებები. (ღიწჯად), თუკი ღმერთების წინააღმდეგ აღსდგა მურმანი, რატომ დაიხვეს თქვენ წინაშე, მეფის წინაშე?

დე ვ დ ა რ - ვ ე ზ ი რ ი. იიმმ... დიდო ვეზირო, რომ მოვიფიქროთ საკადრისი რამ საქციელი?

დი დ ი ვ ე ზ ი რ ი (აწყვეტიანებს). გააძლიერებ სასახლის დაცვა. ჩემი უსტარის გარეშე უცხო არავინ შემოიპაროს. მე ვიმეორებ კიდევ ერთხელ: არ მიუგზავნოთ

ვინმე მკვლელი, მაგალითად, მეძავი ქალი საწამლავეთ ან დანით ხელში, შემდეგ კი მკვლელი არ დასაჯოთ და თქვენს პირად მტრებს არ დააბრალოთ, რათა გამდიდრდეთ და გაძლიერდეთ ორმაგად კიდევ.

დე ვ დ ა რ - ვ ე ზ ი რ ი. ყოველი სიტყვა გასაგებია, დიდო ვეზირო.

დი დ ი ვ ე ზ ი რ ი. თუკი მურმანი გამოჩნდება და თავისივე ნებით მოინანიებს საკუთარ ცოდვებს, ყურს მოვჭრით მხოლოდ, აბესალომში რომ არავის აერიოს. აბესალომს კი დიდი ქორწილი უნდა მოვუწყოთ, საკადრისი ტახტის მემკვიდრის. არ დაიშუროთ საჩუქრები, თამაშობები, რაც რომ ისურვონ აბესალომმა და გლეხის ქალმა. ჩემი მასხარის დაძახება არ დაგავიწყდეთ; ამასთან ერთად თვალი გეჭიროო, დაპატიუებით მოიწვიეთ ყველა სტუმარი.

დე ვ დ ა რ - ვ ე ზ ი რ ი. თუმცა მურმანი ძლიერა ჰგავს აბესალომს, იმედი მაქვს გამოვარჩიოთ, მოგეხსენებათ, მას ვასწავლიდი ვარსკვლავთცვენის მეცნიერებას.

დი დ ი ვ ე ზ ი რ ი. მისი განიზნვა ყველაზე მეტად შენა გბრალდება.

ქ ო ს ა - ვ ე ზ ი რ ი. ალბათ დიდი მეფეც ამასვე ამბობს.

დი დ ი ვ ე ზ ი რ ი. არ არის ეგ თქვენი საქმე, რას ამბობს მეფე.

III ბ ჭ ე. მე ხომ ვამბობდი, დამნაშავე ვარ, დამნაშევე, დიდო ვეზირო!

დი დ ი ვ ე ზ ი რ ი დგება და ზოცელილივით ისევ ვარდება სკამზე. დედარ-ვეზირი და ქოსა-ვეზირი მისცივდებიან, ქოსა-ვეზირი წყლით სავსე ფიალას აწვდის.

დევდარ-ვეზირი. შეუძლოდა ხართ, დიდო ვეზირო?

ქოსა-ვეზირი. ცუდი ფერი გაქვთ, მიირთვით წყალი. (დიდი ვეზირი გონს მოვიდა, აუქნევს ხელს).

დიდი ვეზირი. მიჰქარავ! უცებ ძილი მომერია, გადავიღალე თქვენი ყბედობით. (ჩიქურ წამოდგა), ნულარ აყოვნებთ, მიხედეთ საქმეს. (გადის ყალათებთან ერთად).

დევდარ-ვეზირი. ამოიყვანეთ დილეგიდან შუქურნა-როსკიპი. (მესამე ბჰე გადის). ბოლო ხანებში გამოთაყვანდი, ქოსა-ვეზირო.

ქოსა-ვეზირი. ფერი არ ჰქონდა, კირიანები რომ მინახავს, მთლად იმათ ჰგავდა.

დევდარ-ვეზირი. მართლაც დაბერდი, რეებს როშავ? ის რალა იყო, მეფეც, ალბათ, მაგ აზრს ადგასო? მეფის ხსენება სულ ყოველთვის არ გამოდგება.

ქოსა-ვეზირი. მართალი ხარ, დევდარ-ვეზირო, გადამავიწყდა ხუცესთა ლოცვა, დაისის უამს მზის მაგიერ მთა ანათებსო.

შემოჰყავთ შუქურნა.

დევდარ-ვეზირი. ხომ იცი, რა ჩაიდინე შუქურნა-როსკიპო? ხელი აღმართე უფლისწულზე, მოკვლა გინდოდა.

შუქურნა. განა ვიცოდი, რომ მურმანი მეფის შვილია?

დევდარ-ვეზირი. ვალდებული იყავ გცოდნოდა.

შუქურნა. ლოცვა ჩაშალა... .

დევდარ-ვეზირი. სსსუუუ, გაჩუმდი, ჩუმად! თუ წესიერად და ჰკვიანად არ მოიქცევი, თავს დააბრალე.

შუქურნა. რა ჰკუა გინდათ?

დევდარ-ვეზირი. ახლა ხომ იცნობ მურმანს სახით?

შუქურნა. მე მგონი ვიცნობ, რა არის მერე?
დევდარ-ვეზირი. ქოსა-ვეზირი აგიხსნის მაგას.
ქოსა-ვეზირი. მოდი, აქ დაჯექი, მომიახლოვდი.
'შენ ხომ იცი, მამად გეკუთვნი, მაგრამ...

შუქურნა. ბაბუადაც, ქოსა-ვეზირო...
ქოსა-ვეზირი (დაყვავებით). ჰო, ბაბუადაც, მაგ-
რამ სახელმწიფო მოვალეობა... საერთოდ, ქალი უფ-
რო იოლად უახლოვდება მამაკაცს..., ჰოდა, შენ თუ მო-
ინდომე და ეს გააკეთე...

შუქურნა (პრანკვიზით). სულაც არა ვარ მე იმნაირი.

ქოსა-ვეზირი. ველარა ხვდებით რაზე მოგიხმეთ?

შუქურნა. ააა. აკი, მართლა, ჩემი დაქალნიც
მეუბნებოდნენ, ზოგი მოხუცი (პრანკვიზით მიიწევს ქოსა-ვე-
ზირსაკენ). არ არისო ისე მოხუცი და, მაგალითად, ბა-
ლანი ყურზე, მელოტი თავი... (გადაუსვა ხელი).

ქოსა-ვეზირი. ეგ ვერ იქნება თავაზიანი.

დევდარ-ვეზირი. შენ არ გესმის რას გეუბნებით?

შუქურნა. მერედა, ვინ ამბობს უარს? (ეხვევა
ქოსა-ვეზირს), მოხუცო, მოდი, მომეალერსე, მომეკიდე ხე-
ლე და გაიხარებ, გეგონება თავი ოცი წლის.

დევდარ-ვეზირი. მოეშვი მაგას.

შუქურნა. შენც აგერ მოდი, დევდარ-ვეზირო, და-
განახებ, თუ რა ტანი მაქვს. (ივლევს ტანსაცმელს).

დევდარ-ვეზირი. კმარა, გაჩერდი, რეებსა სჩა-
დი, გადაირიე?!

შუქურნა, მაშ, როსკიპისაგან რა გინდოდათ:

დევდარ-ვეზირი. დაჯექი, წყნარად, მოისვენე,
დაგვიგდე ყური.

ფ ა რ დ ა.

ეთერის ზმანება

ზემოდის მურმან-აბესალოში, სიმბოლურ სამოსელში.

მ უ რ მ ა ნ - ა ბ ე ს ა ლ ო შ ი . შენ რა წამლობა შეგიძლია?

ე თ ე რ ი . მალამოს მიეცემ, დავაპურებ ან წყალს შევასმევ, შევფლოცავ, თავს გავუხილავ.

მ უ რ მ ა ნ - ა ბ ე ს ა ლ ო შ ი . არჩენ იმისთვის, რომ იტანჯონ და დაიხოცონ? სხვა რამ იმედს რა ეშველება?

ე თ ე რ ი . ნუგეშთან სიტყვას ვეტყვი.

მ უ რ მ ა ნ - ა ბ ე ს ა ლ ო შ ი . მაინც რა სიტყვას?

ე თ ე რ ი . სხვადასხვა რამეს და დროებით დავაიმედებ. . .

მ უ რ მ ა ნ - ა ბ ე ს ა ლ ო შ ი . არა! -სამუდამო და ერთი რამე:

ე თ ე რ ი . ეგ მიუწვდომელ მთის მწვერვალზე თუ იპოვება.

მ უ რ მ ა ნ - ა ბ ე ს ა ლ ო შ ი . ზემოდან მწვერვალი ხე-ვია მხოლოდ.

ე თ ე რ ი . მერედა, როგორ მივალწევთ მწვერვალს?

მ უ რ მ ა ნ - ა ბ ე ს ა ლ ო შ ი . გზაზე კვამლივით ავარდნილ მტვერს ხომ ქარს ვეძახით? მოტაცებულ ქუდს? თავდახრილ ხეებს? ისინიც ქარის სახეებია.

ე თ ე რ ი . უჩინმაჩინად არსებულა ის ქვეყანაზე.

მ უ რ მ ა ნ - ა ბ ე ს ა ლ ო შ ი . თუკი არსებობს. . .

ე თ ე რ ი . სიყვარულზე რატომ არ ამბობ აღარც ერთ სიტყვას.

მ უ რ მ ა ნ - ა ბ ე ს ა ლ ო მ ი . უსიყვარულოდ ყოველივე
ბოროტებაა.

ე თ ე რ ი . აკი გითხარი, რომ მამაჩემი სიყვარულის
გულისთვის მკლავდა.

მ უ რ მ ა ნ - ა ბ ე ს ა ლ ო მ ი . გკლავდა?

ე თ ე რ ი . დედინაცვალმა მოინდომა ჩემი სიკვდილი.

მ უ რ მ ა ნ - ა ბ ე ს ა ლ ო მ ი . ეგ ხომ სიყვარულს არ
ეკუთვნის, სიძულვილია.

ე თ ე რ ი . წარმოშობილი სიყვარულიდან... ან რატომ
გიყვარს ის, ვინც გიყვარს და არ სხვა ვინმე?

(პაუზა):

მ უ რ მ ა ნ - ა ბ ე ს ა ლ ო მ ი . მ'შვიდობით იყავ, დაკე-
ტე კარი.

ე თ ე რ ი . რა მოგივიდა? ან რად მიდიხარ? აღარა
გსურს გაიმეორო ტკბილი სიტყვები?

მ უ რ მ ა ნ - ა ბ ე ს ა ლ ო მ ი . ტკბილს რას უწოდებ
ვერ გავიგე, რითაც დავიწყე.

ე თ ე რ ი . ჰო, სიყვარულზე რად არ ამბობ აღარც
ერთ სიტყვას?

მ უ რ მ ა ნ - ა ბ ე ს ა ლ ო მ ი . უარცყავი ძალაუფლება,
რათა ვიყო შენი საფერი.

ე თ ე რ ი . მერე?

მ უ რ მ ა ნ - ა ბ ე ს ა ლ ო მ ი . მერე, შევერთდეთ.

ე თ ე რ ი . მერე?

მ უ რ მ ა ნ - ა ბ ე ს ა ლ ო მ ი . ვილხინოთ.

ე თ ე რ ი . მერე?

სინათლე იცვლება, მურმან-აბესალომი გადის.

ე თ ე რ ი (მუხლებზე დაჩოქილი).

მზეო, ამოდი, ამოდი,
ნუ ეფარები გორასა,

სიცივეს კაცი მოუკლავს,
საწყალი აგერ გორავსა.

ოტა ხნის შემდეგ შემოდის აბესალომი, ყვავილებით ხელში.
ა ბ ე ს ა ლ ო მ ი (მღერის). მე ბანი-ბანად გეძებდი,

შენ ბალი-ბალჩად გეძინა,
გაგეხსნა ოქროს საკინძე,
ბროლის გულმკერდი გეჩინა.

ეგ მოკაშკაშე დალალი
მორევად გადმოგეფინა.

ე თ ე რ ი. მე კი მეგონა ველარ განახავდი კვლავაც
ვერასდროს...

ა ბ ე ს ა ლ ო მ ი (აქლავს დანას). დედ-სუფლი ნაქონი ეს
ოქროსტარა დანათ ალობის, წიგნად მიიღე და ატარებ-
დე თანაო.

ე თ ე რ ი. შენმა მოლალურის ჰანგმა
გულში ნუერი შემირბილა.
ყვავილების ამ კალათით
გვირილას და ლილიფარას
დავწნი გვირგვინს
და შევეერთდეთ,
თუ ღმერთები დაგვიფარავს.

ა ბ ე ს ა ლ ო მ ი. მოდი შევეფიცოთ ჩვენ ერთმანეთს
მზეო, ცხრათვალავ.

ე თ ე რ ი. როგორ მახარებს შენი აგრე გამოდარება
(ეხვევა). ისევ ჩაიცვი ოქრომკედი? ჩემო ბესია, რარიც
გიხდება...

ა ბ ე ს ა ლ ო მ ი. არ დამრთეს ნება, მეტარებინა ქუ-
ლაჯა გლეხის, ეშინიათ, ჩემს ტყუპ ძმაში არ ავირიოთ!

ე თ ე რ ი. განა ევრე გგავს? ან რა აშინებთ?

ა ბ ე ს ა ლ ო მ ი. ვერ გამიგია და არც მინდა ვიფიქ

რო მათზე. თუ მამაჩემი ცოცხალია, მე ვერ მივმხვდარ-
ვარ მის მოქმედებას.

ე თ ე რ ი. გინდოდა კია მისვედრილიყავ?

ა ბ ე ს ა ლ ო მ ი. მე საფიქრებლად სიყვარულიც მაკ-
მარა ღმერთმა. მალე მურმანი დაბრუნდება და მან იფი-
ქროს. უკვდავებისა წყლის საძიებლად არის წასული.

ე თ ე რ ი. შენც სომ ეძიებ?

ა ბ ე ს ა ლ ო მ ი. სისულელეა.

ე თ ე რ ი. სისულელეა?

ა ბ ე ს ა ლ ო მ ი. იმიტომ, რომ უკვდავება სიყვა-
რულშია:

ე თ ე რ ი. სულ მთლად ამრიგე, ანდა ბანზე ამიგდე
სიტყვა...

ა ბ ე ს ა ლ ო მ ი. ბედნიერებას ვგულისხმობდი უკვ-
დავებაში.

ე თ ე რ ი. და სიყვარულში ჰპოვე იგი?

ა ბ ე ს ა ლ ო მ ი. ყველა კითხვაზე ჩვენ გავეცით უკ-
ვი პასუხი. ფიქრი მას მოსდის, ვინც არ არის კმაყოფილი
ამ ქვეყანაზე. ჩვენ კი ვიმღეროთ, ვითამაშოთ, გავმხიარ-
ულდეთ, ვისიყვარულოთ.

ე თ ე რ ი. ისევ იმას უბრუნდები, რაც უარპყავი.

ა ბ ე ს ა ლ ო მ ი. ეგ ნუ გადარდებს; ადამიანი წალმა
იტყვის, ხან კი უკუღმა. მოდი, გეთაყვა, ვისაუბროთ შე-
უღლებაზე. (ეთერი არ პასუხობს.) სამეფო ტახტი თანახმაა
ქორწინებისა.

ე თ ე რ ი. იქნებ მურმანმა მიაკვლია უკვდავების
წყალს?

ა ბ ე ს ა ლ ო მ ი. რომ მიეკვლია, გავიგებდით, გამო-
ჩნდებოდა.

ე თ ე რ ი. უჩინმაჩინზე მსურს გავიგო...

ა ბ ე ს ა ლ ო მ ი. უჩინმაჩინზე მოგიყვები უამრავ ზღაპარს, გიმღერებ ლექსებს, სალამურზე დაკვრას გასწავლი. ჩემი მსახურნი მოიტანენ შენთვის ტანსაცმელს. გამოეწყობი სადედოფლოდ, ჩაიცვამ ფარჩებს. ოლი გვირგვინი დაიტოვე გვირილის და ლილიფარასი. ეი, მსახურნო, უხმეთ ფარეშებს!

ფ ა რ დ ა.

ორკესტრში შემოდის მოხუცი პიანისტი ძველ პალტოში, გახუნებულ შლაპით და ქრელი გაცვეთილი კაშნეთი. იწყებს დაკვრას, ფარდის წინ ეკრანია, ნამდვილი ან მულტფილად გამოსახული მოქმედება; ალის კბილებისაგან აშენებული კოშკი-სასახლე. მალე ცაში შენელებული ჩიკორებივით ბზრიალებენ მტრედები — სამი შავი და ერთი თეთრი. ელიფსისებურ წრეებად გარს უტრიალებენ კოშკის კენწეროს. შავი ფერის მტრედები გვერდიგვერდ, ერთ რიგსა და ერთ ტემპში თავისუფლად ფრენენ. თეთრი მტრედი კი ძლივ-ძლივს სადღაც წაშოეწევა, გაუსწორდება, დაეწევა თითქოს და როდესაც მიზანი თითქმის მიღწეულია, ისევ უიმედოდ ჩამორჩება, კიდევ და კიდევ...

ბებრის ციხე

ღამეა, ბერიკები, ბაბუხაღია, და 5 სხვა ბერიკა ირთებიან. ქეჩის ნიღბებს; ტახის თავებს, დათვის, მელიისა და სხვა მხეცების ნიღბებს და ტყავაკაბებს ირგებენ.

I ბ ე რ ი კ ა. დავუჩქაროთ, სანამ მთვარე ცოტა მაინც ანათებს, თორემ ღრუბლებში თუ მიიმალა, ბებრის ციხიდან ვეღარ ჩავალთ, კისერს მოვიტებთ.

II ბ ე რ ი კ ა. გაუგონარი ამბავია: ბერიკებს სასახლეში გვპატიყებენ, თანაც მეფისწულის ქორწილში.

I ბ ე რ ი კ ა. დიდი პატივი დაგვდეს, ამას ეთერს უნ-

და ვუმადლოდეთ, ალბათ იმან თუ მოისურვა ჩვენთან ქეიფი.

II ბერიკა. მაშ არადა, ბიჭო, დიდ ვეზირს მეტი დარდი არა აქვს, ჩვენს ტინგიცობას უყუროს. რას გაჩუმებულხარ, ბაბუხადია?

ბაბუხადია. ვფიქრობ, ორი საზამთრო ერთ ხელში როგორ დავიჭირო.

I ბერიკა. მაინც რას?

ბაბუხადია. ჩვენს ახლებურ ბერიკაობაზე ვფიქრობ.

შემორბის ბერიკა ბიჭი.

ბერიკა-ბიჭი (პათოსით). ჰო, ბაბუხადია, ახლებურად ვითამაშოთ, ისე ვითამაშოთ, რომ...

ბაბუხადია. მოიცა. ჰო, სად დაეხეტები ამ შუალანეს, სად იყავი?

ბერიკა-ბიჭი. იქა... იმმ... ბაბუხადია, ყანაში, (მუცელზე იკიდებს ხელს). ისეთი უკუნეთია, თითი რომ თვალთან მიიტანო, ვერ დაინახავ.

ბაბუხადია. რომ წამოითხრი მაგ თვალსა, მაშინაც ვერ დაინახავ?!
I ბერიკა. მართალს ამბობს ბიჭი, სასახლეში ახალი რამ უნდა გავითამაშოთ...

ბაბუხადია. ახალი, ახალი! ახალი. არაფერია ამ ქვეყანაზე, მამლის ნიღაბს თუ გაიკეთებ და მგელივით იტუნდრუტებ, აქაოდა — მამლობა ძველიაო, კეტებით დაგეეეენ...

ბერიკა-ბიჭი. არა, ეგ კი არა, (პათოსით.) ისეთი რამ, აი, ახლებურად, აი... ოოზზ, ისეთი რამ რა...

ბაბუხადია. დადინჯდი, დადინჯდი.

ბერიკა-ბიჭი. აღარ მინდა წელანგარა პატარძლის თამაში, გააწყალა გული ამ მტვრიანმა ქეჩამ, დაბერტ-

ბაბუხადია. დადინჯდი, დადინჯდი.

ბერიკა-ბიჭი. აღარ მინდა წელანგარა პატარძლის თამაში, გააწყალა გული ამ მტვრიანმა ქეჩამ, დაბერტ-

ყე — არ დაბერტყე... აღარც კეკელა დედოფლობა
მინდა და არც მთვრალეების ბლლარძუნნი.

ბ ა ბ უ ხ ა დ ი ა . პატარძალს აღარ ითამაშებ, ეგრევე
გამოხვალ, როგორცა ხარ.

ბ ე რ ი კ ა - ბ ი ჭ ი . უნიღბოდ?

ბ ა ბ უ ხ ა დ ი ა . ჰო.

ბ ე რ ი კ ა - ბ ი ჭ ი . მერე რას გავაკეთებ?

ბ ა ბ უ ხ ა დ ი ა . მაგას დილით გეტყვი.

II ბ ე რ ი კ ა . საზამთროზე რომ თქვი, ვერ გამიგია,
ვითომ ორი რათა ერთ ხელში?

ბ ა ბ უ ხ ა დ ი ა . იმდა, რომ მართალიცა ვთქვით და
კარგადაც ვქამოთ. იქნებ ხურჯინშიც კარგი საგზალი
ჩაგვილაგონ.

II ბ ე რ ი კ ა . ჰმ!

ბ ა ბ უ ხ ა დ ი ა . მიხვდი, კვახ-ბერიკ?

უკაცუნებს თავზე წამოცმულ გოგრის ნიღაბს.

ბ ე რ ი კ ა - ბ ი ჭ ი . ეს ხომ ისე გამოდის, მამალი ვითა-
მაშო და მგელივით ვიცუნდრუკო, არა, ბაბუხადია,
(პათოსით.) მე უფრო ის მინდა, აი... იცი რა... (უცებ მუ-
ცელზე იკიდებს ხელს და გარბის).

ბ ა ბ უ ხ ა დ ი ა (მოაძახა). ოჰ, შე უქნარა, მაგისტვის თუ
შეხვალ ყანაში, თორემ სამუშაოდ კაცი კეტით ვერ შე-
გაგდებს.

შემოდის მურმანი.

მ უ რ მ ა ნ ი (ვერ ამჩნევს ბერიკებს). ეთერ ქალო, გააღე
კარი!

ბ ა ბ უ ხ ა დ ი ა . ვილაც ჰირიანი მოვიდა, აღბათ, ეთერ
ქალი არ გახლავთ.

მ უ რ მ ა ნ ი . გააღე კარი, ვინ ოხერი ხარ?

ბ ა ბ უ ხ ა დ ი ა . კარი ღიაა. (შემოდის მურმანი).

მ უ რ მ ა ნ ი. ბაბუხადია?

ბ ა ბ უ ხ ა დ ი ა. ველარ დარწმუნდი, რომ ბრმას არც დაქვრა შეუძლია და არც გაქცევა?

მურმანი გაჩუმებულია.

ბ ა ბ უ ხ ა დ ი ა. რაღას დაეძებ?

მ უ რ მ ა ნ ი. ეთერი სად არის?

ბ ა ბ უ ხ ა დ ი ა. არ გაგიგია? ხვალ ქორწილი აქვს სასახლეში. ბერიკებიც დაგვპატიყეს, იქა ვთამაშობთ.

მ უ რ მ ა ნ ი. რა ქორწილი, რეგესა ზღანდაე?

ბ ა ბ უ ხ ა დ ი ა. შენს ძმას აბესალომს ცოლად მოჰყავს ეთერ ქალი.

მ უ რ მ ა ნ ი. არა თუ მართლა?

ბ ა ბ უ ხ ა დ ი ა. ვფიცავ კვირიკეს!

მ უ რ მ ა ნ ი. აბესალომი? (გარბის ციხისკენ).

ბ ა ბ უ ხ ა დ ი ა. მოიცა, მურმან, სად გარბიხარ, რა დაგემართა?

ისმის ქალს შეკვივება.

მ უ რ მ ა ნ ი ს ხ მ ა ს ი ბ ნ ე ლ ე შ ი: ნუ გეშინია, მე ვარ, მურმანი, ასეც ვიცოდი. ხუმრობს თურმე ბაბუხადია, ჩემო მზეთუნახავო, მე უშენოდ არ გამოითენდეს არც ერთი დღე. სულ დავივიწყე უკვდავებაც, სასახლე, ჭირი, დავიღარაბა. ასე მგონია, ჩემთან ერთად ხარ შენც შობილი და დაკარგული. მოგიპოვე დღეს, რომ ყოველთვის შენთან ვიყო მონად, მორჩილად, მბრძანებლად, თუ გინდ აჩრდილად! გამოდო, აქეთ, დამენახვე, მითხარი რამე.

შემოჰყავს შავებში ჩაცმული შუქურნა-როსკიპი, სახეზე პირბადე უკეთია.

ბ ა ბ უ ხ ა დ ი ა. ვფიცავ, კვირიკეს, ავი სულია, მოიხსენი, ქალო, პირბადე.

შუქურნა. ბაბუხადია, შუქურნა ვარ, რა უნდა ჩემგან, რას მემართლება! (ჩამოიხსნა პირბადე.)

მურმანი და ბაბუხადია. შუქურნა?

მურმანი ისევ გარბის ციხისაკენ და მიიმალება.

ბაბუხადია. შენ ხომ დილეგში დაგამწყვდიეს, აქ როგორ მოხვედი?

ბერიკა. ალბათ ჯალათს გაეკურკურა.

შუქურნა. უმაგისოდ ვერც თქვენი ბერიკაობა გამოდის კარგი.

ბაბუხადია. ამ შუალამეს რას დაწანწალებ?

შუქურნა. უნდა მიმიღოთ, მათამაშოთ რაიმე თქვენთან. სასახლეში მინდა მოხვედრა. ძვირფას საჩუქრებს გპირდებიან თურმე ვეზირნი.

შემოდის ბერიკა-ბიჭი.

ბერიკა-ბიჭი. რა ბედზე გაჩნდა შუქურნა ჩვენთან! ბაბუხადია, პატარძლის როლი შუქურნასთვის დამილოცნია, მე კი ვითამაშებ ისეთ რამეს. . .

ბაბუხადია. დადინჯდი-მეთქი.

ბერიკა-ბიჭი. აი, ისეთ რამეს, რომ ყველაფერი ერთად იყოს!

შემოდის მურმანი.

მურმანი. ხმა ამოიღეთ, ხომ ტყუილია ეს ყველაფერი? იქნებ შესიზმრა ის ამბავიც, ანდა საიდან, როგორ მოხდა. აბესალომს აქ რა უნდოდა?

ბაბუხადია. შეუყვარდათო ერთმანეთი.

მურმანი. გაუგებრობას აქვს ადგილი, ბაბუხადია.

ბაბუხადია. შენ მართლაც ხომ არ ერეკები?

პაუზა.

მურმანი. ესე იგი, სასახლეში იქნებით ხვალე?!

შ უ ქ უ რ ნ ა (მურმანს). შენც წამოდი ჩვენთან ერთად, გაიხალისებ.

ბ ა ბ უ ხ ა დ ი ა. სასახლეში მურმანის მისვლა არ შეიძლება.

I ბ ე რ ი კ ა. ან ვინ შეუშვებს. უსტარი უნდა.

შ უ ქ უ რ ნ ა. თავისივე სახლში არ შეუშვებენ?

ბ ა ბ უ ხ ა დ ი ა. ვინც მიუწვევლად სასახლეში ფეხს 'მეადგამს, სიკვდილია იმისი ზვედრი — ბრძანება არის.

ბ ე რ ი კ ა-ბ ი ჯ ი. ბერიკას ნიღბით?

ბ ა ბ უ ხ ა დ ი ა. დააყენე, ბიჭო, ეგ ენა, მომე უსტარი, შენ მოგაბარე.

ბერიკა-ბიჭი ეძებს უსტარს.

I ბ ე რ ი კ ა. არ დავიღუპოთ და არ თქვა ახლა, დამეკარგაო.

ბერიკა-ბიჭი ეძებს უბეებში.

ბ ე რ ი კ ა-ბ ი ჯ ი. აქ იყო, აქა, ბაბუხადია, ნუ გეშინია.

ბ ა ბ უ ხ ა დ ი ა. სასახლეში ვილა შეგვიშვებს, ჩოგორ თუ ნუ მეშინია! ზომ გითხარი, გაუფრთხილდი-მეთქი თვალის ჩინიეთ?

ბ ე რ ი კ ა-ბ ი ჯ ი. ალბათ იქ თუ ამომივარდა, აი, იქ...

ბ ა ბ უ ხ ა დ ი ა. სად იქ, გარკვევითა თქვი, გაგვაგებინე!

ბ ე რ ი კ ა-ბ ი ჯ ი. იქ, ყანაში. . .

I ბ ე რ ი კ ა. ვილა იპოვის ამ უკუნეთში.

ბ ა ბ უ ხ ა დ ი ა. ვეძიოთ, ყველამ.

II ბ ე რ ი კ ა. დაგვლუბა ამ ჭიშქალღმა, როგორ ვიპოვით, დილით კი უკვე დავიგვიანებთ.

I ბ ე რ ი კ ა. ვინლა მოგვცემს მეორედ უსტარს?

ბ ა ბ უ ხ ა დ ი ა. მოიცათ, ასე ვერ ვიპოვით, ბიჭო. როგორ თქვი, სად დამეკარგა?

ბ ე რ ი კ ა-ბ ი ჭ ი. ყანაში როცა ჩავცუტქდი, თუ ამო-
მვარდა.

ბ ა ბ უ ხ ა დ ი ა. სუნით ვეძებოთ! იქვე იქნება!

ყნოსვა-ყნოსვით, ყველანი გადიან. მურმანი ბაბუხადას შეაჩე-
რებს.

მ უ რ მ ა ნ ი. ბაბუხადია, თქვენთან ერთად მეც წამი-
ყვანე.

ბ ა ბ უ ხ ა დ ი ა. ხიფათს რამეს გადაეყრები. . .

მ უ რ მ ა ნ ი. გადავეყარო, მეც ეგა მსურს, გადავე-
ყარო.

ბ ა ბ უ ხ ა დ ი ა. ჩვენც გადაგვკიდებ უბედურებას...

მ უ რ მ ა ნ ი. ნუ დამაფიცებ, საფიცარი აღარა მაქვს-
რა, ოღონდ კი მოვხვდე სასახლეში და ყველაფერს ისე
შევასრულებ, როგორც ინებებ.

ბ ა ბ უ ხ ა დ ი ა. თუ არაფერს მოიმოქმედებ, მაშ
ტყუილ-უბრალოდ რაღად გინდა ქორწილზე ყოფნა?

მ უ რ მ ა ნ ი. ერთი შეეხედო. გავერკვიო, რაშია საქმე.

ბ ა ბ უ ხ ა დ ი ა. თუ შეგიძლია ან თამაში, ანდა სიმ-
ღერა?

მ უ რ მ ა ნ ი. უცხო ქვეყნებში სახიობა მემარჯვებოდა.

შ უ ქ უ რ ნ ა. წაგვიყვანე, ბაბუხადია, მე პატარძალს
ვითამაშებ, მურმანი კი ეკლიანი საქმრო იქნება.

ბ ე რ ი კ ა-ბ ი ჭ ი (შემორბის ყვირილით). ვიპოვეთ, ვნა-
ხეთ, ნუ გეშინია, ბაბუხადია!

ფ ა რ დ ა.

სასახლის ღარბაზი

დიდი კერიის წინ, რომელიც ქართულ ბუხარსაც ჰგავს და ევ-
როპულსაც, დგას მრგვალი მაგიდა 5-6 კაცზე. მაგიდაზე ხორაგია,
ქნარისა და წინწილების შენელებულ ჰანგებზე შემოდინან აბესა-

ლომი და ეთერი. ეთერს ყვავილების გვირგვინი ახურავს და სა-
პატარძლო ტანსაცმელშია გამოწყობილი. აბესალომის ტანსაცმელი
ბრწყინვალეობას აფრქვევს. დიდებულები მეორე ზოგადო მაგი-
დასთან დგანან, რომელიც კულისებში იკარგება. ეთერს და აბე-
სალომს წინმოუძღვის ხუცესი. იგი კერძასთან შეჩერდება. აიღებს
იქვე მიყუდებულ დიდ (შვილდს, თალისებურად დადგამს კერიის
წინ; მასში გაივლიან ეთერი და აბესალომი. ეთერი მარჯვნივ დგას,
აბესალომი მარცხნივ. შემდეგ ეთერი და აბესალომი შემოუვლიან
მრგვალ მაგიდას სამჯერ და სხდებიან იმავე მაგიდასთან. აქვე არიან
დედარ-ვეზირი და ქოსა-ვეზირი.

ეთერი და აბესალომი დასხდნენ.

ქოსა-ვეზირი (კითხულობს გრავნილს). შეგეწიოთ
მორიგე ღვთის, მზექალისა და კვირა-ცხოველის მადლი.
სამეფო ტახტი მოგესალმებათ. ჩვენი უბრწყინვალესი
მეფის სახელით დიდ ვეზირს უნდა თქვენნი დალოცვა...
(დედარ-ვეზირი რაღაცას ჩასჩურჩულებს ქოსა-ვეზირს).

დედარ-ვეზირი. დღესასწაული გავაგრძელოთ!
დიდი ვეზირი მოგვიანებით შეგვიერთდება. აბა, მასხა-
რას დაუძახეთ, ჩვენს დიდ მასხარას.

შემოდის მასხარა, მას ბერიკას ტანსაცმელი აცვია, ზაგრამ ძვირ-
ფასი ქსოვილებისგან არის შეკერილი.

მასხარა (დიდი პრანკვა-გრებით, ამპარტავნული თავდა-
ჭერებულობით შემოდის), ეს ხელმანდილი, დიდებულნი,
სანამ შეეხება ამ მშვენიერ იატაკს, ჩვენ გავიცინებთ.
(ისერის მოხატულ ხელმანდილს). ხა-ხა-ხა... (დიდებულების
მაგიდაზე ყველანი იცინიან).

ტაში. მასხარა დიდად თვითმყოფილი იერით გადის. ისმის
ხალხური საკრავის, ბულ-ბულის ხმა. შემოდის ბაბუხადია. ზუსტად
ასეთივე ტანსაცმელში, რაც მასხარას აცვია, ზაგრამ მიკერე-
ბულ-მოკერებული, ძლიერ ღარიბული. პირში თეთრი და წი-
თელზოლიანი „ბულ-ბული“ უჭირავს, რომელსაც კამეჩის ფორმა

აქვს. უკრავს. შუა წრეს როდესაც მოაღწევს, ჩერდება, თავს უკრავს ნეფე-დელოფალს. შემდეგ დიდებულებს.

ბ ა ბ უ ხ ა დ ი ა. ჯერ ქვეყანას ვაღმარჯოს, მერე, მას რაც მორჩება! ახლებური ბერიკაობა!! მოთივინიერებული აღამიანი!

ისმის ცირკის ცნობილი მარში. ფარდა ისურება. ფარდის წინ, ავანსცენაზე მარშის ტაქტზე ძუნძულით, სტამბოლ და მელოის ნაბიჯით შემოდის: ტან-ბერიკა, მგელ-ბერიკა, ნელა-ბერიკა, დომ-ბერიკა და ტურა-ბერიკა. ღრენითა რა ღრინაცელით ნახევარწრედ სხდებიან იატაკზე. მოლოდინის სიჩქმე. შემდეგ სოლო ინსტრუმენტის სანტიმენტალური მუსიკის ხმაზე ორ ფესზე მოსიარულე დათვ-ბერიკას შემოჰყავს ოთხ ფესზე მოსიარულე ბერიკა-ბიჭი, უგრიმოდ და უნიღბოდ, თავისივე ტანსაცმელში. ბერიკა-მხეცები, რომლებმაც წრიული აუდიტორია შექმნეს, ტანისკერით ეგებებიან. დათვ-ბერიკას ხელში მათრახი აქვს და ჯიბეში კანფეტი. ბერიკა-ბიჭი დათვივით პირში ხელს ჩაიდებს და წუწნის, აპლოდისმენტები. ოპლა! — იძახის დათვ-ბერიკა, ბერიკა ბიჭი ისევ ფეხზე დგება და დათვივით მოიხატებს, რომ დათვ-ბერიკამ მისცეს კანფეტი, ისიც აძლევს. ისევ აპლოდისმენტები. დათვ-ბერიკა პირში მათრახს ჩაუდებს, რომ კრიკა გაუხსნას. ბერიკა-ბიჭი მგელივით იღრინება. ტაში, სიცილი, ღრინაცელი მხეც-ბერიკებს შორის. ოპლა! იძახის დათვ-ბერიკა. კიდევ ერთი ნომერი: სიმუშეში დათვ-ბერიკა მიუახლოვდება ბერიკა-ბიჭს და რაღაცას ებურღლუნება დათურად, ბერიკა-ბიჭი კანფეტების ჭამისა და მათრახების ქნევის შემდეგ ისევ აღამიანურად დადის და პარტესტსაც კი აცხადებს თითქოს. მერე ისევ ოთხ ფესზე დადგება და ჭყვივის ტურასავით. აპლოდისმენტები. ზოგიერთი დიდებულიც უკრავს ტაშს. შემოდის მასხარა ამპარტავნული ნაბიჯებით.

დ ე ვ დ ა რ - ვ ე ზ ი რ ი. ბაბუხანდია, ბაბუხანდია! მოიცა ახლა, გეყოფა, ჯერ დიდ მასხარას დავუგდოთ ყური.

ბ ა ბ უ ხ ა დ ი ა. ვაჰ, ვაჰ, ვაჰ, ეს ვიღაა?

მასხარა. წადი, გვიყურე და ისწავლე დიდი ხალხური პოეზია... ჰიმორის ხელოვნება, ეჰ, შე ტუტუცო, შე გაუთლელო, აი, მაგალითად თუ მეტყვი, რა არის ხანდრაცია.

ბაბუნხადია. ისა, რა.

მასხარა. რა ისა?

ბაბუნხადია. აი ისა, რა... (თვალს უკრავს).

მასხარა. მაინც?

ბაბუნხადია (ხელს მოკიდებს მასხარას ტანსაცმელზე). ეს რომ გაცვია, რატომ გაცვია; აი რა არის ხანდრაცია.

ბერიკები, რომელნიც ზოგნი კულისებში არიან და ზოგნიც იქვე მოკალათებულან, იცინიან.

შენ კი ახლა მე მიპასუხე: თხის კურკლი რატომ ჰგავს ცერცვს და ცხენის ნეხვი კი ძეხვს?

მასხარა. ოჰ, ოჰ, (იმანჭება.) არ ვიცი არა.

ბაბუნხადია. მაშ თუ შენ ნეხვში ვერ ერკვევი, ლექსში რათა ყოფს ცხვირს?

აბესალომი წამოდგა.

აბესალომი. ბაბუნხადია, დედოფალი გთხოვთ ვააგრძელოთ თქვენი თამაში.

ბაბუნხადია ქამარზე ჩამოკიდებულ ფალოსს დაუქნევს მასხარას. მასხარა განაწყენებული, პრეტენზიული ნაბიჯით გადის. ბერიკები, რომლებსაც თავი გამოუყვიათ კულისებიდან, სტვენითა და სიცილით აცილებენ მასხარას. ფარდა იხურება. ფარდის წინ — პანტომიმა.

პანტომიმის შინაარსი

სალი კლდიდან ჩამოდის მამაკაცი (მურმანი თეთრ ეკლიან ნიღაბში) პაპანაქება სიცხეა. ნელ-ნელა ჩამოდის, რამდენიმეჯერ წაბორძიკდება და თითქოს კინაღამ გადაიჩეხება უფსკრულში. კლდის ქარას წყაროა. წყაროს დიდი ლოდი ადევს. მამაკაცი ეჭაჭურება

ლოდს, მაგრამ ვერ ძრავს ადგილიდან, დაიღალა, უიმედოდ ჯდება. მზეს ხელებით იჩრდილავს. ზემოთ გამოჩნდა ქალი (ეს შუქურნაა), რომელმაც იზე დაუჩრდილა, გაულიმა და გადმოუგდო ყვავილი. კაცი ყნოსავს ყვავილს. იმაგრებს გულთან, იხმობს ქალს ქვემოთ, წყაროსთან. ქალი უარს აძბობს, მეშინია, გადავიჩეხებით. კაცი დაეტაკება ლოდს და ძლივ-ძლივობით დასძრავს ადგილიდან. მხარს შეუყუდებს, პეშვით დალევს, შემდეგ ორივე ხელით ამოიღებს წყალს და ნელ-ნელა ისევ დაუშვებს ლოდს. ორივე ხელში სათუთად დაგროვილი წყალი ფაქიზად ააქვს კლდეზე ქალისთვის. ქალი უცებ გაქრება, კაცს პირდაპირ თვალებში მინათებს მზე, რადგან ქალი წავიდა, რომელიც ეფარებოდა მზეს. კაცს თავბრუ ესხმის, კარგავს წონასწორობას და გადაიჩეხება. (თუკი მსახიობი პანტომიმის ოსტატია, შეიძლება ქალი არც კი გამოჩნდეს, არამედ შეიქმნას ილუზია, მაყურებელმა წარმოიდგინოს),

ჩქარი ნაბიჯით გალოდის შუქურნა, მას მოსდევნე დედარ-ვეზირი და ქოსა-ვეზირი.

დედარ-ვეზირი. აქ არის?

შუქურნა. ჩემთან ერთად თამაშობდა.

ქოსა-ვეზირი. რომელია?

შუქურნა. ეკლიან ნიღბით... იქნებ უჩემოდ მობერხდეს რამე...

დედარ-ვეზირი. ნუ გეშინია, შენსას მიიღებ და ყველაფერი რიგზე იქნება.

სასახლის დარბაზი. არაფერია შეცვლილი, მხოლოდ ეთერს მურმანი მიუწვევია მაგიდასთან და ასაჩუქრებს.

ეთერი. საოცრად კარგად შეასრულე ეგ სახიობა, თუმცა ამბავი ცუდად დამთავრდა.

მურმანი. როგორც საერთოდ ყველაფერი, ცუდად მთავრდება.

ეთერი. ყველაფერი?

მურმანი. თუკი რამ არის დამთავრებული.

ეთერი. აი, ყვავილი, ეს მიიღე ჩემგან საჩუქრად.
(აშოაძრო ვერგვინიდან ერთი ვარდი).

მურმანი. სამუდამოდ ჩემთან იქნება.

ეთერი. მალე დაჰკნება.

მურმანი. დამჰკნარ ვარდსაც ხომ აქვს სურნელი?

ეთერი. კი მაგრამ... (რაღაც უნდოდა ეთქვა, გადაიფიქრა).

მურმანი. რა მაგრამ?

ეთერი. დროებითია, მინდოდა მეთქვა.

მურმანი. სამუდამო ადამიანის უგუნურებაა.

ეთერი. იმიტომ, რომ ვერ მიმხვდარა ცხოვრების
აზრს?

მურმანი. ზოგჯერ ბედკრულ ადამიანს მოეჩვენება
აუხსნელად, რაღაც გუმანით, სხვასთან ერთად რომ
ეზიარა ის სამყაროს იდუმალებას.

ეთერი. როდის ხდება ეს განათლება?

მურმანი. სიყვარულში ეჩვენება ეს ადამიანს..

ეთერი. სხვა დროს?

მურმანი. უჩინმაჩინს დასდევს მუდამ, ჩრდილებ-
თან ომობს.

ეთერი. უჩინმაჩინი?

მურმანი. ჰო, სატანადაც ვერ იქცევა ადამიანი.

ისმის დაფ-დაფის ხმა. ხუცესს საღმრთაწაულო ვითარებაში
შემაჯეს დიდი ფიალა და ნეფე-დედოფლის წინ დგამს, მაგიდა-
ზე. ხუცესი და მსახურები შეტრიალდნენ. ზურგი შეაქციეს ამ
ცერემონიას. ეთერი ორი ხელით იღებს ფიალას, მოსვამს ოდ-
ნავ და გადასცემს აბესალომს, აბესალომი მიიკარებს და უცებ გა-
აგდებს ხელიდან, ფიალა ეცემა ძირს. მურმანი გაქვავებული და
დაკვირული უცქერის ამ სურათს. მასთან მივიდა ბაბუხადია, ხელი
მოკიდა, გამოიყვანა, მცველებმა იმრავლეს, შემოდის რამოდენიმე
ჯალათი და დგება ხალხში.

ბ ა ბ უ ხ ა დ ი ა . შუქურნა გელოდება, გამოიყვანე; წელანგარა პატარძლის ჩვენების დრომ მოაღწია.

მ უ რ მ ა ნ ი . არ შემძლია არაფერი, გამიშვი ხელი.

ბ ა ბ უ ხ ა დ ი ა . ეგრეც ვიცოდი! პირობა გაიხსენე და არაფერი ჩაიღინო! ძომეცი შენი ნილაბი და ტანისამოსი! (ვაყავს მურმანი.)

ა ბ ე ს ა ლ ო მ ი (უცებ წამოტება ადგილიდან). პეი, მსახურნო, შეკრიბეთ გუნდი, მოემზადეთ, სანადიროდ მიწა წავიდე.

დ ე ვ დ ა რ - ვ ე ზ ი რ ი . უფლისწულო, დაველოდოთ დიდი ვეზირის გამობრძანებას. (აბესალომი უსიტყვოდ იდის, ამოძრობს თავის ხმალს, რომელიც მურმანის ხმალს გვერდითაა ავანსენაზე და გადის). ბერიკებო, ბერიკებო, რას გაჩერდით, მიდით, გაგვართეთ!

ნესტირე უკრავს ბერიკულს. ბაბუხადიას მურმანის ეკლიანი ნილაბი გაუკეთებია და მისი ტყავ-კაბა ჩაუცვამს. მის გვერდით I ბერიკაა, ხელში ქეჩა უჭირავს. დაადებს ძირს, დაარტყამს ჯოხს და თითქოს ნაცრის გულა გახეთქესო, ისეთი მტვერი ავა.

I ბ ე რ ი კ ა . ეს რა მტვერი დააყენე, შე ჯიშაღლო!

ბ ა ბ უ ხ ა დ ი ა (ეკლიან ნილაბში). ეგ წელანგარა პატარძალ შუქურნას ქეჩაა.

I ბ ე რ ი კ ა . ეგეთი პატარძალი მტრის ოჯახში შევიდა. (გამოდის შუქურნა და ნელა ზოდის ბაბუხადიასკენ, რომელიც ზურგით დგას და ქეჩას ახვევს). აგერ მოდის, ამოიღე ხმა, ქალო, შენია თუ არა ეს ქეჩა?

ბ ა ბ უ ხ ა დ ი ა . მაგის მულისა იქნება... ((შუქურნა მიუახლოვდა ბაბუხადიას და ჩაარტყა დანა ზურგში. ბაბუხადია ზურგზე ეცემა. შუქურნა გარბის). მართლა მომკლა მაგ უნამუსომ! (I ბერიკა მივარდება და კიდევ ვიღაც დიდებული).

ქ ო ს ა - ვ ე ზ ი რ ი . მურმანი მოჰკლა, დაიჭით ჩქარა!

დევდარ-ვეზირი. მურმანი მოკლეს, შეთქმულ-
ლებსა, დაეწიეთ. არსად გაუშვათ.

I ბერიკა (ოხლა ნილაბი). ბაბუნადია, ვაიმე, ბაბუ-
ხადია!

მურმანი. არა, მურმანი ჯერ არ მომკვდარა. (იხს
ნის ნილაბს, წიხლს ჩააზილავს ერთ-ერთ ჯალათს, თანაც ამოარ-
თმევს ხმალს). ეთერ, მშვიდობით!

ეთერი მურმან! აბესალომ???

მურმანი. აბა, გადმოდით ქილუებო!

იწყება ხელნართული ბრძოლა. შემორბის ბერიკა-ბიჭი.

ბერიკა-ბიჭი. შეჩერდით, შეჩერდით, მურმან,
შეჩერდით! დიდი ვეზირი გარდაიცვალა! დიდი ვეზირი
მოკვდა! მოკვდა!

ყველანი სახტად რჩებიან, სრული სიჩუმე დაისადგურებს.

დევდარ-ვეზირი. როგორ თუ მოკვდა?

ბერიკა-ბიჭი. ჭირით მოკვდა, ჭირი წაიღო.
დაფ-დაფების ხმა, შემოდის მკურნალი.

მკურნალი. ვეზირნო და დიდებულნო, მოგახსენ-
ებთ, რომ დიდი ვეზირი ჭირით გარდაიცვალა.

დევდარ-ვეზირი. რაში დაჭირდა?

მკურნალი. წარმოიდგინეთ, ადამიანს ახასია-
თებს მოკვდავობა, დევდარ-ვეზირო.

ქოსა-ვეზირი. და ეს ვერ არის თავაზიანი.

ფარდა.

ერთი მხრიდან, მეორე მხარეს, ფარდის წინ, მურმანს გაჰყავს
გულწასული, ხელში აყვანილი ეთერი.

სინათლე ქრება. ისმის ხალხის შეძახილი ერთხმად: „გა-უ-მარ-
ჯოს მეფე აბესალომს, გა-უ-მარ-ჯოს მეფე აბესალომს!“

მურმანის ხმალი, როგორც ყველა სურათში, ხელუხლებელია. ახლაც ავანსცენის კიდეზეა ჩასობილი. ტახტზე ზის აბესალომი, აქეთ-იქიდან დგანან დედარ-ვეზირი, ქოსა-ვეზირი და მესამე ბჭე.

დედარ-ვეზირი. ყველამ ვიცოდით, რომ დიდი მეფე აღარ იყო უკვე ცოცხალი, მაგრამ ჩვენი თქმით იგი მკედრეთით ვერ აღდგებოდა, რა უნდა გვექნა? ძალაუფლების ჩაგდება ხელში კანონის გაღმა დარჩენას ნიშნავს.

ქოსა-ვეზირი. მურმანის წასვლამ დაგვაბნია, ვერ მოვიფიქრეთ რა გვედონა, ვის დავეყრდნობოდით?

მესამე ბჭე. პირდაპირ უნდა ვაღიაროთ, დამნაშავე ვართ.

დედარ-ვეზირი. მადლობა ღმერთებს, ახლა უკვე თქვენ დაიკავეთ კანონიერი თქვენი ადგილი. მურმანი რომ დამჯდარიყო ტახტის მფლობელად, მთელ ქვეყანაზე უბედურება გამეფდებოდა. ისევ თავიდან დაიწყებოდა ამო სისხლისღვრა, ჭეშმარიტების ძიების ნიღბით.

ქოსა-ვეზირი. ყველაზე ბრძნული არჩევანი ეთერ-ქალის გაჩუქებით გამოამყდავნეთ... მურმანიც მოღბა. ხუმრობაა, ცოლად გყავდეს ნადიდოფლარი?!

დედარ-ვეზირი. არ შეშვენოდა ბრწყინვალე მეფეს ის გლეხის ქალი!..

აბესალომი (ნელი ხმით) კარგი გაჩუმდით... შითხარით, კიდევ სხვა რა საქმე გაქვთ?

დედარ-ვეზირი. თქვენი თანხმობით შეუქურნა როსკიპს მოჰკვეთეს თავი.

აბესალომი. გაასამართლეთ?

ქოსა-ვეზირი. ორჯერ აღმართა უფლისწულზე

მან შავი ხელი და განა ამას გასამართლება სჭირდება კიდევ?

აბესალომი (არ უპასუხებს).

ქოსამე ბჰე. როდის გვიბრძანებ, დიდებულთა საბჭო შევეყაროთ, დიდო მეფეო?

აბესალომი. როდესაც გინდათ. (ისმის ხაური, ხმები: „გა-უ-მარ-ჯოს მეფე აბესალომს). რა ხმაურია?

დევდარ-ვეზირი. თქვენი ბრძანება შევასრულეთ, შევეკრიბეთ ხალხი, რომ მოგისმინონ... ერთგულება გამოგიცხადონ.

აბესალომი დგება, ხალხთან გასასვლელად მიემართება, შეჩერდა, დაბრუნდა და ისევ დაჭდა ტახტზე.

ქოსამე ვეზირი. ხალხს უნდა თავისი მეფე დაინახოს და მიულოცოს.

დევდარ-ვეზირი, დაუნახავად საკმაოდ გაძლეს. კიდევ გაძლებენ.

აბესალომი. უთხარით რამე, ავადმყოფობა მომიბეზეთ.

დევდარ-ვეზირი უხმოდ ანიშნებს მესამე ბჰეს, მესამე ბჰე გადის.

აბესალომი. როდის გაგზავნეთ მურმანთან კაცი?

დევდარ-ვეზირი. წუხელ საღამოს.

აბესალომი. შეპირდა მოსვლას?

დევდარ-ვეზირი. ველოდებით, უნდა მოვიდეს.

შემოდის მასხარა.

მასხარა. დიდო მეფეო, გავიგე, რომ უქეიფოდ ხართ...

აბესალომი. რა საჭიროა ეს მასხარა?

ქოსამე ვეზირი. გასართობად?

აბესალომი. ჩემს გასართობად?

დევდარ-ვეზირი. ოდითგანვე ასე არის დაწესებული.

აბესალომი. არასოდეს არ ამბობს მართალს...

ქოსა-ვეზირი. მაშ, რიდას ჯამბაზია, თუ მართალი თქვა.

მასხარა. დიდო მეფეო, მე სიმართლეს იმით ვამბობ-
და, რომ უხეიროდ და უმოწყალოდ ვტყუოდი მუდამ. ჩემს
მონაყოლს ისეთნაირად შევეკმაზავდი, ყველა ხვდებოდა
მის მტკნარ სიცრუეს. კაცი თუ მიხვდა, რა არის ტყუ-
ილი, მაშასადამე სვდებოდა სიმართლეს. აი, ავიღოთ, მაგა-
ლითად, ეს ხელმანდილი, ან ხანდრაცია, ან რა მაცვია...

აბესალომი. კარგი, გაჩერდი... (შემოდის მურმანი)
რა? მზე ჩავიდა? რაღაც სინათლეს ველარ ვხედავ, ვისი
ჩრდილია?

დევდარ-ვეზირი. მურმანი გახლავთ, დიდო მე-
ფეო.

აბესალომი. დაგეტოვეთ მარტო. (ყველანი გალიან
აბესალომისა და მურმანის გარდა. მთელი ამ სცენის დროს აბე-
სალომის სახე ნათლად ჩანს, მურმანის — ბუნდოვნად).

თითქოს ვერ ვხედავ, რა მემართება? დაჯექი, ძმაო.
(მურმანი ჯდება). ეს დღეები ბევრი ვიფიქრე...

მურმანი. რაზე ფიქრობდი?

აბესალომი. თითქმის ყველაზე და ყველაფერზე.

მურმანი (გაჩუმებულია).

აბესალომი. ხომ ხედავ, როგორ არეულია ქვეყ-
ნიერება?

მურმანი. ქვეყნიერება არასოდეს არ დალაგდება.

აბესალომი. სულ სხვა აზრის იყავი უწინ...

მურმანი. ალბათ... არ მახსოვს.

აბესალომი. ჯერ კიდევ მამის მეფობის დროს
უსამართლობას ვერ იტანდი, ებრძოდი ბოროტს. ჭეშ-
მარიტების საძიებლად მოგზაურობდი და ახლა, როცა
შენი ზრახვები შეგიძლია შეისრულო, განავითარო ჩანა-

ფიქრი, რაც გაწუხებდა, გამოიყენო ძალაუფლება, უკან
რად იხევე?

მ უ რ მ ა ნ ი. მოკლედ მიიხარო, რა გინდა ჩემგან?

ა ბ ე ს ა ლ ო მ ი. დაჯექი, იმეფე... და დამიბრუნე ქა-
ლი ეთერი! (მურმანი წამოხტა: ივარდა თავის ხმალს, რომელიც ჩასო-
ბილია ავანსცენაზე. ვერ ამოაძრწ). შენ ყოველთვის ღონიერი
იყავი ჩემზე, თუმცა ბუნება სამართლიანი რომ ყოფი-
ლიყო, ერთად ნაშობებს ერთნაირად გვიწილადებდა.

მ უ რ მ ა ნ ი. რაც ერთნაირად მოგვიზღო ღმერთმა,
იმან დაგვღუპა.

ა ბ ე ს ა ლ ო მ ი. ყოველთვის ასე მოჩხუბარი იყავი,
ბავშვიც...

მ უ რ მ ა ნ ი. შენ მღეროდი და ლექსებს წერდი, ყვე-
ლას უყვარდი.

ა ბ ე ს ა ლ ო მ ი. შენს უშიშრობას ვნატრობდი მუ-
დამ.

მ უ რ მ ა ნ ი. მე დაგცინოდი, ვეჭვიანობდი.

ა ბ ე ს ა ლ ო მ ი. საოცარია, ადამიანი რამეს იფიქ-
რებს, მოინდომებს და შემდეგ თვითვე ფუჭად ებრძვის
იმავე აზრს, იმავე გრძნობას. შეგიძინევია, მდინარეში
ღიღი რამ ლოდი? მდინარის წყალი ეძალება მას გააფთ-
რებით, როგორ დაუვლის ხოლმე, მხარს შეინაცვლებს.
ქვეშ გაუძვრება, გადაახტება, სიფიცხით ისევ ეხეთქება
და დორბლებსა ყრის. ცდილობს დაძრას იმ ადგილიდან,
მაგრამ, ვაგლახ! ვეღარ ერევა. არადა, ლოდი ხომ მისივე
მოტანილია ამ შუა წყალში?!

მ უ რ მ ა ნ ი ეგ ქარაგმა რაში დაგჭირდა?

ა ბ ე ს ა ლ ო მ ი. შენს ხმალს ვგულისხმობ. თუ უარს
ამბობ, ჯობს რომ მომკლა, ღმერთებსა ვფიცავ.

მ უ რ მ ა ნ ი. ეთერი მიყვარს.

აბესალომი. კანონიერად ღმერთებმა იგი მე მო-
მაკუთვნეს.

მურმანი. შენზე ადრე მე შევიცანი!

აბესალომი. ჩვენი მსგავსება საბედისწერო გა-
შოდგა ჩემთვის.

მურმანი (ნელა, დაჯერებულ). სულ ერთია, ეთერი
მურმანს შეიყვარებდა.

აბესალომი. ეგვეც ვიცოდი, არ გაქრიდა ორა მუ-
დარა. გთხოვ, შემახვედრე. ნუ წამწყმიდავ. მაქვს რამ
სათქმელი.

მურმანი. გადვიხვეწებით უცხო ქვეყანაში და მო-
ისვენებ. (მიღის).

აბესალომი (იჩოქებს). საით წახვედი? მომკალი
მაშინ... სულ ველარ ვხედავ...

სინათლე ქრება. ფარდის წინ ინტერმედია — ცეკვა.

ცეკვის შინაბარსი.

ქალი ფეხის წვერებზე დგას. ორი მალა აწეული ხელი, გრა-
ციოზული პოზა, ფიალის დაქერის იმიტაცია. შავებში ჩაცმული
მამაკაცი ცეკვით მიუახლოვდება. აკეთებს რამდენიმე ანტრასას,
ხან ერთი მხრიდან, ხან — მეორედან უნდა მისწვდეს ფიალას, მაშ-
რამ ქალი ცალ ფეხზე ტრიალდება და საწინააღმდეგო მხარეს იზ-
ნიქება. ბოლოს და ბოლოს, ქალი უწვდის მამაკაცს ფიალას, მამაკა-
ციც მზადაა მიიღოს, მაგრამ ამ დროს მუსიკის ხმაზე გამოჩნდება
თეთრებში ჩაცმული თეთრ ნიღბიანი მამაკაცი, ფიალა ვარდება.
ესენი გაქვავებულნი უყურებენ ხან დავარდნილ ფიალას, ხან ცო-
ცეკვავე მამაკაცს. რომელიც მათ უახლოვდება. ზუსტად იმავე
პოზაში, რომელშიც გაქვავებულა შავებში ჩაცმული მამაკაცი, ერთ
წამს ზურგს მიაღებს თეთრებში ჩაცმული და ისინი, თითქოს
შერწყმულნი, ზურგ-ზურგ მიდებულეები ტრიალებენ სინქრონუ-
ლად და ისეთი შთაბეჭდილებაა, თითქოს ერთი ადამიანი ცეკ-
ვავს. ქალი უკან-უკან იწეეს და თითის წვერებზე გადის. მამაკა-

ცები ტრიალით მისდევენ ქალს. სადაც ერთის ფეხები უნდა იყოს, იქ მეორის თავია, როგორც კარტის ფიგურებში. ხელები ერთი-მეორეს წელზე აქვთ შემოჭობილი.

იხსნება ფარდა. ციხე-კოშკის ფრაგმენტი. თმაგაშლილი ეთერი ზის სარკმელთან.

ა ბ ე ს ა ლ ო მ ი ს ხ მ ა. მე ბანი-ბანად გეძებდი,
შენ ბალი-ბალჩად გეძინა,
გაგეხსნა ოქროს საკინძე,
ბროლის გულმკერდი გეჩინა,
ეგ მოკაშკაშე დალალი.
მორევად გადმოგეფინა.
შემოდის მურმანი.

მ უ რ მ ა ნ ი. მე მეფესთან დამიბარეს...

ე თ ე რ ი (გაჩუმებულია).

მ უ რ მ ა ნ ი. ვიყავი კიდევ.

ე თ ე რ ი (გაჩუმებულია).

მ უ რ მ ა ნ ი. არაფერი არ შეცვლილა ჩვენს სასახლეში. ისევ ის დევდარ-ვეზირი, ისევ ის ქოსა-ვეზირი, მასხარაც კი წინანდებურად იმანქებოდა, მერე თავლაში წავედი ცხენებს დავხედე, ჩვენს ფინიასაც მოვეალერსე. მეფე აბესალომის ნათქვამზე ვფიქრობდი მთელ დღეს...

ე თ ე რ ი (გაჩუმებულია).

მ უ რ მ ა ნ ი. გზაში ერთი გლეხი სასიკვდილოდ დავდე. მოგიკითხა, როგორ არისო ნადედოფლარი.

ე თ ე რ ი. სიტყვის გულისთვის მოჰკალი კაცი?

მ უ რ მ ა ნ ი. არ მომიკლავს... რომ მომეკლა, ღირსი არ იყო?

ე თ ე რ ი (გაჩუმებულია).

მ უ რ მ ა ნ ი (ნაყლებად დაქერბული). აქედან წავალთ, გადვიკარგებით სულ სხვა ქვეყნებში; შენი ლოცვები და წამლები გამოგვადგება, დაქირავებულ ჯარისკაცად ამიყვანენ უცხო სარდლები, ვიხეტიალებთ, გულს გა-

დავიყრიტ და ეს სიტყვები — ნადედოფლარი, ნაგუ-
ბარში ჩადგება წყალი — ჩამოგვეცილდება... ჩამოგვე-
ცილდება.

ე თ ე რ ი. მაინც ჩვენს თავს ვერ გავექცევით?!

მ უ რ მ ა ნ ი (ყვირ-ს). რაო? ჩვენს თავს ვერ გავექ-
ცევით?!

ე თ ე რ ი. ვერ გავექცევით.

მ უ რ მ ა ნ ი. მაშინ რაღა ვქნათ, რა გვეშველება?!

ე თ ე რ ი. აღარაფერი.

პაუზა.

მ უ რ მ ა ნ ი. ჩანს, სიყვარული უფსკრულიდან ამო-
ზიდული ვეება ხეა, გზის პირიდან მისი კენწერო ბუჩ-
ქად რომ მოჩანს, და, თუ მიიწევე სათამაშოდ, მოულოდ-
ნელად თავბრუს დაგხვევს, გადაგჩეხავს, გადაგიყოლებს!

ე თ ე რ ი. ანუ კელაპტრად გადმოუგდეს სამყაროს,
მრუმეს, რომ მარტოსულებს გაუნათოს თავშესაფარი:
ან კიდეც რაღაც საიდუმლო მარხია მასში...

მ უ რ მ ა ნ ი (ნ ე ლ ა). რატომ არ მკითხე, რა მითხრა
მეფემ, აბესალომმა?

ე თ ე რ ი. ჩანს, დედობილი მართალი იყო, როცა ამ-
ბობდა — აღამიანი მოკვდავად იმიტომ იქცა, რომ მო-
ინდომა ღმერთებისებრ შემოქმედება.

მ უ რ მ ა ნ ი. ჩვენ ოდესმე მივაგნებთ ღმერთებს!

ე თ ე რ ი. სიყვარულის გზით?? (მურმანი მ-უახლოვდა
ეთერს, მოკიდა ორივე ხელი, უყურებს თვალეშში). მითხარი,
რა თქვა!

მ უ რ მ ა ნ ი. აეად არის, ნუ წამწყმიდავ, სათქმელი
მაქვსო. (პაუზა). შენ გადაწყვიტე?

ე თ ე რ ი. ჰო, გადაეწყვიტე. (უყურებენ ერთიმეორეს.
შემდეგ ეთერი გაღის მთვარეულივით).

მ უ რ მ ა ნ ი. გამარჯობა, მზეო ნათელო.

სინათლე ქრება. მეფის დარბაზის ერთ-ერთი ფრაგმენტი. აბესალომი წევს სარეცელზე. ნელა შგზოდის ეთერი.

აბესალომი. ნულარ მაწუხებთ, აღარ მინდა არავის ნახვა... ჯარისკაცებად გაჭიმულან ალვის ხეები და არც ტოტები არ ირხევიან, მხოლოდ მეჩხერი, ნორჩი ფოთლები ნიავს ტაშის კვრით ეგებებიან. ჰოი, ღმერთებო, ნიავი არა. ეს ეთერია... ეს ეთერია.

ეთერი. მოვედი შენთან აბესალომ, ნუთუ ვერ მხედავ?

აბესალომი. გხედავ მუდამეამს შინაგან მზერით. მალე მოვეკვდები, ეთერ ქალო, უნდა შემინდო, შემინდო ჩემი უგუნურება, დანაშაული. ავყევ საწუთროს, უარცყავი ამალღება უნეტარესი. მე უბედურმა დავიჯერე — ძალაუფლებას, სიამაყეს, მდაბიო გრძნობებს ვითომ შეეძლოთ შეეცვალოთ შენი სათელი. სწორედ იმიტომ დამაბრმავეს, ალბათ, ღმერთებმა, ვერ გაგისწორო რათა მზერა მაგ მზის თვალებში. ნუგეშად ერთი რამ მიმყვებოდა: გაუგებრობით მოხდა ყოველი..

ეთერი. არასოდეს გამტყუნებდი, ჩემო ბესია, ალობის წიგნი საწინდარი ჩვენ შეერთების, აი ეს დანა, ოქროსტარა იმედად ელავს, თითქოს გვპირდება დაგვანახოს გზები უვალი. ადამიანი სხვა ქმნილებას იმითა სჯობნის, საკუთარ დღეთა მოსწრაფვის რომ შესწევს უნარი. (გულში დაიკა დანა).

სინათლე ქრება.

ა ჰ ო თ ე ო ზ ი

ავანსცენაზე მურმანის ხმლის ოდნავ მარჯვნივ, შუა სცენის-
კენ სამი საფლავია. ორი ვარდი ეკლიან ბარდზე. სიფლაეებთან ზის
ბერიკა-ბიჭი, უყურებს ვირდებს. ორკესტრში შემოდის მოხუცი
ბიანისტი-გაქუცულ პალტოში, ქრელ კაშნესა და შლაპაში, უკრავს-

ბერიკა-ბიჭი (წამოდგა, აღმოსაკლეთისკენ დაიჩოქა).

მზეო, ამოდი, ამოდი

ნუ ეფარები გორასა,

სიცივეს კაცი მოუკლავს,

საწყალი აგერ გორავსა.

ამოდის მზე. მისი სხივები თვალბში ანათებენ მაყურებელს.

დასასრულ •

ს ტ უ მ ა რ ი

ქრამა ორ ნაწილად და რვა სურათად.

პროლოგის მაგიერ ეპილოგი

მ ო ქ მ ე დ ი პ ი რ ნ ი

მამა, ვ ა ლ ე რ ი ა ნ ი ლ ი ჩ ი, სამეცნიერო-კვლევითი ინსტიტუტის დირექტორი, მინისტრის ყოფილი მოადგილე.

დ ე დ • თამარი, ვალერიან ილიჩის ცოლი,

ს ო ს ო, მათი ვაჟიშვილი.

ნ ი ნ ო, მათი ქალიშვილი.

ბ ა ტ ო ნ ი ნ ი კ ო, ცნობილი მხატვარი, ნინოს ქმარი.

ლ ე ლ ა, სტუდენტი.

ახალგაზრდა კაცი.

ოპერაწმუნებული,

ექსპერტიზის ექიმი, 28—30 წლისა.

მამაკაცი.

მილიციონერი, მგზავრები და სხვანი.

პ ი რ ვ ე ლ ი მ ო ქ მ ე დ ე ბ ა

მკილოზი პროლოგის მაგივრად

სამედიცინო ექსპერტიზის ოთახი. მხოლოდ თეთრი ხალათით, რომელიც კედელზე ჰკიდია, თუ მიეხვდებით, რომ ამ ოთახს რაღაც საერთო აქვს მედიცინასთან. მაგრადს მიჯდომია ექიმი და გამალე-ბით წერს. შემოდის თამარი, უხმოდ ტირის.

ე ქ ი მ ი. თქვენ ცოლი ბრძანდებით?

თ ა მ ა რ ი. დიას.

ე ქ ი მ ი. დაბრძანდით, დაწყნარდით. ყველაფერი ხდება ცხოვრებაში. (თამარი ჯდება, თვალებს ცხვირსახოცით ამშრალავს). რამდენი ხანი ცხოვრობდით ერთად?

თ ა მ ა რ ი. ორმოცი წელი. (ექიმი თავის შეკითხვებსაც წერს და იშვიათად თუ ამოხედავს: თამარს).

ეჭიმი. ოჰ, ე. ი. ოჰ, ოჰ! ორმოცი წელი, აჰ! ხომ არ შეგიმჩნევიათ, მთელი ამ ხნის განმავლობაში რაიმე ისეთი, უჩვეულო ისეთი ქცევა, ნორმას რომ არ შეეფარდება, ერთი სიტყვით არანორმალური?

თამარი. როცა ასე დიდხანს ცხოვრობ ადამიანთან, ყველაფერი ხდება...

ეჭიმი. მაინც რა, აი, თქვენ თქვით ყველაფერი ხდებაო, მაშასადამე მხედველობაში გაქვთ, რაღაც კონკრეტული შემთხვევა, ასე არაა?

თამარი (გაჩუმებულია).

ეჭიმი (წერს თავის აულებლად). იცით... მე შვილად გეკუთვნით, გარდა ამისა, ეჭიმი ვარ და ჩემი პროფესია მავალდებულებს გკითხოთ ზოგი რამ. როგორ ხასიათს ატარებდა თქვენი ფიზიკური სიახლოვე, ასე ვთქვათ, სექსუალური თვალსაზრისით ყველაფერი რიგზე იყო?

თამარი. დიახ.

ეჭიმი. ჰმ! (პატარა პაუზის შემდეგ. ეტყობა პასუხმა არ დააკმაყოფილა). როგორ ფიქრობთ, ხშირად, ასე ვთქვათ, გლალატობდათ, სხვა სიტყვებით, ქალებით თუ იყო გართული?

თამარი. არ ვიცი. ამის შესახებ არასოდეს მიფიქრია.

ეჭიმი (წერს). იყო თუ არა თქვენი ქმარი ეჭვიანი?

თამარი. როგორ გითხრათ...

ეჭიმი. მისი ეჭვიანობა, რასაკვირველია, ყოველთვის უსაფუძვლო იყო.

თამარი. რა თქმა უნდა.

ეჭიმი. ე. ი. (წერს). იგი ყოველთვის უსაფუძვლოდ და უსაგნოდ ეჭვიანობდა.

თამარი. არა, იქნებ ეს სულაც არ იყო ეჭვიანობა, იქნებ ეს ჩვევაში ჰქონდა.

ეჭიმი. ხშირ განმეორებას ჩვევა მოსდევს, ე. ი.
ის ხშირად ეჭვიანობდა. (წერს).

თამარი (გაჩუმებული).

ეჭიმი (წერს). რაში გამოიხატებოდა მისი ეჭვიანობა, დაგდევდათ, ჩაგვეტავდათ ხოლმე, თუ რაიმე სხვა ფორმებში?

თამარი. არა, როგორ გვეადრებათ, იგი უღირსად არასოდეს მომქცევია, და საერთოდ...

ეჭიმი. უნდა გაიხსენოთ რომელიმე კონკრეტული შემთხვევა (თავი ასწია, შეხედა, აღარ წერს). ეს ძალიან საჭიროა ჩვენთვის, ყველასათვის, გაიხსენეთ რაიმე მისი უცნაური საქციელი.

თამარი (გაჩუმებული).

ეჭიმი. გაიხსენეთ, გაიხსენეთ.

თამარი. ჩვენ პირდაპირ სკოლაა, ომის დროს იქ პოსპიტალი იყო. ზაფხულობით ფანჯრებზე ხშირად ჯარისკაცები იხსდნენ საცვლების ამარა და გაზეთისაგან გაკეთებულ სამკუთხა ქუდებს უქნევდნენ გამვლელ-გამომვლელებს. ერთხელ, როცა შემთხვევით შეესწრო რომ მე ფანჯარასთან ვიჯექი, ძლიერ გაბრაზდა, წამეჩხუბა და ამოკრძალა ფანჯარასთან მისვლა.

ეჭიმი. ე. ი. ერთხელ როცა შეგისწროთ, ძლიერ გაბრაზდა და ეს მხოლოდ ერთხელ მოხდა?

თამარი. არა, იგი ამას ომის შემდეგაც ჩადიოდა, როცა იქ უკვე ისევ სკოლა იყო.

ეჭიმი (გამალებული წერს). მერედა, ახლა რაღას გერჩოდათ?!

თამარი. არაფერს, უბრალოდ, დღისითაც ჩამომაშვებინებდა ხოლმე ფარდებს

ეჭიმი. აი, ხომ ხედავთ. (წერს).

თამარი. ექიმო, რა მდგომარეობაშია ახლა, რა
პოელის, რა იქნება?

ექიმი (ერთი ხანობა არ პასუხობს, წერს. შემდეგ შე-
წყვეტს წერას). ეს ცალკე მსჯელობის საგანია, ჯერ ვერა-
ფერს გეტყვით, ჯერ აღრეა ამაზე ლაპარაკი. მაქვს კი-
დევ ერთი შეკითხვა. ძილი როგორი ჰქონდა?

თამარი. საერთოდ ჩივილი არ უყვარდა, მაგრამ
უძილობა ხანდახან ემჩნეოდა.

ექიმი (დაამთავრა წერა). გმადლობთ, თუ თქვენი
ვაჟიშვილი აქ არის, შემოვიდეს.

თამარი. დიახ, ყველანი აქ არიან, ვაჟიც, ქალი-
შვილიც, სიძეც.

ექიმი. სათითაოდ შემოვიდნენ, ჯერ ვაჟიშვილი.
ნახვამდის.

თამარი გადის, ექიმი განაგრძობს წერას, ზემოდის სოსო.

სოსო (ღიმილით). გამარჯობათ.

ექიმი. ჩვენ რა, ნაცნობები ვართ?

სოსო. არა.

ექიმი. მაშ რას იღიმებით.

სოსო. ისე, არაფერი...

ექიმი. დაჯექით, რა შეგიძლიათ თქვათ მამა-
თქვენზე?

სოსო. თქვენ რა გაინტერესებთ.

ექიმი. ყველაფერი, რაც კი მას დაახასიათებს. მთა-
ვარი კი სიმპტომების შესახებ, გესმით რაშია საქმე?

სოსო. ავად არასოდეს ყოფილა...

ექიმი. ეს ყველაფერი ჩაწერილი მაქვს, მე ავად-
მყოფობაზე კი არ გეკითხებით, აგერ დედამთქვენიც მიმ-
ტკიცებდა, რომ სექსუალური თვალსაზრისით ყველაფე-
რი რიგზე იყო, მე რაღაც ექვი მეპარება.

სოსო. ხი, ხი, აბა, რას იტყოდა.

ექიმი. თქვენ, გეტყობათ, მეტი იცით?

სოსო. მე ვერაფერს დაგუმატებ, უბრალოდ დე-
დაჩემზე მეცინება, საიდან უნდა იცოდეს, ყველაფერი
ხომ შედარებას მოითხოვს?

ექიმი. დედათქვენი ერთგული ცოლი იყო და არ
არის გასაკვირი, რომ რაიმე გამოეპარა, მაგრამ თქვენ
მამაკაცი ხართ და უნდა შეგემჩნიათ მამათქვენის რაიმე
უცნაურობა.

სოსო. იგი განსაკუთრებული ნიჭისა და რკინის ნე-
ბისყოფის ადამიანია.

ექიმი. მერე ამაში რა უცნაურობას ხედავთ?

სოსო. მე უცნაურად ის მეჩვენება, როცა ყველა-
ფერი ნორმალურად მიდის.

ექიმი (წერს). რა იცით მისი ბავშვობის შესახებ?

სოსო. სამოქალაქო ომის ვეტერანი იყო, 15 წლი-
სა სახლიდან გაიქცა და წითელ ჯარში მსახურობდა.

ექიმი. ესე იგი, გაქცევა სისხლში გქონიათ?

სოსო. ჩემს ძმას გულისხმობთ?

ექიმი (წერს). ღიახ. როცა ეს მოხდა, იმ დროს თქვენ
სად იყავით?

სოსო. იქ ვიყავი.

ექიმი. დაწვრილებით მომიყვებით, რა მოხდა.

სოსო. თქვენ ხომ ყველაფერი იცით, მე რაღას
ბალაპარაკებთ.

ექიმი. მე მაინტერესებს, როგორ მოხდა.

სოსო. არ ვიცი, არ ვიცი... ვერ გამიგია, რა გინ-
დათ ჩემგან, თქვენც ხომ გამომძიებელი არა ხართ...
წამოღგა, ღავს აქნევს თითქოს აბეზარა ბუზს იგერიებს...

ექიმი. მაშინ ისევ მამათქვენს დავუბრუნდეთ...

სოსო. არა, რა, მე დღეს შეუძლოდ ვარ.

ექიმი. ორი სიტყვაც და გაგიშვებთ.

სო სო. რაიჲ დასაწყნარებელი წამალი არა გაქვთ?

ეჭიმო. ცუდად ხარ?

სო სო. დიახ. არაფერი გაქვთ?

ეჭიმო. არაფერი, აი. წყალი დალიე.

სო სო (გრაფინიდან წყალს ისხამს, მაგრამ აღარ სვამს)

ვმადლობთ.

ეჭიმო (სოსო საჩქაროდ გადის). თქვენი და შემოვიდეს.
(შემოდის ნინო).

ნინო. ეს პირდაპირ საშინელებაა, ეს რაღაც წარმო-
ოდგენელი უბედურებაა, შეიძლება ქმართან ერთად
შემოვიდეთ?

ეჭიმო. არა, მე ხომ გავაფრთხილე დედათქვენი.
მხოლოდ სათითაოდ.

ნინო. მაინც ვერ დავიჭერებ, აქ რაღაც სხვა იმალე-
ბა, სხვა რაღაცაშია საქმე.

ეჭიმო. რასაკვირველია, რასაკვირველია (განაგრძობს
წერას). დაბრძანდით. ალბათ ხედებით, თუ რა მიზეზით
დაგიბარეთ.

ნინო. დიახ. დიახ, მაგრამ ვერაფრით ვერ გამიგია
მაინც რა მოხდა?

ეჭიმო. უნდა მოგახსენოთ. რომ ამის შესახებ უკვე
ჯილაპარაკე დედათქვენს, ეს სერიოზული, რთული სა-
კითხია. რომელიც სპეციალურ შესწავლასა და ახსნა-
მოითხოვს. დღეს კი თქვენ უნდა მიპასუხოთ, რამდენი
მე კითხვაზე. პასუხები რაც შეიძლება მოკლე და კონკ-
რეტული იყოს, ძალიან ბევრი საქმე მაქვს. (წერს). ამბო
ბუნ რომ მამათქვენი სივარჯილით გამოიჩინოდა. რაშ-
გამოიხატებოდა ეს?

ნინო. ყველაფერში.

ეჭიმო. მაინც.

ნინო. თუ გნებავთ იმაშიც, რომ არავითარი ტყვიც

ლი მისთვის არ არსებობდა, მაგალითად, კბილის ექიმთან დიდი ხალხით მიდიოდა ხოლმე და სასაცილოდ არ ყოფნიდა, თუ ვინმე ბორმანქანას შიშითა და უსიამოვნო გრძნობით იგონებდა.

ექიმი. ჰმ! ჰმ! (იწერს). მის ნორმალურობაში არასოდეს შეგპარვიათ ექვი?

ნინო. როგორ გეკადრებათ, აი, თურმე როგორ შეიძლება დაეცეს კაცი! განსაკუთრებით სხვის თვალში, იგი ხომ ბრწყინვალე ქკუის პატრონია.

ექიმი. მინისტრის მოადგილის თანამდებობიდან როცა გაათავისუფლეს, როგორ გადაიტანა?

ნინო. ამ უბედურებას იგი ვაჟკაცურად და ამაყად შეჩვდა. პერსონალურ მანქანას უტოვებდნენ, მაგრამ თვითონ არ დაიტოვა, უარი თქვა.

ექიმი. მის ქცევაში არავითარი ცვლილება არ შეგინიშნავთ?

ნინო. რას ამბობთ; როგორც კი ინსტიტუტი ჩააბარეს, დიდი ხალხით დაიწყო მუშაობა, ბავშვებით დღე-ღამე კითხულობდა, როგორც იტყვიან, ჩაეფლო მეცნიერებაში, ბოლო დროს მაინც სულ თავის გამოგონებას დასტრიალებდა.

ექიმი. რა ერჭვა მის გამოგონებას?

ნინო. „ულტიმა რაციო“ ეს ლათინური სახელწოდებაა.

ექიმი (წერს). თავისუფალი ხართ, ნახვამდის.

ნინო. და მაინც, როგორ გგონიათ, რა იქნება?

ექიმი. არ ვიცი, ჯერ არაფერი არ ვიცი.

ნინო. ჩემ ქმართან გნებავთ ალბათ შეხვედრა, არა?

ექიმი. დიახ. დიახ.

ნინო გადის და შემოდის ბატონო ნიკო, ექიმი წერს, ყურადღებას არ აქცევს.

ბ-ნ ნ ი კ ო. (ჟღება). მე ვხედავ, თქვენ ფრიად დაკავებულნი ბრძანდებით, ხომ არ გადაგვედო საუბარი? საერთოდ, ნათესავეები ყოველთვის ხელს უშლიან ჭეშმარიტი ფაქტების დადგენას.

ე ქ ი მ ი. პირიქით, თქვენ ახლა ძალიან მჭირდებით, დასკვნა მაქვს სასწრაფოდ დასამთავრებელი.

ბ-ნ ნ ი კ ო. უკაცრავად, მაგრამ ფსიქიატრები სწორედ იმას ამტკიცებენ, რომ დიაგნოზის დასმის საკითხში ნათესავეების ჩარევა მხოლოდ შემშლელი გარემოებაა.

ე ქ ი მ ი. შეიძლება, მაგრამ მე მკურნალი კი არ გახლავართ, ექსპერტი ვარ, მე სხვა გასაჭირი მაქვს.

ბ-ნ ნ ი კ ო. იცით, ზოგიერთ რამეში ვერ ვერკვევი. მოგეხსენებათ, ჩვენ ხელოვნების ხალხი... მართლმსაჯულების ლაბორინტებში კი არა, ცხოვრების აზრზეც არა ვართ ხანდახან.

ე ქ ი მ ი. ამიტომაც დამიგდეთ ყური.

ბ-ნ ნ ი კ ო. გისმენთ უსაზღვრო ყურადღებით.

ე ქ ი მ ი. როგორ ფიქრობთ, თქვენი სიმამრი ნორმალური ადამიანი იყო, თუ რაიმე უცნაურობით გამოირჩეოდა?

ბ-ნ ნ ი კ ო. როგორ გეკადრებათ, როგორ გეკადრებათ.

ე ქ ი მ ი. ვერ გავიგე, რას ამბობთ.

ბ-ნ ნ ი კ ო. (ღეჯება და იწყებს ბოლთის ცემას ოთახში). თქვენ წარმოიდგინეთ, ამ შეკითხვაზე პასუხის გაცემა არცთუ ისე იოლია, როგორც ერთი შეხედვით ჩანს. საერთოდ, სად იწყება ნორმა და სად თავდება, მიჯნებისა და ზღვრების დადგენა ერთობ ძნელი საქმე გახლავთ. თუკი დავუშვებთ, რომ მაგალითად, იგი ზედმეტად მკაცრი ხასიათისა იყო, ეს ჯერ კიდევ არაფრის მთქმელია, ასე არ არის, მეგობარო?

ე ქ ი მ ი. თქვენ არ ეწევით?

ეჭიმო. ამბობენ მაგალითად, რომ თქვენი სიმამრი ხანდახან ჩიბუხს ეწეოდა?!

ბ-ნიკო. იშვიათად.

ეჭიმო. განსაკუთრებულ ბალახს, თუ თუთუნს ხმა-რობდაო.

ბ-ნიკო. ო, დიახ, დიახ, „ოქროს მამალი“ თუ, რაღაც, ასე ეძახოდა იგი თუთუნს.

ეჭიმო. მერე ეს ხომ ფრინველთა ექსკრემენტი, სხვა სიტყვებით გამხმარი სკინტლი იყო.

ბ-ნიკო. რას ბრძანებთ, ნუთუ? ეს რა ახირებაა.

ეჭიმო. ახირებაა თუ გადაახირება, ეს ფაქტებია, დაბრძანდით და მიპასუხეთ კიდევ ერთ შეკითხვაზე. მე მითხრეს, რომ თქვენ სახელგანთქმული მხატვარი ბრძანდებით...

ბ-ნიკო. (ნასიამოვნები). როგორ გეკადრებათ, როგორ გეკადრებათ, მე უბრალო ფერმწერი ვარ და რა ვიცი, ვერაფრით ვერ გამიგია, რა ხდება ამ ცხოვრებაში..

ეჭიმო. მითხრეს, რომ თქვენ მშვენიერი პორტრეტები გაქვთ დახატული.

ბ-ნიკო. ოჰ! ეს ჩემი პორტრეტები ქვეყნის სალაპარაკო გახდა.

ეჭიმო. დაგიხატავთ თუ არა ოდესმე თქვენი სიმამრი?

ბ-ნიკო. დიახ, მე მისი პორტრეტი დავწერე.

ეჭიმო. სამწუხაროდ დრო არა მაქვს, რომ ვნახო, მაგრამ თქვენ უარს არ მეტყვიით და დამეხმარებით ალბათ. პორტრეტზე მუშაობისას ხომ არ მოგსვლიათ თავში აზრი, აღგებეჭდათ სურათზე თქვენი ნატურის რაიმე პათოლოგიური შტრიხი?

ბ-ნიკო. ჰმ! თქვენ შეეხეთ ფრიად რთულსა და

სერიოზულ თემას და ამის შესახებ თითქმის ვერაფერს გეტყვით, არა იმიტომ, რომ ცოტა რამ გამეგება: ამ დარგში, პირიქით, სწორედ ზედმეტი ინფორმაციის გამო. ზომ იცით, ასე ხდება, რაც მეტი იცი, მით უფრო არა ხარ დარწმუნებული შენს სიმართლეში, მაგრამ ერთს მაინც გეტყვით: არსებობს ასეთი უჩვეულო პარადოქსიც, რომ ყოველი ადამიანი ატარებს თავის გარეგნობაში ატავიზმისა და პათოლოგიის ოდნავ შესამჩნევ გადანაშთებს, არ ვიცი, გამიგეთ თუ არა, მაგრამ მედიცინის ენაზე თუ გადავიტანთ, ეს გადანაშთები ლატენ-ტურ მდგომარეობაში იმყოფებიან.

ე ქ ი მ ი. მე თქვენ სიმამრზე გეკითხებით.

ბ-ნ ნ ი კ ო. დიახ, დიახ, რაც შეეხება ჩემს სიმაპრს, ვფიქრობ, ხელახლა დამჭირდება გადავამოწმო ჩემი შთაბეჭდილებები, იცით, ხშირად ეს გაუცნობიერებლად აღიბეჭდება ხოლმე, მაგალითად, თუ ავიღებთ...

ე ქ ი მ ი. და უკანასკნელი კითხვა: რატომ არ წავიდა თქვენი სიმამრი უცხოეთის მივლინებაში, უკეთესად რად დაბრუნდა საზღვრიდან, თუ არა ვცდები ბრესტიდან?

ბ-ნ ნ ი კ ო. ჰო, ვერაფერს გეტყვით, აღარც კი მახსოვს ეგ შემთხვევა.

ე ქ ი მ ი. არ გახსოვთ? დასავლეთ გერმანიაში მიდიოდა და ავადმყოფობა მოიმიზეზა. მგონი აეროპორტიდან თუ საზღვრიდან დაბრუნდა.

ბ-ნ ნ ი კ ო. აჰა, მიგიხვდით, თქვენ გგონიათ, რომ მას ჰქონდა რაღაც უსაფუძვლო შიში — სივრცის, სიმაღლისა და ამგვარი ფობიები? არა, არ შემიმჩნევია, არ შემიმჩნევია.

ე ქ ი მ ი. ჰოდა, ესეც ჩავწეროთ.

ბ-ნ ნ ი კ ო. აი, ასე ხდება ცხოვრებაში, არაფრის

დრო აღარ გრჩება, ვერაფერს ველარ იგებ, თუმცა ჩემისთანა არაპრაქტიკული ადამიანისათვის, სულაც არ არის გასაკვირი, მაგრამ მაინც, იცით, ეს სიყვარული ადამიანის მიმართ, ეს უანგარო გრძნობაა...

ეჭიმი. მე თქვენ აღარ მჭირდებით, თავისუფალი ბრძანდებით.

ბ-ნ ნიკო. მითხარით, მეგობარო, აი, თქვენ რა აზრისა ხართ მისი შრომების, კერძოდ, იმ შრომის შესახებ, რომელიც ეხება აპარატ „ულტიმა რაციოს“.

ეჭიმი. სისულელეა!

ბ-ნ ნიკო. რა არის სისულელე?

ეჭიმი. „ულტიმა რაციო“, რის გაკეთებასაც ის აპირებდა. (ტელეფონი რეკს. ეჭიმი იღებს ყურმილს). დიახ, ახლავე ამოვალ, დიახ, მე უკვე მზადა მაქვს... ახლავე (ბ-ნ ნიკოს). ბოდლიში, ძალიან მეჩქარება, ნახვამდის.

ფარდა

სურათი პირველი

სასტუმრო ოთახი, მინისტრის ყოფილი მოადგილის ვალერიან ილიჩის სახლში. მძიმე, სახაზინო შეხედულების ავეჯი, ზედმეტი არაფერია, ფანჯრებზე დიდი მოძველებული ფარდები, სასტუმროს ყაიდისა. ოთახში სოსო და ლელა.

ლელა. რატომ მომიყვანე აქ?

სოსო. დედა მინდოდა გაგეცნო.

ლელა. რისთვის?

სოსო. როგორ თუ რისთვის, ასეა მიღებული.

ლელა. მერე, სად არის დედაშენი?

სოსო. სიძესთანაა, რალაც ავეჯი შეუძენიათ და მოსახმარებლად წასულა.

ლ ე ლ ა. შენ ხომ გაფრთხილებული გყავდა?

ს ო ს ო. არ მეგონა, რომ შინ არ დაგვხვდებოდა, ძალიან იშვიათად გადის სახლიდან.

ლ ე ლ ა. მამაშენი?

ს ო ს ო. დასავლეთ გერმანიაში გაემგზავრა წუხელ.

ლ ე ლ ა. მშვენიერი ბინა გქონიათ.

ს ო ს ო. მამას ეს მინისტრობის დროს მისცეს. მაშინ დიდი ოჯახი გექონდა — ძმა, და, — ხუთი სული.

ლ ე ლ ა. აბა, ძმის სურათი მაჩვენე, ღმერთო შემპირდი...

ს ო ს ო. ფოტო სახლში არა გვაქვს, მე ალბათ მის ნახატებზე თუ გელაპარაკე.

ლ ე ლ ა. კარგი, ნახატები იყოს.

ს ო ს ო. ძნელი მოსაძებნია, ვინ იცის, სად ჩაჩურთა დედაჩემმა. თუ საერთოდ არ გადააგდეს.

ლ ე ლ ა. საქმე მაინც არაფერი გვაქვს, მოძებნე, ნუ გეზარება.

ს ო ს ო. ამ ძველმანების კარადაში თუ გადარჩა.. (ეძებს).

ლ ე ლ ა. და მაინც ვერ გამაგებინე, რატომ წავიდა სახლიდან?

ს ო ს ო. ამეც არ ვიცი, დედას რომ ყური დაუგლო, წიგნებმა გადარიაო.

ლ ე ლ ა. დონ კიხოტივით?

ს ო ს ო. ვერ გეტყვი. მამა კი მასზე დიდ იმედებს ამყარებდა, გამოჩენილ ადამიანად ამზადებდა. (ნახა სურათი). ოჰ, რა დამტვერილია!

ლ ე ლ ა. მომეცი!

ს ო ს ო. დამაცადე, გადავწმინდო, (შემოსასულე კარის ზარი). ვინ უნდა იყოს? (გადის, ისმის სოსოს გაოცებული ხმა: „მამა?“) შემოდის ვალერიან ილიჩი ჩემოდნითა და პორტუგალით ხელში), რა მოხდა, მამა, მგზავრობა გადაიდო?

ვალერიან ილიჩი. ეს ქალიშვილი ვინ არის?
სოსო. ლელა, ჩვენი სტუმარია, ჩემი ნაცნობი სტუ-
დენტი.

ვალერიან ილიჩი. სასიამოვნოა, დედა სად არის?
სოსო. ნინოსთან... რატომ არ გაემგზავრეთ, მამა?
- ვალერიან ილიჩი (მოწყვეტილად ჯდება), შეუძ-
ლოდა ვარ...

სოსო. ექიმს გამოვუძახოთ?

ვალერიან ილიჩი. არაა... არაა საჭირო,
გადავიფიქრე... რა მინდა საზღვარგარეთ...

ლელა. თავად თქვით უარი?

ვალერიან ილიჩი. მაშ სხვა ვინ იტყოდა ჩემს
მაგიერ?!

ლელა. ალბათ მოგებზრდათ.

ვალერიან ილიჩი. რა?

ლელა. ხშირად დადიხართ ალბათ.

ვალერიან ილიჩი. მშვენიერი პუნქტია ანკეტა-
ში. ნამყოფი ხარ თუ არა უცხოეთში და სად? — არსად,
არასდროს და არცა მაქვს სურვილი!

სოსო. მაგრამ თქვენ ხომ დათანხმდით?

ვალერიან ილიჩი. ჩავიდინე ეს სისულელე, არ
მეგონა ასეთ მათხოვრებთან თუ მოვხვდებოდი:
ნიფხვებში მალავდნენ რალაც-რალაცებებსა და საბაჟოს
მოხელეებს ელაქუცებოდნენ. წადი, დედას დაურეკე
ჩქარა მოვიდეს. ნახვამდის, ქალიშვილო, (წაჰოლვა და კ-
რებისაკენ წავიდა, მერე შეჩერდა.) ამბობენ, რომ იქ ხალ-
ხი მშვენიერად ცხოვრობს, არა?

ლელა. ამბობენ...

ვალერიან ილიჩი. მერედა, ვინ ამბობს. ამას?

- ლელა. ყველა, ვინც კი ნამყოფია.

ვალერიან ილიჩი. ბოდიში და, ჩვენი მოწინავე

საზოგადოება, არა? ქარხნის დირექტორები, პარტკომე-
ბი, ჩვენი, ბოდიში და, ინტელიგენცია, არა?

ლ ე ლ ა. თუ კი. ისინი მართალს ამბობენ?

ვ ა ლ ე რ ი ა ნ ი ლ ი ჩ ი. რა მართალს? იცით, რას
გეტყვი, ქალიშვილო, რუსეთში, როგორც კი გაროზ-
გვა აკრძალეს, სამი წელიც კი არ იყო გასული და უკვე
მეფის მოკვლა მოინდომეს.

ლ ე ლ ა. მერედა, ამას თქვენ წასვლასთან რა კავშირი
აქვს?

ვ ა ლ ე რ ი ა ნ ი ლ ი ჩ ი. საერთოდ ვამბობ, წესიე-
რებაზე, შეგნებაზე, ადამიანის უმადურებაზე, ალვირაბ-
სნილობაზე... (რალაცას ეძებს ჯიბეში). ნეტავ სად წავიღე,
(ჯიბიდან ამოაქვს რაღაც გაბვეული). ჰო, აი, აქ მქონია.

უჰ, კიდევ კარგი. (შემოდის სოსო). დაუკავშირდი?

ს ო ს ო. დედაცა და ნინოც ახლავე მოვლენ.

ვ ა ლ ე რ ი ა ნ ი ლ ი ჩ ი. აქ, სადღაც ჩემი ჩიბუხია,
მომიძებნე, ეს თუთუნი ჩიბუხში უფრო სასიამოვნოდ
მოიწევა.

ს ო ს ო. ახლავე (გადის მოსაძებნად).

ვ ა ლ ე რ ი ა ნ ი ლ ი ჩ ი (ერთხანს დაჰყურებს გახსნილ
გაზეთს და ისევ ახვევს). რასაკვირველია არასოდეს არ მო-
მიწევია ასეთი რამ, არადა ვიპოვე სულ პატარა ქონთან,
აეროპორტის ახლოს. ბავშვობაში თუ დაგიღვევიათ ვა-
ლერიანის წვეთები? იმის გემო აქვს... საინტერესოა,
საიდან გაჩნდება ხოლმე უცებ ის, რაც ყველაზე საჭი-
როა, მხოლოდ ერთი რამ არის საეჭვო, ის მართლაც
ის არის თუ ეჩვენება ადამიანს... შემთხვევით, ხომ არ
ეწევი?

ლ ე ლ ა. არა!

შემოდის სოსო. აწვდის ჩიბუხს.

ვალერიან ილიჩი. თუ მიკითხონ, სახლში არა
წარ, არც ტელეფონთან დამიძახო! (გაღის).

სოსო. საოცარი კაცია, აი, არ მოუხდა გამგზავრება,
მოეპრიანა და უკან დაბრუნდა.

ლელა. წავედი.

სოსო. მოიცა, ახლა ჩვენებიც მოვლენ!

ლელა. სურათს თან წავიღებ.

სოსო. მოიცა გაგაცილებ!

ლელა. არაა საქირო.

პირველი სურათის დასასრული.

მეორე სურათი

პატარა ოთახა, ფანჯარა ჩაბნელებულია ფარდით. ძველი დივანი,
მაგიდა, რამდენიმე სკამი. მაყურებლისაკენ ზურგით შემობრუ-
ნებული კარადა ქმნის ტიხარს. ოთახის კედლები და კარადა აკრე-
ლებულია ფერად-ფერადად მიწერილი სხვადასხვა გამონათქვამე-
ბითა და ლექსებით. იატაკზე ძველი რადიომიმღები დგას, ზემოდან
ფირფიტები აყრია. კუთხეში დიდი პლაკატია გაკრული: „თუ გინდა
იყო ბედნიერი, იყავი, ვინ გიშლის!“ შემობრუნებულ სკამზე მხე-
დარივით ზის ლელა, ჭინსებსა და მეზღვაურის მაისურში, ხელში
სურათი უჭირავს და აკვირდება. გამოდის სოსო.

სოსო. კიდევ მაგ სურათს შესცქერი?

ლელა. ესენი პირველყოფილი ადამიანები არიან
პალეოლითის ხანიდან.

სოსო. იგი ამ სურათს „ჩასაფრებულებს“ უწოდებ-
და.

ლელა. მე უფრო სხვა სახელს მოვუძებნიდი. კი-
დევ მომიყევი რაიმე მის შესახებ.

სოსო. უკვე ყველაფერი გიამბე. მეტი აღარაფერი
მახსოვს.

ლ ე ლ ა. კი მაგრამ, რატომ არ გააშვებინებთ, ამდენი ხანი რა უნდა ციხეში?

ს ო ს ო. ეს წარმოუდგენელია.

ლ ე ლ ა. რატომ? რა არის წარმოუდგენელი, სახლიდან გააგდეთ და ახლა ამბობთ, გაშვება წარმოუდგენელიაო?

ს ო - ს ო. ვინ გააგდო? არავისაც არ გაუგდია, თვითონ წავიდა...

ლ ე ლ ა. 16 წლისა რას არ ჩაიდენ! მაგ ასაკში მეც საოცარ ძალას ვგრძნობდი, რაღაც ქარიშხალი მედგა გულში, გაურკვეველი მოლოდინით ვიტანჯებოდი, სულწასული ვუცდიდი რაღაცას და ნაცოდებდა, დრო რომ ასე ნელა იზღაზნებოდა, ჩქარა მსურდა გავცლოდი ამ პრიმიტიულ განივებულ, გულსგამაწვრილებელ ოჯახურ მოწყენილობას: ქუსლების მაგიერ თითქოს ზამბარები მქონდა, რომლებიც მანტუნებდნენ, მაგდებდნენ ზემოთ. ხშირად, ქუჩაში გამოსვლისას, ჩემს თავს ვიჭერდი იმაში, რომ უმიზნოდ და უმიზეზოდ გავრბოდი, მივიჩქაროდი, იქ, სადღაც, ლამაზი და ბედნიერი ცხოვრების შესახვედრად.

ს ო ს ო. ეგ გასაგებია, შენ დედინაცვალთან იზრდებოდი.

ლ ე ლ ა. მარტო მაგაში არ იყო საქმე. (პაუზის შეწყვეტა). დედინაცვალს გააჩნია — იგი მამაჩემსაც ატყუებდა, თვალთმაქცობდა.

ს ო ს ო. ღალატობდა?

ლ ე ლ ა. არა, საერთოდ ატყუებდა ყოველ ნაბიჯზე. მას არ უყვარდა არც მამა და არც არავინ, ამას მამაც ხვდებოდა თურმე. როცა კვდებოდა, მაშინ მითხრა: ლელა, შეილო, მაგას არ დაუჯერო, არ ენდოო არაფერში.

ს ო ს ო. პეტრე კი უსაყვარლესი შეილი იყო. მამამ მას ბრწყინვალე განათლება მისცა.

ლ ე ლ ა. ბრწყინვალე განათლება მისცა და ციხეში შეაგდო?

ს ო ს ო. სახლში ამის შესახებ არაფერი იციან.

ლ ე ლ ა. როგორ, 17 წლის განმავლობაში არ დაინტერესებულან შვილის ბედით?

ს ო ს ო. ყველას გამოტირებული გვყავს, მამაჩემი მკაცრი, პრინციპული კაცია...

ლ ე ლ ა. დედა? ნათესავეები?

ს ო ს ო. რა ვიცი, ალბათ, დააეიწყდათ, რადგან ჩვენთან სახლში ამაზე ლაპარაკი აკრძალულია: პეტრე რომ ცოცხალია და ზის, მეც შემთხვევით გავიგე, როცა ტურისტული საგზურისთვის ანკეტას მავსებინებდნენ.

ლ ე ლ ა. და შენ წერილი არ მისწერე.

ს ო ს ო. რა მიმეწერა, ან ვისთვის, როგორც მითხრეს, სხვის გვარზეა, სად უნდა მეძებნა?

ლ ე ლ ა. იქ, საიდანაც ეგ გაიგე. გინდა წაგიკითხო წერილი?

ს ო ს ო. ვისი?

ლ ე ლ ა. პეტრესი, შენი ძმის.

ს ო ს ო. პეტრესი?

ლ ე ლ ა. ჰო, ჩვენ უკვე მიმოწერა გვაქვს.

ს ო ს ო (გაჩუმებულია).

ლ ე ლ ა. პირველმა მე მივწერე, წაგიკითხო?

ს ო ს ო (გაჩუმებულია).

ლ ე ლ ა (შესტკერის ირონიულად). გაგეხუმრე, საიდან უნდა მცოდნოდა მისამართი.

ს ო ს ო. ეს ადვილი საქმეა.

ლ ე ლ ა. როგორ?

ს ო ს ო. ძებნას გამოაცხადებდა.

ლ ე ლ ა. აკი წარმოუდგენელიაო. ხა-ხა-ხა. გაგეხუმრე, მართალი არ გეგონოს.

ს ო ს ო. შეხგან ყველაფერია მოსალოდნელი.

ლ ე ლ ა. საათს რომ შეჰპირდი, რატომ არ მოგაქვს?

ს ო ს ო. ამ დღეებში შემოგიტან. დედა მომცემს ფულს და თუ არ წავედი, უთუოდ შემოგიტან.

ლ ე ლ ა. (გულგრილად). მაშასადამე მიემგზავრები.

ს ო ს ო. ჯერ გადაწყვეტილი არა მაქვს.

ლ ე ლ ა. როგორც კი უკანასკნელ გამოცდას ჩავაბარებ, მეც გადავიხვეწები სადმე. მომბეზრდა აქაურობა.

ს ო ს ო. სად?

ლ ე ლ ა. რა ვიცი, თუგინდ „ბამზე“, ან სადმე. პომიდორის საკრეფადაც კი უფრო საინტერესო იქნება.

ს ო ს ო. ჩვენი პირობა?

ლ ე ლ ა. რა პირობა? შენი ცოლი რომ გავხდე?

ს ო ს ო. მამა თუ არ გაგვიბრაზდა.

ლ ე ლ ა. დებილი ხარ.

ს ო ს ო. რატომ?

ლ ე ლ ა. ეე, ახსნა მეზარება, მომაწოდე სიგარეტი.

ს ო ს ო. კი, მაგრამ, მაინც რატომ ვარ დებილი?

ლ ე ლ ა. შენ მართლა ხომ არ გგონია, რომ ჩვენ რაიმე გრძნობა გვაკავშირებს.

ს ო ს ო. ხომ იცი, რომ მიყვარხარ.

ლ ე ლ ა. არასოდეს არ გავთხოვდები.

ს ო ს ო. რომ მპირდებოდი?!

ლ ე ლ ა. ჰო, მინდოდა უზრუნველი ცხოვრება...

ს ო ს ო. რა შეიცვალა?

ლ ე ლ ა. გადავიფიქრე.

ს ო ს ო. რატომ?

ლ ე ლ ა. შენ მდგომარეობას ვერ შემიქმნიდი, არც შენი მშობლები ჩანან მართლმართიანები, ცოლქმრობა კი,

უკეთეს შემთხვევაში, გაუთავებელი ფარისევლობაა.

სო სო. ვიდრე რამეს დაასკვნიდე, თავად უნდა გამოცადო. სხვის ნალაპარაკებს და გოგონების ნაჭორავებს რომ აპყვე...

ლელა. მორალური ნორმების ჭეშმარიტ ფასს გოგონები უფრო ადრე იგებენ და ამის გასაგებად ქმარი სულაც არ არის საჭირო.

სო სო. ამით რა გინდა თქვა.

ლელა. ერთი ფიზკულტურის მასწავლებელი გვყავდა სკოლაში, კანონებისა და მორალური დებულებების „დამცველი“, ნამდვილად კი ერთი სული ჰქონდა, სანამ ტრუსიკში დამინახავდა.

სო სო. ყველა ერთნაირი ხომ არაა?

ლელა. ალბათ.

სო სო. ცუდ გუნებაზე ხარ და იმიტომ ლაპარაკობ ასე.

ლელა. შეიძლება. (აუზა). შენც ხომ უნდა გეთხოვა ვილაც „სვეტსკი“ კეკელა.

სო სო. ეს როდის იყო...

ლელა. როცა იყო!

სო სო. ჩვენები მაძალებდნენ.

ლელა. და შენ არ მოინდომე?

სო სო. იმან დამიწუნა. (აუზა). აღარ ვიცი, დავრჩე თუ წავიდე?

ლელა. წასვლას ხომ აპირებდი?

სო სო. კარგი, დავრჩები.

ლელა. არაფერიც.

სო სო. რატომ?

ლელა. უნდა გამოვიძინო, ხვალ გამოცდა მაქვს.

სო სო. გეხვეწები, მე ხელს არ შეგიშლი.

ლელა. მიდი, მიდი, მოუსვი აქედან!

სოსო. გეხვეწები...

ლელა (მკაცრად). აბა!.. (სოსო იყუთებს. ჰალსტუკს, იცვამს, პიჯაკს და გადის).

სინათლე ქრება.

მამაკაცის ხმა. აქ ჩრდილოეთში ადრიაანი გაზაფხულია. პორიზონტს ლურჯი ხანძარი მოსდებია, მალე კი, ვარსკვლავებით მოოქრულ შავი ხავერდის ცაზე, ცისარტყელებად აკიაფებული სხივები გარბიან. თავბრუ გეხვევა, გსურს დაეკიდო ერთ-ერთ გაქცეულ სხივს და საბაგირო გზასავით გაჰყვე, გადახტე ფერმკრთალ გარსში, რომელიც არშიად მოვლებია ლურჯ ხანძარს. მიწაზე კი სიბნელე და სიცივეა.

ლელა. სადღაც წამიკითხავს, რომ სულიერი წონასწორობა, სიჯანსაღე, ადამიანმა უნდა მოიპოვოს საკუთარი შეცდომების აღიარებაში, ამით უნდა დაუბრუნდეს ენერჯის წყაროს, ეძიოს, მოითმინოს, სჯეროდეს და იქონიოს იმედი.

მამაკაცის ხმა. კიდევ კარგი, რომ ადამიანი ვერ ხედავს საკუთარ თავს. როცა საკანში მკრთალი სინათლე ინთება და კედელზე ისევ ჩემი აჩრდილი იხატება, მძულს ჩემი თავი.

სენა ნახევრად ნათდება. დილის ბინდბუნდი, ქუჩა. მარკხნე სახლი, დიდი, განათებული ფანჯრით. ფანჯარასთან ლელასა და მამაკაცის ლანდებია. ისინი მოძრაობენ, ხანდახან ეხვევიან ერთმანეთს, მოპირდაპირე მხარეს, რომელიღაც სახლის სხვენზე მოკალათებული სოსო გარინდებული უთვალთვალებს ფანჯარას.

ლელას ხმა. მაპატიე, რომ ასე ერთფეროვან წერილებსა გწერ, მაგრამ ყოველივე ეს ჩემი განწყობის და მდგომარეობისაგან მოდის. რას იზამ, ავადმყოფი იმას უჩივის, რაც აწუხებს.

მამაკაცის ხმა. ციხეში ჯდომის ვადა და-

მიმთავრდა, უკან ისე მივემგზავრები, როგოც სა-
ეუთარ სახლში. მაგონდება — ბავშვობაში, ზაფხულო-
ბით, სოფელში მივყავდი მშობლებს. მატარებელი შუა-
ღამეს დაგვტოვებდა ხოლმე მყუდრო, პატარა სადგურში,
თვითონ კი გარიხინდებოდა ჩვენს გულებზე, სამუდამოდ
წაიყოლებდა ჩვენი ცხოვრების რაღაც ნაწილს.

პოეტს უთქვამს: „თუკი ტყისკენ მიგიწევს გული.
თავიდან აიღე ხელი“.

ს უ რ ა თ ი მ ე ს ა მ ე .

ლელას ოთახი. ლურჯი სინათლე ანათებს სკამს, რომელზეც გა-
დაშლილი წიგნი დევს, საფერფლეზე ანთებული სიგარეტი; ძვე-
ლი რადიომიმღებიდან დაბალ ხმაზე ისმის ძველებური ბლიუზი.
მოულოდნელად კარზე დააბრაახუნებენ.

ლ ე ლ ა. ვინ არის?

ს ო ს ო ს ხ მ ა. ლელა, გააღე!

ლ ე ლ ა. მძინავს.

ს ო ს ო. ნუ მიჰქარავ, გააღე!

ლ ე ლ ა. რა გინდა!

ს ო ს ო. შემომიშვი!

ლ ე ლ ა. მარტო არა ვარ.

ს ო ს ო. ვიცი! (აბრაახუნებს).

ლ ე ლ ა. თუ იცი, რაღა გინდა?

ს ო ს ო. ლელა, ლელა!

ლ ე ლ ა. ნუ ღრიალებ! (ანთებს სინათლეს).

მ ა მ ა კ ა ც ი. (ტახტზე ზის და ტანთ იცვამს). გიჟია, კინ-
არის?

ლ ე ლ ა. ეს, სოსოა (მიდის კარის გასაღებად).

მ ა მ ა კ ა ც ი. უნდა შემოუშვა?!

ლ ე ლ ა. არა უშავს, შემოვიდეს, შენ ხომ მაინც წა-
ვლას აპირებდი. (აღებს კარს. ზღურბლზე სოსო).

ლელა. დაამტვრიე კარები...

სოსო. ახლა რაღას იტყვი?

ლელა. არაფერს.

სოსო. იქნებ თავის მართლებას მოჰყვები.

ლელა. როდის მიტქვამს ტყუილი?!

სოსო. არა, მაგრამ..

ლელა. რა ჩვეულებაა ადამიანის თვალთვალი.

მამაკაცი. ლელა, ნახვამდის! (გავიდა).

სოსო. რატომ ჩაიდიხე, ეს ლელა, რატომ?

ლელა. რა შენი საქმეა?

სოსო. მე ხომ შენ მიყვარხარ.

ლელა. მე კი — არა.

სოსო. ნუ ამბობ ასე, ნუ, შენ ხომ შეამჩნიე, რომ გითვალთვალებდი, მაინც რატომ გააკეთე ეს?

ლელა. მომწონს ეგ კაცი.

სოსო. მე კი გეზიზღები, გძულვარ მითხარი, თქვი რომ მშიშარა ვარ, ლაჩარი, მაგრამ შემიყვარე, გამარტყი, მცემე! (ზღბლებზე დაეყვება).

ლელა. ნუ იგიჟიანებ თავს, ადექი!

სოსო. არა, არა, შენ უნდა დამარტყა, წიხლი ჩამცხო..

ლელა. ადექი, რომ გეუბნებინ!

სოსო. ჩემთვის წიხლიც გენანება, რატომ ჩაიდიხე ეს, რატომ?

ლელა. გაფრთხილებდი, რომ ვერ ვიცხოვრებ ისე, როგორც სხვები, მინდა ვიცხოვრო ჩემს ნებაზე, თავისუფლად.

სოსო. მე კი, არ მესმის რა არის ეს. პირიქით, მინდა გავხდე შენი ყმა, მონა, მონა!

ლელა. მაშ, რატომ წამოიწყე ეს მაიმუნობა?

სოსო. ხომ გთხოვ, დამსაჯო ამისათვის, ჩემო ყვე-

ლაფერო, ჩემო უსაზღვროებავ, ტკივილო და სიხარულო, გამარტყი, მე აქ ვარ.

ლ ე ლ ა. გიყურებ და ვერ გამიგია, სულელი ხარ, იგონებ სიგიჟეს, თუ უბრალოდ ცხოველი ხარ.

სო სო. ცხოველი ვარ, დიანაც, ცხოველი, განა ეს ცუდია, განა ეს ნამდვილი ბედნიერება არ არის?! რა სჯობს იმას, როცა ადამიანი არაფერზე არ ფიქრობს, არაფრის პასუხისმგებელი არ არის, როცა მის მოქმედებას ვიღაც ხელმძღვანელობს, ვიღაცამ უკეთ იცის რა სჭირდება, როცა იგი ბავშვობას იხანგრძლივებს, როცა ირგვლივ ყველაფერი ასე მყუდროდ და საამუშრად გეჩვენება, როცა პატრონი გყავს, რომლისგანაც დატუქსეაცა და დაყვავებაც მყარი და იმედია. აი, როცა შენთანა ვარ, ვგრძნობ, რომ შენ ჩემი პატრონი ხარ

ლ ე ლ ა. მე მგონი, შენ ყველაფერ ამას იგონებ.

სო სო. არა, შენ ეს იცი, რომ მე ვგიჟდები შენთვის, მზადა ვარ შევასრულო ყოველი შენი სურვილი, მზადა ვარ აჩრდილივით უკან მოგყვე, ხომ ხედავ, მე შენ ღალატსაც ყურადღებას არ ვაქცევ.

ლ ე ლ ა. რა სასაცილო სიტყვაა — ღალატი.

სო სო. სასაცილოა, ჰოდა, არც ვეჭვიანობ, მე ხომ გხედავდი, როგორ კოცნობდი... ჩემო სიყვარულო, მოდი მოგეფერო, შიიწევს მისკენ, ლელამ სილა გააწნა), — ოჰ, ჩემო კარგო...

ლ ე ლ ა. გეყოფა! თორემ გაგაგდებ გარეთ.

(პაუზა) რახან აქა ხარ, ერთ სერიოზულ საქმეზე მოვილაპარაკოთ. წყნარად დაჯექი და ყური დამიგდე! (სიგარეტს უკიდებს, პაუზა). დღეს ვიყავი ვეჭილთან... პეტრეს შესახებ.

სო სო. რა პეტრეს შესახებ?

ლ ე ლ ა. მას სურს აღძრას შუამდგომლობა უმაღლესი

ნაბჭოს პრეზიდიუმის წინაშე, პეტრეს შეწყალების შესახებ.

სო სო. ვინ არის ის?

ლე ლა. ვეჭილი.

სო სო. მერე?

ლე ლა. მარწმუნებს, პეტრეს ყველა მონაცემი აქვს შესაწყენარებლად. მან განაჩენი გამოითხოვა. დაპატიმრებისას არასრულწლოვანი ყოფილა, ახლა უკვე აპატიებენ, მაგრამ თხოვნა მშობლებმა უნდა დაწერონ, დედამ და მამამ, გაიგე?

სო სო. ეს წარმოუდგენელია

ლე ლა. რატომ?

სო სო. მამა არასოდეს დათანხმდება.

ლე ლა. უნდა მოელაპარაკო და დაითანხმო.

სო სო. მე?

ლე ლა. ჰო!

სო სო. არაფერი გამოვა.

ლე ლა. გეშინია?

სო სო. შეიძლება.

ლე ლა. შენ ვალდებული ხარ დაარწმუნო, რომ ყველა მშობლის მოვალეობას შეადგენს...

სო სო. ხა, ხა!

ლე ლა. რას იღრიკები.

სო სო. არაფერი გამოვა-მეთქი, გეუბნები.

ლე ლა. თუთიყუშვით ნუ იმეორებ ერთი და იგივეს. ეს უნდა გაკეთდეს.

სო სო. გაიგე, რომ ყურსაც არ დამიგდებს.

ლე ლა. დედა?

სო სო. ეჰ (ხელი ჩაიჭნია). აი, სიძემ თუ მოინდომა... მამაც მას უფრო ანგარიშს გაუწევს.

ლე ლა. მაშინ სიძემ იკისროს.

სოსო. მოინდომებს?

ლელა. როგორ?! უახლოესი ნათესავია... თანაც მხატვარი...

სოსო. ძალიან დაკავებულია.

ლელა. ვასვენოთ პეტრეს ნახატი. ნიჭიერი ადამიანით შეუძლებელია არ დაინტერესდეს... მე შივალ მასთან, წამიყვანე.

სოსო. წავიდეთ, უყვარს პატარა გოგონები.

ლელა. შენა გგონია მე პატარა ვარ და მოვეწონები?

სოსო. გაგიჟდება, ასე, გაშლილი თმით ალს ჰგავნარ, ლორელაის!

ლელა (ზღვის სარკესთან). 25 წლისა რომ გავხდები, ვიცი, რომ ძალიან ლამაზი ვიქნები, აი, მაშინ ვუჩვენებ სეირს მამაკაცებს, მაშინ ვიძიებ შურს.

სოსო. რატომ; რას ერჩი?

ლელა. რა ვიცი, ასე მსურს.

სოსო. მე რალა დაგიშავე?

ლელა. შენზე არ არის ლაპარაკი, მე ისინი მყვანან მხედველობაში, ცხოვრების ბატონ-პატრონები.

სოსო. ისინი ვინლა არიან?

ლელა. ერთხელ მე და ჩემმა მეგობარმა თავისუფალი ტაქსი გავაჩერეთ, უცებ, საიდანღაც გამოხტა გადაპრანჭული წყვილი, დაგვასწრეს ჩაჯდომა და როცა ტაქსი დაიძრა, ფანჯრიდან ენა გამოგვიყვეს, ჩემმა მეგობარმა აღფრთოვანებით შეჰყვირა: აი, ყოჩაღ! აი, ცხოვრების ბატონ-პატრონებიო. ალბათ იმათი თუ შემშურდა... ვინ იცის?! როდის წავიდეთ შენს სიძესთან?

სოსო. გინახავს?

ლელა. კი, მის გამოფენაზე ვარ ნამყოფი.

სოსო. ძალიან ცნობილი ვინმეა, დაგაინტერესებს...

ლ ე ლ ა. იყო დრო, მსახიობებსა და მხატვრებს უკან დავდედი, ახლა სასაცილოდაც არ მყოფნის ჩემი საქციელი.

ს ო ს ო. არა, ის ნამდვილად კარგი მხატვარია.

ლ ე ლ ა. რამდენიმე სურათი მართლაც მომეწონა. მაგრამ ისეთი კმაყოფილი და ამპარტავენული სახით მიდი-მოდიოდა, რომ... მოდი, დროს ნულარ დაგკარგავთ, დღესვე მოელაპარაკე თქვენებს, მე შინ დაგელოდები.

მ ე ო თ ხ ე ს უ რ ა თ ი

მინისტრის ყოფილი მოადგილის ბინა. სასტუმრო ოთახი. შუაღამეა. თამარი ტელევიზორს უყურებს, სოსო ახალი შემოსულია.

ს ო ს ო. რომელი სერიაა?

თ ა მ ა რ ი. მეთექვსმეტე.

ს ო ს ო. რატომ ხმას არ უწევ?

თ ა მ ა რ ი. მამას სძინავს, ეს სერია კი ორჯერ მაქვს ნანახი.

ს ო ს ო. ელაპარაკე?

თ ა მ ა რ ი. მთელი ღამე არ მძინებია, სულ ვფიქრობდი, როგორ ვუთხრა, საიდან დავიწყო... რაც არ უნდა იყოს, შვილია... დაწყებაა ძნელი... ასე მგონია, ვინმეს რომ ჩამოეგდო ამაზე ლაპარაკი, შევძლებდი მეთქვა რაიმე, პეტრეს მაგიერ მეთხოვა პატიება. ეჰ, პეტო, პეტო, რა დამნაშავე ხარ, შვილო, მამის წინაშე...

ს ო ს ო. რაიმე უნდა მოიგონო, როგორღაც უნდა უთხრა...

თ ა მ ა რ ი. სოსო, გეთაყვა, იქნებ უმისოდ მოხერხდეს ეს ყველაფერი. თუ პატიება სურთ, განა უჩვენოდ არ შეიძლება?

ს ო ს ო. პრეზიდენტში თხოვნა თქვენი სახელით უნ...

და წავიდეს. თვითონ, როგორც ვიცი, არ წერს შეწყნარების თხოვნას.

თამარი. შეჩვეული ვიყავი იმ აზრს, რომ საზღვარგარეთ არის, ან, სადღაც მყუდრო ადგილას და ჯიბრით არაფერს გვატყობინებს-მეთქი. ის მუდამ სასტიკი კაპუტი იყო... თურმე მთელი ეს წლები...

(ცრემლებს იწმენდს).

სოსო. ასე ხომ არ შეიძლება, მაინც რაღაც უნდა ეიღონოთ.

თამარი. კი, მაგრამ, ვინ არის ის ქალი, რას წარმოადგენს, სად მიაგნო, ან როგორ დაუკავშირდა?

სოსო. სტუდენტია, ჩემი ნაცნობი, კარგი ადამიანია.

თამარი. კარგი იქნება, მე არაფერს ვამბობ, მაგრამ რა უნდა, რით არის დაინტერესებული?

სოსო. უბრალოდ, ისე...

თამარი. ისე არაფერი ხდება, ალბათ აქვს რაიმე მიზანი... ჩვენ რა შეგვიძლია, თუ მამა არ ჩაერია — რა გამოვა, არადა, ახლა ისე გადატვირთულია, აფორიაქებული და კიდევ უხალი სადარდელი გავუჩინოთ?

სოსო. თხოვნას ჩვენი სახელით თვითონ ვეჭილი დაწერს, ჩვენ მხოლოდ ხელი უნდა მოვაწეროთ.

თამარი. არ მოგვისმენს, შენ ხომ არ იცი, პეტიკომ რა ტრამვა მოგვაყენა. ისეთ დროს, როცა მამაშენი მთავრობის წევრად უნდა გასულიყო, სწორედ მაშინ შეგვარცხვინა და თავს ლაფი დაგვასხა, რა უნდა ექნა, აილო და უარი თქვა მამობაზე. აბა, ვის უნდა ასეთი შვილი, რომ შეგარცხვენს, საქვეყნოდ თავს მოგპრის და გამოგაპენებს.

სოსო. მესმის, მაგრამ 17 წელზე მეტი გავიდა.

თამარი. საქმეც მაგაშია სწორედ. ისე შევეგუე იმ

ოცნებას, რომ ის სადღაც ბედნიერია... აღარც ვიცი, რა იქნება...

სო სო. მე მგონი, რომ გაუშვან კიდევ ალბათ სახლში მაინც არ დაბრუნდება.

თ ა მ ა რ ი (ხმას აუწია). დაბრუნდება თუ არ დაბრუნდება, ეგ არ არის მთავარი, (ჩუმად). განა მე მაგას ვამბობ, (ტირის).

სო სო. მოდის.

შემოდის ვალერიან ილიჩი.

ვ ა ლ ე რ ი ა ნ ი ლ ი ჩ ი (სოსოს ვერ ამჩნევს და დაეინებოთ შეცქერის ცოლს. თამარი ცხვირსახოცს მალავს), ჰმ, ჰმ! (ილიმება ირონიულად). რაღაც აბდაუბდა ზღაპარი დამესიზმრა, წარღვნის ბერძნული ვარიანტი. ადამიანის ბოროტმოქმედებით განრისხებულმა ტირანმა ზევსმა, წარღვნით გაანადგურა კაცობრიობა, მხოლოდ ერთი პატროსანი კაცი, დევკალიონი დატოვა. ყველაფერი ეს დაწვრილებითა და დეტალებში დამესიზმრა, გრიგალი, მთებად ავარდნილი უშველებელი ტალღები და უცებ, რაღაც აუწერელი სიჩუმე, მღუშმარება. უზარმაზარი, გამორიყული ლოდები და წვრილი ფერადი კენჭები, ფეხშიშველი, გამხდარი დევკალიონი, მწუხარე, დიდი ქროლა თვალებით, არა, მწუხარე კი არა, რაღაც არა-ადამიანურად მშვიდი... ტირანმა უბრძანა, მთხოვე რაც გინდა, შეგისრულებო დევკალიონმა სისულელე წამოროშა: „ადამიანები დამიბრუნეთო“. საოცარია, ყველაფერი თითქოს ნამდვილად ხდებოდა, აი, მხოლოდ ტირანს ვერ ვხედავდი, იქ იყო და ვერ ვხედავდი, ასეთი შემაწუხებელი გრძნობით გავიღვიძე, ვეძებდი და ვერ დავინახე ტირანი — უჩინმაჩინი. (შეაჰჩნევს სოსოს). ბერძნების მეტი ასეთ სისულელეს ვერავინ მოიგონებდა.

სოსო. მამიკო, ალბათ გადაიღალეთ, არ შეიძლება ამდენი მუშაობა.

თამარი. ჰო, მეც მინდოდა მეტქვა...

ვალერიან ილიჩი (ჩიუტად). არრრა! მე უნდა ვიშრომო, ვიშრომო და კიდევ ერთხელ ვიშრომო! ძალიან ცოტა დრო დამრჩა, უნდა მოვასწრო!

სოსო. განა, თქვენი გამოგონება რაიმე თარიღთან არის დაკავშირებული?

ვალერიან ილიჩი. ჩემი ხნის როცა გახდები, მაშინ დარწმუნდები, რომ დრო ყოველდღე უმატებს სიჩქარეს.

თამარი. კი, მაგრამ, შინ მაინც უნდა დაისვენო.

ვალერიან ილიჩი (ირონიულად იღიმება). დიახ, თამარიკო, მართალი ხარ, მაგრამ, სწორედ სამსახურში არაფერს ვაკეთებ და არც არავინ არაფერს აკეთებს. ნიტაევი ვინ მოიგონა ეს სამეცნიერო-კვლევითი ინსტიტუტი. უსაქმურებისა და პენსიონერების ბუდე. დადიან, ანეკდოტებს ყვებიან, ყავას ხარშავენ, პაპიროსს ეწევიან და ჭორებს ავრცელებენ. ვერც გაიგებ, ვის რა ევალება. აი, მოვნიცი ერთხელ, დავჯდები, შევავროვებ მასალებს, გავგზავნი ცეკასა და მინისტრთა საბჭოში, დავუმტკიცებ იმათ, რომ ასეთი ჯურის ინსტიტუტები საჭირო არ არის, უნდა დაითხოვონ, გააგდონ, კეტით გარეკონ!

სოსო. იქ ხომ ბევრი ხალხი მუშაობს და ისინი...

ვალერიან ილიჩი. არრრააა! იქ შენისთანა უსაქმურები არიან! არაფერი არ აინტერესებთ, არაფრის დარდი არ აქვთ (პატარა პაუზის შემდეგ). 16 წლის ადამიანი უკვე დამოუქიდებელი კაცია. შენ კი, რამდენი წლისა ხარ?

სოსო. ოცდაათის.

ვალერიან ილიჩი. ოცდაათის! აქედან, ასე ვთქვათ, შრომის სტაჟი 8 წელი გაქვს არა? თეატრალური კრიტიკოსი! მაინც რა არის ეს, რა პროფესიაა? იქნებ, შენ შენი ესთეტიკური კონცეფცია გაქვს, ან ახალი შესედულება ახალ ადამიანზე? იქნებ, შეგიძლია რაიმე ახალი თეორიაც გამოიგონო? რვა წლის განმავლობაში ორი სტატია გადაიწერე.

თამარი. ვალერიან, გეთაყვა, ახლა ყველა ასე ცხოვრობს, ყველას იოლად უნდა ბედნიერებას მიაღწიოს.

ვალერიან ილიჩი. რომელ ბედნიერებაზეა ლაპარაკი, რომელიც ამისთვის გვინდოდა?!

თამარი. სოსო თანახმა იყო, იმ გომბიომ არ მოსურვა.

ვალერიან ილიჩი. იმიტომ რომ ლობიოა, დოყლაპია, თორემ ქალის წინააღმდეგობა რას მიქვიან. გაზარდე, ჩააცვი, დაახურე, ასწავლე, ბინა დაუთმე, ცოლი მოუყვანე, შენს კმაყოფაზე აცხოვრე, მეტი რა უნდა — მხარ-თეძოზე წამოწეჭი და იკოტრიალე, არა? თუ, იქნებ შენც არ გსურს სინით მორთმეული ბედნიერება?!

სოსო. ყველას სურს, იცით, უბრალო ხალხს, ახალგაზრდობას, გაიზარდა მოთხოვნილება...

ვალერიან ილიჩი (ძღვა). ვერ გავიგე, დალაგებით მითხარი.

სოსო. როგორ ვთქვა, მამა, აი მაგალითად, სულ რამდენიმე წლის წინათ ყველაფერი გამორჩეულად იყო. ყველაფერს თავისი ავტორიტეტი ჰქონდა, მაგალითად, მახსოვს, ქალაქში რამდენიმე ცნობილი ლამაზი ქალი; მათ ბაძავდნენ, პატივს სცემდნენ, შურდათ მათი კლასიკური ნაკვთების, სახის კანის, თვალის ფერის. ახლა ყველაფერი ეს ძველმოდურ ზედმეტობად გადაიქცა,

ლამაზსა და ულამაზოს ერთი ფასი აქვს, ერთნაირი პრეტენზია.

ვალერიან ილიჩი. როგორ?

სოსო. ჩვეულებრივმა ულამაზო ქალებმა, რომელნიც საერთოდ უფრო მეტნი არიან, მოითხოვეს თავისი უფლებები.

ვალერიან ილიჩი. რა უფლებებზეა ლაპარაკი?!

სოსო. ადამიანებს თანასწორობა და თავისუფლება სწყყურიათ.

ვალერიან ილიჩი. ხა, ხა! რახან მეტნი არიან? რომელი თავისუფლება?

სოსო. წვრილმანებში, ჩაცმაში, ცეკვაში, სიმღერაში, ურთიერთთან დამოკიდებულებაში...

ვალერიან ილიჩი. რასაც შენ ამბობ, სისულელე და აბუეტობაა, ადამიანის თავისუფლების პირველივე ნაბიჯი ბოროტმოქმედება გამოდგა. მართალია თუ ზღაპარი, ყოველ შემთხვევაში უსაფუძვლოდ არ არის ეს აღნიშნული ბიბლიაში. თავისუფლება! თვითონ არ იციან რა უნდათ, პატრონი აღარა ჰყავთ, პატრონი! სოფლის ეზოს ხშირად მხოლოდ ჭიშკარი აქვს და არავითარი გალავანი ან ღობე არ არტყია, მაგრამ ეს იმას არ ნიშნავს, რომ უპრაგონოდ იხეტიალო და უმოკლესი გზით გადაჭრა, ან გვერდიდან გადახვიდე სახლისაკენ. წესიერი ადამიანი მხოლოდ და მხოლოდ ჭიშკარში უნდა შემოდიოდეს.

თამარი. ვალერიან, ჩაი ხომ არ მოგიტანო? სასაღილო ოთახში გამოხვალ?

ვალერიან ილიჩი. აქ მოიტანე! (თამარი გადის პაუზა, ვალერიან ილიჩი ოთახში ბოლთას სცემს). შენ ამბობ, რომ ადამიანებს თავისუფლება სწყყურიათ, თვითონ კი იცი რა არის ეს?

სოსო. მე ვგულისხმობდი თავის დაჭერისა და მოქცევის სულ ძვირე წესებს... .

ვალერიან ილიჩი (აწყვეტიანებს). სისულელეა! თავისუფლება ყველასათვის არ არის მოგონილი, გინდა მოგცემ თავისუფლებას, გინდა? გაგათავისუფლებ და გაგაგდებ შინიდან.

სოსო. გავიმეორე ის, რაზედაც აქლა ლაპარაკობენ.

ვალერიან ილიჩი. შენ ყოველთვის სხვის ნათქვამს იმეორებ, საკუთარი არაფერი გაგაჩნია, ყველაფერზე თანახმა ხარ.

სოსო. სამაგიეროდ, მე შემიძლია ერთგულება.

ვალერიან ილიჩი. ვისადმი?

სოსო. ყველასადმი.

ვალერიან ილიჩი. ესე იგი—არავისადმი. არა-ვინ და ყველა — ერთია!

სოსო. კარგი ქვეშევრდომობა განა დასაძრახია?

ვალერიან ილიჩი. იქნებ ტირანიის დროსაც?

სოსო. ზოგს არ უყვარს ტირანია, მე კი ვფიქრობ, რომ იგი მეტად ათავისუფლებს ადამიანს სხვადასხვა მომაბეზრებელი წვრილმანისგან.

ვალერიან ილიჩი. წვრილმანისგან. ხა! ხა! სისულელეა! „ზოგს არ უყვარს ტირანია!“ ხა! ხა! ტირანს იმდენივე მტერი ჰყავს სახელმწიფოში, რამდენიც მაცხოვრებელია.

შემოდის თამარი ჭიქით და ლამბაქით ხელში.

თამარი. პატარა ნაჭერი ნამცხვარიც მოგიტანე.

ვალერიან ილიჩი. გმადლობთ, დადგი! (ოთახში ბოლთას აცემს). უბედურება ისაა, რომ შენ არც კი გესმის ჩემი...

სოსო. მაინც რა, მამა?

ვალერიან ილიჩი. რაა? მაგალითად, რატომ არ

ითხოვე ცოლი, გოგო არ მოგეწონა? მგონი შენთვის ზედგამოჭრილი იყო.

სო სო. ხომ იცით, რომ თვითონ არ მოისურვა.

ვალერიან ილიჩი. დააა, თვითონ არ მოისურვა... (უცებ, თითქოს ყოველივე ინტერესი დაკარგა იმისადმი, რა ზედაც ალა ასე გაცხარებით მსჯელობდა.) თამრიკო, სად არის ჩაი? (თამარი სწრაფად აწოდებს. დადის კიჩით ხელში, თითქოს თავის თავს ელაპარაკება). როცა პეტრე სახლიდან წავიდა, ბუდისტური ლიტერატურიდან ამონაწერი ერთწინადაბიანი წერილი დატოვა: „თავისუფლება გამოიხატება იმაში, რომ შინიდან წახვიდე“.

თამარი. ბევრი კითხვისაგან მოუვიდა, ყველაფერს განურჩევლად კითხულობდა.

ვალერიან ილიჩი. 'გახსოვს, ჯერ სულ პატარა იყო, ერთი ციციქნა, როცა დოსტოვესკის ნაწარმოებებზე შილერის გავლენას აღნიშნავდა, შოპენჰაუერის ფილოსოფიისა და ჩეხოვის „ძია ვანის“ მსოფლმხედველობითს ერთიანობაზე მსჯელობდა. და ეს როდის, როცა დოსტოვესკი აკრძალული იყო, შოპენჰაუერი კი თითქმის ხალხის მტერი.

თამარი. ჰო, ჰო, ისეთი ნიჭიერი იყო...

ვალერიან ილიჩი (არ უგდებს ყურს). მერე მოექცა ვიღაცა ბაცნების წრეში და ჩემმა შვილმა საფულე მოიპარა, ჩემი შვილი ქურდი გახდა, ჩემი შვილი. არაააა! ჩემი შვილი კი არა, ის გახრწნილი, ნაძირალა, ის უსინდისო, ცხოვრობდა ამ სახლში, სწავლობდა აქ, ამ სკოლაში (მივარდება ფანჯარას და ასწევს ფარდას). ყოველ დილით აქედან ვაყოლებდი თვალს, როგორ ჩარბოდა კიბეებზე ზურგზე ჩანთამოკიდებული, ეგ უსინდისო, ეგ ნაძირალა (სოსოს). ხომ არ გინდა შენც შენი ძამიკოსავით გაგათავისუფლო, მიგაბრძანო და გაგაგდო აქედან?!

სოსო. არა, შამიკო, მე ხომ არაფერი მოთქვამს.

ვალერიან ილიჩი. კარგი, კარგი, შამიკო, გადი, წადი შენს ოთახში. (თვითონ გადის).

პაუზა.

თამარი. რად გინდოდა, პოლიტიკაზე რომ ჩამოაგდე ლაპარაკი? ყველაფრის ამრევ-დამრევი ეგ არის...

სოსო. რა ვიცოდი, თვითონვე თუ წამოიწყებდა, პეტრე ჯერ არასოდეს უხსენებია.

თამარი. არც ჩემთან. ალბათ სიზმარმა თუ შეაწუხა — პეტრესაც ხომ კროლა თვალეზი ჰქონდა.

სოსო. ერთი სიტყვით — მომენტი გავუშვით.

თამარი. ჰო...

სოსო რთავს ტელევიზორს. სროლა, შეძახილები: „ვაშაა“ შემოდის ვალერიან ილიჩი. სოსო დგება და გამორთავს ტელევიზორს. ვალერიან ილიჩი ელოდება სოსოს გასვლას. სოსო გადის.

ვალერიან ილიჩი. ფარდები ისევ აწეულია. (მიდის და ჩამოუშვებს).

თამარი. გარეთ რა ხანია დაბნელდა. შენ თვითონ არ ასწიე წედან?

ვალერიან ილიჩი. საქმეც ის არის, რომ გარეთ ბნელა, აქაურობა კი გაგიბღღვრიალეზიათ.

თამარი. შიდა ფარდა ხომ დახურულია?

ვალერიან ილიჩი. ეს მარლაა და არა ფარდა.

თამარი. ვალიკო, ასეთ წვრილმანზე ნუ იშლი ნერვებს.

ვალერიან ილიჩი (ყვირის). ეს წვრილმანია?! თქვენთვის ყველაფერი წვრილმანია! დაუდევრებო, უსულგულო დოყლაპიებო! როდემდე შეიძლება ერთი და იგივეს ჭაქანი, როდემდე?

თამარი. განგებ ხომ არ ვაკეთებ...

ვალერიან ილიჩი. კმ... მოგწონთ შუშის კო-
ლოფში ცხოვრება, გამვლელ-გამოვლელი რომ ჩავიძე-
რეთ სულში. სად არის ჩემი ჩიბუხი?

თამარი. თავის ადგილზე.

ვალერიან ილიჩი. მახსოვს, რომ აქ დავტოვე.

თამარი. გუშინ აქ დავგრჩა და შენს ოთახში შე-
ვიტანე.

ვალერიან ილიჩი. მოგვიანებით ჩაი დააყენე,
მაგარი. (გადის).

თამარი რთავს ტელევიზორს უხმოდ. ჩაქდება სავარძელში და
უყურებს.

ფ ა რ დ ა.

მ ო ქ მ ე ლ ე ბ ა II.

მ ე ხ უ თ ე ს უ რ ა თ ი.

ორსართულიანი საკუთარი სახლის ზედა სართული, ბ-ნი ნიკო სახელსონო. ცალ მხარეს—დაქანებული შუშაბანდი, ზეორე მხარეს—ყრუ ანტრესოლი. უზარმაზარ ოთახში ბ-ნი ნიკოს ნამუშევრებია გამოფენილი; ზოგი ლამაზ ჩარჩოშია მოთავსებული, ზოგი მოლბერტზეა შემოდებული, ზოგიც კედელზე მჯდომებული. შუა ოთახში დგას მრგვალი ძველებური მაგიდა, თავისივე სკამებით. ყველგან წესრიგი და სისუფთავეა. ანტრესოლში ხატების კოლექციის, მუდრო სავარძლისა და ძვირფასი ხალიჩის მეტი არაფერია. ბ-ნი ნიკო სკამზე წამოწოლილია, ფეხები დაბალ ტაბურეტზე შემოუდევს. გამოზრანქულია. საღამოედება. მაგნეტოფონი ხმამაღლა უკრავს ძველ ბოშურ რომანებს. გაისმის 'შემოსასვლელის' ზარის ხმა. ბ-ნი ნიკო დგება, გამორთავს მაგნეტოფონს და ადებს კარს.

ბ-ნი ნიკო. ოჰ, სოსიკო, მობრძანდით, რა მშვენიერი სტუმარი მომიყვანე, მობრძანდით.

სოსო. ეს ლელაა, მე რომ ვითხარი, ძალიან სურს შენი გაცნობა.

ბ-ნი ნიკო. დიდი პატივია, როცა ასეთი ახალგაზრდა ლამაზმანები თავისი ყურადღების ღირსად გხდიან. დაბრძანდით, აი, აქეთ მობრძანდით.

ლელა. გმადლობთ.

ბ-ნი ნიკო. ძლიერ მეცნობით, ხომ არ შემახსენებთ, სად შევხვედრილვართ?

ლელა (კეცხვით). თქვენ თვითონ გაიხსენეთ.

ბ-ნი ნიკო. მე ისეთ ასაკში გახლავართ, რომ ყველა ლამაზი ქალი ჩემი ნაცნობი მგონია. ჰა! ჰა! ნუღარ გამაწვალებთ და მითხარით.

ლ ე ლ ა (იპრანკება). არ გეტყვით-მეთქი!

ბ-ნ ნ ი კ ო. ოჰ, ოჰ, ოჰ! სულ არ გამიკვირდება, რომ ჩემი უახლოესი ადამიანი გამოდგეთ, ისე დაბნეული ვარ ამ მუშაობით, რსე გადაღლილი და ზაერთოდ არა-ორგანიზებული. რა ხდება ირგვლივ, ველარ ვარ-ჩევ... და მაინც, სადა მხვდა ბედნიერება?

ლ ე ლ ა. ერთი კვირის წინ ძეგლის გახსნაზე, მე მხატვარ გიოშვილთან ერთად ვიყავი.

ბ-ნ ნ ი კ ო. გიოშვილი?

ლ ე ლ ა. დიახ, თქვენ გადაეხვიეთ ერთმანეთს.

ბ-ნ ნ ი კ ო. ხომ გითხარით. ისე ვარ გადატვირთული ამ შეხვედრებით, ნადიმებით, დღესაც პირდაპირ სახე-ლოსნოდან წამიყვანეს, სულ ახალი დაბრუნებული ვარ. მეგონა პოლანდიელ მეგობრებს შეეხვდებოდი და იქაც საოცარი ორომტრიული იდგა. ერთი სიტყვით, პოპულარობა დიდი დამქანცავი რამ არის, ბატონებო. რატომ არ დაქდებით, დაბრძანდით, გუმანითა ვგრძნობ, რომ მხატვრობითა ხართ დაინტერესებული, არა?

ლ ე ლ ა (ყვალუთად). მხატვრებით!

ბ-ნ ნ ი კ ო. ოჰო! ფრიალ მისასალმებელი.

ლ ე ლ ა. მე ვთვლი, რომ მხატვრებმა ასწავლეს კაცობრიობას არა მხოლოდ წერა, აზროვნებაც.

ბ-ნ ნ ი კ ო. ოჰ! ჩემო პატარა ფილოსოფოსო. გეტყობათ ხელოვნების ქეშმარიტი მოყვარული ბრძანდებით.

ს ო ს ო. განსაკუთრებით შენი ნამუშევრები მოსწონს,

ლ ე ლ ა. დიახ, თქვენი პორტრეტები ძლიერ შთამბეჭდავნი არიან, ერთი პეიზაჟიც — „ბალი ზღვის პირას“.

ბ-ნ ნ ი კ ო. საუცხოო გემოვნება გქონიათ. ჩემს გრიზაილესს თუ იცნობთ? მართალია, მთლად რაფაელისებური ვერ არიან, მაგრამ, როგორც იტყვიან, არც ჩვენა ვართ ნახირ-ნახირი. ჩავიდეთ ქვემო სართულზე, განა-

ხებთ, თანაც უცხოელი ცნობილი სპეციალისტების რე-
ცენზიებს წაგაკითხებთ.

ლ ე ლ ა. ბატონო ნიკო, მე ერთ სერიოზულ საქმეზე
ვარ მოსული და თუ ყურს დამიგდებთ, დიდად დამავა-
ლებთ.

ბ-ნ ნ ი კ ო. დაბრძანდით, შენ მაინც დაჯექი, სოსო, რა
გაქცევზე ხარ.

ლ ე ლ ა (სოსოს). შენ დაიწყე.

ს ო ს ო. არა, მე ქვემოთ ჩავალ, ჩემს დას ვინახულებ.

ბ-ნ ნ ი კ ო. სოსო...

ს ო ს ო. იქ დაგელოდებით (გაღის).

ლ ე ლ ა. ბატონო ნიკო, თქვენი ცოლისძმის, პეტრეს
შესახებ მინდა მოგელაპარაკოთ.

ბ-ნ ნ ი კ ო. პეტრე? ცოცხალია?

ლ ე ლ ა. დიახ. და მე მასთან მიმოწერა მაქვს.

ბ-ნ ნ ი კ ო. საზღვარგარეთაა?

ლ ე ლ ა. არა, ციხეში.

ბ-ნ ნ ი კ ო. მერედა, მე რა შუაში ვარ?

ლ ე ლ ა. არაფერში, გარდა იმისა, რომ იგი უკვე
დიდი ხანია ზის და დროა გაათავისუფლონ.

ბ-ნ ნ ი კ ო. მაშასადამე, მას ვადა უთავდება და აპი-
რებს ჩამოსვლას?

ლ ე ლ ა. არა. კიდევ ათი წელი უნდა იჯდეს.

ბ-ნ ნ ი კ ო. მაშ, რაღაშია საქმე, ჩვენ რა შეგვიძლია?

ლ ე ლ ა. ისეთმა გავლენიანმა პირმა, როგორც თქვენ-
ნა ხართ, თუ მოინდომა, წინ ვერაფერს დაუდგება.

ბ-ნ ნ ი კ ო. როგორ გეკადრებათ, ჩემო მშვენიერო.
როგორ გეკადრებათ, მე, ერთმა საცოდავმა მხატვარმა

დაბნეულმა და ამ ცხოვრების ფაციფუტით გადაღლილმა მოვიწოდო და მას ასე ჰარიჰარად, ვადაზე ადრე გაუშვებენ, რატომ? რისთვის?

ლ ე ლ ა. როგორ თუ რატომ, ამას ხომ უბრალო ადამიანობა მოითხოვს?! რაც უნდა ჩაედინა, განა საკმარისი სასჯელი არ მოიხდა?

ბ-ნ ნ ი კ ო. ჰო რარიგ მიამიტად მსჯელობთ, ჩემო ლამაზო, რარიგ გულუბრყვილო ბრძანებულხართ, თქვენ გგონიათ ვინმეზე რაიმე შთაბეჭდილებას მოახდენს თქვენი ხმაური? ჰუმანურობის შესახებ ლიტონი სიტყვების რახარუხი?

ლ ე ლ ა. რა ლიტონი სიტყვები? თქვენ სიძე ხართ, უახლოესი ნათესავი.

ბ-ნ ნ ი კ ო. როგორ გეკადრებათ, პირველად მესმის, რომ ჩემს ცოლს, სოსოს გარდა ძმა ჰყავს.

ლ ე ლ ა. მით უმეტეს, ახლა უფრო უნდა დაინტერესდეთ, თანაც, პეტრე მხატვარი იყო, ხატავდა.

ბ-ნ ნ ი კ ო. ხატავდა? ჩემო კარგო, ვინ არ ხატავს დღეს!

ლ ე ლ ა. არა, ის უბრალო მხატვარი არ იქნებოდა, აი ნახეთ 14 წლის ასაკში (ხსნის გრანდოს, აჩვენებს). შესრულებული სურათი. ამ ნახატს ჰქვია „ჩასაფრებულნი“.

ბ-ნ ნ ი კ ო. (წვლიერებს სურათს). ჰმ, არა უშავს რა. მაგრამ კომპოზიცია მოიკოჭლებს, უპრიანი იქნებოდა ჯგუფის შუაში გადმოტანა...

ლ ე ლ ა. ბიჭს შეხედეთ, როგორი აღფრთოვანებულნი ხაზე აქვს. მისი ყურადღება ჭიამაიას მიუპყრია — სილამაზეს!

შეხიდეო. გამგვირგაღე ღრუბლებიდან გამოსხივებული მზე ვერცხლისფრად როგორ ანათებს, სიმეტრიას

წითელ პატარა ფრთებზე: სამი შავი წერტილი მარჯვენა მხარეს ერთნაირი დაშორებით, სამივე — მარცხნივ, ხედავთ?

ბ-ნ ნიკო. კი, მაგრამ შიშველი სქეულის მოდელირება პირდაპირ უვიცობის ნიმუშია. აქ კიდევ თემატურ ანაქრონიზმსაც აქვს ადგილი. არ მეგონა მამონტებისა და ბიზონების ეპოქაში ჭიამაია თუ არსებობდა, ხა, ხა!

ლელა. მე კი, როცა ბიჭის სახეს შევეცქირი, ტანში ჭიანჭველები მივლიან. (შეახვია სურათი).

ბ-ნ ნიკო. ადამიანს ხანდახან შეიძლება ჭიანჭველებისაც კი შეშურდეს.

ლელა (კეაღუცად). ჰოო?

შემოდის ნინო.

ნინო. გამარჯობათ, ქალიშვილო, კი მაგრამ ეს ჩემი ქმარი რა პროკურორი ნახეთ, ან ისეთი კვაჭი, რომ კანონებს აუაროს გვერდი? თავის სამუშაოს მეტს ვერაფერს ამჩნევს, ვერაფერს იგებს, ნიკომ ისიც კი არ იცის. ვინ არის დღეს ჩვენი მთავრობის თავმჯდომარე.

ბ-ნ ნიკო. ნუ იცი გადამეტება, ოპ!

ნინო. სოსო არ იცნობს თავის სიძეს, აქ რომ მოგიყვანათ?!. ჯერ იყო და ჩვენ ამხელა ტრავმა მოგვაყენა, ახლა შენი რეპუტაცია უნდათ შებღალონ? ჩვენ შვილები გეყავს, პატიოსანი ოჯახის სახელი გვაქვს, ნიკოს ხშირად საზღვარგარეთ უწევს წასვლა...

ლელა. ჰოდა, პატიოსანი კაცის სახელი რომ აქვს ბ-ნ ნიკოს, იმიტომაც მოვედი აქ. უცხო ხომ არ არის, ცოლისძმა!

ბ-ნ ნიკო. როგორ გეკადრებათ, ხომ გითხარით პირველად მესმის-მეთქი.

ნინო. დიახ, ციხის შესახებ არც ნიკომ იცოდა, არც ჩვენ ვიცოდით, ის რომ დაპატიმრებულია.

ბ-ნ ნიკო. რასაკვირველია, რასაკვირველია. მაინც მოდით, განვსაჯოთ სალად, რეალურად, ემოციებისა და ჩიტირეკიობის გარეშე, ასე არაა, ჩემო კარგო? თქვენ სტუდენტი ბრძანდებით, არა?

ლ ე ლ ა. დიახ.

ბ-ნ ნიკო. ჰოდა, უპირველეს ყოვლისა, ვიფიქროთ იმაზე, თუ როგორ იმოქმედებს ეს თქვენს მომავალზე. თქვენი გულწრფელობისა უდავოდ მჭერა, მაგრამ ამ ფილანტროპიას ხომ შეიძლება მავანმა და მავანმა სხვა თვალით შეხედოს? უანგარობა დღეს საზოგადოებაში ეჭვს იწვევს, გამორიცხული არაა, რომ ამ თქვენს საქციელს რაიმე სერიოზული სარჩული არ დაუდონ, თუნდაც დაგაბრალონ ან მოგიგონონ რაიმე?

ლ ე ლ ა. რაც უნდათ, ის დამაბრალონ.

ბ-ნ ნიკო. ნუ იტყვით მაგას, თქვენ ჯერ გამოუცდელი ხართ.

ლ ე ლ ა. მე არ მეშინია.

ბ-ნ ნიკო. დამიჯერეთ, როგორც გგონიათ, მთლად ისე არ არის საქმე. დავუშვათ, მოვინდომეთ, ჩავებით ამ წინასწარ განწირულ ღონისძიებაში, რა გამოვან? დარწმუნებული ხართ, რომ უმადლესი საბჭოს პრეზიდენტს ერთი სული აქვს ჩვენგან თხოვნა მიიღოს და ამდენი ხნის პატიმარი ეგრევე გამოუშვას?

ლ ე ლ ა. ვეჭილმა თქვა, რომ პეტრე არასრულწლოვანი დაუპატიმრებიათ და მისი შეწყსნარებისათვის ეს დიდად გამოსაყენებელი ვითარებააო.

ბ-ნ ნიკო. ეგ არავის არ აუჩუყებს გულს, ვის აინტერესებს სხვის საქმეში ჩარევა.

ლ ე ლ ა. განა ეს ყველას არ ეხება?

ბ-ნ ნიკო. სადღაც იდეალში? ოჰ, რა გამოუსწორებელი რომანტიკოსი ხართ, ჩემო მშვენიერო.

ნინო. ის რომ კარგი კაცი ყოფილიყო, აშდენხანს.
შეგვატყობინებდა თავის ამბავს.

ლელა. ესე იგი, თქვენ უარს მეუბნებით.

ბ-ნიკო. როგორ გეკადრებათ, როგორ გეკადრებათ, მე იმის მეშინია, რომ ჩვენი ხმა ღარჩება „ხმად ძალადებლისა უღაბნოსა შინა“.

ლელა. ჭერ ვცადოთ...

ბ-ნიკო. ცოტა დავიბენი, იციოთ... როგორ უნდა ვცადოთ... ოჰ, თქვენ არ ითვალისწინებთ ერთ გადაულახავ დაბრკოლებას.

ლელა. რა დაბრკოლებას?

ბ-ნიკო. აი! (მიუთითებს ვალერიან ილიჩის პორტრეტზე).

ლელა (უახლოვდება ვალერიან ილიჩის სურათს, შეშფოთებულა). ეს ვალერიან ილიჩია?

ნინო. დიახ, მამაა!

ბ-ნიკო. რა მოგივიდათ, ფერი არ გადევთ, ცუდად სომ არა ხართ?

ლელა. არაფერია, უბრალოდ დილიდან მშვიერი ვარ.

ბ-ნიკო. საუცხოოა! ჩვენ ახლავე მოვაწყობთ პატარა სახელდახელო რაუტს, აბა, ნინო! (ატრიალებს ხელებს, ეტყობა ჩვეული პირობითი ეესტია). მანამდე კი ხატების კოლექცია დავათვალიეროთ, თუ გნებავთ, მოვისმინოთ რაიმე — უნიკლური ჩანაწერები მაქვს.

ლელა. ნუთუ ვალერიან ილიჩი არ დაგვეხმარება?

ბ-ნიკო. შეგვიშლის ხელს, არათუ დაგვეხმარება.

ლელა. როგორ? შვილია და თქვენი ოჯახის წევრია!

ნინო. რით ვერ გაიგეთ, ისეთი ტრამეა მოგვაყენა მთელ ოჯახს, რომ ის ჩვენთვის აღარ არსებობს! (ნინო გადის).

ლელა. პეტრე ამ ოჯახში არ დაბრუნდება.

ბ-ნიკო. საუბედუროდ, აქ იგი დიდხანია დაივი-

წყეს და მისი დაბრუნება არავის არაფერს უქადის სასიკეთოს.

ლ ე ლ ა. იგი აქ არ დაბრუნდება.

ბ-ნ ნ ი კ ო. ვინ იცის, ადამიანი დღეს ამ ჰკუაზეა, ხვალ სხვაზე. (კედლის კარადიდან გამოაქვს ბოთლი). ერთი ორ ყლუპს ხომ დალევთ ჩემთან ერთად?

ლ ე ლ ა. სიამოვნებით. და თუ კიდევ სიგარეტს მომაწევინებთ, მაღლობელი დაგრჩებით.

ბ-ნ ნ ი კ ო. თქვენ რომ შეგცქერით, ხილვები მებადება.

ლ ე ლ ა. ხილვები?

ბ-ნ ნ ი კ ო. წარმოდგენები.

ლ ე ლ ა (ანცად). მოქმედებისათვის?

ბ-ნ ნ ი კ ო. ყოველი მოქმედება ჯერ წარმოდგინება და რეპეტიციას გადის აზროვნებაში, ასე არაა? (პასუხს არ ელოდება). პარიზში როცა გახლდით, აერძო კოლექციის დასათვალისწინებლად მიმიწვიეს, სადაც ვან გოგის რამდენიმე ნამუშევარიც იყო. ხომ მოგწონთ ვან გოგი? (არ უდის პასუხს). შევედი თუ არა დარბაზში, იმდენი ნაცნობი დამეხვია...

შემოდის ნინო სინით ხელში, საუზმეს ალაგებს.

ლ ე ლ ა. დიახ, ვან გოგი მე ძალიან მომწონს, განსაკუთრებით მისი „წითელი ვენახი არლიში“.

ბ-ნ ნ ი კ ო. თქვენ მეტი არაფერი გინახავთ და იმიტომ.

ლ ე ლ ა. თითქმის ყველა მისი რეპროდუქცია მაქვს.

ბ-ნ ნ ი კ ო. ეგ სულ სხვა რამ არის...

ლ ე ლ ა (აწყვეტივნბს). „წითელი ვენახი“ საკმარისია, რომ მის შემოქმედებაზე წარმოდგენა იქონიო. თეთრი მზე, ყვითელი ცის ფონზე, ხეების მოწითალო ტანი, ღია ცისფერი ტოტები და ალისფერი ვაზი. ყოველი მხრი-

დან თვალს გიბრმავებს მზე, უფრო სწორად, მზის სხი-
ვები.

ბ-ნ ნ ი კ ო. დიახ, დიახ, პოსტიმპსერიონისმი, თემ-
ცა ჯერ კიდევ მე-17 საუკუნეში კარავაჯოიზმი და კერძოდ
ესპანური მანერა ტენებრასო..

ნ ი ნ ო. სიტყვამ მოიტანა და ესპანეთიდან ჩამოტანი-
ლი ლაბადა სწორედ ამ გოგონას ექნება კარგად.

ბ-ნ ნ ი კ ო. რა ლაბადა?

ნ ი ნ ო. ის, ახალმოდური, ქამრით. ძალიან ორიგინა-
ლურია, ისეთი კი არა ყველას რომ აცვია. აი ნახავ,
ახლავე მოვიტან. (საჩქაროდ გადის).

ბ-ნ ნ ი კ ო. ჩვენი გაცნობის სადღეგრძელოს გთავა-
ზობთ! წარმოიდგინეთ, ენა მეტბემა და თავბრუ მესხმის
თქვენ რომ გიყურებთ, (ადგა და ისე მიაწოდა ჰიჰა). ფრიად
მომხიბვლელი ქალი ბრძანდებით.

ლ ე ლ ა (პრანკვიტა და სიამაყით). მე მხოლოდ ოცი
წლისა ვარ!

ბ-ნ ნ ი კ ო. ოცი წლის ქალი თაობების დამაკავშირე-
ბელია! გადასარევი ხელები გაქვთ (სტაცა მაჯაში ხელი და
კოცნის ხელზე).

ლ ე ლ ა (იცინის კეკლუცად). ოო! როგორი გალანტუ-
რი არშიყობა გცოდნიათ!

შემოდის ნინო.

ნ ი ნ ო. ნიკომ მე ჩამომიტანა, მაგრამ პატარა მომივი-
და, ვიწრო მაქვს მხრებში, ყველაზე მოდური ნაჭერი და
ფერია, რა კარგად კერავენ. არა, ჩვენები თავის დღეში
ვერაფერს ისწავლიან, აბა, მოიზომეთ!

ლ ე ლ ა. კარგია, ძალიან კარგია, მაგრამ ლაბადა არ
მჭირდება, მაქვს.

ნ ი ნ ო. ჯერ ჩაიცვით და მერე თქვით უარი, სულ ია-
ფად დაგიტმობდით.

ბ-ნ ნ ი კ ო. თუ არ სურს, რას ჩააცივდი, ქალო.

ნ ი ნ ო (ნაწყენი). შენ რა იცი, ამას მეგობრები ეყო-
ლება, ასეთი „შმოტკები“ ქუჩაში კი არ ყრია.

ბ-ნ ნ ი კ ო. ახლა საქმეზეა ჩვენთან მოსული, ასე არაა
ჩემო გოგონი?

ლ ე ლ ა (დაბნეული). დიახ, რასაკვირველია.

ბ-ნ ნ ი კ ო (აწვდის ყუთს). „ჰავანა პანაგელა“ კუბიდან
ჩამოტანილი სიგარები.

ლ ე ლ ა. მე სიგარეტი მირჩევნია.

ბ-ნ ნ ი კ ო. ინებეთ!

ლ ე ლ ა. ვაი, რა გენიალური სიგარეტებია!

ნ ი ნ ო. ერთი ხანობა მეც ეყუწოდდი, მაგრამ ნიკოს არ
უყვარს, როცა ქალი ეწევა, აზიატია! იძულებული გაგ-
ხდი თავი დამენებებინა.

ბ-ნ ნ ი კ ო. ეს ლოს-ანჯელოსიდან როცა ვბრუნდე-
ბოდი, ნიუ-იორკში ვიყიდე. რივერსის გამოფენაზე. გა-
გიგონიათ ასეთი ამერიკელი მხატვარი?

ლ ე ლ ა. პოპ არტის დამაარსებელი?!

ბ-ნ ნ ი კ ო. დიახ, დიახ.

ლ ე ლ ა. გამიგია, მისი პანოს „რუსული რევოლუცი-
ის“ შესახებაც ვიცრ ცოტა რამ.

ბ-ნ ნ ი კ ო. ყოჩაღ. მე მაინც მგონია, რომ თქვენ ხა-
ტავთ და მიმაღავთ, ა?

ლ ე ლ ა. ნეტავ შემეძლოს.

ბ-ნ ნ ი კ ო. თუ გსურთ, ჩავიტარებთ გაკვეთილს.

ლ ე ლ ა. გმადლობთ, როგორმე სხვა-დროს.

ბ-ნ ნ ი კ ო. თუ დაუხატინართ ვინმეს?

ლ ე ლ ა. არა.

ბ-ნ ნ ი კ ო. იქნებ რამდენიმე სეანსის პოზირებაზე
დამთანხმდეთ?

ლ ე ლ ა. სიამოვნებით, მაგრამ ჯერ ჩვენ საქმეს და-
ვუბრუნდეთ.

ბ-ნ ი კ ო. რა რიგ კონფიდენციალურიც არ უნდა გამოდგეს ჩვენი საუბარი, ეს არაფერში შეგვიშლის ხელს. პირიქით, დაგვეხმარება. ნინო, დაგვტოვე, ეტყობა მორცხვობს—ლელა, არა?

ლ ე ლ ა. დიახ.

ნ ი ნ ო. არა მგონია, გავაწითლო ჩვენი გაბედული სტუმარი...

ბ-ნ ი კ ო. შემდეგ დაგიძახებ და ყველაფერს დაწვრილებით გიამბობ. (ნინო გაჰყავს, გადაეხტა კარი). გულითა და სულით გითანაგრძობთ, ზედმიწევნით კარგად მესმის თქვენი, მაგრამ ჩემისთანა არაპრაქტიკული, მოუხერხებელი ადამიანის გარევა ასეთ რთულ საქმეში გამოგადგებათ კია?

ლ ე ლ ა. არავითარი მოხერხება არ არის საჭირო, ვეჭილი გეტყვით, რა და როგორ უნდა დაწეროთ, თქვენ კი არ გაგზავნით, არამედ მიიტანთ უმაღლეს საბჭოს პრეზიდიუმში.

ბ-ნ ი კ ო. უმაღლესი საბჭო... ეს რატომ, ვერ გამიგია, რა არის?

ლ ე ლ ა. როგორ რა არის, თქვენ ხომ დეპუტატი ხართ?!

ბ-ნ ი კ ო. ოჰ, ჩემი დეპუტატობა რა მოსატანია, ქალაქის საბჭოში ისე შემოყვანეს, არც კი უკითხავთ და, საერთოდ, ერთხელაც არ ვყოფილვარ კრებაზე, რა პრეზიდიუმი, რის პრეზიდიუმი?!

ლ ე ლ ა. არ იცით, რა არის უმაღლესი საბჭოს პრეზიდიუმი?

ბ-ნ ი კ ო. როგორ გითხრათ, ცოდნით ვინ არ იცის, მაგრამ არასოდეს მქონია საქმე.

ლ ე ლ ა. ხელოვნების დამსახურებული მოღვაწის წოდება მაშ ვინ მოგანიჭათ?!

ბ-ნ ნ ი კ ო. დამიჯერეთ, ჩემო კარგო, წარმადგინეს, არ ვიცი, მნატვართა კავშირმა თუ რაღაც დაწესებულებამ... და რაც მთავარია — შეწყნარების თხოვნა ზედამხედველი პროკურორისა და პატიმრობის ადგილიდან ადმინისტრაციის დახასიათების გარეშე არ შეიძლება!

ლ ე ლ ა. ვეჭილმა უკეთ იცის, რა და როგორ უნდა დაიწეროს.

ბ-ნ ნ ი კ ო. არა! არ დაიჯეროთ, ვეჭილები ისეთი გაქნილი ხალხია... გარდა მაგისა, თვითონ თუ არა, შესაწყნარებელი, თხოვნა მშობლებმა მაინც უნდა დაწერონ.

მე, სიძე, რაღაც. ვიღაც. არა მგონია. ერთი სიტყვით, ამაზე ჩვენ მერე მოვილაპარაკებთ, როგორმე საგანგებოდ შევხვდეთ, თუ გინდათ, აქ მობრძანდით, და ერთი (ხელუბის ფშენით). კარგად განესაჯოთ ეს საკითხი. ასე არაა, ჩემო მშვენიერო? და როგორც იტყოდა პატარა კახი, ძლივს მართო დავრჩით, არა?

ლ ე ლ ა (უყურებს მიშტერებით), დიახ, დიახ.

ბ-ნ ნ ი კ ო. იციოთ, ზემოთ ავიდეთ, ხატები დავათვალიეროთ (ხელაკს ვამოძებს) ასეთი უნიკალური ხატები არავისთან მეგულება. XVII—XVIII საუკუნეების ყველა სკოლაა წარმოდგენილი. ერთიც ბიზანტიური ღვთისმშობელი (აღიან კიბეზე ანტრესოლში ბ-ნ ნიკომ ხელი მოხვია წელზე) სპორტსმენი ხართ?

ლ ე ლ ა (იცინის). ვცურავ.

ბ-ნ ნ ი კ ო. ხომ არ ჩავაბნელოთ. სანთლები სათანადო განწყობას ქმნიან.

ლ ე ლ ა (გამომწევეად). თქვენთან სიბნელეში დარჩენა საშიშია.

ბ-ნ ნ ი კ ო. მაშინ სინათლეში გაკოცებ, ნუ ეშმაკობ.

ლ ე ლ ა. ცოლმა შეიძლება შემოგვისწროს.

ბ-ნ ნ ი კ ო. კარები გადარაწულა, (აქრობს სინათლეს).

ნუ გეშინია! (ხატების სანთლების შექა, ისმის ბლ. რძენი
ბ-ნ ნ ი კ ო ჩურჩულით: „გაიხედე, მიდი!“).

ლ ე ლ ა (ჩურჩულითვე) ჯერ თქვენ გაიხადეთ.

ბ-ნ ნ ი კ ო. რატომ? მე ხომ...

ლ ე ლ ა. არა, არა, გაიხადეთ.

ბ-ნ ნ ი კ ო. მოდი, ჩემო ლამაზო.

ლ ე ლ ა (ხმაშალა). რაშია საქმე, როგორ არა 'გრცხვე-
ნიათ?

ბ-ნ ნ ი კ ო. ჩუუ! რა გაყვირებს!

ლ ე ლ ა. როგორ თუ რა მაყვირებს, შემომიტყუეთ
აქ, ვინა გგონივართ, აანთეთ სინათლე!

ბ-ნ ნ ი კ ო. მოიცა, დაწყენარდი, რაშია საქმე?

ლ ე ლ ა. ახლავე აანთეთ სინათლე!

ბ-ნ ნ ი კ ო. რა მოგივიდა, რა ბზიკმა გიკბინა. (ანათებს
სინათლეს, ბ-ნ ნ ი კ ო ტრუსიკშია).

ლ ე ლ ა. გააღეთ კარები, ჩქარა! თორემ მთელ ქუჩას
შეგხყრით!

ბ-ნ ნ ი კ ო. უ, შე... მართლა ქუჩის გოგო, მაშ რაზე
მოდით აქ!

ლ ე ლ ა (ჩამორბის კიბეებზე). ეეე! ლაბადა! მიიღეთ
თქვენი ბებერი დონ ყუანი! (ფეხით აბრაზუნებს დაბლა სა-
რთულში. წინოს ხმა: „რა მოხდა, რა ანბაია?“)...

ბ-ნ ნ ი კ ო (ჯერ ისევ ტრუსებში ჩამორბ-ს). დაიცა, მე
ხომ მამაშვილურად, შე...

ლ ე ლ ა. ჰალსტუხი გაისწორე, შენ ეი, გენოსო!
სწვდა პეტრეს ნახატს და კარი გააჯახუნა.

მეხუთე სურათის დასასრული.

მ; ჯ. იოსელიანი

ზინდბუნდი. ქუჩა. იგივე სახლი, რაც პირველი მოქმედების მეორე სურათშია. განათებული დიდი ფანჯარა. ფანჯარასთან ზურგია პდგომ ლელას სხვენიდან სოსო უთვალთვალემს.

კ ა ც ი ს ხ მ ა. მიწერ-მოწერა მხოლოდ ახლობლებთან არის ნებადართული, მაგრამ როგორ უნდა გაირკვეს, ვინ არის ჭეშმარიტი ახლობელი? გწერ სხვათაშორის, არა ვარ დარწმუნებული, რომ წერილი შენამდე მოაღწევს.

ლ ე ლ ა. ბავშვობაში მეგონა, რომ დიდები მხოლოდ და მხოლოდ იმიტომ ცოცხლობდნენ—კეთილნი, უანგარონი, გულადები გამხდარიყვნენ, ვფიქრობდი, რომ ზოგი ალბათ აღწევს ამას-მეთქი, ზოგიც საწყალი—ვერა. ხოლო, როცა წამოვიზარდე, სხვაგვარად წარმომიდგა ყოველივე, ნელ-ნელა ვრწმუნდებოდი, რომ ყველაფერი ეს მონაგონია, რომ არსად, გესმის, არსად არ არიან ასეთი ადამიანები. ჩემს გარშემო მარტოოდენ ეგოისტებს ვხედავ. რა საშინელებაა! რა ღირს განა ცხოვრება, როცა შენს თავს თითქმის ყველაზე უკეთეს ადამიანად თვლი?

მ ა მ ა კ ა ც ი ს ხ მ ა. ჩემი წარსულის შესახებ ვერაფერს მოგწერ, თუნდაც იმიტომ, რომ წარსული იმდენად არის საინტერესო, რამდენადაც იგი დღესდღეობის ილუზიას ქმნის ან მომავალთან კავშირდება. ოცნებებს დიდი ხანია დავანებე თავი, უკეთუ ოცნებასაც ჭირდება საზრდო. შენ გსურს ჩამოხვიდე ჩემ სანახავად? ნუ იზამ მაგას, ისეთ ადგილას ვიმყოფები, სადაც პაემანი აკრძალულია, ან რა საჭიროა..

ლ ე ლ ა. ხშირად შენზე ვფიქრობ და მახსენდება ვე-

რტერი, როცა ვერ დახატა, ვერ წარმოიდგინა თავისი სა-
ტრფო, მე რაღა მეთქმის — ჯერ ხომ არც მინახიხარ. გწერ
და თითქოს ჩემს ორეულს ველაპარაკები... საინტერესოა,
შენ თუ გყევარ წარმოდგენილი და როგორ?

კ ა ც ი ს ხ მ ა. დღეს მთელი დღე მარჯვენა თვალი
მითამაშებდა, ვიფიქრე, უსიამოვნება შემემთხვევა-მეთქი.
რას იზამ, ყოველწუთს უბედურების მოლოდინი კაცს
ცრუმორწმუნედ ხდის; მართლაც, სალამოს უფროსთან
დაძიძახეს. დამიწყო გამოკითხვა ჩემი ცხოვრების შესა-
ხებ, რაღაც დახასიათებაზე ჩამოაგდო სიტყვა, ამანათზე,
რომელიც შემიძლია მივიღო, თუ კარგად მოვიქცევი.
ნეტავ რას უნდა ნიშნავდეს ეს? შენი ხელი ხომ არ ურე-
ვია? არ გაბედო, არავითარ შემთხვევაში, მე არაფერი
არ მაკლია და ყველაფერი ეს ტყუილუბრალო გაწვალე-
ბის მეტს არაფერს მოგვიტანს, არც შენ და არც მე.

ლ ე ლ ა. ეტყობა ჩემი წერილი დაიკარგა, ძალიან
მენანება, რას იზამ, უნდა გავიმეორო, თუმცა, არა, ვე-
რაფრით აღვიდგენ იმ განწყობას, მშრალი სისულელე
გამოვა, ამიტომ ვჩუმდები.

კ ა ც ი ს ხ მ ა. შუალამეს, ალერსიანად, ფრთხილად,
როგორც ჩვილ ბავშვს ეხებიან, რაღაცამ გამაღვიძა.
როდესაც თვალები ირგვლივ ფისივით წასმულ სიბნელეს
შეეჩვივნენ, დაგინახე ღრმა სიჩუმით მოცულ კუთხეში
მჯდომარე. შენი ხატება მეტყველებდა რაღაც გადაწყვე-
ტილებაზე, წარმოსახავდა ისეთ სიმკაცრეს, რომელიც
ვერ ეგუება უხამსობას, მოშვებულებას, დაუდევრობას.
იგი გამოხატავდა ზიზღს ყოველგვარი ფარისევლობის და
ცრუ კდემამოსილების წინაშე, ღრმად დარწმუნებულ
საკუთარ არჩევანში და ამით გამოწვეული ბუნებრივი
ქალური სიამაყე ოდნავ ანათებდა მშვიდ სახეს; ჩაღ-
მებულ თვალებსა და წამწამებზე კი კრთოდა ტანჯვისა
და მწუხარების აჩრდილი. არ ვიცი, იყავი ეს შენ თუ

სხვა ვინმე, მაგრამ ვიცი, რომ ეს იყო, ვინც მე მიყვარს; და რომელიც მგონი არც არსებობს ამ ქვეყანაზე.

ლ ე ლ ა. გვკირდება შენი განაჩენი. საჭიროა ზუსტად ვიცოდეთ, მანდ რატომღა გაგასამართლეს კიდევ? ვეჭილს შეწყალების დაწერა სურს.

კ ა ც ი ს ხ მ ა. ლელა, გიკრძალავ!! არ მინდა, არ ღირს... ყოველი ადამიანი ასე თუ ისე თავისი თავის გამომგონებელია, აქვს თავისი საკუთარი ხატი, რომელიც უმთავრესად შეიცავს კეთილ მოგონებებს, თუ, რასაკვირველია. ასეთი არსებობს მის ცხოვრებაში. სხვა სიტყვებით რომ ვთქვათ, მთელი სიცოცხლის განმავლობაში მეჩვენებოდა, რომ ცხოვრების უსამართლობა, მისი მახინჯი მოვლენები დროებითი ვითარებებია, მაგრამ ახლა ვხედავ, რომ ადამიანებმა გარგეს რაღაც ისეთი, რაც ჩემთვის მიუწვდომელი დარჩა, მიეჩვივნენ სულ სხვანაირად ფიქრსა და ცხოვრებას, ამიტომაც ყველაზე შესაფერი და ბუნებრივი ადგილი ჩემთვის ციხეა.

ლ ე ლ ა. რატომ დუმხარ, რატომ არ მპასუხობ, რაშია საქმე? ალბათ კიდევ დაარღვიე ეგ ოხერი რეჟიმი და აგიკრძალეს მიმოწერა. გთხოვ. შეეცადე კარგად მოიქციე, შენთან ერთად ხომ მეც ვისჯები?

კ ა ც ი ს ხ მ ა. სამხრეთისაკენ მოვდივარ დახურულ ციხეში. პირდაპირ საკანის კარებთან მოაყენეს მანქანა, ასევე — მატარებლის ვაგონთან, ერთი სიტყვით, ჩემთვის სამხრეთი და ჩრდილოეთი კიბიდან კიბეზე გადასვლას ნიშნავს, სამაგიეროდ დილით საპირფარეშოდან დავინახე სასწაული: ხასხასა მწვანე ალვის ხის ფოთლები; ნორჩი ვერხვების ყვავილობა: ვერცხლიდან ჩასამინისფრად ლივლივი, ისინი შესაძლოა ალვის და არყის ხეებზე ნაკლებად ტანაყრილი არიან, მაგრამ რა-

რიგ ნაზი, მოხდენილნი და გრაციოზულნი. თუ კი სიკვდილის შემდეგ მართლაც შეიძლება გარდაცვალება, ვერხვის სიცოცხლეს ვინატრებდი, თუ ვინდ ისეთი ვერხვისაც, რომელზედაც პატივმოყვარე გამვლელი დანით ან ცეცხლით ამოტვიფრავს ყველაზე ბანალურ სვირინგს: ისრით განგმირულ გულს.

იგივე შესახვევი. სოსო ისევ სხვენზეა. ფანჯარაში სინათლე ქრება.

სოსო და ლელა.

ლ ე ლ ა. მდარაჯობ?

ს ო ს ო. ჩვენ ველაპარაკეთ მაშას.

ლ ე ლ ა. ვინ ჩვენს?

ს ო ს ო. მე და დედა.

ლ ე ლ ა. რა თქვა?

ს ო ს ო. საშინელი ჩხუბი აგვიტეხა.

ლ ე ლ ა. ესე იგი, ისე არ უთხარით, როგორც საჭიროა.

ს ო ს ო. მეტი რა გვექნა, როგორც კი პეტრეს სახელი ვახსენეთ, მე ოთახიდან გამაგდო და მთელი საათი ისმოდა მისი ყვირილი, შემდეგ გული ცუდად გაუხდა. ახლა წევს, ავადაა.

ლ ე ლ ა (უფრო თავისთვის) რა ვქნათ?

ს ო ს ო. არ ვიცი, მე შენი დავალება შევასრულე.

ლ ე ლ ა. არაფერიც არ შეასრულე. (სასოწარკვეთით).

რაც არ უნდა მოხდეს, პეტრე უნდა განთავისუფლდეს, განთავისუფლდეს! იგი იტანჯება, გესმის? იტანჯება. ეს ხომ არაადამიანურობაა, რაც არ უნდა გაეკეთებინა, რა ბოროტმოქმედებაც ჩაეღინა, 17 წელი... ყოველ დღე ყოველ საათს, ყოველ წუთს თავისუფლების უქონლობა წარმოუდგენელი წამებაა, გესმის, ბოროტმოქმედებაზე უფრო ბოროტება!

სო სო. იქნებ მართალიც ხარ, მაგრამ მე არ ვიცი, არ მესმის, ვერ ვხვდები ვერაფერს.

ლ ე ლ ა. ნუ ღრიალებ.

სო სო. მას შემდეგ, რაც შენ შეგხვდი, ერთი სურვილით ვარ შეპყრობილი; მხოლოდ ამ სურვილის აღსრულება მიმაქანებს იქ, სადღაც, უსასრულო სხვა სამყაროში, ბუნებაში, კოსმოსში, ჯოჯობეთსა თუ სამოთხეში, და როცა გხედავ თუ რარიგ თავისუფალი ხარ შენს მოქცევაში, როგორი დამოუკიდებელი, როგორ გშვენის ადამიანებზე ამაღლება, მზადა ვარ სულ უბრალო შენს ჭირვეულობას შეგწვირო ყველაფერი, ვიქნე შენი ტყვე, არარაობა! და ეს შენი გამეფება მანიჭებს უსაზღვრო ბედნიერებას, ვმშვიდდები, მეხსნება რაღაც უჩინარი და უსახელო სიმძიმე, რომელიც ლოდივით მაწვეს მე, ჩემს საქციელს, ჩემს მოქმედებას მთელი ცხოვრება, მთელი ცხოვრება!

ლ ე ლ ა. ვერც მე გამიგია შენი ვერაფერი, მეჩქარება (გაღის).

სო სო. მეც წამიყვანე. ლელა! (დაბალ ხმაზე). ლელა, სიამოვნებით დაგელოდები, შევიპარები შენს საწოლ ქვეშ და მოვიცდი, მოვიცდი, სანამ არ მოხვალ, არ აანთებ სინათლეს და არ შემოიტან შენს სურნელებას, დაგელოდები და ალტაცებული შეგხვდები, თუგინდ შენ... ეს უკეთესიც იქნება, მარტო არ დაბრუნდები.

შეექვსე სურათის დასასრული.

ვაგზაღო. მოსაცდელი დარბაზი. შუალამეა. სკამები- დახუნძლულია ბარგითა და გზავრებით. ზოგს ძინავს, ზოგიც მოლოდინშია. სიღრმეში კარებს წითელი ასოებით რუსულად და ქართულად აწერია: Пикет „პიკეტი.“ ავანსცენაზე ახალგაზრდა 30—32 წლის კაცი ფეხი ფეხზე გადადებული ზის გრძელ სკამზე, მის გვერდით ვალერიან ილიჩი დასაძინებლად ეწყობა, ფაციფუცობს.

ახალგაზრდა. საშვილიშვილოდ ნუ მოეწყობით, მილიციონერი წამოგაგდებთ.

ვალერიან ილიჩი. მაშ მთელი ღამე დამჯდარმა გავათენო?

ახალგაზრდა. შეგიძლიათ გაისეირნ-გამოისეირნოთ, თუ მატარებელს ელოდებით, მაგრამ მგზავრს რაღაც არ გაეხართ...

ვალერიან ილიჩი. ვითომ? რატომ?

ახალგაზრდა. ამას რა დიდი ფილოსოფია უნდა?

ვალერიან ილიჩი. თქვენ სად მუშაობთ?

ახალგაზრდა. მე ხომ არ გეკითხებით, თქვენ სად მუშაობთ.

ვალერიან ილიჩი. მე კი გეკითხებით.

ახალგაზრდა. მილიციონერი ხართ?

ვალერიან ილიჩი. რა გამიწყალეთ გული ამ მილიციონერებით.

ახალგაზრდა. იცი, რას გეტყვი, ბიძაჩემო, მილიცია გულზე მაქვს ამოტვიფრული, ჰა, ჰა!

ვალერიან ილიჩი. ერთ სკამზე რახან ვსხედვართ, ეს ჯერ კიდევ არ ნიშნავს იმას, რომ გამიშინაურდეთ, ანდა, რა გაცინებთ!

ახალგაზრდა. ისე მეცინება, რაღაც უცნაური

შესახედაობა გაქვთ... ვილაცას ჰგავხართ და ვერ მოვდი-
ვარ აზრზე.

ვალერიან ილიჩი. თქვენ კი ბანდიტსა ჰგავ-
ხართ, სალასანას.

ახალგაზრდა. ეე, რა ბრაზიანი ხარ, ბიძაჩემო.
ასე არ შეიძლება.

ვალერიან ილიჩი (ეწყობა სკამზე), ძილია. საჭირო.
ძილი. მთელი ხუთი საათი ფეხით ვიარე. წინათ ძილს ვე-
რაფერი დამიფრთხობდა, თავს ჩამოვდებდი თუ არა,
ყველგან შემეძლო დაძინება.

ახალგაზრდა. როდის წინათ?

ვალერიან ილიჩი. წინათ, ომის დროს.

ახალგაზრდა. მაშინ ახალგაზრდა იქნებოდით.

ვალერიან ილიჩი. დიას, მაგრამ მე არსებობ
განსხვავებას ვერ ვამჩნევ, აქ ისევ ისეა, ისევ ძინძვლის
სუნი, ჭუჭყი და მოუწყობელი ხალხი.

პაუზა.

ახალგაზრდა. სიბერე სიცოცხლის პანმელია,
ნაბახუსევი არა ქართულად?

ვალერიან ილიჩი (წამოხტა). რაო, რა თქვით?
პაუზა.

ახალგაზრდა. რა ვიცი, აღარ მახსოვს.

ვალერიან ილიჩი. სიბერეზე ან ნაბახურებზე.

ახალგაზრდა. მე ახლა სხვა რამეზე ვფიქრობ.

აი, ამბობენ, რომ წინათ გაქცეულ კაცს შინ პოლი-
ცია არც აკითხავდა, ვის მოუვიდოდა თავში, საკუთარ
სახლში თუ დაიმალებოდა. ახლა კი პირველ რიგში
სახლში მიეჭრებიან, იციან რომ მეტი ვერსად ვერ დაი-
მალება, უცხო არავინ მიიღებს, თავშესაფარს არ მის-
ცემს. ეგ კი არა და შინაც საეჭვოა, რომ დაეხმარონ.
მიზეზს ვეძებ და ვერ მიმიგნია, რატომ ხდება ასე...

ვალერიან ილიჩი. მე კი, პირიქით — შინი-
დან წავედი.

ახალგაზრდა. სწორედაც მოჭყეულხარ.

ვალერიან ილიჩი. თქვენ ვერ წარმოიდგენთ
რა თქვა, იცით, რა თქვა?

ახალგაზრდა. ვინ?

ვალერიან ილიჩი. ჩემმა ცოლმა.

ახალგაზრდა. რაო?

ვალერიან ილიჩი. ცუდად როცა შევიქმენ, მას
ეგონა აღარათფერი მესმოდა და თქვა: კვდებაო.

ახალგაზრდა. მერე რა მოხდა?

ვალერიან ილიჩი. იმან, ვისი ცხოვრებაც... ჰმ
ყველაფერი... მე მეკუთვნის, იმან, ვისაც, მეგონა, რომ
ერთი წუთითაც ვერ წარმოედგინა ეს ქვეყანა უჩემოდ.
ვისთვისაც ჩემი სიკვდილი უნდა გამხდარიყო წარმოუ-
დგენელ საშინელებად, იმან თქვა, რომ მე ვკვდები
თქვა ისე ჩვეულებრივად, თითქოს ვიღაც სხვაზე, უცხო-
ზე იყო ლაპარაკი, უბრალოდ.

ახალგაზრდა. ბიძაჩემო, სასაცილოა, რომ მე
ჰკუთვას გასწავლიდე ამ ხნის კაცს, მაგრამ მითხარი, რა
არის სიკვდილი და რა არის სიცოცხლე. აი, მატარებე-
ლი დაიძრა, ღომ სედავ. ახლა წარმოიდგინე, რომ ჩვენი
სკამიც ვაგონია, ლიანდაგებზე შემდგარი. ჩვენ მივდი-
ვართ, თუ ის მატარებელი — გაარჩევ? ჰოდა, არ უნდა
შეხედო სიკვდილს სიცოცხლის თვალით.

ვალერიან ილიჩი. კი, მაგრამ ჩვენ, ცოცხალი
ადამიანები ვართ.

ახალგაზრდა. სიცოცხლე რაღა ოხრობაა!!! ჟმ-
ეტესად ტანჯვა-წამებაა, ვიდრე სიხარული და ბედნი-
ერება, მაგრამ საქმეც ის არის, რომ კაცს მხოლოდ სი-

ხარული და ბედნიერი დღეები ახსოვს და მისი იმედი აქვს.

ვალერიან ილიჩი. შიში, ამ დამამკვირებელი, სამარცხვინო შიშისგან ვინ დაიცავს ადამიანს?

ახალგაზრდა. სიკვდილის შიში ხშირად გვიფუჭებს გუნებას, მაგრამ რაა თვით სიკვდილი? განა ჩვენი ჩვენამდე ყოფა სიკვდილი არ იყო? მაგრამ ის, რომ ჩვენ უწინ არ ვიყავით, სულაც არ გვაშინებს. ეგ კი არა და, სადღაც იმის რწმენაც გვაქვს, რომ ჩვენ მაშინაც გარსებობდით იმ ქვეყნად, უფრო მშვენიერსა და მგრძნობიარე სამყაროში, რომელიც რატომღაც ჩვენი დაბადების დღიდან იქცევა საძოთხედ და ჯოჯოხეთად, ან ამოებადაც.

ვალერიან ილიჩი. თქვენ სულ სხვა რამეზე ლაპარაკობთ, არავითარი სიკვდილის შიში ჩემში არ არის, არც ფიქრობ მაგაზე. დღეს შენიღბილი წამოვედი მხოლოდ იმიტომ, რომ მივხვდი: ბოლოს და ბოლოს ჩემი ყოფნა-არყოფნა ყველასათვის სულერთია, ჩემი ახლობლებისთვისაც კი, მათთვისაც უცხო ვარ, სხვა! ქუჩაში გამოვედი და უცებ დავიბენი, სად უნდა წავსულიყავი, ვისთან შემეძლო მისვლა ამ უშველებელ ქალაქში? თუგინდ მთელ ქვეყანაში, ვისთან?

ახალგაზრდა. ამიტომაც აქ მოხვედით არა?

ვალერიან ილიჩი. არ ვიცი... დაველოდები...

ახალგაზრდა. აზრების მოსაყრებად სადგური გადასარევი ადგილია.

ვალერიან ილიჩი. ალბათ, ჩემი ვაჟიც აქ მოვიდა... მაშინაც ხომ შემოდგომა იდგა, ციოდა.

ახალგაზრდა. შეილს ელოდები?

ვალერიან ილიჩი (გაბორბტებით). არაა!

ახალგაზრდა. მაშ, სად გინდა წასვლა?

ვალერიან ილიჩი. რა თქვით?
ახალგაზრდა. სად გინდა-მეთქი წასვლა?

ვალერიან ილიჩი. არა, წელან...
ახალგაზრდა. შვილს ელიალები-მეთქი.

ვალერიან ილიჩი. დიახ, ჩემს ვაჟიშვილთან მი-
ვდივარ, ჩემს ვაჟიშვილს ველოდები. დიახ, ხა! ხა! ხა!

ახალგაზრდა. შენ, ბიძაჩემო, რას მიეღებ-მოედე-
ბი.

ვალერიან ილიჩი. არა, მერწმუნეთ. სინამდვი-
ლეს მოგახსენებთ, არ ვიგონებ და არც მეჩვენება. ღამ-
ღამობით აი აქ, გულზე მადგებიან და მახრჩობენ ბგირე-
ბი, ასოები, მათი სხვადასხვაგვარი კომბინაციები, უშვე-
ლებელი თანსმოვნები ყელზე რკალად მევლებიან და
ნელ-ნელა სულს მიხუთავენ. (ლაპარაკობს ჩქარა, თითქოს
ეშინია, არ გააწყვეტინონ).--ადამიანი უნდა განთავისუფლდეს
ამ შიშინა და სისინა ბგერებისაგან, ამ ფრაზათა სისტე-
მიდან, ამ გამოთაყვანებიდან!!! (თანდათან უმატებს ხმას). არ
იაზროვნო, შეგნებულად არ ჩაუღრმავდე მოწოლილ
ფიქრს. არ გქონდეს საკუთარი აზრი და ამის შემდეგ
ადამიანი გერქვას? მდგომარეობასთან შერიგება, შეგუ-
ება და მისი აუცილებლობად გამოცხადება მონობაა,
გონივრული საქციელი თავისუფლების მტერია.

ახალგაზრდა. ჩემს საქმეში კი, პირიქით, თუ გო-
ნივრულად არ მოიქცევი, თავისუფლებას დაკარგავ.

ვალერიან ილიჩი. არა, მე სხვას ვამბობ, სხვას
ადამიანი თუ დარწმუნებულია თავის სიმართლეში, არა
ვითარ ძალას არ უნდა დაემორჩილოს.

ახალგაზრდა. მაშინ მიდი და შეებრძოლე მილი
ონებს.

ვალერიან ილიჩი. დიახ, მე მაგას გავაკეთებ!
მე ვმუშაობ ასეთ გამოგონებაზე „ულტიმა რაციო“!

ახალგაზრდა. რაა?

ვალერიან ილიჩი. „ულტიმა რაციო“ — უკანასკნელი მტკიცება. დავაქერთ თითს — მორჩა და გათავდა!

ახალგაზრდა. რას დააქერ, რას მიერეკები, ბიძაჩემო?

ვალერიან ილიჩი. მეცნიერება იზამს ამას: „ულტიმა რაციო“ იქნება ის აპარატი, რომელიც მისწვდება ნებისმიერ წერტილს დედამიწის ზღვრზე. აი, ასეთი პატარა ყუთი საკონტროლო ობიექტივითა და კონდუქტორით, რომელიც გაატარებს და დამუშავებს ინჟურმაციას, კაცობრიობის არსებობის პერიოდში დაგროვილი ჭეშმარიტებებითა და უფლებებით დაპროგრამირებულ ყუთში როცა წარმოიქმნება შეფერხება, აპარატის პირველი ციკლი გამოსცემს გამაფრთხილებელ გამოსხივებას საჭირო რადიუსში, თუ შეფერხება არა და არ მოიხსნება და გამოსხივება დაბრუნდება იგივე სახით — ლილაკს დააქერ და „ულტიმა რაციო“ მისწვდება იმ რაიონს, საიდანაც ეს შეფერხება წარმოიშობა. (ყვირის) ვერავითარი დაცვა, ჯარი. პოლიცია, ვერავითარი სანგარი, მიწისქვეშა ბუნკერი ვერ დაიცავს მას!

ახალგაზრდა. ეე, სიუ, (უსტვენს). რა ზღაპრებს ყვები!

ვალერიან ილიჩი. არავითარი ზღაპარი. სამყაროს საიდუმლო უბრალო ფორმულაა, კანონი, ერთი უნივერსალია, მაგრამ საჭიროა მისი მიგნება, ამოხსნა. ადამიანები კი, რაზეც მსჯელობენ და აკეთებენ, ყველაფერს თავის თავს ამსგავსებენ. თითქმის ყველა შედარებები ცხოვრებაში თუ ხელოვნებაში, კაცობრიობის ყვე-

ლა ღმერთი ადამიანის გარეგნობით თუ არა, მისი მსგავსი სულიერი წყობით არის წარმოდგენილი. ყოველი შემოქმედებითი საქმიანობა წარიმართება ადამიანის „მეს“ სქემით, ყოველ რთულ კონსტრუქციას, მანქანას ბოლოს და ბოლოს გამარტივებული ადამიანური სტრუქტურა აქვს. მოტორი—გული, ბორბლები—ფეხი, ქვაბი—მუცელი და ა. შ. მე დარწმუნებული ვარ, დედამიწაზე სხვარამ გონიერი სულდგმული რომ არსებობდეს, იგი სხვაგვარ კონსტრუქციებს. სხვა მოდლებს შექმნიდა და ქვეყანაც სხვაგვარად გადასხვაფერდებოდა.

ახალგაზრდა. არა, ბიძაჩემო. შენ ნამდვილად გიყი ხარ!

ვალერიან ილიჩი. თქვენ იცით რა არის სიგიჟე?

ახალგაზრდა. მე ვიცი ნორმალური მდგომარეობა. აქ გაჩერებაა, იქ აღმართია, აქ უფსკრულია — სადაც გადახედვა არ შეიძლება. სიგიჟე ალბათ, ამას უკუღმა ხედავს. ან ვერ ამჩნევს. როცა ყველაფერი არეულია და აკრძალული არაფერია.

ვალერიან ილიჩი. როცა აკრძალული არაფერია, ეს თავისუფლებაა.

ახალგაზრდა. არა ნამდვილად ავადა ხარ, დაბრუნდი შინ, ბიძაჩემო, წადი.

ვალერიან ილიჩი (ყვირს). არავეითარი შინ! (დაბალი ხმით). ყველანი ჩვენ ავადა ვართ ცხოვრებით!!! ყველას უნდა მოეპყრო, როგორც ავადმყოფს. ერთი ადამიანის ხასიათი და ქცევა მეორესათვის ნორმის დარღვევაა. სანამ ადამიანები ერთმანეთს ისე არ მოექცევიან, როგორც ავადმყოფებს, ქვეყანაზე მშვიდობა არ დამყარდება.

ახალგაზრდა. აი, ეგ კი მართალია. ავადმყოფზე ხომ არ გაბრაზდები, გული ხომ არ მოგივა?

ვალერიან ილიჩი. თქვენ იცით, რა არის სტრო-
ბოსკოპია?

ახალგაზრდა. არა.

ვალერიან ილიჩი. ოპტიკური ეფექტი, როცა
ყველაფერი მოძრაობს თავის რიგით, მაგრამ განათების
რიტმი ქმნის გაუნძრევლობის სურათს. თქვენ არასო-
დეს გადაგტრიალებიათ ზამბარა, რაიმე აზრზე? აი, ასე
(ხელბს ატრიალებს). წრიულად, წინააღმდეგობის გარეშე,
როცა გრძნობთ, რომ, მას შეუძლია იტრიალოს გაუჩე-
რებლად, უსასრულოდ!

ახალგაზრდა. იქ, სადაც განრიგი კიღია, რამ-
დენიმე კაცი რომ დგას, შენი ნაცნობები ხომ არ არიან?

ვალერიან ილიჩი. ზურგით რომ დგანან?

ახალგაზრდა. პო, და ეს კიდეც, აგერ, ბოინის ძა-
ღლივით რომ გასივებია თავი.

ვალერიან ილიჩი. არ ვიცი, არა მგონია...

ახალგაზრდა (დგება, წასვლას აპირებს). კარგად
იყავი, ბიძაჩემო...

რამოდენიმე კაცი, რომელიც იქვე ახლომახლო ტრიალებდა,
უცებ თავს ესხმის ახალგაზრდასა და ვალერიან ილიჩს.

ერთ-ერთი მათგანი. შეყარეთ პიკეტში, ჩქა-
რა! უხმაუროდ!

ახალგაზრდა. რაშია საქმე, თქვე ხულიგნებო!

ახალგაზრდასა და ვალერიან ილიჩს ხელბს უტრიალებენ, ახალ-
გაზრდა გაუსხლტება და გარბის. გამოეკიდებია.

ვალერიან ილიჩი. როგორ მიბედავთ, მე ინს-
ტიტუტის დირექტორი ვარ!

ერთ-ერთი მათგანი (სილა გააწნა). მე შენ გი-
ჩვენებ დირექტორს! მიდი, გაიარე! (გაყავთ).

ისმის რადიოს ხმა. მოქალაქე მგზავრებო, მა-
ტარებელი ნომერი 632, გამოვიდა მეზობელი სადგუ-

რიდან. მიღებული იქნება პირველ ლიანდაგზე. „გრაჟ-
დანე პასაჟირი, პოეზდ ნომერ 632 ვიშელ იზ სოსე-
უნოი სტანციი ი ბუდეტ პრინიატ ნა პერვი პუტ!“

მგზავრების ერთი ნაწილი დაფაცურდა, ზოგი გავიდა. ურთიერ
მოპირდაპირე მხრიდან შემოდიან ნინო და სოსო.

სოსო. აქ არის?

ნინო. პო.

სოსო. ხი, ხი!

ნინო. რას იკრიჭები?

სოსო. სასაცილოა, მამაჩემი ასეთ ისტორიაში გაება...

ნინო. ეგ სულ შენი და შენი კახპას ბრალია.

სოსო. მე რა შუაში ვარ.

ნინო. წამოდი! მანქანა კარებთან მოაყენე, ამის შე-
სახებ კრინტი არსად დაძრა.

მალაციის ოთახში

ხის მოაჯირიან სადგომში, სკამზე ზის ვალერიან ილიჩი. აქეთ
მხარეს, მაგიდასთან—სამძებრო განყოფილების ოპერაწმუნებელი.
იქვე სკამზე ზის ახალგაზრდა, ხელები ზურგს უკან აქვს შემოდებუ-
ლი, ეტყობა ხელები შეკრული აქვს. კარებში მილიციელი ჩამდგარა.

ოპერაწმუნებელი. მე ოპერაწმუნებელი ვარ,
სამძებრო განყოფილებიდან, მიცნობ?

ახალგაზრდა. არა.

ოპერაწმუნებელი. გამიცნობ! ამ პატივცემულ
ადამიანსაც ხომ არა? (უთითებს ვალერიან ილიჩზე),

ახალგაზრდა. არა.

ოპერაწმუნებელი. ამას? (ანიშნებს მილიციონერზე).
შე ბანდიტო, შენი!

ახალგაზრდა. არა.

ოპერაწმუნებელი. საბილიარდოში დადიხარ?

ახალგაზრდა. არა.

ოპერაწმუნებელი. არ გიყვარს ხომ?

ახალგაზრდა. (მხრებს იჩეჩავს)

ოპერა წმუნებულ ი. ამას უყვარს ბილიარდის თამაში (მიუთითებს მილიციონერზე), იქნებ შეხვედრილხარ?!
ახალგაზრდა. არა.

ოპერა წმუნებულ ი. ამას თუ იცნობ, შენ (აჩვენებს იქვე მიუღებულ ზუმბას),

ახალგაზრდა. არა.

ოპერა წმუნებულ ი. გაიცნობ, გაიცნობ!

ახალგაზრდა (იჩეჩავს მხრებს).

ოპერა წმუნებულ ი. ახლა მოყვეი შენ, როგორ გაძარცვე შარაშიძე და მოლარე.

ახალგაზრდა. მოიყვანეთ ის მოლარე შარაშიძე და იმას ჰკითხეთ, მე რას მეკითხებით.

ოპერა წმუნებულ ი. (მრავალმნიშვნელოვნად იყურება ირგვლივ) „არტიტ სვოეგო როდა!“ შენ ძალიან კარგად იცი ვინ არის შარაშიძე და ვინ—მოლარე.

ახალგაზრდა. როგორ?

ოპერა წმუნებულ ი. ჰო, ჰო, ჰო! ვერ მიხვდი ახლა შენ, რაზეა ლაპარაკი, ა?

შემოდინ ნინო და ბ-ნ ნიკო,

ნინო. მამიკო, ღმერთო, რა მოხდა, აქ რა გინდა?

ბ-ნ ნიკო. სამმართველოდან რომ დაგირეკეს, ეს მე ვარ, რაშია საქმე? ველარ უნდა გაარჩიოთ — ვინ რას წარმოადგენს?

ოპერა წმუნებულ ი. (ფეხზე დგება), ბოდში, ახლა ცუდად არ გაგვიგოთ, მაგრამ პატარა გაუგებრობა მოხდა...

ბ-ნ ნიკო. აი, ჩემი სავიზიტო ბარათი, (უღებს მაგილაზე). მე დაუუკავშირდები თქვენ უფროოსს და გავარკვევ ყველაფერს.

ნინო. მამიკო, სად წახვედი, სად დაიკარგე, ავაწრო-ალეთ მთელი ქალაქი, ასე თხლად ჩაცმული... გაცივდები,

ეს შენი კაშნეა, ესეც ჟიდებტი... (ვალერიან ილიჩი უხმოდ, ნირწამსლარი ბავშვივით ემორჩილება, იღვამს).

ოპერარწმუნებული. პატივცემულო, ბოდიში, ცუდად არ გამიგოთ, მაგრამ ესლა წინააღმდეგობის გაწევა... ხომ იცით,...

ბ-ნ ნიკო (ხელავით გამოჰყავს ვალერიან ილიჩი). გაირკვევა, ყველაფერი გაირკვევა.

ოპერარწმუნებული. მე არა ვარ დამნაშავე, ცუდად არ გამიგოთ...

ახალგაზრდა (ვალერიან ილიჩს). მოსაწევო დამიტოვე,

ოპერარწმუნებული (უყვირის ახალგაზრდას). იოტი ვალერიან ილიჩი უხმოდ იღებს ჯიბიდან სიგარეტის კოლოფს და დებს მოაჯირზე.

მეშვიდე სურათის დასასრული.

მ ე რ ვ ი ს უ რ ა თ ი ი.

ვალერიან ილიჩის ბინის სასტუმრო ოთახი. აქ გადმოაქვთ ვალერიან ილიჩის ნივთები, თამარსა და ნინოს უკვე გადმოუტანიით საწერი მაგიდა, ნაწილი წიგნებისა, აკვარიუმი. შემოდის ბ-ნ ნიკო,

ბ-ნ ნიკო. რა ფაციფუცია?...

ნინო. მამას კაბინეტო გადმოგვაქვს.

ბ-ნ ნიკო. აქ? ეს ხომ მოუხერხებელი ოთახია? ოცდაათი წლის შემდეგ ოთახის გამოცვლა არ გამიგია, ცოლი ხომ არ არის, ჰა?

ნინო. შენ იგ საკითხი გკლავს პირდაპირ.

ბ-ნ ნიკო. მე, მაგალითად, ვერ ვიზამ ამას. გადაიტანე — გადმოიტანე, ხელახლა დაალაგე...

თამარი. ცუდად სძინავს, დამლამობით დგება, დადის, ჩივის რომ ქუჩიდან ხმაური შემოდის, სიმყუდროვე არა აქვს.

ბ-ნ ნ ი კ ო. დასავლეთ გერმანიაში მომცეს მშვენიერი დასაძინებელი წამალი, ნახევარი აბიც საკმარისია, ოცი წუთით აღრე დაწოლის წინ მიეცით, ისე დაიძინებს, ზარბაზნით ვერ გააღვიძებთ.

თ ა მ ა რ ი. იცით რაზე დაგიბარათ?

ბ-ნ ნ ი კ ო. კი, ნინომ ცოტა რაღაც მომიყვა.

თ ა მ ა რ ი. ძალიან აღელვებულია, ყველას გვადანაშაულებს, შეთქმულებას მიწყობთო, თავის მართლების მოსმენაც არ სურს, იმის შემდეგ, რაც ჩხუბი აგვიტეხა და შინიდან წავიდა, როგორ გავებდავლით მაგაზე გვეფიქრა. მოდის!

შემოდის ვალერიან ილიჩი საშინაო ტანსაცმელში.

ვ ა ლ ე რ ი ა ნ ი ლ ი ჩ ი. თქვენც კარგი ვინმე ხართ, ნიკო, იცოდით ყველაფერი და ერთი სიტყვაც არ გითქვამთ ჩემთვის.

ბ-ნ ნ ი კ ო. შესაძლოა, ვალერიან ილიჩ, შესაძლოა, მეც მთლად პირნათელი არ ვიყო, მაგრამ ეს ხომ მხოლოდ და მხოლოდ ფიქციაა.

ვ ა ლ ე რ ი ა ნ ი ლ ი ჩ ი. რა ფიქციაა, ეგ ფიქციაა? უმაღლესი საბჭოს პრეზიდიუმში მაცნობებს, რომ ჩემ თხოვნას, ჩემს, გესმით? განიხილავენ და შედეგს შემატყობინებენ დამატებით. ესაა ფიქცია? შედეგი კი ესეთი იქნება: ახლა დავურეკავ სათანადო ორგანოებს და დავაჭერინებ მაგ აფერისტკას. პრეზიდიუმში კი ვაცნობებ, რომ ეს არის თაღლითობა, რომ მე არავისთვის არაფერი მითხოვია, რომ მე პატიმრობაში არავითარი შვილი არა მყავს და არცა მყოლია არასოდეს.

ბ-ნ ნ ი კ ო. როგორ გეკადრებათ, ვალერიან ილიჩ, როგორ გეკადრებათ, მე, მოგესხენებათ, ამისთანა რამეებში გამოუცდელი კაცი ვარ, მაგრამ ჩემთვისაც კი ნათელია, რომ უპროტექციოდ ამ თხოვნას არც კი წაიკი-

თხავენ. თქვენ დაწერეთ თუ სხვამ, ვინ აქცევს ამას ყურადღებას! ასე რომ, ამ სამწუხარო ფაქტს ნუ მივცემთ ასეთ დიდ მნიშვნელობას.

ვალერიან ილიჩი. მომიტანეთ ქალაქი და საწერ-კალამი. ყველაფერს დაწვრილებით ავეხსნით და იმ ავანტურისტკას მილიციას ჩავაბარებთ.

ბ-ნ ნიკო. მე კიდევ ვერ გავიგია, გვაქვს განა ჩვენ ბოროტმოქმედების დასამტკიცებელი იურიდიული საბუთი?

ვალერიან ილიჩი. სხვის მაგიერად, ნებადაურთველად, სხვისი სახელის გამოყენება და ხელისუფლების მოტყუება ბოროტმოქმედება არ არის? აბა, რაღაა ბოროტმოქმედება?

ნინო. ნიკოს განსაკუთრებული მიზეზი აქვს იმ გოგოს შესაბრალებლად.

ბ-ნ ნიკო. სისულელეს ნუ ლაპარაკობ, შენ თვითონ კარგად იცი, რომ ჩემი მამაშვილური ალერსი მაგ გაფუჭებულმა...

ვალერიან ილიჩი (აწყვეტილებს, ჩავარდნილი ხმით). მაშინ უნდა დაიწეროს პრეზიდენტში... მე თვითონ დავწერ.

თამარი (აჩვენებს სტალინის სურათს). ვალერიან, ეს სურათი სად დავკიდოთ?

ვალერიან ილიჩი. მე თვითონ დავკიდებ, ადგილს მოვუძებნი, ახლა გადით, დაგეტოვებ მარტო! (თამარი და ნინო გადიან). აწიეთ ფარდა და გაიხედეთ გარეთ, უკვე სიბნელეა? სკოლაში სინათლე ხომ არ აანთეს?

ბ-ნ ნიკო (იხედება ფანჯარაში). ქუჩაშიც და სკოლაშიც ბნელა.

ვალერიან ილიჩი (ჩიბუხს ტენის) მოდით აქ!

(ჩუბჩუბო), განსაკუთრებული თუთუნის უნდა მოგაწვევინოთ! საკუთარი გამოგონებაა, აბა. შეისუნთქეთ (აწვიოს ჩიბუხს, ბ-ნ ნიკო გამოართმევს და შეისუნთქავს). როგორია? (ბ-ნ ნიკოს ხედა აუტყდა). ეს იმიტომ, რომ მიუჩვეველი ხართ, ეს ძვირფასი თუთუნია „ოქროს მამალი“ ხა, ხა!

ბ-ნ ნიკო. მე თუთუნის არაფერი გამეგება.

ვალერიან ილიჩი. ძალიან კარგად მოქმედებს ადამიანის ორგანიზმზე!

შემოდის ნინო, ხელში თუჩის მძიმე ფიალა უჭირავს.

ნინო. დედა გეკითხება, გადაავდოს ეს, თუ გჭირდება?

ვალერიან ილიჩი. რაო, გადაავდო? თქვენ ხომ არ გადაირიეთ?

ეს ხომ ჩემი გამოგონების „ულტიმა რაციოს“ ფუძეა. (წართვა და თავისთან ახლოს დადო). მომეცი აქ, აბუეტები!

ბ-ნ ნიკო. როგორც ჩანს, თქვენმა გამოგონებამ უკვე პრაქტიკულ სტადიას მიაღწია...

ვალერიან ილიჩი (აღზნებული). დიახ, დიახ, ინტეგრალური ნახევრად-გამტარების სქემებმა ჟანგვაზე უკვე გადაწყვიტეს გაბარიტების პრობლემა. აღმოჩენილია ტრანს ურანის მძიმე კრიტიკული მასა. ახლა საჭიროა დასაბუთდეს განჭვრეტის თეორია, რაც ემყარება ლეონარდო და ვინჩის და გოეთეს ცდებს, ასევე აუცილებელია მეცნიერის მორალური კანონების შემუშავება კონდორსეს მიხედვით. დარჩა სიძლიერის კატალიზატორის გამოგონება და ბუმერანგული სხივების უკუკავშირების დადგენა.

ბ-ნ ნიკო. გასაგებია, მაგრამ სუფთა ობივატელური თვალთ, პრაქტიკულად რას წარმოადგენს და რა დანიშნულება აქვს თქვენს გამოგონებას?

ვალერიან ილიჩი. ეჰე! ჩემო კარგო, ეგ ხომ საიდუმლოა!

შემოდის სოსო,

სოსო. უკაცრავად, მამიკო, მაგრამ თქვენი ნახვა სურს...

ვალერიან ილიჩი. რას ნიშნავს ეს, არც აკაკუნებ, შემოიჭერი, თითქოს ვინმე მოგდევდეს. რაშია საქმე?

სოსო. უკაცრავად, მაგრამ ლელას სურს, რომ შენ მიიღო.

ვალერიან ილიჩი. ვინ ლელას?

სოსო. სტუმარს, ჩემი სტუმარი, ის გოგო...

ვალერიან ილიჩი. და ის მოვიდა აქ, ჩემთან? აი, გაუგონარი თავხედობა, აღმაშფოთებელი ურცხვობა!

სოსო. მამიკო, ძალიან გთხოვს, ელოდება შენს თანხმობას.

ვალერიან ილიჩი. იიმმ!

ბ-ნ ნიკო. ხომ არ წავსულიყავი...

ვალერიან ილიჩი (ოთახში ბოლთას ცემს). არ გახსოვთ ჩიბუხი სად დავდევი, ჰო, ჰო, აქ არის.

ბ-ნ. ნიკო. ხელს აღარ შეგიშლით. (გაიწია წასასვლელად).

ვალერიან ილიჩი. არააა-მეთქი! (ჩიბუხს ვერ აჩაღებს, დადის ოთახში). რა უნდა, რატომ მოვიდა?

სოსო. არ ვიცი, თვითონ გეტყვით... ძალიან შემეხვეწა.

ვალერიან ილიჩი. მოვიდეს! (სოსო გარბის, ვალერიან ილიჩი ჩიბუხს უკიდებს, როგორც იქნა შეისუნთქა, ღიმილით ლაპარაკობს). მოწვევა დავიწყე ოხუთმეტი წლიდან და განა მარტო მოწვევა, ცხოვრებაც, დამოუკიდებელი ცხოვრება. მოხალისედ წავედი ჯარში. ერთხელ მთელი კვირა ალყა-შემორტყმულები ვიყავით, თუთუნის არ გვქონდა და

ჩვენმა „კამანდირ-ბომბარდირმა“, როგორც მას ვუძახ-
დით, ჩიბუხი ნივრის ნაფცქვენებით გატენა და მოგვაწვეი-
ნა, ხომ არ ჩამოვრჩებოდით?! 15 წლის კაცი ვიყავი, რომან-
ტიკა—დიდი გრძნობაა, არაფრისგან შექმნილი სინამდვი-
ლე!

ბ-ნ ნ ი კ ო. ჩიბუხის წვევას მაშინ მიეჩვიეთ?

ვ ა ლ ე რ ი ა ნ ი ლ ი ჩ ი. არა, სამამულო ომის დროს

ბ-ნ ნ ი კ ო. უწინ რომ არ შემიძინევა.

ვ ა ლ ე რ ი ა ნ ი ლ ი ჩ ი. არა, არა! ჭანდაბას ომიცა
და ეს ჩიბუხიც! (გადაამტვრია, მიღის აკვარიუმთან). უწინ
ამ თევზის ყურება მახალისებდა, ახლა კი მიკვირს ამ-
დენ ტრიალში, ერთი და იგივე, ერთი და იგივე, როგორ
არ ესხმის თავბრუ?!
შემოდინ სოსო და ლელა.

ლ ე ლ ა. გამარჯობათ.

ვ ა ლ ე რ ი ა ნ ი ლ ი ჩ ი. (გასაოცრად მშვიდად). დაჯე-
ქით, (თვითონაც ჭდება). მე მილიციის გამოძახებას ვაპირებ-
და, მაგრამ ჩემმა სიძემ გადამაფიქრებინა. ნუ გგონიათ,
რომ გულჩვილობით მომივიდა, არა, თქვენ მიერ ჩადენი-
ლი ბოროტმოქმედება თურმე, სამწუხაროდ, კრიმინალს
არ შეიცვს.

ლ ე ლ ა. თავის გასამართლებლად არ მოვსულვარ და
არც საკამათოდ, დიდი თხოვნით მოვედი: ნუ იზამთ მა-
გას, ნუ დაწერთ პრეზიდენტიში ნურაფერს, ნუ ატეხავთ
ხმაურს, ძალიან გთხოვთ, გემუდარებით.

ვ ა ლ ე რ ი ა ნ ი ლ ი ჩ ი. შეგეწინდათ?

ლ ე ლ ა. დიახ. მეწინია, რომ მას საქმე არ გაუფუჭ-
დეს.

ვ ა ლ ე რ ი ა ნ ი ლ ი ჩ ი. კი, მაგრამ, თქვენ ვინა ხართ
და ამ ამბისა რა გესაქმებათ?

ლ ე ლ ა. მე ის მიყვარს.

ვალერიან ილიჩი. გიყვართ? როგორ თუ გიყვართ?... გინახავთ როდისმე?

ლელა. არა.

ვალერიან ილიჩი. მაშ რა სიყვარულზე ლაპარაკობთ? არ იცნობთ ადამიანს და გიყვართ, რა უფლების ძალით! მერე თქვენ თუ პატიოსანი ქალი ბრძანდებით, რატომ უნდა გიყვარდეთ ბოროტმოქმედი?

ლელა. ძალიან გთხოვთ, გულახდილად ილაპარაკეთ.

ვალერიან ილიჩი. ჰმ! გულახდილად! როგორ ბედავთ... გულახდილად... რომ განთავისუფლდეს კიდევ არავითარი სიკეთე ამას არ მოჰყვება. ის ალბათ, მორფინისტი თუ არა, ლოთია, ჩამოსვლისთანავე უკანასკნელ კაბას გაგიყიდით.

ლელა. ნუთუ ასე ცუდად იცნობთ საკუთარ შვილს.

ვალერიან ილიჩი. ის დიდი ხანია ჩემი შვილი აღარ არის, გაიგეთ, დიდი ხანია!

ლელა. აი, წაიკითხეთ მისი ბოლო წერალი და მიხედვებით ლოთია თუ მორფინისტი. (გაუწოდა წერილი, ვალერიან ილიჩი იღებს ხელში და იქვე უბრუნებს).

ვალერიან ილიჩი. არა, არ არის საჭირო...

ლელა (კოხულობს ხმამაღლა). „ნერონმა რომში სიკვდილით დასაჯა კონსტანტინის შვილი—უდანაშაულო ვესტრინი. ჰაბუკმა განაჩენის შემდეგ დაარიგა მთელი თავისი ქონება და სიკვდილის დროს თავს მოხუცად თვლიდა. ძალიან დიდხანს, რომ მეცხოვრა, ამაზე მეტს ვერაფერს გავაკეთებდიო. ალბათ მე იმიტომ ვგრძნობ თავს ახალგაზრდად, რომ არაფერი გამიკეთებია“.

ბენიკო. ფრიად თვითკრიტიკული აზრია, ეტყობა იცის ისტორია.

ვალერიან ილიჩი (შეუღრინა) რას ნიშნავს იცის?! უკეთ, ვიდრე, თქვენ თქვენი ხელობა!

ლ ე ლ ა (კიბხულობს), „რომელიღაც ქვეყნის წარმომადგენელმა „ონ-ში“, განიარაღებასთან დაკავშირებულ კამათისას თქვა: „იმისათვის, რომ განიარაღდე, ჯერ უნდა შეიარაღდე“-ო. ეს გამონათქვამი მომდის თავში, როცა მესმის ტერმინი „გამოსწორება“. ვიდრე გამოსწორდები, ჯერ ხომ უნდა გაფუჭდე? ყველა ეს ფსევდო-კრიტიკული, სენტენციურ-ფარისევლური, სქოლასტიკური მსჯელობა ხელოვნების, ლიტერატურისა და ცხოვრების შესახებ მაგონებს იმ ბავშვების მუსაიტს, რომლებიც მთელი ფანტაზიის დაძაბვით და შესაშური სერიოზულობით, ყვებიან, ან უსმენენ ერთიმეორის გამონაგონ სისულელეებს.

ვ ა ლ ე რ ი ა ნ ი ლ ი ჩ ი. კმარა! ისეთივე კერპი დარჩა. როგორც იყო და რაც მეტი ზის, უფრო მეტი მიზეზი გროვდება საიმისოდ, რომ საერთოდ აღარ გამოვიდეს.

ლ ე ლ ა. რატომ?

ვ ა ლ ე რ ი ა ნ ი ლ ი ჩ ი. იმიტომ, რომ დანაშაულს არ აღიარებს. არ ინანიებს და გაბოროტებულია.

ლ ე ლ ა. ხალასი მონანიება შეწყნარების შემდეგ იჩენს თავს. გაბოროტება კი შეუფერებლად მძიმე სასჯელის შედეგია.

ვ ა ლ ე რ ი ა ნ ი ლ ი ჩ ი. მოუხდება იყოს გაბოროტებული. და საერთოდ არავის შეწყნარება არ შეიძლება! ადამიანი თავის ბუნებით უმადურია, დღეს აპატიებ. ხვალ უარესს ჩაიდენს. შეხედეთ, თურმე ის კი არა, ვიდრე სხვები არიან მის წინაშე დამნაშავენი, ბოროტმოქმედის წინაშე.

ლ ე ლ ა. ჯერ ერთი, ის არც არავის ადანაშაულებს და თუ მაინცდამაინც ბოროტმოქმედზეა ლაპარაკი, ბოროტმოქმედი, რომელიც სასჯელს იხდის, კანონის ცოცხალი განსახიერებაა, თვით კანონია და ყველაზე უმწიკვლო მდგომარეობა საზოგადოებაში, რა გა-

საქვირია, რომ იგი სხვებისაგანაც სამართლიანობას მოითხოვდეს.

ვალერიან ილიჩი. სწორედ სამართლიანობა მოითხოვს, რომ ის თავის თავს ამტყუნებდეს და არა საზოგადოებას.

ლელა. საზოგადოება, რომელიც ყველა მიღწევას თვითონ მიიწერს, ბოროტმოქმედებაზეც უნდა აგებდეს პასუხს. თორემ გამოდის, გაგარინი გაფრინდა კოსმოსში თუ შტანგისტმა ასწია ნახევარ ტონაზე მეტი, ეს ყველაფერი საზოგადოების წყალობით ხდება და, თუკი პეტრე 17 წელია ზის, მხოლოდ თვითონ არის დამნაშავე და თავში ქვა უხლია?!

ვალერიან ილიჩი. გვეყოფა, თქვენ სათხოვნელად მოხვედით არა?

ლელა. დიახ.

ვალერიან ილიჩი. ჰოდა, ვაიგეთ, შეიგნეთ, რომ მე ვაჟიშვილი არა მყავს და ამის შესახებ აუცილებლად დავწერ.

ლელა. მერე, ეს ხომ ტყუილი იქნება.

ვალერიან ილიჩი. რატომ იქნება ტყუილი, განა მე დარწმუნებული ვარ, რომ ის ჩემი შვილია? ჩემი გვარის გარდა მას მრავალი სხვა გვარიც აქვს საქმეში. (ღადის ოთახში, პაუზა).

ლელა. არა, თქვენ ამას არ იზამთ.

ვალერიან ილიჩი. დავწერ, დავწერ!

ლელა. რატომ, რისთვის, ვის სჭირდება ეს?

ვალერიან ილიჩი. ახლანდელმა ახალგაზრდობამ არ იცის, რა არის პრინციპი, ჩვენ კი პრინციპების გამო სიკვდილსაც არ ვერიდებოდით.

ლელა. არ მესმის არავითარი პრინციპი, მე მინდა ბედნიერი ვიყო.

ვალერიან ილიჩი. სწორედ მაგისათვის ვიბრძოდით, რომ ყველანი ბედნიერნი ყოფილიყავით, ვიკლებდით ყველაფერს საერთო საქმისათვის. თქვენ კი გამორჩენას ელით, ახლავე გინდათ მიიღოთ მოგება და ვერ ამჩნევთ, რომ ის საერთო ჯამი, სადაც თქვენ ლუქმას ჩააგდებთ, თქვენთვისავე გაივსება მომავალში.

ლელა. ეს იმას ჰგავს, რომ ქანცგამოცლილმა, მოწყურებულმა მეუღაბნოემ, ბოლო ერთი ჭიქა წყალი კი არ დალიოს, დადგას პაპანაქება სიცხეში იმ იმედით, რომ იგი აორთქლდება. ღრუბლების ჩამოყალიბებაში მოეხმარება ბუნებას, რის შემდეგაც წვიმად დაბრუნებული გააგრილებს, ააყვავებს დედამიწას, წარმოშობს წყაროებსა და ოაზისებს.

ვალერიან ილიჩი. არ მესმის თქვენი, არა!

ლელა. თქვენ გინდათ ქვა შუაგულ ზღვაში ჩააგდოთ, ბურთულებს კი ნაპირზე დაელოდოთ.

ვალერიან ილიჩი. კმარა მეთქი! მიბრძანდით! პაუზა.

ლელა. უკანასკნელად გთხოვთ. მეტი რა გითხრათ, გემუდარებით, იქნებ სხვაგვარად გამიგოთ. შემიბრალეთ.

ვალერიან ილიჩი. მე ჩემი შვილი არ მებრალება და თქვენ შეგიბრალებთ?

ლელა. მერე რატომ?

ვალერიან ილიჩი (დაბალი ხმით). მე თქვენთან დავამთავრე ლაპარაკი.

ლელა. ეს პრინციპი კი არა ჭიუტობაა, ეტყობა სიბერეში კაცს ნამთვრალევივით გამოყოლილი აქვს...

ვალერიან ილიჩი (ყვირის). მე უკვე მითხრეს ეგ ერთხელ და იციტ ვინ? ყაჩაღმა და მძარცველმა სადგურში. აჰა, აჰ, ჰა! ახლა კი ყველაფერი ნათელია ჩემ-

თვის, ახლა კი მიხვდები, რომ ყველანი ჩემი წინააღმდეგი ხართ და პირი გაქვთ შეკრული. აჰა-ჰა! მაგრამ მე ვიდგები, ჯერ კიდევ მაგრად ვიდგები.

ლ ე ლ ა. რა სიკეთეს გაიხსენებთ თქვენს ცხოვრებაში, მაგალითად, პირადად ვის გაუკეთეთ კეთილი საქმე, დაასახელეთ თუნდ ერთის გვარი.

ვ ა ლ ე რ ი ა ნ ი ლ ი ჩ ი (აქეთ-იქით დაღის ოთახში). ჰ. ჰა, აჰა-ჰა.

შემოდინ თამარი და ნინო.

ნ ი ნ ო. რა ამბავია, როგორ ბედავთ, შემოიჭერთი სხვის სახლში...

ლ ე ლ ა. თქვენ, თქვენს გენიოსს მიხედვით, ლაბადა! (ვალერიან ილიჩს). ზოგადი სიკეთის სახელით თქვენ ჩადენილი გაქვთ უამრავი ბოროტება. და ახლა, როცა გეძლევათ საშუალება დაამტკიცოთ, რომ თქვენ ურჩხული არა ხართ...

ვ ა ლ ე რ ი ა ნ ი ლ ი ჩ ი. ვის უნდა დავუმტკიცო?

ლ ე ლ ა. თუნდაც საკუთარ თავს!

ვ ა ლ ე რ ი ა ნ ი ლ ი ჩ ი. გაეთრით!

ლ ე ლ ა. გგონიათ ყველას მოტყუებას შესძლებთ? თქვენ აღარაფერი გაგამართლებთ.

ვ ა ლ ე რ ი ა ნ ი ლ ი ჩ ი. მოიცა... ვისი მოტყუება, ვინ, ვის... ატყუებს?

ლ ე ლ ა გაჩერდა.

პ ა უ ზ ა

ლ ე ლ ა. არ მინდა დავიჯერო, რომ პეტრე თქვენნი შვილია.

კარებ-სკენ წავიდა.

ვ ა ლ ე რ ი ა ნ ი ლ ი ჩ ი (ხვადაბლა, თითქმის თხოვნით), მოიცა! (ხმას. უმატებს). ჩვენ გვაქვს კიდევ ძალა...

ლ ე ლ ა (გასვლისას). შვილის მკვლელო!

ვალერიან ილიჩი. ააა! (შებლაკლებს, დააკლებს
ხელს თუჩის ფიალას და გაეკიდება).

პაუზა.

უცებ ყველა ერთად შეპყვირებს. პაუზა. ყველანი გაეარდებიან
კულისებში. სცენა ცარიელია. ნელა შემოდის ვალერიან ილიჩი.

ვალერიან ილიჩი (ჯდება სავარძელში). მე იგი
მოვკალი, მოვკალი, მოვკალ!...

(აკეთებს რაღაც მოძრაობებს, მოხერხებულად ჯდება სავარძელ-
ში, იძინებს.)

ფ ა რ დ ა

ტ ა კ ი მ ა ს ხ ა რ ა

:

თანამედროვე ფარსი ორ მოქმედებად

მ ო ჯ მ ე ღ ი ბ ი რ ნ ი

1. ტაქიმასხარა, თოჯინა ან მარიონეტი. უკიდურეს შემთხვევაში მსახიობი — სტილიზებურ ტანსაცმელში, თოჯინის მიხვრა-მოხვრით.

გ რ ი შ ა.

და ვ ი თ ი.

ს ო ფ ი ო.

შ უ რ ი კ ა.

მ ა ნ ა ნ ა.

ბ რ ძ ე ნ ი.

ი ს.

მ ა ნ ა ნ ა ს დ ე დ ა.

და ვ ი თ ი ს დ ე დ ა.

ყ ო ფ ი ლ ი მ ე ზ ო ბ ე ლ ი.

მ ე ე ზ ო ვ ე.

ი ე ლ ო.

„ხ ე ი ბ ა რ ი“.

ლ უ დ შ ი ლ ა ვ ა ს ი ლ ე ვ ნ ა, მდივანი ქალი.

ქ შ ა რ ი.

ა დ გ ი ლ კ ო შ ი.

I, II III, IV — მოწაფეები.

მოცეკვავენი და სხვ.

მოქმედება — ჩვენი დრო. საბჭოთა კავშირის ერთ-ერთი ქალაქია.

პირველი მოქმედება

I ს უ რ ა თ ი

ფარდის მარცხენა და მარჯვენა მხარე თითქოს დაუხურავი დაჩენიათ, ჩოჩქოლია, რომელიც თანდათან ძლიერდება. ხმაური ახლოვდება, ფარდის წინ გამოაგდებენ ტაკიმასხარას.

ტაკიმასხარას ხმა. (რომელიც გვესმის 2-ს სცენაზე შემოგდებად). მომეშვით, თავი დამანებეთ, ააა, ხელებს ნუ მიმტვრევთ, არა, არ გამოვალ.

ბრძენი. მოეშვით, თქვენც კაცი ნახეთ, სულ არევ-დარევს ყველაფერს ეს ბაზრის ტინგიცა...

მანანა. მიდი ახლა, ნუ „სვეტობ“, არ გადამაპრევი-ნო ვენები.

ტაკიმასხარა. ახლა დაგჭირდით, მე რა შუაში ვარ?!... გამიშვით-მეთქი! ჩემი რა ბრალია, ერთ-ერთმა თქვენგანმა იკისროს, მე რა, დაბალი ლობე მნახეთ?

შურიკა. შენ ვინ რას გაბრალებს, რამ შევაშინა?

შენც გამიხდი რალა. სად გაგონილა, ტაკიმასხარას ვინმე რამეში ბრალს სდებდეს, ეე! ქაჯო! უბრალოდ, შენ სპექტაკლს წაიყვან.

ის. მიდი, მიდი, შესძლებ, ძველი ხარ.

ტაკიმასხარა. კი მაგრამ, ხომ უნდა ვიცოდე, საიდან დავიწყო, როგორ? ის თქვენი მაესტრო სად დაიკარგა, ერთი მითხრას მაინც...

დავითი. კარგი, პო, მორჩი ბაზარს.

ტაკიმასხარა. ბიჭო, გეუბნები, ხელებს ნუ იკვრევიანები! (გამოაგდეს ფარდის წინ. შეამჩნევს ზაყურე-

ბელს). მპატიეთ ბოდიში, ბოდიშს ვიხდი, მაესტრო, „პროშუ მუზიკე!“ (მუსიკის ხმაზე, რომელიც ტუმს წააგავს თავის პარადული მხნეობით და მკვეთრი ბგერებით, იხლება ფარდა და ვხედავთ ლატარიის უზარმაზარ ბილეთს, სერია 49 № 994853). მოგესალმებით, მოგესალმებით, მოგესალმებით. (თავს ხრის ყოველი მიმართულებით).

პატივცემულო საზოგადოებავ! დარწმუნებული ვარ (კულისებიდან დავითი გადმოუგდებს ნიღაბს, რომელიც წელანდელ კიდიში დაკარგა). მპატიეთ, პატივცემულო საზოგადოებავ, დარწმუნებული ვარ, ბევრი თქვენგანი საკმაოდ კარგად მიცნობს. (იკეთებს ნიღაბს). მე ტაკიმასხარას მეძახიან, (ხელს აწევს და გაისმის ზემოთ აღნიშნული მუსიკალური ფრაზა).

შესაძლოა ზოგიერთი განცვიფრდეს კიდეც, რომ დღეს დამეკისრა... და ვაპირებ, უფრო სწორად, რომ სერიოზულ რაღაცეებზე მინდა, ესე იგი, მსურს თქვენთან საუბარი. წინდაწინ, მიპატიებია მათთვის, ვინც გაიფიქრებს, დავიღუპეთ, ტაკიმასხარასაც სერიოზული სჯა-ბაასი მოსურვებიაო. მიპატიებია, მაგრამ მაშინ მანვე, როგორც იტყვიან ხოლმე, დათვალოს ხურდა სალაროდან მოუშორებლად და დამიმტკიცოს აქვე, პატიოსანი ხალხის წინაშე, რომ ხუმრობა და წვრილმანები მეორეხარისხოვანი რამ არის ცხოვრებაში. დამიმტკიცონ! მე არ მივდეგ ადამიანის სიციცხლის აზრისა და რაობის განსაზღვრას, ეგ რა ჩემი ჭკუის საქმეა, მატერიის ეგ მაღალი სფერო ადამიანებმა თავად განსაჯონ. მე ხომ ადამიანთა კატეგორიას არ ვეკუთვნი, მიუხედავად ზოგიერთი მსგავსებისა (გადმოაგდებს პირსახოცის ან განიერ პალსტუხისმაგვარ ღიდ ენას. მაესტრო ხელს სტაცებს ენას და უნდა მოაგლიჯოს). იიიმმმ (ღმუის ტაკიმასხარა, მაესტრო კიდეე ეჯაჯგურება, ბოლოს მოგლი-

ჯავს, ორივენი ეცემიან). ბლ-ბლ-ბლ-ბლ ასე შეიძლება სპე-
 კტაკლი წაიყვანო? (კულისებში მიმოიკით ითხოვს ახალწილას.
 აწვდიან გრძელ ცხვირს, იგი უკან აგდებს ცხვირს). მე ცხვირი
 კი არა, ენა მინდა (დავითი გამოუტანს ახალ წილას და ხელს
 ჰოუქნევს, ვითომ დასარტყმელად). ღონე გერპის, არა?
 (ჯონს მოდის). ბოდიში, პატივცემულო მაცურებელო, იმას
 მოგახსენებდით: წვრილმანები არარად ჩასაგდები რო-
 დია, რადგანაც არსებითად, ცხოვრება წვრილმანების
 ჯამია და როდესაც ე. წ. წვრილმანებისადმი უკუარ-
 დამოკიდებულებას ვხვდები, ასეთი აზრიც კი მებღება
 ხოლმე: საერთოდ სამყარო სომ არაა-მეთქი მთლიანად
 გაუგებრობა და ამ გაუგებრობას თვით ადამიანის მოქ-
 მედება ხომ არ წარმოშობს? ანდა, სულაც ადამიანის
 ყოველი მოქმედება, ამ გაუგებრობის გადასაწყვეტად
 ხომ არაა მიმართული! სწორედ ასეთმა აზრებმა გამაბე-
 დვინეს გამომეტანა თქვენს სამსჯავროზე რაღაც ამდაგვა-
 რი რამ, მაგრამ ხელოვნება, ცხოვრებისაგან განსხვავე-
 ბით, მოითხოვს თუნდაც ელემენტარულ ლოგიკას, ან
 აზრთ: თანმიმდევრობას, ამდენად საჭიროდ ვთვლი თქვე-
 ნი ყურადღება, პირველ ყოვლისა, აი, ამ ლატარიის ბი-
 ლეთზე შევაჩერო (უთითებს ჩამოკიდებულ ბილეთზე). ამჩნევთ
 ამ რიცხვს? სამიანს (თითქმის ხელით ეხება სა-
 მიანს). — გთხოვთ, მაესტრო! ამოფრინდება გასული წლიდან
 შემორჩენილი უშველებელი ბუზი, ბზუილით დააყდება სამიანს, უტი-
 ლავი ხელი ბუზის საჭერით მისარებს ბუზს სამიანზე და როდესაც
 გასრესალი ბუზი ძირს ჩამოვარდება, მისი სისხლის ვალა სამი-
 ანს რვიანად გადააკეთებს). შეამჩნიეთ? სამიანი გადააჭყვია
 რვიანად, (ველავ შეახებს ხელს რიცხვ მ-ს.).

— აბა ერთი გაიმეორეთ, მაესტრო, რე-პე-ტე!

(მანიპულაცია ნეორდება, მაგრამ ბუზის ნაცვლად ბუზის სა-

კერი ხედება ტაკიმასხარას თავში, იგი დაეცემა, მაშინვე წამოდგება დაიბერტყავს ტანსაცმელს. ისმის მესტროს ხმა).

მ ა ე ს ტ რ ო ს ხ მ ა. ალო, ეს რა უმსგავსობაა? წისქვილიდან ხომ არ მოდიხართ, რა ბღღვირი დააყუესეთ?

ტ ა კ ი მ ა ს ხ ა რ ა (ირტყამს ხელს შარვალსა და ხალაოზე, ვითომდა მტვერს იშორებს). ნაფტალინია, ნაფტალინი, მესტრო, მე ხომ დიდხანს ვიყავი სკივრში, ძველმანებთან ჩაკეტილი.

მ ა ე ს ტ რ ო ს ხ მ ა. ძველმანები. გასაგებია, ძველმანები.

ტ ა კ ი მ ა ს ხ ა რ ა. აი, თქვენნი ხუმრობა გამოარჩევა ახლებური შემართებით, მესტრო, ცემა-ტყეპა ძველი რუტინა და თეატრალური ტრუკია. ბუზი რამდენი ხანი გელოდებათ. თქვენ კი აქ მაიმუნობთ.

ნ ა ე ს ტ რ ო ს ხ მ ა. ალო, ალო,

ტ ა კ ი მ ა ს ხ ა რ ა. გაიძვირეთ, მხოლოდ ფრთხილად, აბა, რე-პე-ტე! (მანძულაცია შეორდება). ასე და ასგვარად, პატივცემულო საზოგადოებავ! ახლა გთხოვთ დაიძახსოვროთ სიტყვები: — ოჰ, ეს შეჩვენებულნი ბუზნი, ბრან! ბუზსაც შეუძლია კაცობა. მაშ ასე—ოჰ, ეს შეჩვენებული ბუზნი, ბრან! ბუზსაც შეუძლია კაცობა.

(ლატარისის ბილეთი მალა აიწევა და გაქრება.

ერთი ოთახი, ერთი ფანჯარა, ერთი კარი, ერთი დივანი, ერთი სკამი, ერთი საწოლი, ერთი სკივრი, ერთი კარადა, ორი ძმა. გრიშა პირს იპარსავს, დავითი დივანზე წევს. კვირა დღე. დილაა.

შადლობა ყურადღეისათვის, ძვირფასო მეგობრებო, წარმოდგენა იწყება.

ღია ფანჯრისა და ისმის უაჟანა.

ქ ა ლ ი ს ხ მ ა. „ზნაემ მი, ჩემ ტი ზანიმაეუსია“...

კაცის ხმა. „ია ტებია ნე ბოიუს, ი დრუგის ტოჟე...
ქალის ხმა. ჩტო ტი კრიჩიშ. იდი, ნა სვოიუ ჟე-
ნუ კრიჩი.“

კაცის ხმა. „პოდაჟდი, პოდაჟდი“...

კიდევ ერთი კაცის ხმა. სპირდონიჩ, ანა
სუმაშედშაია.

„ინჩ პტი ანეს დათარტუ,“

კიდევ ერთი ხმა. „ონ იურიდიჩესკოე ლიცო.“

ქალის ხმა. „ონ მენია ვიგნალ იზ კაბინეტა, ეტო
ლიცო.“

კაცის ხმა. „უ მენია პიატ მეტროვ კომნატა, ა ტი
პოლუჩაეშ.“

ქალის ხმა (განჩხლებული). „ეტო პოლუჩაეტ?
ჩტობ ტი ტაჟ პოლუჩალ, კაჟ ია პოლუჩაიუ.“

ატყდა ისევე ყაყანი, ერთხანს აღარაფერი ისმის. შემდეგ უცებ
სიჩუმე ჩამოვარდება და ამ სიჩუმეში გარკვევით ისმის ხმა:“
არა, მითხარით, რა შუაშია კომენდანტი?

დავითი. ექვსი წელია, ვერა და ვერ დაადგიხეს,
რა შუაშია კომენდანტი.

გრიშა. ექვსი კია არა, თორჰეტი, და ყოველდღე
ერთი და იგივე... ერთი და იგივე... კაცი პირდაპირ შე-
იშლება...

დავითი. დიდი ზნის წინათ. შეგეძლო ბინის მიღე-
ბა, არ გინდა კაინძრე, უცდი, როდის მოგართმევენ „პაღ-
ხოსზე“.

გრიშა. მხარ-თედოზე წამოწოლილი ლაპარაკი აღ-
ვილია... ერთი ეს მითხარი, მეექვსე წელია რომ აბარებ
იმ მისაღებ გამოცდებს და მაინც ვერ მოხვდი. ხომ ვერ
იტყვი, რა ხდება?

დავითი. რას ჩამომიყვანეთ, მოწყობა თუ არ შე-
გეძლოთ!

გ რ ი შ ა. მოწყობა რას ვქვია, ბიჭო, მოწყობა... როგორ თუ მოწყობა, ვინ მომაწყო მე? მეცადინეობაა საპირიო და არა ზოწყობა... წელსაც რომ არ მოხედე, იცოდე, შენს რჩენაზე ხელს ვიღებ.

და ვ ი თ ი. ეს კიდეც საკითხავია, ვინ ვის არჩენს, დედაჩემი სატყელ-სასაქელს მე შიგზავხის.

გ რ ი შ ა (არ ბოლოდა). როგორ ბედავ ასეთ ლაპარაკს, მე უფროსი ძმა ვარ შენი.

და ვ ი თ ი. მამ, დედამიწა ყველაზე ხშიერი კაცის საკუთრება ყოფილა.

გ რ ი შ ა. ჯერ ერთი, მოეშვი შურიკას ციტატებს, მეორეც, 24 წლის ასაკში დროა დამოუკიდებელი... გავიკერი, უფ, დამიწყო აქ ფილოსოფოსობა, წელმოწყვეტილივით რომ წევხარ. ადექი, კვირა დღეს მაინც.

და ვ ი თ ი. თუ წოლაა, წოლა იყოს, კვირა რაღა? სოფიკოსთვისაც ასე სჯობია, უფრო ადვილად დაალაგებს ოთახს.

გ რ ი შ ა. საფირო რა, შენი მოსაძსახურეა?

და ვ ი თ ი. მოსამსახურე რა შუაშია, უბრალოდ, ცდილობს, ცოლად გამოგყვეს.

გ რ ი შ ა (მიუხალოდა, ნაწყენი და დაბნეული ყვირის). აბა, გაიხეორე რა თქი, გაიქეორე!

და ვ ი თ ი (ყუხარდა). ცოლად უხდა რომ შეირთო.

გ რ ი შ ა (ჩემოდო ჭდება). დაამტკიცე, დაამტკიცე!

და ვ ი თ ი (გადაბრუნდა, ზურგი მიუშვია). ეეჰ...

გ რ ი შ ა. გველაფერე რა ასეთი თავდაჯერებული და თავზედი ხარ. წარმოგიდგებიან? თურქე შეუმჩნევია, გულთმისანია, ყველაფერი იცის, მაგრამ იხსტიტუტში ვერ ეწყობა, რომ ვკითხო, მოელი ქალაქის გოგოები გიუღეციაბნე მაციხთვის. თვითონ კი ამ შეთხუბულ მუზომელს არ აცილებს თვალს.

დავითი. მანახა? დიდი ვიხეცაა. ძალაუხებურად
შიაქცევ ყურადღებას, დღეში ასჯერ აღი-ჩადის ამ კიბე-
ებზე. ერთი შქობდეს მდგომარეობა...

მეშოდის შეროკა გაზეთებში იღლიაში.

შურიკა. სუ ხსუჯობთ, ძმებო, ხუ ხსუბობთ, უძ-
ჯობესია მაჭამოთ რამე. მთელი დღე მგელივით მშოიერი
დავწანწალებ. აჰა, „უევაჩკა“ მოგიტანე. (დავითს ვაღა-
უვლებს.).

დავითი. ვაშახებუ თუ ძმა ხარ თავი, აშას წინათ
ჰირს ვიპარსადღი და კისლამ ეხა შოვიკვხიტე.

შურიკა. ეს საღეჭი ბრძენმა მაჩუქა. მართლაც რომ
ბრძენია ეგ ოხერი. ედგავართ ბიჭები სასტუმროს წინ.
გიხსა შექოგვიერთდა, ჯიბიდან რეზინი ამოიღო და შე-
შოაგეთავაზა. სანამ ჩვენ აზრზე შოვიდოდით, ბრძენმა
სტაცა ხელი და საგახგებო სიღინჯით ჩაიღო ჯიბეში. ვაი,
ბიჭო, როგორ შქირადევა-მეთქი, შივაძახე გიხოს, გიხომ
ბრძენს გადახედა, მაგრამ იძახ, 'შენც არ მომიკვლე, ისე-
თი ძეპატრონის გამომეტყველება შიილო, რომ თხოვნა
ველარავინ გაბედა, კარგა ხანი ვიდექით და მერე
უკვე. როცა ვაშლებოდით, ჩაიყო ჯიბეში ხელი და შთა-
მაგონებელი ტონით მომმართა; აჰა, წაიღე, შურიკ. ჩე-
ში საჩუქარი იყო! გაიგე? არა, გაიგე, ბიჭო? რას იხამ,
აღბათ არაშხადების გარეშე ქვეყანა შოსაწყინი იქნი-
ბოთა.

დავითი. ერთი ვერ გამაცანი.

შურიკა. ვა, ეგრეა მისი ვაცნობა? გასამრჯელო
უნდა გაიღო. კვირა დღეებში ოფიციალური მიღება
აქვს, ფასიან რჩევა-დარიგებებს იძლევა. ადექი, მაჭამე
რამე. გრიშა არასდროს არ გამოირჩეოდა ვანსაკუთრე-
ბული სტუმართმოყვარეობით.

გრიშა. მგონი, შენგან გამიგია, რომ სტუმართმო-

ყვარეობა ძალმომრეობის ნაყოფია და დამპყრობელთა
გადმონაშთი.

შ უ რ ი კ ა. რაც მართალია, მართალია, რაიმეზე აზრის
გამოთქმა გავალებს შესაფერისად მოიქცე, მაგრამ განა
მე ვამტკიცებ, რომ ეს გადმონაშთი საძრახისია?

და ვ ი თ ი (ერთბაშად წამოღება და ისევ გაქვავებული ღვას).

... კარადაში საუბრე უნდა იყოს, ეგერ—ჩაი...

შ უ რ ი კ ა (შეიხედავს კარადაში). აღუღებული წყალი
მხიარულია, მაგრამ უშაქროდ წაიტუტუტებს.

და ვ ი თ ი. საცაა სოფიკო გაჩნდება და ის გაბჟეფს.

შ უ რ ი კ ა. მაგდენი დრო არ მაქვს. (ჰამს პურსა და
ყველს). აჰა, გაზეთი გადაათვალიერე, დღეს ვათამაშების
ცხრილია შიგ, იქნებ მოხდეს სასწაული და მოიგო რამე
(ციხინს).

და ვ ი თ ი. კი, კაცო, მაგ ჰკუაზე არიან. ხურდის მა-
გიერ მისცეს გრიშას საფუნთუშეში, მანდ სადღაც მა-
გიდაზე გღია, მგონი, შენ თვითონ ნახე.

გ რ ი შ ა. აი შენ, შურიკა, მითხარი ერთი, რატომ ამს
ჰკუას არ დაარიგებ? შენ მაგისტვის დიდი ვინმე... დიდი
ავტორიტეტი ხარ, რატომ არ მეცადინებო, როდემდე
აპირებს ასე უსაქმოდ ყოფნას?

შ უ რ ი კ ა. ეე, გრიშა, გრიშა, ახალგაზრდობა რომ
უფროსებს უჯერებდეს, მაშინ ხომ პროგრესიც შეწყდე-
ბოდა! ან არა და მე რისი დამრიგებელი ვარ, როცა თა-
ვად თავისუფალი პროფესიისა გახლავარ.

გ რ ი შ ა. კი, მაგრამ შენ დიპლომი მაინც გაქვს.

შ უ რ ი კ ა. მერე, ვის რად უნდა ეგ დიპლომი,
ფული მე არა მაქვს, დასაძინებელი ადგილი, ჩასაცმელი,
საჭმელსაც იქა ვჰამ, საღაც შემხვდება, — ტანთ ვიცვამ
სამოსს ნატარებს და ვეტრფი ქალებს ნაქმარევს!

გ რ ი შ ა. მოიცა, მოიცა, გეყოფა... მშვენიერი ოთახი

გაქვს, მაგრამ შენ თვითონ არ გინდა იქ ყოფნა. უკეთესი ტანსაცმლის შოვნაც არ ვაგვიჭირდებოდა..

შ უ რ ი კ ა. არა, გრიშაჯან, შენ ამას ვერ გაიგებ, აბა ტყუილობრალოდ რად გვინდა იგ ლაპარაკი.

გ რ ი შ ა. ვითომ რაღაც? შენ რა, პურს ჭამ და მე აგურს? ფანტაზიორობ, ჩემსავით რომ გეშრომა, მაგ სისულელეებისათვის ვერ მოიცილიდი. (ბუზს კლავს). მთელი ქალაქი რომ დაიარო, ბუზს წამლად ვერ იშოვი, აქ კი სავსეა. ამ ბოლო ხანებში მაინც სულ გამხეცდნენ და გადაიბრუნენ.

შ უ რ ი კ ა. კეთილ მასპინძელს ბოროტი ბუზი ესევა (დაჯიოს). პა, ბიჭო, ველარ გამოხვედი ტრანსიდან, რა გამეშებული დგეხარ?! (დაჯიოთი რაღაც შეიჯირო მოძრაობას შედეგ ოთახში ბოლოს სცემს).

დ ა ვ ი თ ი. უსაშველო სიცხეა.

გ რ ი შ ა. ერთი მდგომარეობიდან რომ მეორეში გადავიდეს, ენერჯის მოკრება ესაჭიროება.

შ უ რ ი კ ა. ხა-ხა-ხა, სწორი ხარ, გრიშაჯან, სწორი. მშვენივრად გეახელით, ახლა კი ფული უნდა მომცეთ, სესხად, რა თქმა უნდა, თორემ ეს გუულიანი ხალხი ისე ერთნაირად მეუბნება უარს, ერთი დედამამის შვილი გეგონებათ. ბევრი კი არ მინდა — თუმანი.

დ ა ვ ი თ ი. მიეცი, გრიშა, მიეცი. ნუ გეშინია.

შ უ რ ი კ ა. შიში მას უნდა ჰქონდეს, ვინც ვალს იღებს და არა მას, ვინც გასცემს!

გრიშა უხალისოდ აძლევს ჯიბიდან ფულს.

დ ა ვ ი თ ი. დაგიბრუნებს, ალბათ სულ მალე გადიდრდება და სახელსაც მოიხვეჭს. რა მაგის პასუხია, რა ჰქვია იმ რომანს, რომლის ილუსტრაციასაც აპირებ?

შ უ რ ი კ ა. ვასკდა ეგ საქმე, ლიტერატორი აღარ მესალმება.

დავითი. რატომ? მასხივს პირდაპირ ენთუზიაზმით იწვოდის, რა მოხდა?

შურიკა (ხელი ჩაიქნია). იჰ, მომბეზრდა, თანაც რომანი კი არა, რაღაც სისულელე იყო.

გრიშა. თუ არ მოგწონდა, რაღას მოჰკიდე ხელი, კაცი დააღალატე, ზთელი თვე დაარბენინებდი გამომცემლობიდან გამომცემლობაში, მოატყუე და გინდა კიდევ ტუჩზე კოცნით გხვდებოდეს?

შურიკა. ეეჰ, გრიშაჯან, გრიშაჯან, მოსაწყენია ეს ყველაფერი, უზომოდ მოსაწყენი. (მხარზე არტყამს ხელს).

გრიშა. წამოიწყებ რაღაც-რაღაცეებს და ბოლომდე აღარაფერი მიგყავს.

შურიკა. წედან მეტროში ინგლისელთა ჯგუფი შე-მხვდა, მივუგდე ყური ერთ-ერთის სიტყვებს, — დააკვირდით, ამ ქალაქში ხალხი კარგად იცვამსო და უცუბ მე შევეფეთე, ცოტა არ იყოს შეცბა, მაგრამ მე არ დავიბენი და მივაძახე, — არა, მე განგებ, ჰიპი ვარ-მეთქი, ჰიპი. აი, ჩემო ძმაო გრიშა, ასე ვავლენთ ჩვენ, ჩვენს პატრიოტიზმს, როგორც შეგვიძლია,...

ისმის ტაკიმასხარას ძლიერი ხვრინვა. პაუზა.

გრიშა. რაშია საქმე?

დავითი. რა მოხდა?

შურიკა. ვაჰ, ეს რას ხვრინავს, ტო.

მაესტროს ხმა. ალო, ეი, მოქალაქე, თქვენ... რა ჰქვია ამას?

ქალის ხმა. პირველ კაცად გამოაცხადეთ და სახელი აღარ ჰკითხეთ? ტაკიმასხარაა.

მაესტროს ხმა. ჰო, თქვენ, მოქალაქე ტაკიმასხარავ, ეი, ამხანაგო!

ტაკიმასხარა (იზმორება). ოო, რახან ამხანაგი მიწოდეთ, ესე იგი ცუდად არის საქმე.

მ ა ე ს ტ რ ო ს ხ მ ა. ამხანაგო, რომ გაშოტილხარ აქ, რა, ვაგზალი ხომ არ გგონია „პრიამოგო სოობშენია“, ტ ა კ ი მ ა ს ხ ა რ ა. რაშია საქმე, რა გინდათ? ჩემი პასპორტი? რომელი, „ლეტნი“ თუ „ზიმნი“?

მ ა ე ს ტ რ ო ს ხ მ ა. რას მიედმოედები, შე ზარმაცო, რის პასპორტი, შენი გამოსვლაა.

ტ ა კ ი მ ა ს ხ ა რ ა. ვერა და ვერ ისწავლეთ ზრდილობა. რას მიქვია მიედ-მოედები, ზარმაცო, და ასე შემდეგ. ავდგები და აღარ გამოვალ. ანდა ახლა ჩემი გამოსვლა დროული იქნება? ერთ თქვენცა ხართ რა, მაესტრო.

ტაკიმასხარა ამოქნარებს. შურიკა ფანჯარაში შეამჩნევს ზემო სართულზე ამავალ ქალიშვილს და მიმართავს.

შ უ რ ი კ ა. ჰელოუ, მანანა, შემოიარე ჩვენსკენ, რა ხანია აღარ მინახიხარ.

მანანა ფანჯარას მოადგება.

მ ა ნ ა ნ ა. ახალი ხომ არაფერია, ბიჭებო?

შ უ რ ი კ ა. მართალია; შენ რომ ჩემზე გითქვამს?

მ ა ნ ა ნ ა. რა?

შ უ რ ი კ ა. აი, ისა, რა...

მ ა ნ ა ნ ა. რა ის, ა?

შ უ რ ი კ ა. დათოს რომ უთხარი.

მ ა ნ ა ნ ა. რა ვუთხარი?

შ უ რ ი კ ა. გამოიხედე, იცი რა?

მ ა ნ ა ნ ა. ჰო, გამოვიხედე.

შ უ რ ი კ ა. მოკლედ, ბალანსი ისეა, დათოს შენთან შეხვედრა უნდა, რაღაც უნდა გკითხოს.

მ ა ნ ა ნ ა. აბა, ერთი დათკას დაუძახე.

შ უ რ ი კ ა. დათკა! (მანანას). დათკამ იცი რა თქვა?

მ ა ნ ა ნ ა რა?

შ უ რ ი კ ა. მაგას ორი მედალი უნდა აეკიდოო.

მანანა. რაა?

შურიკა. 24 შვილი უნდა გაუჭინო.

მანანა. დებილია ეგ შენი დათკა.

შურიკა. „ნე მოყეტ ბიტ“.

მანანა. გეყოფა ლაყბობა, დათკას დაუძახე!

შურიკა. არა, მართლა, დათკამ იცი რა თქვა?

მანანა. რა?

შურიკა. სანამ ერთ ავტობუსს არ ვიყიდი, ვერ ვითხოვო.

მანანა. რატომ ვითომ?

შურიკა. მაშ 24 ბაეშვი სად ჩაეტევაო.

მანანა. „ია ნიჩეგო ნე პანიმაიუ.“

შურიკა. შენ, გამოიხედე! იცი რა, აი იმ კოკოშას თავი უნდა დაანებო, თორემ შავად წაგივა საქმე.

მანანა. ვაიმე, რა ვქნა, მაინც რატომ შე დეგენე-რატო?

შურიკა. ვა, ეს პოეტური ალიტერაციაა? რა-ტო-შე დეგენე-რატო! „ვობშემ“, გამოიხედე, კოკოშას უნდა შეეშვა, თორემ შავად იქნება საქმე.

მანანა. კიდევ ერთი სიტყვა და წავედი.

შურიკა. ხუმრობა იქით იყოს და კვლავინდებურად ქალწულობას ხარ შეფიცული?

მანანა. რა თავხედი ხარ, შურიკ, ეს რა კითხვაა?

შურიკა ოჰ, მანანა, ასეთი სექსუალური მონაცემებით ნუთუ არ მოგბეზრდა უკარებას როლი? დამიჯერე, ამგვარი მსოფლმხედველობა მეშჩანურ ჰაობში ჩაგფლავს.

მანანა. საიდან იცი, რა მსოფლმხედველობა მაქვს, მე ისეთი ქმარი მინდა, მამა რომ „დელეცი“ ჰყავდეს.

შურიკა. ბარემ თვითონ იყოს „დელეცი.“

მანანა. გაგიყდი? რომ დაიპირონ?!

შ უ რ ი კ ა. ყოჩაღ, მანანა, ნამდვილად ჩავიჭერი, ამიტომ გტოვებთ. გრიშა! შენთან საქმე მაქვს.

გ რ ი შ ა. ახლა სოფიკო უნდა მოვიდეს...

შ უ რ ი კ ა. ქუჩაში შეხვდებით (თითქმის ძალით გა! ყავს ოთახიდან). ბაი-ბაი, ჩიტო (ხელს უქნევს მანანას).

გ რ ი შ ა. ჩემს სახლში აღარ მაყენებთ? (გაღან).

დ ა ვ ი თ ი. შემოდინ...

მ ა ნ ა ნ ა. რაღა?

დ ა ვ ი თ ი. დავსხდეთ, ვილაპარაკოთ.

მ ა ნ ა ნ ა. უკვე ყველაფერი ნათქვამია.

დ ა ვ ი თ ი. ყველაფერი არა.

მ ა ნ ა ნ ა. თუ ხელის თხოვნას მიპირებ?!

დ ა ვ ი თ ი. ასეც რომ იყოს?

მ ა ნ ა ნ ა. ნუ სულელობ... შენ ოცდაოთხი წლისა ხარ, მე ოცის.

დ ა ვ ი თ ი. სწორედ იდეალური შეფარდებაა.

მ ა ნ ა ნ ა. მერედა, ვინ უნდა გვარჩინოს, ჩვენ თვითონ მოსავლელები ვართ, ბავშვის ჩვრების რეცხვა სად შემიძლია, ჯერ ცხოვრებაში არაფერი გვინახავს და უცებ უღელი?!

დ ა ვ ი თ ი. თუ მოვინდომებთ, მრეცხავსაც ვიშოვით და ფულსაც.

მ ა ნ ა ნ ა. საინტერესოა როგორ? მე ყურს გიგდებ. (დაეყრდნობა თანჯრის რაფას).

დ ა ვ ი თ ი. ვიცი, ჩვენი უზრუნველი ცხოვრების-თვის შენს მშობლებს ბევრი რამ აკლიათ, მაგრამ მათ აქვთ გამოუყენებელი საშუალებები.

მ ა ნ ა ნ ა. კონკრეტულად რას გულისხმობ?

დ ა ვ ი თ ი. რასაც მე ვგულისხმობ, ის ყველას არ შეუძლია რეალურ შესაძლებლობად აქციოს, მე კი მო-
გუვლიდი, არაფერი შემეშლებოდა.

მ ა ნ ა ნ ა. პირდაპირ მითხარი, ნუ გადამაქრევიანებ
ვენებს!

დ ა ვ ი თ ი. თუნდაც ის, რომ ზაბუაშენი ძველი
ბოლშევიკია, მამაშენსაც საკმაო ნათესავეები და ნაც-
ნობები ჰყავს.

მ ა ნ ა ნ ა. შენ არც სწავლობ, არც მუშაობ, ამას
ჩემი მშობლები ვერასოდეს ვერ შეეგუებიან. მათ ნე-
ბას თუ გვერდს აუვლი, იმ ანეგდოტის პერსონაჟებს
დავემსგავსებით, შენ რომ მამაზე ღარიბ ცოლ-ქმარზე.
მე კიდევ მინდა ჭერჭერობით თავისუფლად ვიყო, დრო
გავატარო და, სულ გულახდილად თუ გინდა, იმასაც
გეტყვი: ახლა რომ გავთხოვდე, ქმარს უსათუოდ ვულა-
ლატებ (იციხის).

დ ა ვ ი თ ი. მერე, რა დიდი ამბავია—ულალატე, თო-
რემ შენც დეკაბრისტების შეთქმულებას ულალატებ.

მ ა ნ ა ნ ა. არ მჭერა, არა, არა და, რაც მთავარია,
შენ ხომ წარმოუდგენელი ზარმაცი ხარ, დათკა?!

დ ა ვ ი თ ი. ჩემს მდგომარეობაში მე სხვა არაფერი
დამრჩენია.. ყველაფერი წინასწარ არის განსაზღვრულ-
დაგეგმილი, ამიტომაც გაცილებით გონივრულია სამყა-
როს ჰვრეტა, ვიდრე ტყუილუბრალოდ მასში ფუსფუ-
სი. შემოდი, ერთხელ გაკოცებ.

მ ა ნ ა ნ ა. არა, არა, წავედი, ეგერ შენი ძმაც მოდის.
(სიცილით მიდის).

დ ა ვ ი თ ი. მაშინ სალამოს გამოიარე, კინოში წავი-
დეთ, ან სადმე..

მ ა ნ ა ნ ა. დღეს სალამოს ქალაქგარეთ ვარ დაპატი-
ებული, მანქანის მართვას ვსწავლობ, კოკოშასთან.
(სიცილით წავიდა).

დავითი წევა თავის ადგილზე. შემოდიან გრიშა და სოფიო.

სოფიო. გამარჯობა, დავით, საშინელი სიცხეა დღეს, თქვენ კიდევ წევხართ?

გრიშა. აზრებს იკრებს, აზრებს.

სოფიო (არ უნდა უსაოფნება ჩამოეარდეს). ოო, რა არეულობაა თქვენთან (იწყებს ოთახის მილაგებას).

გრიშა. ამას წინათ ერთი იდეა დაებადათ: უნდა მოიგონონ წისქვილის ქვასავით ნაყინის დიდი ბორბალი, ენის დახვედრების მეტი რომ არაფერი უნდოდესო. იტრიალებს თავისთავად ეს ტკბილი და გამაგრებელი პერპეტუუმ მობილე.

სოფიო. გრიშა, ასეთი ხუმრობა რა საჭიროა.

გრიშა. როგორ გეკადრება, ხუმრობა კი არა, სერიოზულად ბრძანა, ოღონდ რაციონალიზატორთა პეროში ეზარება წასვლა.

დავითი. შენისთანა ხალხი აფუჭებს საქმეს. თორემ შე მაგაზე ათჯერ უკეთესი იდეები მაქვს.

გრიშა. რასაკვირველია, ოღონდ იმ დიდ ნაყინის ბორბალზე ენაც არ მიგეყინოს.

სოფიო (ცდილობს კინკლაობის აღკვეთას). აჰა, აიღე ეს და დადგი კარადაზე, ჩვარი მომეცი მაგიდის გადმოსაწმენდად. აჰა, ლატარიის ბილეთიც, დავით, გაზეთი მოგაწოდოთ?

დავითი (გამოართვა გაზეთი). ბილეთი სკამზე დადევით.

გრიშა. ასე კარგავ ჩვენი გულისათვის ყოველ კვირა დღეს.

სოფიო. არაფერსაც არ გკარგავ, წამოილე ქვაბი სამზარეულოში.

სოფიოს გააქვს ჭურჭელი, მას გრიშაც მიჰყვება: დავითი ერთხანს უმოძრაოდ წევს, სიჩუმეში ბუზის ბზუილი ისმის, გამოდის ტაკიმასხარა და ღირიფორის მსგავსი ეესტიო, მიუთითებს ბუზს

სელა-გებს სკამისკენ, სადაც ლატარიის ბილეთი დევს.

ტაკიმასხარა. აქეთ, აქეთ! მაესტრო, მხოლოდ ყოველგვარი თეატრალური ეფექტისა და უცენზურო სიტყვების გარეშე. (დაეთი ცდილობს თავიდან მოცილოს აბეზარა, ბოლოს დასწვდება მოსაგერიებელს და მოუქნევს ბილეთზე დამჯდარ ბუზს).

დავითი. ოჰ, ეს წყეულთ ბუზი, ბრახ! ბუზსაც შეუძლია კაცობა. ცლავს ბუზს. ისევ დაწვება. ტაკიმასხარა გაქრა. სამზარეულოდან შემოდიან სოფიო და გრიშა).

სოფიო. არა, გრიშა, ასე თქვენი ცხოვრება შეუძლებელია, მოდი ნულარ გადავდებთ და ხვალვე მივაკითხოთ, გავიგოთ, გაძლევენ ბოლოს და ბოლოს ბინას თუ არა, მაგათ თავი თუ არ მოაბეზრე, არც გაგისენებენ.

გრიშა. მეოთხე წელია მპირდებიან. ხან ამ კვარტალში, ხან იმ დღესასწაულზე, დამანებე თავი, არაფრის მომცემი არ არიას, მე უკვე იმედი ვაღამიწყდა.

გაზეთით ხელში დავითი ზეიმშეშნა.

დავითი. გაჩუმდით, გრიშა, მოიცა... კი, კი, კი, სერია 49, ნომერი 994858. გრიშა!... მოიცა, გრიშა, მოდი აქ! (წამოვარდება). სოფიკო, მობრძანდით თქვენც შეხედეთ, კარგად ნახეთ, იქნებ მეჩვენება? აი, აგერ... აი, სერია 49, № 994858. ასეა თუ არა, ასეა თუ არა, ასეა თუ არა, აი აქ, აი!

სოფიო. სერია და ნომერი მართლა ემთხვევა.

გრიშა უფ, უფ, ფუ-ფუ... ნუთუ? (ჩამოქდა).

დავითი. კი, კი, (იცინის, შემდეგ გარეთ გავარდება და ისმის :ისი ხმა). მანანიკო, მანანო, მანანა, ჩქარა, ჩქარა ჩამოდი. (შევარდება ოთახში). სად არის ბილეთი? (გაქვავებულ გრიშას ხელიდან გამოგლეჯს ბილეთს). ასეც ვფიქრობდი, ასეც ვიცოდი, აი, ჩემი ბედი, (ბილეთს კოცნის, შემდეგ

გრიშას და სოფიოს). ახლა მე ვიცი!

გ რ ი შ ა. დაუჯერებელია, იქნება მართლა გვეჩვენებენ?

და ვ ი თ ი. (შეშინებული). ჰა, რას ამბობ, გვეჩვენებენ?

ს ო ფ ი ო. არა, ყველაფერი სწორია, გრიშა... (ფანჯარაში გა?ოჩნდა მანანა).

მ ა ნ ა ნ ა. რაო, რა მოხდა? რა მოგივიდათ?

და ვ ი თ ი. მანანა, ძვირფასო, „ვოლგა“ მოვიგეთ! გესმის?! „ვოლგა“.

მ ა ნ ა ნ ა. არ გადამრიო!

და ვ ი თ ი. აი, ჩვენი ლატარიის ბრლეთი! სერია 49, ნომერი 994858.

მ ა ნ ა ნ ა. დამანახეთ, სად არის გაზეთი, მომეცით აქ გაზეთი. (პირდაპირ ფანჯრიდან გადმოძვრება). ბილეთიც... უნდა გავერკვეთ. აბა, ყველანი აქ მობრძანდით.

გ რ ი შ ა. ნომერი მე წიგნაკში მაქვს ჩაწერილი

მ ა ნ ა ნ ა. რა ბოთე ხართ, გრიშა, რად გვინდა თქვენნი ჩანაწერი, როცა გაზეთიც და ბილეთიც აგერ გვაქვს. მომაწოდეთ ფანქარი. (ფანქრით ხაზს გააუღებს გაზეთში სერიასა და ნომერს), ყველაფერი რიგზეა!

და ვ ი თ ი. ვაშააა!

გ რ ი შ ა. ვაშააა...

ს ო ფ ი ო. ვაშააა...

გ რ ი შ ა. აბა, გავიქცეთ მისაღებად!

მ ა ნ ა ნ ა. შეჩერდით! როგორ მისაღებად?! ერთბაშად შოფრის წიგნაკიც ფეშქაშად არ გამოგატანონ! რა მიაშიტი ხალხი ხართ.

გ რ ი შ ა (დაბალი ხმით). რატომ?

მ ა ნ ა ნ ა. ჯერ ის უნდა გაირკვეს, ვის ეკუთვნის ბილეთი (პაუზა). კი, მესმის, თქვენ ძმები ხართ, მაგრამ ჩვენც ხომ ციდან არ ვართ ჩამოფრენილი? ამიტომ,

ჩვენ გვაინტერესებს ზოგიერთი რამე...

დავითი. არაფერია საინტერესო. ბილეთი ჩემია.
გრიშა. შენი? მე არ მომცეს ხურდად პურის მა-
ლაზიაში?

დავითი. პური შენ ჩემი ფულით იყიდვ.

გრიშა. მოიცა, მოიცა, რას მიედ-მოედები?

მანანა. რა არის გაუგებარი? ფული, რომლითაც
თქვენ პური იყიდეთ და ხურდად ეს ბილეთი გერგოთ,
პრინციპში დედამ დავიას გამოუგზავნა, გამიგეთ?
ასე არ არის, დათკა?

დავითი. რასაკვირველია, მაგრამ ამას არავითარი
შნიშვნელობა არ აქვს. ერთი წუთითაც როგორ იფიქრე,
რომ შენ არ მყავდი მხედველობაში? მთავარია, ახლა
გადავწყვიტოთ, როგორ გამოვიყენოთ ბილეთი.

გრიშა. ტყუილია, არავითარ შემთხვევაში! პური
მე ჩემი ჯამაგირით ვიყიდვ.

დავითი. გრიშა, კარგი ახლა, ჩემი და შენი ვინ
გაპყო, მორჩი, თუ ძმა ხარ.

გრიშა. ბიჭოს! რაც ჩემია — ჩვენია, და რაც შენია
ის — რა ჩემი საქმეა?

მანანა. სამართლიანად თუ ვიმსჯელებთ, პრინ-
ციპში, ჩვენ ყველანი აქ დამსწრენი დაკავშირებულნი
ვართ, ესე იგი, ამ საქმის მონაწილენი ვართ. მე პირა-
დად ვერავითარ საფუძველს ვერ ვხედავ, რომ ბილე-
თი თქვენ გეკუთვნოდეთ, გრიშა.

დავითი. მერე ვინ ამბობს, გრიშას ეკუთვნისო?
გრიშა, უბრალოდ, როგორც ძმა...

გრიშა. როგორ თუ ძმა, მიმიფურთხებია მე თქვე-
ნი ძმობისთვისაც და მანქანისთვისაც! სოფიკო, წავი-
დეთ აქედან!

სოფიკო და გრიშა გადიან.

მანანა. მანქანის გაყოფა ყოვლად შეუძლებელია.
გამიგე?

დავითი. პრა, მანქანას ჩვენ გავყიდით.

მანანა. როგორ გე-კა-დრება!

სოფიკო და გრიშა დაბრუნდნენ.

გრიშა. იცოდეთ, ასე იოლად მე არ დავთმობ სი-
მართლეს და ვამტკიცებ, რომ ბილეთი ჩემია.

დავითი. ვის რად უნდა მტკიცება, დაჯექი, დაჯექი.
ნუ ცხარობ.

სოფიკო მე წავალ, გრიშა, უამრავი საქმე მელო-
დება სახლში.

გრიშა. მეც მოვდივარ, ამათთან რა მაქვს სალა-
პარაკო, გაფრთხილებთ, ბილეთი ჩემია.

მანანა. რას ჩაცივებინხართ — ჩემია! ჩემია! დას-
ხედით, ეს სერიოზული საქმეა, უნდა მოვილაპარაკოთ,
მოვიფიქროთ და გადაწყვეტილება მივიღოთ.

დავითი. ჰო, ჰო, გრიშა, დაჯექი, თქვენც დარჩით
სოფიკო, დაჯექით.

გრიშა. თქვი, რა გინდა.

დავითი დაიცა, წამოვწვე, ასე უფრო დალაკებუ
ლად ვაზროვნებ. (ტატზე წვება)

ფარდა

ფარდის წინ გამოდის ტაკიმასხარა.

ტაკიმასხარა. მოვიმოქმედე ყოველივე, რაც კი
შემეძლო, ვისაც უკეთ შეუძლია, მანვე ითავოს!
შემოდის შურიკა.

შურიკა. მოიცა, ტაკიმასხარა! შენ რომ მოდიოდრი,
ჩვენ მივდიოდით; ლათინური ანდაზებით თავს ვერ
დაიძვრენ, სწორედ ახლა უნდა შეგვეშველო.

ტაკიმასხარა. კიდევ რაღას მთხოვთ?

შურიკა. ბილეთი გვაქვს, მაგრამ მერე?

ტაკიმასხარა (მაყურებლისკენ). „ბილეთი გვაქვსო“.
რა მარდი ხარ, ბიჭო... გვაქვსო, ჰა? მაშ რემთან რაღა
გინდათ, ამიერიდან მე სიბერისვან გაზანტებული ძალ-
ღვივით შეიგადაშიგ ვიყეფებ, ვითომ — პურს ტყუილად
არ ვჭამო.

შურიკა. მოიცა, მერწმუნე, შენ ახლა ყველაზე
უფრო საჭირო ხარ, ტაკიმასხარობა უტაკიმასხაროდ?
არა, ძმოჯან, როგორც დაიწყე, ისე დაამთავრე. (წინ
გადაუდგა).

ტაკიმასხარა. დამეთხოვეთ, მე ერთი სოფლელი
ქაჯი ვარ, უჩემოდაც არაფერი შეგეშლებათ. აი, ბრძენს
შიაკითხეთ, შეხედეთ რა მოწიწებით მოსდევენ მოწაფე-
ები.

ბრძენი პროფესორის ჩაჩით თავზე, დიდად თავდაჯერებულ
ნაბჯით მიეწართება ფარდის წინ, მას მოსდევენ მოწაფეები.

ბრძენი. აღამიანმა ყველა უნდა აქოს პირში და
ზურგს უკანაც. ასე მაგალითად, დაუშვათ, მიხვედით
მალაზიაში და ეკითხებით: „სილიბისტრიჩი“, ერთი ტრუ-
სიკი ხომ არ გაქვთ? — ორი ინებეთ! — გიპასუხებთ
„სილიბისტრიჩი“ თანაც გაიფიქრებს, ეს ხომ ის კაცია,
მე რომ მაქვებდა.

ესეც თქვენ — ერთი ლიტონი სიტყვის ნაცვლად —
ორი ტრუსიკი.

შურიკა. ბრძენო, ბრძენო! (ბრძენი განაგრძობს გზას).

ტაკიმასხარა (მაყურებლისკენ). მეგობრებო, შეხე-
დეთ ამ პიროვნებას, ყველას, ვისაც მასთან საქმის და-
ჭერა სურს, უნდა ახსოვდეს, რომ ბრძენისთვის იგი
მხოლოდ კონკრეტული მატერიალური მოგების განსა-
ხიერება იქნება და მეტი არაფერი.

შ უ რ ი კ ა. გამარჯობა, ბრძენო! (გადაუდგა წინ).

ბრძენი შეჩერდება, ერთ წამს დამცინავე მზერას მიაპყრობს. უცებ შურია გაღაიქცევა დიდ ნულად.

ბ რ ძ ე ნ ი. გაგიმარჯოს (განაგრძო გზა).

ტ ა კ ი მ ა ს ხ ა რ ა. როგორც ეტყობათ, რესტორანისკენ აუღიათ სვლა-გეზი.

შ უ რ ი კ ა. ვა, ტო! არც იყურება.

ტ ა კ ი მ ა ს ხ ა რ ა. ეს ის კაცია, რომელიც ყველა ადამიანთან შეხვედრისას მხოლოდ მოგებულნი უნდა გამოვიდეს.

შ უ რ ი კ ა. მიდი, ტაკიმასხარა, მიდი, ჩაახვიე რამე!

ტ ა კ ი მ ა ს ხ ა რ ა. მურა გაახელეს, მგელს შეაქმევენეს.

შ უ რ ი კ ა. ტაკიმასხარა, კლოუნს, ყველაფერი ეპატიება, გაიგე?

ტ ა კ ი მ ა ს ხ ა რ ა. მაგ საქმეში თუ გავერიე, მხოლოდ როგორც მესამე კლოუნი.

შ უ რ ი კ ა. ეგ რალა ჯანდაბაა?

ტ ა კ ი მ ა ს ხ ა რ ა. არის თეთრი კლოუნი, რომელიც მხოლოდ კარგს ამჩნევს, არის მწითული, რომელიც ცუდს ამჩნევს, მესამე კლოუნი არც შამფურსა სწვავს. არც მწვადსა!

შ უ რ ი კ ა. რას მიედ-მოედები?

ტ ა კ ი მ ა ს ხ ა რ ა. მიწა გამისკდეს თუ ეტყუოდეს ლუკი იხსნება და ტაკიმასხარა ორმოში ვარდება.

სინათლე ქრება. მუსიკა.

ფ ა რ დ ა.

რესტორანი. ავანსცენაზე ორი მაგიდაა. მარცხნოვ და მარჯვნივ. მარცხენა მაგიდას უსხედან: მანანა, დავითი, შურიკა. მარჯვენას — „ბრძენი“ თავის მოწაფეებით.

შურიკა. ბოლოს მაინც ვერ გავიგე, რომლისაა ბილეთი?

დავითი. კაცო, ხომ გითხარი, ჰკითხე მანანას.

შურიკა. რა?

დავითი (მანანას). ხომ გეუბნებოდო, რომ დედაჩემისგან ჩემთვის გამოგზავნილი ფულით არის-მეტყი ნაყიდი ბილეთი?

მანანა. რა თქმა უნდა, „შტო ტი რიბიონოკ!“

შურიკა. მაგას ხომ მეც შეუბნებში, მოწმე რაღა საჭიროა?

მანანა. გარდა ამისა, იქ ვიყავი, დამსწრე და, თუ გინდა, მონაწილეც... გამიგე?

შურიკა. მოვრჩით, ჰო. ახლა მყიდველის ნახვასაქმე. ბრძენს უნდა მივაკითხოთ, აგერ, იმ მაგიდაზე.

დავითი. რომელია?

შურიკა. გრიშა გააფრთხილეთ, ენა რომ არ ატარტალოს?

მანანა. კი, მაგრამ გრიშასაგან ყველაფერი მოსალოდნელია.

შურიკა. რა ქნას გრიშამ, უსომო შრომა ადამიანს ეგოისტად და ძუნწად აქცევს. ძნელია ნაოფლარის სხვისთვის გამეტება.

დავითი. ამიტომ სასწრაფოდ უნდა გაიყიდოს, სანამ აზრზე მოვიდოდეს.

მანანა. დაიჯინა, ჩემია და ჩემიაო. მე რომ არ

ყოფილიყავი, არ ვიცი. რით გათავდებოდა საქმე.
დავითი. იქნებ ბრძენის გარეშე მოვასხერხოთ, გი-
ზოს ხომ უნდოდა მანქანა?

შურიკა. ხუთი წელია რიგში დგას. ოცდამესამე
იყო და მეცხრამეტე გახდა — გარდაცვლილთა ხარჯზე
დაწინაურდა.

მანანა. პრინციპში რა საჭიროა გაყიდვა?

შურიკა. (აღბა). არა, არა, ბრძენის მეტი ვერავინ
გვიშველის. ის მოგვიძებნის ვინმეს.

მანანა. ჩვენ კიდევ ერთი გადაუწყვეტელი საქმე
გვაქვს.

შურიკა. რა საქმეა?

დავითი. ხელი გვინდა მოვაწეროთ.

შურიკა. ვაჰ, მომილოცავს.

დავითი. კი, მაგრამ ამის მშობლებს რაღა ვუყოთ?

მანანა. იმათი დარწმუნება შეუძლებელია, გან-
საკუთრებით ბაბუას ვერაფრით დავითანხმებთ. ამას
წინათ ბინას აძლევდნენ, როგორც ძვილ პარტიულს.
და უარი განაცხადა: ჩემზე უფრო გაჭირვებულს მიე-
ცით. მე შეილთან ვცხოვრობო.

შურიკა. ბიჭოს! ჭკვიანი კაცი ყოფილა, სიბერის
ეპს რაღა დროს კეთილმოწყობაა.

დავითი. არა, არა, მშობლების მომდურებას
არავითარი აზრი არ აქვს.

შურიკა. მაშინ მარტო შენზე გაბრაზდნენ, ჩვენი
ჩიტუნია კი წეიცოდონ კიდევ.

მანანა. როგორ?

შურიკა. ფაქტის წინაშე დაყენეთ: დათქა მოგი-
ტაცებს!

მანანა. პრინციპში, ეს არც ისე ურიგო იდეაა.

შურიკა. თანაც რომანტიკაა.

დავითი. წარმომიდგენია, რა ალიაქოთს ატეხს ძველი ბოლშევიკი.

შურიკა. ნუ გეშინია, გადამწყვეტი სიტყვა მანას ეკუთვნის.

დავითი. ეს ყველაფერი კარგად უნდა ავწონ-დავწონოთ.

შურიკა. მიდით! მე ამასობაში ბრძენს გამოველაპარაკებო.

შურიკა მიუჯდა ბრძენის მაგიდას. რესტორნის პატარა ესტრადაზე გამოჩნდება ტაქიმასხარა.

ტაქიმასხარა. პატივცემულო საზოგადოებავ, ვიწყებთ საცეკვაო მუსიკას!

სინათლე ქრება, პროექტორების შუქი ანათებს ქონგლორების წყვილს. სხვადასხვა ფოკუსები მუსიკის ფონზე, ტაში, სინათლე ისევ ინთება.

ბრძენი (ვაჟს). თქვენ ამბობთ, ამ რესტორანში პამილორს ძვირად ყიდიანო, ჩვენ კი სწორედ პამილორის ხათრით შემოვდივართ აქ. მაგ ბრიყვების ადგილას მე ათჯერ მეტ ფასს დავადებდი და უფრო მეტი ხალხიც ივლიდა.

შურიკა. დიახ, დიახ, კანტიც ამასვე ამბობდა, რაც ძვირია, ის მიმზიდველიაო.

ბრძენი მკაცრად ახველებს.

I მ ო წ ა ფ ე. ერთი ეს მითხარი, ბრძენო, როგორ ვუთხრა უარი ადამიანს, რომლის არც წყენინება და არც დამღურება არ მინდა?

პირველი მოწაფის ნაცვლად სკამზე გაჩნდა ქალის მოღერი ჩექმები.

ბრძენი. შენ, მგონი, ფეხსაცმელების მალაზიაში მსახურობ, არა?

I მ ო წ ა ფ ე. ანუ ჩექმები. დიახ,

მცირე პაუზის შემდეგ.

ბ რ ძ ე ნ ი. პირდაპირი უარით არ გაისტუმრო, საჭიროა თანდათანობით, ეტაპური უარი. სიამოვნებით. ზვალ ან ზეგ გამოიარეთო, ეტყვი, შემდეგ საჯლში არ დახვდები. ან რაღაც გადაუდებელ საქმეს მოიგონებ, ზიტუაციასთან დაკავშირებით. ერთი სიტყვით, ისე მოიქცევი, ვითომ ყინულს გთხოვენ, ხელში რომ გიჭირავს; დრო გაიყვანე, ყინული დადნება და სათხოვარიც გაქრება.

ჩექმების ადგილას ისევ პირველი მოწაფე მოჩანს.

II მოწაფე. ერთი კონკურენტი მყავს თავიდან მოსაცილებელი, მითხარი, თუ ძმა ხარ, როგორ მოვიქცე?

ბ რ ძ ე ნ ი. სანამ გიპასუხებ, მინდა ვიცოდე, სად და როდის მომიტან შეპირებულ კონიაკს?

II მოწაფე. სამივე ბოთლს დღესვე შინ მოგართმევ.

II მოწაფის ნაცვლად სკამზე გაჩნდება ორი ბოთლი კონიაკი.

II ბოთლი კონიაკი ანუ II მოწაფე. ყველაფერი ვიცი, რასაც ის კაცი აკეთებს.

ბ რ ძ ე ნ ი. დასმენას თუ აპირებ, ყოველივეს ნუ აღწერ დაწვრილებით, გახსოვდეს, ამით საკუთარ თავსაც ამხელ.

III მოწაფე. ბრძენო, როგორ უნდა გახდეს კაცი მდიდარი?

ბ რ ძ ე ნ ი. ოო, ჩემო კარგო, ეს ნაადრევია შენთვის. ზერ ელემენტარული წესები შეისწავლე და შემდეგ მაგის დროც მოვა. სად მსახურობ?

III მოწაფე გადაიქცევა კითხვის ნიშნად.

კ ი თ ხ ვ ი ს ნ ი შ ა ნ ი. იურიდიული ხაზით.

კითხვის ნიშანი გადაიქცევა რკინის გაღარაზულ ფანქრად— გისოსად.

ბ რ ძ ე ნ ი. მიბაძავ ჭიანჭველებს. რაც კი ხელთ იგდო, ყველაფერი შინ წაიღე. ხა-ხა.

შ უ რ ი კ ა. რასაკვირველია, ბიონიკის მეთოდის მიხედვით! (ბრძენი უსიამოვნოდ შეხედავს შურიკას, რომელიც ერთი წამით იქცევა ნულად). არის ასეთი (დაწაშავის ტონით). მეცნიერება -- ბიოლოგიური კანონების გამოყენება მექანიკაში.

ბ რ ძ ე ნ ი (განაგრძობს ლაპარაკს და მთელი თავისი არსებით ღუღუღებულყოფს შურიკას რეპლიკას). კანონი გადააქციე მცწველ ძროხად და, რაც მთავარია, კლიენტს უნდა ახსოვდეს, რომ ძროხას მისთვის მარტო რქები აქვს მომზადებული (თვითონვე მოეწონა თავის სიტყვები, იცინის).

გ ი ს ო ს ი . კი, მაგრამ ეს წომ საშიშია.

ბ რ ძ ე ნ ი. სულაც არა, შენ სიმართლით ივაჭრებ.

გ ი ს ო ს ი. მაინც როგორ?

ბ რ ძ ე ნ ი. აიღებ იმისთვის, რომ ხალხს ცუდს არ უკეთებ.

შ უ რ ი კ ა. ჰო, რა, შეგიძლია ცუდის გაკეთება და არ აკეთებ, პოტენციისათვის!

ბ რ ძ ე ნ ი. სიჩუმე!

მყატრად ისწორებს ჩაჩას და ახველებს.

II მოწაფე იქცევა ორ ბოთლ კონიაკად.

! ! ბოთლი კონიაკი. კიდეც ერთი შეკითხვა: ბ რ ძ ე ნ ი.

ბრძენი უხმოდ უყურებს ორ ბოთლ კონიას და ორის ნაცვლად ჩნდება სამი, ერთი ბოთლი ხან ინთება, ხან ქრება ე. ი. ხან ჩანს, ხან არა.

ბ რ ძ ე ნ ი. მაშ, შენ დღეს საღამოს მოხვალ ჩემთან?

III ბოთლი კონიაკი. უეჭველად.

ბ რ ძ ე ნ ი. რა გინდოდა გეთქვა?

საბოლოოდ II მოწაფის მაგიერ მყარად სამი ბოთლი ჩანს.

III ბოთლი კონიაკი. რა პასუხი გავცე იმ კაცს, ვინც ჩემი შემოსავალი იცის, რამდენი გაქვსო ფული, თუ შკითხა, რა ვუპასუხო?

ბ რ ძ ე ნ ი. კახეთში მწყემსებს ასეთი ჩვეულება აქვთ, შეკითხვაზე — ფარაში რამდენი ცხვარიაო, არავითარ შემთხვევაში არ გიპასუხებენ მართალს.

III ბოთლი კონიაკი ისევ II მოწაფედ იქცევა.

შ უ რ ი კ ა. ბრძენო, შენთან საქმე მაქვს.

ბრძენი შეხედავს შურიკას და მის ნაცვლად სკამზე ისევ ნული ჩნდება.

ბ რ ძ ე ნ ი. სანამ ამ ძვირფას პამიდორს გეახლე-ბოდეთ და ღვინოს დავლევდეთ, მსურს განვაგრძო ჩვენი გაკვეთილი. მართალია, დღეს ჩვენ ახალი ხალხი შემოგვემატა, მაგრამ რას იზამ — ყური დაუგდონ. ასე... ერთი, მომავლენით, ბოლო დღეს რაზე შევჩერდით.

IV მოწაფე. ფულის შენახვის საკითხზე...

ბ რ ძ ე ნ ი. კმ! ოპ-, ოპ, ოპ, ჰო, ფულის თუ განძის? განძის?

IV მოწაფე. ფულის.

ბ რ ძ ე ნ ი (უმაღლებს ხმას, დამრიგებლური ტონით). ესე იგი, მეგობრებო; ფულის შესანახად უნდა ამოვარჩიოთ... (შემოდის ტაკიმასხარა).

ტ ა კ ი მ ა ს ხ ა რ ა. კი, მაგრამ, ამბობენ, ფულს ცვლიან?

ბ რ ძ ე ნ ი. რაო? ფულს ცვლიან? (წამოხტება). ფულს ცვლიან?

ყველანი წამოხტებიან აღელვებულნი, შურიკას გარდა. ბრძენი და მოწაფეები გაფაციცებული ტრიალეზენ, და იგივე ნივთებით ლატვირთულნი დარბიან. ისმის ხმები: როგორ თუ ცვლიან, რა უფლება აქვთ.

ბ რ ძ ე ნ ი (ბრძენმა დაინახა ტაკიმასხარა). უფ! შეჩვენე-

ბული ტაკიმასხარა! (დაწყნარდა პაუზა).

ტაკიმასხარა. მესტრო, აბა ერთი დაუქართ
„კაცი ვარ და ქუდი მხურავს“ (ისმის ღუღუკის პანგები), ეგ
ხომ ძველი ჯან-ჯან, პაცან-ჯან არის (ცეკვავს).

ფ ა რ დ ა.

მ ე ს ა მ ე ს უ რ ა თ ი

გრიშას და დავითის ოთახი. დავითი წამოწოლილია. ერთხანს
გაუნძრევლად წევს, უცებ წამოდგება, შემდეგ ისევ გაშეშებული
დგას, უყურებს ფეხსაცმელებს, რომელიც უნდა ჩაიცვას. ისევ
წვება. შემოდის მანანა, ნილაბი უკეთია და ნაბადი წამოუსხამს.
დაადგა თავზე მწოლიარე დავითს.

და ვ ი თ ი. (შეშინებული). ვაიმე, რა გინდათ ჩემგან?!

მ ა ნ ა ნ ა. ადე, მოიზომე, მე ხანჯალიც მინდოდა,
მაგრამ მთელ ანსამბლში ერთ ნამდვილს ვერ ნახავ,
ყველა მოცეკვავე ბუტაფორიულს ატარებს თურმე.

და ვ ი თ ი. უჰ, რა საჭიროა ეს მასკარადი.

მ ა ნ ა ნ ა. უცნაური კაცი ხარ, მეზობლებმა ხომ თა-
ვის თვალით უნდა დაინახონ, როგორ მომიტაცეს, რომ
მერე ჩემი მშობლები დაარწმუნონ. მალე შურიკაც მოვა
მანქანით.

და ვ ი თ ი. მოიცა ერთი, „ატრაქენიებს“ თავი და-
ანებე. რამე ხიფათს არ გადავეყაროთ.

მ ა ნ ა ნ ა. ადექი, ადე, დათქა, ნუ გეშინია, ყველა-
ფერი რიგზე იქნება. ერთი, ორა სამი! დაუოი ღებო. მან-
ანამ მოასხა ნაბადი). ვაი, როგორ გიხდება — ნამდვილი
არსენა ხარ. (დავითი გაუნძრევლად დგას. შემოდის შურიკა).

შ უ რ ი კ ა. ეს რა ტაკიმასხარობაა?

ქულისებიდან ტაკიმასხარა გამოყოფს თავს.

ტაკიმასხარა. ჩემს სახელს როცა ახსენებთ, პირში წყალი გამოივლეთ. ასსაა! (გამოვარდა ცეკვით). იმტაირა-რამტარა-რიმტა, იმტაირა რამტარა-რიმტა..

შურიკა. ჰო, მორჩი, დაიკარგე აქედან!

ტაკიმასხარა გაიქცა კულისებში.

მანანა. როგორ არის საქმე?

შურიკა. მანქანა ვერ ვიშოვე.

მანანა. ეგრეც ვიცოდი.

შურიკა. კაცმა რომ თქვას, მანქანა საერთოდ არც კია საქირო.

მანანა. აბა, ქალაქგარეთ როგორ წავიდეთ?

შურიკა. რად გვინდა ვილაცის შეწუხება და ზედმეტი კაცის ამ საქმეში ჩარევა! ჩემი ბინა ცარიელი არ არის? იქ იცხოვრეთ, სანამ მშობლებს შეუურიგდებით.

დავითი. სწორი ხარ, როგორც ყოველთვის, რაც მთავარია, აქედან ახლოა...

შურიკა. ავტობუსის ორი გაჩერება.

მანანა. არ გადამრიოთ ახლა და არ მითხრათ ავტობუსით წავიდეთო.

დავითი. რატომ, ტაქსით შეიძლება.

შურიკა. ტაქსი ასე ახლოს არ წავიყვანს.

მანანა. ფეხით თუ წავედით, რალა რომანტიკაა?

შურიკა. არა, ბიჭო, ახლა მთვარის ამოსვლას დაველოდები და ფაფარაყრილ ცხენებს მოგართმევ.

დავითი. წავიდეთ.

მანანა. პრინციპში, აღარ მოვდივარ...

შურიკა. რატომ?

დავითი. მორჩი, გეუბნები, „ატრაჟენის“.

მანანა, აბა, ერთხელ მაინც არ დავიკვილო?

შურიკა. არ გვინდა ეგ ტაკი... ჰმ... (უნდა ეთქვა ტაკიმასხარობა) ტინგიცობა. არავეითარი წივილ-კივილი.

მე ჩემს თავზე ვიღებ ყველაფერს. შენ კიდეც, ჩვენო ჩიტუნია, ზეგ ჩემი ხელით უსტარს გაუგზავნი მშობლებს, რაც ყოველგვარ ინსცენირებაზე ძლიერ იმოქმედებს (ფანჯარაში იყურება). გრიშა უნდა მოიხარშოს, თორემ ბრძენი უკვე ჩაება საქმეში, აგერ, მოდის.

(შემოდის გრიშა).

გრიშა. კიდეც კარგი, რომ ყველანი ერთად გნახეთ.

შურიკა. გრიშას სალამი, როგორ არის საქმეები, გრიშაჯან?

გრიშა. მითხარით, ვის აქვს ბილეთი?

დავითი. ბილეთი სახლშია, მაგრამ ჩვენ მისი გაყიდვა გადავწყვიტეთ.

გრიშა. რა საჭიროა გაყიდვა? ჩააბარე და ბანკი მოგვცემს ფულს.

დავითი. კი, მაგრამ ბანკი სამჯერ ნაკლებს მოგვცემს, ვიდრე კერძო პირი.

გრიშა. დავეუშვათ, მაგრამ მე აღარაფრად მაგდებთ?

შურიკა. როგორ გეკადრება, გრიშა, გაგდებთ.

გაგდებთ...

გრიშა. მაშინ მე სპეკულიაციის წინააღმდეგი ვარ.

შურიკა. გრიშაჯან, სულ ნუ ჩაერევი ამ საქმეში, არავითარი სპეკულიაცია არ იქნება, ჩვენ ყველაფერს ისე გავაკეთებთ, როგორც საჭიროა — ჯანდაბას! ანდა ბანკი რას მოგვცემს, იმ ფულს ვერაფერში მოიხმარ.

გრიშა. რატომ? შევალ ერთოთახიან კოოპერატივში.

შურიკა. შენ ისედაც მიიღებ ბინას, რა გინდა, დაგვატადე, ოღონდ ნურაფერში ნუ ჩაერევი.

დავითი. ხომ იცი შურიკას რამდენი ნაცნობი ჰყავს, რალაცას მოგიხივრებებს.

შურიკა. რა თქმა უნდა. ყველაფერი მოგეარდება.

გრიშა. არაფერი არ მინდა თქვენი. ხედავთ — თურმე მომიხერხებენ. მე თქვენზე არ ვარ დამოკიდებული. დავით, გაფრთხილებ, კანონიერად გამოიყვანე მანქანა. რახან სწავლა არ გინდა, შოფრობას მაინც მოკიდე ხელი და მე არავითარი პრეტენზია არ მექნება.

მანანა. გენიალური აზრია.

შურიკა. შენ თვითონ არ გეკადრება, გრიშაჯან, უპატიოსნო საქციელი, უკვე იმდენი ხალხია ჩარეული, რომ იმათი მოტყუება არ გამოვა.

გრიშა. კაცო, როგორ? ვინ ჩარია? და რომელ მოტყუებაზე ლაპარაკობ?

დავითი. კარგი, კარგი, გრიშა, თუკი შენ არ გინდა, მართლაც შეიძლება არ გავყიდო, მერე ხომ არ გექნება პრეტენზია, ასე არა თქვი?

გრიშა. ვნახოთ, ვნახოთ, გახსოვდეთ, რომ ბილეთი მე შეკუთვნის!...

შურიკა. ადამიანის მეხსიერება ცუდად დაბმულ ძაღლს ჰგავს, მოულოდნელად იცის აშვება. ახლა წასვლა სჯობს.

დავითი. გრიშა, თუ ვინმემ მიკითხოს, უთხარი ორი დღით ქალაქგარეთ წავიდა-თქო.

შურიკა. გრიშოკო, გრიშა, გრიშაჯან! (მხარზე ხელს უტყამს). ნუ სწუხნარ, ყველაფერი რიგზე იქნება. წავიდეთ, ჩიტუნია.

მანანა. ახლავე დაგეწევით, ფუთა მინდა შევინახო. (დავითი და შურიკა გადიან. მანანა აჩქარებული ლაპარაკობს). მე მთლიანად გეთანხმებით, გრიშა, თქვენ ზედმიწევნით სწორი აზრი გამოთქვით, მანქანის ტარება უნდა ისწავლოს, ამიტომ გაყიდვა სისულელეა. ლატარიის ბილეთი კი, მგონი, აი იქ, კარადის თავზე, გაზეთის ქვეშ უნდა

ჰქონდეს შენახული. ნახვამდის! (გაღის).

გრიშა სკამზე შედგება; გადაწვეს ქალაღს, რომელიც კარაღას აქვს გადაფარებული. იღებს ბიღეთს, ათვლიერებს და ისევ ადგილზე დებს, შემოდის სოფიო,

გრიშა. სოფიო, შენ ხარ?

სოფიო. რაღაც მოწყენილი ჩანხარ.

გრიშა. არა, ვერათერთ ვერ გადამიწყვეტია რაღაც...

სოფიო. მაინც რა?

გრიშა. ბევრი რამ, ბევრი რამ აი, მითხარი, არსებობს თუ არა სიყვარული?

სოფიო. ქალს ამას ეკითხებიან?!

გრიშა. რატომ?

სოფიო. არ შეიძლება მზესუმზირას ჰკითხო—მზე არსებობს თუ არაო.

გრიშა. ჰოო? მე კი არათერი გამიგია. მაგალითად, გინდა გამოთქვა რაღაც, ენა არ გემორჩილება, ანდა სულ სხვა რამე გამოდის, რაზეღაც შეიძლება სულაც არ ფიქრობ, ვთქვათ... იცი რა, სოფიო? (აუზა). ვთქვათ... (ისმის ყვირილი).

მანანას ხმა. „მიშველეთ, მომიტაცეს, — კარაული!“

გრიშა. რაშია საქმე? (სოფიო და გრიშა ზიარბენენ ფანჯარასთან)

სოფიო. ეზოში ხალხია შეგროვილი.

გრიშა. ნაცნობი ხმა იყო.

სოფიო. მანანას ხმას ჰგავდა. წელან გზაში შემხედენ მანანა, დავითი და შურიკა.

გრიშა. კიდევ იმ დასაქცევ ბიღეთს დასტრიალებენ თავს, ახალ-ახალ მაქინაციებს იგონებენ.

ხმაური ახლოვდება, შემოდიან მანანას დედა და მეეზოვე.

მანანას დედა (ყვირილით). სად არის თქვენი ძმა, პატივცემულო მეზობელო?

გრიშა. სახლში რომ შემობრძანდებით, ჯერ მისაღმებაა საჭირო.

მანანას დედა „ბონეურ“, თუ მაინცდამაინც, მაგრამ თუ თქვენი ძმა ახლა ჩემ ქალიშვილთან ერთად იყო, მე თქვენ თვალებს დაგთხრით. „გლაზა ვიკალუ!“ (იწევს, შეეხოვე აჩერებს).

მეეზოვე. ხაზაიკა, მოისა, კარგი! იელოო! მოდი რაღა, მომეშველე.

შემოდის ულტრამოდურად ჩაცმული ქურთის ბიჭი, შეეხოვე რაღაცას თავის ენაზე ეუბნება, ისიც ხმამაღლა პასუხობს.

გრიშა. თქვენ სრულ ჭკუაზე ხართ?

მანანას დედა. მიპასუხეთ: იყო თუ არა ჩემი ქალიშვილი დღეს თქვენთან?

გრიშა. იყო, მერე რა მოხდა?

მანანას დედა. აჰ, ყოფილა, გესმის ჰასან, ყოფილა ესე იგი მართალია! ჭკუიდან შევიშლები (იწევს). გამიშვით!

მეეზოვე. იელოო! მოდი, მოდი.

ისევ შემოდის იგივე ბიჭი და აკაეებენ მანანას დედას.

სოფიო. აგვიხსენით ბოლოს და ბოლოს, რაშია საქმე?

მანანას დედა. პარდონ, თქვენ ვილა ხართ?

სოფიო. დაწყნარდით, ქალბატონო, და გაგვაგებინეთ, რაშია საქმე.

მეეზოვე. ხალხი ნახეს, შენი ძმა ამისი შვილი წაიღო რაღა, იელოო!..“

მანანას დედა. (შეამჩნია დაგდებული ნაბადი და ნილაბი). ეს რა არის? ნაბადი, ნილაბი, „ვეშესტვენოე დაკაზატელსტეო“. ოჰ, ჰასან, იელო, მილიცია!..

ფარდა.

მეორე მოქმედება

დაწესებულება. სცენა გაყოფილია ორ ნაწილად: კაბინეტი და კანცელარია, რომელიც მოსაძებელ ოთახადაც არის გამოყენებული. კანცელარიაში სამკუთხედად განლაგებულ სამ მაგიდას მისჯდომია მდივანი ქალი, მისი ქმარი და ადგილკომი. კაბინეტში შესვლას ხალხმრავალი რიგი ელოდება. აქვე არიან სოფრო და გრიშა. იღებენ შემოსასვლელი კარი და სამ მოფამფალებულ მოხუცს დიდი გაჭირვებით შემოჰყავს „ხეიბარი“.

ხეიბარი. გამარჯობათ!

მდივანი. (გადაეღობა პროცესიას). წადით, მოშორდით, დღეს მიღება არა აქვს!

ხეიბარი. მე უნდა მიმიღოს, მე ომის ინვალიდი ვარ!

მდივანი. ამ პენსიონერებს რომელ ბაღში გაუკეთე მობილიზაცია?

ხეიბარი. არაფერი მე აღარ გამეგება, უფროსო, ექვსი ქალიშვილი მყავს, ექვსივეს აქ მოგიყვანთ და დაგვიყრით, როგორც გინდათ ისე მოუარეთ. გეუბნებით, თუ ბინას არ მომცემთ, დავაჭრი ქათმებივით თავებს, აღარც შვილი მინდა და აღარც ძირი, დავხოცავ და ჩემი ხელით, ერთი ხელით, რომელიც ფრონტის შემდეგ შემომრჩა (იქნევს ცარიელ სახელოს). გავაღებ ცისის კარებს და შევალ ჩემი ფეხით, ჩემი ცალი ფეხით (იქნევს შარვლის ცარიელ ტოტს).

მდივანი. ეგ ზღაპრები ბებიაშენს მოუყევი (მოვლემარე ადგილკომს). მილიცას გამოუძახეთ საჩქაროთ!

(მდივანის ქმარი იღებს ტელეფონის ყურმილს).

ქმარი. ალო, მილიცია? აბა? აბანო?!

(ხეიბარი ჩამოსტება მოსუცების მსრებიდან და თავქუდმოგლე-
ჯილი გარბის. პროცესიის დანარჩენ წევრებს ბატბოვით ერეებოა,
მოსადღელოდან).

მდივანი. ამხანაგებო, კიდევ ერთხელ გიცხადებთ,
საბინაო საკითხებზე დღეს მიღება არ იქნება.

სოფიო. აბა როდის?

მდივანი. ხვალ გამოიარეთ.

სოფიო. სამსახურიდან დღეს ძლივს გავითავისუფ-
ლეთ თავი, ხვალ ვილა გამომიშვებს?

მდივანი. მე არ მაინტერესებს, ქალო, შენ გამო-
გიშვებენ თუ არ გამოგიშვებენ, ეს ჩვენი საქმე არ არის,
გრიშა (ადგა და მიუახლოვდა მდივანს). წამოდი, ხომ
გეუბნებოდი, ესენი ისე არიან ჩაცემენტებული, წერაქ-
ვითაც ვერ გაიკვლევ გზას, წამოდი...

(თავის კაბინეტიდან გამოდის ის, აფულიერებს გრიშას.)

ის. რა ხმაურია, ამხანაგებო, რაშია საქმე? (სიჩქმე
ჩამოვარდა, აღმატერად უყურებს გრიშას). ლუდმილა ვასი-
ლევნა, მომყევით (მდივანი მიყვება კაბინეტში), თქვენ (გრიშას)
კი ერთი წუთით მომითმინეთ. (შედიან კაბინეტში. დაბალ
ხმაზე ეკითხება). ვინ არის, რა უნდა?

მდივანი. ბინის თაობაზეა მოსული. თქვენი ნასკა
უნდოდა.

ის. გათახსირებულია, ვილა(კაა... გამოატარეთ, საჭი-
როა მისი დაწყნარება

მდივანი. ტყუილად დელავთ, არა მგონია, რომ...

ის. ნუ მასწავლით, მე უკეთესად ვიცი, „კლიაუნსნი-

კია“. ვერ შეამჩნიეთ ავტოკალმისტარი აქვს ჭიბეში, და სერე როგორ უკეთია, პირდაპირ აქ! (ხელით აჩვენებს). გარედან! ასპროცენტისანი ანონიმშიჩიკია. ვერა და ვერ გასწავლეთ ჰკუა. რამდენჯერ უნდა გაგაფრთხილოთ, ლუდშილა ვასილევნა, რომ, როგორც კი 'შეამჩნევთ ავტოკალმისტრიანს, ესე იგი არაშზადაა, ამიტომ ერთი წუთიც არ დააკავით. დაუშახეთ თქვენს ქძარს და ადგილკომს.

მ დ ი ვ ა ნ ი. მესმის! (გალის და იქვე ეპატიყება გრიშას. გრეშა შედის კაბიხეტში).

ის (შეხედება, ხელს უწვდის). გამარჯობათ, გამარჯობათ, მეგობარო, რით შემძლია გემსახუროთ? დაბრძანდით და სომიყევით.

გ რ ი შ ა. იციო... მე... როგორ გითხრათ... მე ბინის საკითხსე გაწუხებთ.

ის. დიახ, დიახ, მე გისმენთ მთელი გულისყურით.

გ რ ი შ ა. ოთხი წლის წინათ რაისაბქომ გამოიტანა დადგენილება და მოძაკუთენეს ერთოთახიანი ბინა. ჰო-და, მე ვფიქრობ, თუკი სხვა დადგენილებებს ვადაზე ადრე ვასრულებთ, ეს რატომ იგვიანებს ოთხი წლით?

შენოღიას მდინის ქმარი და ადგილკომი. შენოღის მდივანი და რაღაც სიებსა და ქალაღებს მიართმევს, თანაც თითო მიუნიშნებს.

ის. გეთანხმებით, მეგობარო, გეთანხმებით, თქვენ აბსოლუტურად სწორი ბრძანდებით, მაგრამ ჩვენი მდგომარეობაც ხომ იციო. აი, მობრძანდით, თქვენ განათლებული კაცი ჩანხართ, ჩვენი საბინაო ფონდი ყოველწლიურად ათი ბინისაგან შედგება, წარმოიდგინეთ, სიაში კი თქვენს მეხუთასე ხართ, ჰოდა ბინისაც ორმოცდაათ წელიწადში ძიიღებთ.

გ რ ი შ ა. ორმოცდაათ წელიწადში ჩემი ძვლებიც აღარ იქნება.

ის. როგორ გეკადრებათ, თქვენ ისე კარგად გამოიყურებით, რომ ოროთახიანამდეც გასლებთ. და მერე, განა ყველაფერი პირდაპირი მნიშვნელობით უნდა გავიგოთ? ჩვენი პორიზონტები, გაშლილი მშენებლობები, აღმავლობა, სიკისკასე, შემართება!

მსახიობმა იმავე ტონში უნდა განაგრძოს და მთელი სერიოზულობით, გრადაციული ზედაღმავლობით მიიყვანოს ბოლომდე სცენა, ტრახ-ტარარამ, ბრახ-ბრუხ-ტრამ, ტირი-ტორი-ლორი, ტრახ-ტარარამ, ტრომ-ტირიტამ, ბალამ-ხალამ, ხალამ-ბალამ, ბალამ-ხალამ

ადგილკოში თვლემს. მდივნის ქმარი კი აღებს პირს, თითქოს რაღაცას იმეორებს, მაგრამ ხმა არ ისმის. ეს სცენა დიდხანს გრძელდება, სანამ გრიშა, დარეტიანებული, კარებისაკენ არ დაიხევს.

გ რ ი შ ა. სწორია, სწორია, მესმის, ე. ი. ხალამ-ბალამ, და ბალამ-ხალამ, ტრახ-ტარარამ და ბრახ-ბრუხ-ტრამ, (გადის).

ის. აი ასე უნდა მოუხაზო ამისთანებს. დაწეროს ახლა თუ ბიჭია!

თითქოს შემოიპარაო ფრთხილად შემოდის ბრძენის II მოწაფე, II მოწაფე. გამარჯობათ.

ის (ყვირის). დაიკარგე აქედან.

პაუზა. ადგილკოში, ქმარი და მდივანი გადიან.

II მოწაფე. სალამი, ჩემო ბატონო.

ის. დაიკარგე მეტყი.

II მოწაფე (ღიმილით უახლოვდება მაგიდას). რა დავა-შავეთ პატივცემულო...

ის. აჰ, არ იცი, რა?

II მოწაფე. დედას გეფიცებით, აი, როგორ გითხრათ...

ის. მეოთხე თვეა საქმეში ხართ და ერთხელაც არ მოსულხართ ჩემთან. სად აგდია თქვენი გამგე? დიდი კაცი

გამიხდა არა? მოადგილეებს მიგზავნის. გიჩვენებთ თქვენ სეირს, მოვიცილი თქვენთვის.

II მოწაფე. საქმე იმაშია, ბატონო, როგორ გითხრათ... მე კი მინდოდა, პირადად მე გამომეჩინა რაღაც ყურადღება. ესე იგი, რაღაც საჩუქარი ან... ესე იგი, მართალია, საქმე მაინცდამაინც კარგად ვერ მიდის, მაგრამ ყურადღება...

ის (წააქეზა). მერე, მერე!

II მოწაფე. ჰოდა, გამგემ არაფრით არ ქნა, არ იზამსო...

ის. რას არ იზამსო, როგორ?

II მოწაფე. ჯარში ვართ ერთად ნამყოფი.

ის. რაო, რაო?

II მოწაფე. დედას გეფიცებით, ჩვენგან არ აიღებ-სო...

ის. ტყუის ეგ არამზადა! მე არ ვარ ჯარში ნამყოფი. შემოდის მდივანი.

მდივანი (ჩურჩულით). იქ ერთი ორკალმისტრიანი მოვიდა, თქვენი ნახვა სურს.

ის. ორი? (თავში წაეღო ხელი).

მდივანი. ჩიქურად მოიწივს, ძლივს ვაკავებთ.

ის. გაიგეთ მაინც, რა უნდა? მაგრამ მართალს როგორ იტყვის? ვაი, ორი რაღა უბედურებაა?! (II მოწაფეს) გასწი და სხვა დროს თვითონ მოეთრეს ის შენი ვეტერანი.

II მოწაფე. როდის მოვიდეს ბატონო?

ის. მე სულ აქა ვარ, მე დღესაც აქა ვარ.

შემოდის ბრძენი. მდივანი და II მოწაფე გადიან.

ის. შენ ხარ, კაცო, ორკალმისტრიანი... ოჰ რა გამახარე, პა-პა-პა. დაჯექი. მე ვილაცა კლიაუზნიკი მეგონა,

ბ რ ძ ე ნ ი. ორიდან ერთი შენია „პარკერი“, ყველაზე
კარგი ფირმა. (აწოდებს კალამს).

ი ს. გმადლობთ. (ათვლიერებს კალამს). მართლა კარგია,
მაგრამ რას გეტყვი, იცი? ჩემი ნება რომ იყოს, სულ
მოვსპობდი ამის წარმოებას, ანდა განსაკუთებული
ნებართვის გარეშე ვინც იხმარდა, ციხეში ვუკრავდი თავს.
სხვა როგორაა საქმეები, ალბათ ახალი ჭორები იცი, ჰა?
დაჯექი, დაჯექი, ერთი მომიყევი, მომიყევი (ხელებს იფშ-
ვნებს),

ბ რ ძ ე ნ ი. შენთან სერიოზული საქმე მაქვს.

ი ს. არა, არ გამოვა, ჯერ მომიყევი, რა არის ახალი
ქალაქში.

ბ რ ძ ე ნ ი. გაიგე ალბათ.

ეს ადგილი აქტიორებს განეკუთვნებათ იმპოვიზაციისათვის,
შეუძლიათ მიკიბ-მოკიბონ რაიმე სისულელე ან მართლაც მომხდარი
ამბავი, დამსწრე აუდიტორიისათვის საინტერესო.

ი ს. ჰო, ჰო, ჰო, (ორივენი იცინიან).

ბ რ ძ ე ნ ი. ახლა კი საქმეზე გადავიდეთ.

ი ს. არა, არა, კიდევ გეცოდინება რამე.

ბ რ ძ ე ნ ი. ნეიქარება, მერე შემოგივლი.

ი ს. მაშინ, ერთი კითხვა მაქვს.

ბ რ ძ ე ნ ი. თქვი, ამჯერად უფასოდ გიპასუხებ.

ი ს. ჩვენს დროს, კოსმოსურ ხანაში, რომელი ძრა-
ვია ყველაზე უტყუარი წინმსვლელობისათვის?

ბ რ ძ ე ნ ი. ეს დამოკიდებულია იმაზე, თუ შენ საით
მიიწევ.

ი ს. მე მხედველობაში მაქვს კარიერა, სამსახურებრი-
ვი მდგომარეობა.

ბ რ ძ ე ნ ი. მლიქვნელობა ის ჯახრაკი სახედარია, რო-

მელიც ყოველთვის იყო და ყოველთვის იქნება უმთავრესი და სანდო ტრანსპორტი კარიერისაკენ.

ი. ს. კი, მაგრამ ყველას პირში და ზურგს უკან ქება, როგორც შენ ლაღადებ, ყოველთვის არ გამოდგება. სამსახურში თუ არავინ ლანძღე, უქნარას სახელი გექნება, ბრძენი. ლანძღე. ვინც ჩამოგრა, ვისაც დაეწიე, მის ღირსებებში ეჭვი შეიტანე, შენს ჯახრაკს დეზები შემოარტყი და შენზე წინ ვინც არის, აქე და ადიდე.

ი. ს. ჰმ... ჰმ... ჰმ...

ბრძენი. რადგან სიტყვამ ძრავები მოიტანა, არსებობს ავტომანქანა „ვოლგას“ მოგებულნი ლატარიის ბილეთი.

ი. ს. მაგ მე არ მაწყობს.

ბრძენი. სწორედ რომ მაწყობს.

ი. ს. ფუფუნების საგანია.

ბრძენი. მანქანა თუ გაქვს, მოასწრებ სამი ადგილის შემოვლას, მე არ მაქვს და ერთ ადგილამდე ძლივს მივალწიე. ასე, მართო ერთი თვე რომ გაგრძელდეს, შენ ასჯერ გამასწრებ, მიხვდი?

ი. ს. კი.

ბრძენი. ჰოდა. ეს არის ფუფუნება?

ი. ს. ეს... რა თქმა უნდა... მაგრამ „ვოლგა“—ყვირის! არაშრომითი შემოსავალი... მე უფრო რამე ისეთი... „მოსკვიჩი“ ან „ფიატი“.

ბრძენი. ეს ლატარიის ბილეთია!

ი. ს. კი, მაგრამ მაგას ვილა ჰამს, ბრძენო?

ბრძენი. ძალიან კარგად ჰამენ, ფაქტი ჭიუტია. რაც მთავარია, შენ თითქმის მუქთად ჩაგივარდება ხელში.

ი. ს. როგორ?

ბრძენი. ერთი კაცის ბინის მიღების საქმე უნდა დააჩქარო. აგერ ახლა შენი კაბინეტიდან გამოვიდა.

ის. რომელი, ავტოკალმისტრიანი?

ბ რ ძ ე ნ ი. ჰო.

ის. სანდოა?

ბ რ ძ ე ნ ი. რაკი მე ვამბობ. . .

ის. მერე?

ბ რ ძ ე ნ ი. ფასის შესახებ არაფერს გეტყვი, შენ თვითონ გაიკითხ-გამოიკითხე, შეამოწმე. მერე მე შემოგვ-ლი. მოდის?

ის. მოდის. (გაუწოდა ხელი).

მოქმედება გადადის კანცელარიაში. იქ უკვე მომლოდინე ხალხის რიგი აღარ ჩანს. თავთავიანთ მავიდებს უსხედან მდივანი, ადგილკომი და მდივნის ქმარი. შემოდის გამხდარი, პატარა ტანის მთხოვნელი.

მ დ ი ვ ა ნ ი. დღეს ყოველგვარი მიღება დამთავრებულია.

მ თ ხ თ ვ ნ ე ლ ი. სასწრაფოდ გამომავზავნის თქვენთან, კანცელარიაში. აი, ინებეთ. (აწვდის ქაღალდს). ეს საზოგადოებრივი მნიშვნელობის საქმეა.

მ დ ი ვ ა ნ ი (ციხულობს. თუ დამდგმელები აქტიორებთან ერთად მოისურვებენ, შეუძლიათ რაიმე საკიბროროტო საკითხი წამოჭრან ამ მთხოვნელის პირით). ეს მე არ მეხება, აი მასთან მიდი (ანიშნებს მთვლემარე ადგილკომზე).

მ თ ხ თ ვ ნ ე ლ ი. (მივიდა ადგილკომის მაგიდასთან). ინებეთ. გეთაყვა, ჩვენთვის ეს საკითხი საგანგაშო და სასწრაფოა.

ა დ გ ი ლ კ ო მ ი (გამოფხიზლდა). ჰო, რაშია საქმე? (ციხულობს). მაშასადამე თქვენ გსურთ... აჰ, აჰ, ოჰ, ოჰ. ოჰ, კარგი, კარგი. ჰო, ეს მე არ მეხება.

მ თ ხ თ ვ ნ ე ლ ი. მე თქვენთან გამომავზავნის.

ა დ გ ი ლ კ ო მ ი. გიმეორებთ, რომ ეგ ჩემი საქმე არ არის, იმ მაგიდას მიაკითხეთ.

მთხოვნელი. (მოვდა მესამე მაგდასთან, სადაც ზის ქმარი). თქვენთან გამომგზავნეს, სასწრაფო საქმეა...

ქმარი. (არც კი წაიკითხა, ისე დაუბრუნა ქალადრი).
ლუდმილა ვასილიენა, უთხარი ამ კაცს, ვისთან მივიდეს.

მთხოვნელი. მე უკვე ვიყავი მასთან.

ქმარი. მიდი, მიდი, გასწავლოს, რა უნდა ქნა.

მთხოვნელი. (მოვიდა მდივანთან). მე ისევ თქვენთან მოვხვდი, გამიგეთ, გეთაყვა, ძალიან საჩქარო საქმეა.

მდივანი. მე ხომ გაგაგზავნეთ პირდაპირ (უთითებს ადგილკომზე).

მთხოვნელი. იცით რა...

მდივანი. წადი, კაცო, ხომ გეუბნები, ქართული ენა არ გესმის, ის გასწავლის...

მთხოვნელი. გამიგეთ, გეთაყვა, ეს პირადი საქმეა კი არ არის, საზოგადოებრივია.

მდივანი. მიდი... (ნელა წაქრა ხელი ზურგში).

მთხოვნელი. (გაუწოდა ქალადრი ადგილკომს). მე პირად საქმეზე არა ვარ მოსული, დაწესებულების წარმომადგენელი ვარ.

ადგილკომი. (იღვიძებს). კიდევ შენა ხარ? არ გააკირა საქმე! (გაპქრა ხელი ქმრისკენ). იმასთან მიდი-მეთქი, ხომ გითხარი...

მთხოვნელი წაბოროძიდა და გადაიქცა ბურთად. იწყება ფრენ-ბურთი.

ქმარი. ოჰა! (მოიგერია ბურთი და გაისროლა მდივნიკკენ).

მთხოვნელის ხმა. მე ხომ საზოგადოებრივ...

მდივანი. ოჰლა! (აწოდებს ბურთს ადგილკომს).

მთხოვნელის ხმა. სასწრაფო საქმეა...

ადგილკომი. ოჰლა! (აწოდებს ბურთს ქმარს).

კაბინეტიდან გამოდიან ის და ბრძენი. ის აცილებს ბრძენს კარბამდე. ორივეს უხდება მიხვეულ-მოხვეულად, სლალომით გაიკაფოს გზა ფრენბურთელთა შორის.

მთხოვნელის ხმა. პირადი არ არის...

ქმარი. ოპლა.

მდივანი. ოპლა (ააგლო მაღლა ბურთი).

გასასვლელი კარებიდან დაბრუნდა ის და ბურთს ურტყამს თავურს. ისმის გატეხილი შინის მსხვერვის ხმა. ყველანი ყვირიან: არის! თუ მსახიობი თავურით ვერ მოახერხებს ბურთის დარტყმას, შეუძლია ფეხი სთხლიშოს.

ფარდა.

მეხუთე სურათი

მანანას ბინა. სასტუმრო ოთახში სხედან მანანას დედა და სტუმარი ქალი, ყოფილი მეზობელი.

მანანას დედა. ეს რაღაც კოლოსალური საშინელება იყო, წარმოუდგენელი კომმარო, „მონ შერ!“ თქვენ უნდა გენახათ, რა დღეში იყო მამაჩემი, ალექსანდრის კიდევ პირდაპირ ჰეშვით ვუყრიდი პირში ვალიდოლს. ახლაც, რომ დაეფეჭრდები, სიზმარში მგონია თავი. ჩვენი მანანა, ეს უმწიკვლო და უზადო ქმნილება, რომელიც ასეთი გულუბრყვილო ბავშვია ჯერ, აი, იმ ფაფას, აი მამაჩემი დილდილობით რომ იმზადებს ხოლმე...

ყოფილი მეზობელი. შერია.

მანანას დედა. დიახ, დიახ, შერიას ხორბლის ფაფისაგან ვერ არჩევს და საერთოდაც, ჩემო კარგო, საიდუმლოდ მოგახსენებთ, უცნაურია, მაგრამ დარწმუნებული ვარ, ის ჯერ კიდევ... (აყიფებს გაურკვეველ ჟესტს) ხა-ხა-ხა. (შემდეგ ჩურჩულით განაგრძობს, მეორე ოთახში რომ არ გაიგონონ). და უცებ ასეთი გაუთლელი გლეხის ხელში ჩავარდა! სამი ღამე არავის გვიძინია, სამი ღამე! ვეძებდით, ვრეკავდით, ვყვიროდით, ვტიროდით... ბოლოს როგორც იქნა, მივიღეთ პატარა ბარათი, თითქმის სისხლით ნაწერი... ყოველ შემთხვევაში ჩვენ ასე აღვიქვით, „მონ შერ,“ ის

ცრემლებით დაპყურებული სტრიქონები.

ყოფილი მეზობელი. უი, უი, უი, წარმოდგენილი მაქვს, რა მხსნელ ანგელოზად მოგვევლინებოდათ ფოსტალიონი.

მანანას დედა. „პარდონ“, ჩემო კარგო, რის ფოსტალიონი. წერილი მოგვიტანა მათმა მეგობარმა — ჩვენი მეგობარი, თუ დამიჯერებთ ასე ეწერა წერილსა შიგა (გზა და გზა ავიწყლება სიფრთხილე, როდესაც ახსენდება, ხმას უღაბლებს). მეგობარს თვალები აქეთ-იქით გაურბის, რომ შეეხიდე, შემეშინდა, ისეთი ძველი და გაზინზლული ფრენჩი ეცვა. შარვალზე კი, აპლიკაციები ნაკერ-ნაკერზე, უზარმაზარი ფეხსაცმელები და მდელოსფერი წინდები.

ყოფილი მეზობელი. უნდა დაგეჰყვინებინათ.

მანანას დედა. როგორ, ჩემო კარგო, როგორ. როდესაც ბავშვი გვწერდა, ჩვენი მეგობარიო. გარდა ამისა, თურმე, განგებ იცვამს ასე, ყოველ შემთხვევაში მანანა მარწმუნებს — ახლა ასეთი მოდააო.

ყოფილი მეზობელი. მთელი ჩემი ახალგაზრდობა კარგი ჩაცმის და გასუქების ოცნებას შევალე. დღეს კი, როცა ყველაფერი თავზესაყრელია, თავს შიმშილით იკლავენ და ძონძებში დადიან.

მანანას დედა. ააჰ! გემოვნების ეს კოლოსალური დაცემა პირდაპირ მსპობს. ახალგაზრდები ტაკიმასხარებივით არიან გამოწყობილნი.

სცენის სიღრმიდან გაისმის ტაკიმასხარას ღრმა ამოოხვრა.

ჰოდა. იმას გეუბნებოდით, „მონ შერ,“ ამ ბარათიდან გაგიგეთ, რომ მანანა შეურიგდა თავის ბედს, წერილში ასეც იყო ნათქვამი: რას იზამთ, საყვარელო მშობლებო, ასეთი ყოფილა ჩვენი ბედიო.

ყოფილი მეზობელი. გასაგებია, თქვენ რა-

ლას იზამდით?!

მ ა ნ ა ნ ა ს დ ე დ ა. ო, არა! ჩემი ალექსანდრე და მამაჩემი მაინც წავიდნენ და პირადად დაკითხეს მანანა, სამწუხაროდ, ყოველივე სინამდვილე აღმოჩნდა.

ყ ო ფ ი ლ ი მ ე ზ ო ბ ე ლ ი. ჩანს, მართლა იღბალი ყოფილა. გულახდილად რომ ვთქვათ, გარეგნობით ყმა-წვილს არა უშავს, მაღალი და ჭანიანი...

მ ა ნ ა ნ ა ს დ ე დ ა. ჯანი იცოცხლე, ეს სახლი რომ მოაბა და შოლტი გადაუჭირო, რიხინ-რიხინით ჩაიტანს თავის სოფელში, საიდანაც არის ჩამოთრეული.

ყ ო ფ ი ლ ი მ ე ზ ო ბ ე ლ ი. ჭურში ვზივარ, ნამდვილად ჭურში, ასეთი ამბავი გადაგხდომია და მე ვერაფერი გავიგე. გამომაყრუა ამ ახალმა იზოლირებულმა ბინამ. რა კარგი იყო ის ჩვენი ძველი ეზო. ხედავ, ვინ მოდის. რა მოაქვს, საიდან. ახალ სახლებში სალაპარაკოდაც ვერავის ვერ დაიხელოებ... მოგაძახებენ საქორათოდ არ მცალიათ...

მ ა ნ ა ნ ა ს დ ე დ ა. ამას ჩემი ალექსანდრე არაკომუნიკაბელურობას უწოდებს. ჩუ... მგონი იკადრა ადგომა. ყველანი სამუშაოზე არიან. მანანა ინსტიტუტშია, ეს კი ნებიერობს.

შემოდის დავითი ტრუსიკის ამარა. თმა აბურძვენია.

დ ა ვ ი თ ი. სადაა ის დამპალი?

მ ა ნ ა ნ ა ს დ ე დ ა. რა, რა თქვი? რა დამპალი?

დ ა ვ ი თ ი (სარკასტულად). სადაა თქვენი ქალიშვილი და ჩემი ძვირფასი მეუღლე?

მ ა ნ ა ნ ა ს დ ე დ ა. როგორ ბედავთ... ოჰ, დამიჭირეთ, ცუდად ვარ, „მონ შერ“ გაიგონეთ, და-მპა-ლის როგორ ბედავთ-მეთქი ჩემი თანდასწრებით ჩემი ქალიშვილის გინებას.

დ ა ვ ი თ ი. მერე ვინ იგინება... მაგას ჯობია ერთი

ბოთლი „ბორჯომი“ მიშოვოთ, თავი მისკდება (გადის).

მ ა ნ ა ნ ა ს დ ე დ ა. არა, გაიგონეთ? დაგვცინის კი-
დეც. რა თავხედობაა! დღესვე ვეტყვი ალექსანდრეს,
ან-ის, ან-მე!

ყ ო ფ ი ლ ი მ ე ზ ო ბ ე ლ ი. დაწყნარდით, ძვირფა-
სო, ეტყობა ბიჭი ნაწყენია, სიძულ რომ არ გინდოდათ...

მ ა ნ ა ნ ა ს დ ე დ ა. არ გვინდოდა, რას მიქვია, „მონ
შერ“ შეამჩნიეთ, რგორ დადის განგებ ტიტველი? (ყვირის).
თქვენ პლიაჟზე არ ბრძანდებით, აქ ოჯახია. კეთილი ინე-
ბეთ და პლებეური ჩვევები, თქვენი მდაბიო წრისთვის
შემოინახეთ. არა, დამძალიო! შერედა, ვინ ამბობს ამას.
ეს უსახლკარო მაწანწალა, მოძალადე და უვიცი! (შემოდის
დავითი ჩაცმული).

და ვ ი თ ი. ჩუმად! რას კაპასობ, ჩემთვის ეგ „ატრა-
ჟენიას“ არ იძლევა. ჯერ ერთი, მე მოძალადე არ ვახლა-
ვართ, ეს თქვენმა ძვირფასმა ქალიშვილმაც დაადასტურა,
მეორეც, ქონების შესახებ ჯერ თქვენ არაფერი იცით.
ხა-ხა. იქნება მეც მაქვს რამე. განათლება არ მოგწონთ
ჩემი? ესეც თქვენს ალექსანდრეს და ძველ ბოლშევიკს
დააბრალებთ, რატომ არ მაწყობენ ინსტიტუტში, მე რა-
უარს ვამბობ?

მ ა ნ ა ნ ა ს დ ე დ ა. მაგას ვერ მოესწრებით, სანამ
მე...

შემოდის შურიკა.

შ უ რ ი კ ა. მშვიდობა სახლსა ამასა, დედიკო, რაშია
საქმე? რითა ხარ უკმაყოფილო?

და ვ ი თ ი. ჩემი თავიდან მოცილება სურს, იცით.
რას გეტყვით, ძვირფასო სიდედრო...

მ ა ნ ა ნ ა ს დ ე დ ა. თქვენ ჩემთვის უცხო ხართ.
მე თქვენ კოლოსალურად მეზარებით, ჭირივით მძულ-
ხართ.

შ უ რ ი კ ა. ფროიდი კი სწორედ ამის საწინააღმდეგოს ამტკიცებს: სიდედრს ისევე უყვარს სიძე, როგორც მის საყვარელ ქალიშვილს თავის ქმარიო.

მ ა ნ ა ნ ა ს დ ე დ ა. „მონ შერ“, გავეცალოთ აქაურობას. თორემ ესენი ინფარქტს დამმართებენ, წავიდეთ ჩემს ბუდუარში.

გაღიან.

დ ა ვ ი თ ი. ბუდუარი! გაგაბუდუარებთ მე თქვენ, თუ ბიჭი ვარ, როგორ არის საქმე?

შ უ რ ი კ ა. ფული უკვე ბრუნდებოდა, რაზდენიმე წუთის შემდეგ აქ გაჩნდება, ჩვენ გამოვართმევთ ფულს და მივცემთ ბილეთს.

დ ა ვ ი თ ი. ოოოჰ, ძალიან კარგი, ძალიან კარგი...

შ უ რ ი კ ა. გრიშას ბინის საკითხმა გაართულა საქმე. მაგრამ საბოლოოდ ესეც დადებითად გადაწყდა, ამ დღეებში ორდერს მიიღებს.

დ ა ვ ი თ ი. ღმერთი არ გაგიწყრეს და გრიშას არაფერი უთხრა, თორემ დაიწყებს — ქრთამიო, კორუპციაო...

შ უ რ ი კ ა. კორუპცია გზას უხსნის ახალ კანონებს! ჯვარი სანამ სათაყვანებელ საგნად გადაიქცეოდა, წვალეზის იარაღად იხმარებოდა!

დ ა ვ ი თ ი. შესაძლებელია, მაგრამ ის აჯობებს უთხრა — ნაცნობი იყო და უანგაროდ დაგვეხმარა-თქო.

შ უ რ ი კ ა. ?

დ ა ვ ი თ ი. მესმის შენი, ეგ გამორიცხულია. გრიშა არასოდეს. არ მიითვისებს ბილეთს.

შემორბის მანანა.

მ ა ნ ა ნ ა. ბიჭებო, ჩე-პე! ჩე-პე!

შ უ რ ი კ ა. რა მოხდა?

მ ა ნ ა ნ ა. გრიშას გადაუწყვეტია ბილეთი ჩააბაროს

მანქანის გამოსაყვანად.

შ უ რ ი კ ა. ვინ თქვა?

მ ა ნ ა ნ ა. თვითონ, აგერ შემხვდა კიბეზე.

შ უ რ ი კ ა. კი მაგრამ, როგორ ჩაუვარდა ხელში ბილეთი, ბილეთი შენ არ გქონდა, დათქა?

დ ა ვ ი თ ი. შემთხვევით თუ წააწყდა კარადაზე.

შ უ რ ი კ ა. კრეტიანი ხარ, რა...

დ ა ვ ი თ ი. რა ვქნათ?

შ უ რ ი კ ა. ფინიტე ლა კომედი!

მ ა ნ ა ნ ა. ეს ტრაგედიაა და არა კომედია.

შ უ რ ი კ ა. ყოველი ტრაგედია გარკვეულ მომენტამდე უფრო მეტადაა კომედია, ვიდრე თვითონ კომედია, და პირიქით!

დ ა ვ ი თ ი. აფორიზმები გვიშველის ახლა ჩვენ?

მ ა ნ ა ნ ა. ჩემი აზრით, მანქანა უნდა ჩავიგდოთ ხელში.

შ უ რ ი კ ა. საცაა ბრძენი მოვა...

მ ა ნ ა ნ ა დარწმუნებული ვარ, გრიშა უარს არ გვეტყვის, „კაკ მოყნო“ ახალი ოჯახი გვაქვს შექმნილი... და მერე გრიშა ხომ მხოლოდ გაყიდვის წინააღმდეგი იყო პრინციპში?!

დ ა ვ ი თ ი. რა ჯანდაბად მინდა მანქანა, ფულია საჭირო, შენ მშობლებს კიდევ ეს სულ არ ადარდებთ, არც არაფერში გვეხმარებიან.

მ ა ნ ა ნ ა. მეტი რალა დახმარება გინდა. ისინი გვაჭმევენ, ისინი გვაცმევენ და ბინადაც იმათთან ვართ.

შ უ რ ი კ ა. ახლავე უნდა ჩავიდეთ ქვემოთ. (გარბიან).

მ ა ნ ა ნ ა. დათქა, საყვარელო (უახლოვდება და მოეხვევა). რაში გვჭირდებიან ეს თაღლითები. ყველაფრით უზრუნველყოფილნი ვართ — საქმელ-სასამელით, ტანსაცმლით, ბინით...

დავითი. შენ კიდევ შოფრის წიგნაკიც მიიღე კოკოშასგან.

მანანა. მერე შენც ისწავლი ტარებას, ვოლგა ჩემი დიდი ხნის ოცნებაა.

დავითი. გრიშა შენ ხომ არ წააქეზე?

მანანა. დალაგებული კაცი რომ იყოს, ერთ წუთს არ დავფიქრდებოდი, მაგრამ გრიშასაგან ყველაფერია მოსალოდნელი.

დავითი. ვითომ შენი მშობლები ანგელოზები არიან, ორი კვირა ვერ აუტანივართ. არ უნდივართ? სიამოვნებით წავალ.

მანანა. წახვალ და ვერ დაამტკიცებ, შენი რომაა ბილეთი.

დავითი. ჩემი წასვლა სიმბოლოური იქნება, მე თქვენს ბინაში მუდმივად ჩავეწერე, ეს იმას ნიშნავს, რომ...

სინათლე ქრება. დიდი ტელეეკრანი ციმციმებს, მოძრაე ტალღებად ისერება. ისმის ხანგრძლივი ხველება. ეს ბრძენია. ავანსცენაზე გამოჩნდებიან შეიარაღებულნი: ბრძენი, შურიკა, დაეითი, მანანა. აღელვებულნი კამათობენ და აწყვეტილებენ ერთმანეთს. გაურკვეველი ადგილი ტირსაც ჰგავს, ბუჩქნარს და გრიშას ოთახსაც. კუთხეში დგას გრიშა, მანეკენის პოზაში, გულზე დიდი სასტენლო მიზანი ჰკიდია. მბუქტავ სინათლეში მოჩანს სტენდი თუ კარადა. მას დაყრდნობია მანანა და უმიზნებს გრიშას, გვერდზე უდგას დაეითი, ჩასაფრებული არიან: ბრძენი იატაკზე, სკამის თუ ბუჩქის უკან, მოღუნული თოჯინა, შურიკა. ისმის სუსტი ჩხიკინა სროლის ხმა, როგორც ტირში,

მანანა. ასლა უკეთესია, ხედავ, წრეს მივუახლოვდი.

დავითი (მანანას). ცოტა დაბლა დაუწიე, ვეღარ გაიგე? ნუ სუნთქავ ჩახმანის გამოკვრის დროს, სროლის ხმა,

დავითი. შენ რა, განგებ აკეთებ? აი, შეხედე.

(დაუმზინა, სროლის ხმა), არის! (გრიშას ორივე ხელში აგური უკავია, როგორც კი დავითი ესვრის, მარჯვენა ხელით თავში იცემს აგურს გამუდმებით და ისე, თითქოს მოსამართი ზა ბარიანი სათამაშო იყოს) ხა-ხა, წავიდა.

შ უ რ ი კ ა. სუუ... ჩემად (უმიზნებს მოღუნული თოფით, თავი ბუჩქებში ჩარგო. სროლის ხმა. მიზანი აღებულება გრიშა მეორე ხელითაც იცემს აგურს თავში). ბრძენო, რეკე, შენი ჭერია.

ბრძენი უმიზნებს ესვრის. გრიშა განაგრძობს ავულებით შახ-სეი-ვასსეის და ბრძენის გასროლისთანავე მონოტონურად გაიძახის...

გ რ ი შ ა. ტრა-ტარა-ტორი, ტარა-ტორი-ტამ, ხალამ-ბალამ, ბალამ-ხალამ..

შურიკა, ბრძენი, დავითი, მანანა გამოდიან საფარებიდან და „ვა-შას“ ძახილით გარბიან გრიშასაკენ. უცებ სასტენდო მიზანი, რომელიც გრიშას ჰკიდია მკერდზე, გამოეყოფა გრიშას და ფეთქდება. გრიშას გარდა ყველანი ძირს დაცვიდნენ, მან კი ყველას ზურგი შეაქცია და დემონსტრაციული ნაბიჯით გასწია კულისებისაკენ. ავანცენაზე ტაკიმასხარაა.

ტ ა კ ი მ ა ს ხ ა რ ა. თურმე ხანდახან მიზანიც ისვრის!
ბ რ ძ ე ნ ი (ცდილობს წამოდგეს ფეხზე). ვაი, ვაი, ეს რა ტაკიმასხარაობაა, ვაი...

ტ ა კ ი მ ა ს ხ ა რ ა. ძროხა დაკლეს, ზედაც ქათამი მიაკლეს, ღორი დაკლეს, ქათამი მიაკლეს, ცხვარი დაკლეს, კიდევ ქათამი? (ნიშანს უგებს). ფული რომ იცვლება?!

ბ რ ძ ე ნ ი (წამობტა). როგორ თუ იცვლება, სად იცვლება? (დაინახა ტაკიმასხარა). დაიკარგე აქედან! შე ბაზრის ტინგიცა, შენა!

ბრძენს გარს შემოერთყნენ შურიკა, მანანა, დავითი, გამალებული ენტიკულაციით ლაპარაკობენ.

ტ ა კ ი მ ა ს ხ ა რ ა (განზე). ბრძენს ხელახლა სურს მოისმინოს ყველაფერი, გაერკვეს დეტალებში, ახლა კი

მას ხველა აუტყდება. შემდეგ შედგება კაძითი.

ბრძენი იწყებს ხველებას, ეს მომდევნო სცენა მიდის აჩქარებულ ტემპში.

და ვ ი თ ი. ბილეთის დასაბრუნებლად რალაც მიზეზი უნდა მოვიგონოთ.

ბ რ ძ ე ნ ი. ასეთი მიზეზი არ არსებობს. კანონი ყოველგვარი მაქინაციის წინააღმდეგია.

შ უ რ ი კ ა. სამწუხაროდ, ბრძენი მართალია და შენ, ჩემო დავით, იმ ეგვიპტელს ჰგავხარ, რომელსაც პირამიდა არ უნახავს.

მ ა ნ ა ნ ა. ძალიან მოხარული ვარ, რომ მანქანა ჩვენ დაგვრჩება!

და ვ ი თ ი. მორჩი ბაზარს! (მოუქნია ხელი გასართყმელად).

მ ა ნ ა ნ ა. დეგენერატო, ცხოველო, ჩემი მშობლები გიჩვენებენ შენ სეირს, მოიცა, ვუთხრა ბაბუაჩემს! (გაღის).

შ უ რ ი კ ა. სწორია, მტერი თუ გინდა შეაშინო, მოკეთეს უნდა დასცხო.

ტ ა კ ი მ ა ს ხ ა რ ა. საკმაო მსჯელობის შემდეგ, პატივცემულო საზოგადოება, გამოსავალი მაინც ბრძენმა მონახა: წელში გასწორდა, ამოიღო ჯიბიდან ჩაჩა, დიდი ამბით დაიხურა თავზე და თქვა:

ბ რ ძ ე ნ ი. რახან ლატარიის ბილეთი აღარ გვაქვს, კლიენტს მანქანა მივყიდოთ!

შ უ რ ი კ ა. თანახმა ვარ! თუკი კაცს უწერია მანქანის ქვეშ მოყოლა, სჯობს მანქანა სასწრაფო დახმარებისა იყოს.

ბ რ ძ ე ნ ი. იმას ეშინია მანქანის თავის სახელზე გაფორმება.

შ უ რ ი კ ა. უნდა დავარწმუნოთ რომ რაც ცუდია. სწორედ ის არის კარგი.

ბ რ ძ ე ნ ი. უცოლო და მარტოხელა კაცია.

შ უ რ ი კ ა. დავითის დედა კიდევ ქვრივია.

ბ რ ძ ე ნ ი. ჰოდა, რახან კანონი კრძალავს მანქანის გაჩუქებას. უცხო პირებზე, გვრჩება ერთი შანსი: დავითი აჩუქებს მანქანას დედამისს, დედამისი გათხოვდება კლიენტზე...

შ უ რ ი კ ა. და რა გასაკვირი იქნება, რომ მოხუცმა ცოლმა ახალგაზრდა ქმარს მანქანა აჩუქოს?!

ბ რ ძ ე ნ ი. მერე ხასიათით ვერ შეეწყობიან და გაიყრებიან.

შ უ რ ი კ ა. მორჩა და გათავდა!

დ ა ვ ი თ ი. კი, მაგრამ ძვირი დაჯდება ეს ამბავი.

შ უ რ ი კ ა. ყოველგვარ ხანგრძლივ სიცრუეს მხოლოდ და მხოლოდ მოსყიდვით შეუძლია არსებობა. დიდ ტყუილს დიდი ხარჯიც მოსდევს!

ბ რ ძ ე ნ ი. რასაკვირველია, ხელის შემწყობს უნდა მივცეთ და ვინც ენაზე კბილს დააქერს.

სინათლე ჩაქრა, ავანსენაზე მარტო ტაკიმასხარაა.

ტ ა კ ი მ ა ს ხ ა რ ა. უნდა მოგახსენოთ, მეგობრებო, რომ ზრძენმა ბრძანა სწრაფი მოქმედება. სოფლიდან დედის გამოძახება დავითს მიენდო, კლიენტის დამუშავება თვითონ იკისრა. დიდი კამათის შემდეგ დავითისა და შურიაკას მხარემ გაიმარჯვა და დადგინდა, როგორც კი დავითის დედა კლიენტთან ხელს მოაწერს. ფული შურიაკას უნდა ჩაბარდეს, როგორც შუამავალს.

ტ ე დ ე ვ ი ზ ო რ ი ს ე კ რ ა ნ ზ ე ჩ ნ დ ე ბ ა ა ვ ტ ო მ ა ნ ქ ა ნ ა ვ ო ლ გ ა.

თათბირი ამით დამთავრდა, პატივცემულო საზოგადოება, მინდა თქვენი ყურადღება გავამახვილო ერთ ფაქტზე: მე პირადად ხომ არაფერში მიმიღია მონაწილეობა? თქვენი იმედი მაქვს!

ფ ა რ დ ა.

ისევ გრიშას ოთახი. სოფიო და გრიშა.

გრიშა. მე მსურდა, რომ შენ დარჩენილიყავი ჩემ-
ან.

სოფიო. კეთილი.

გრიშა. მე მსურდა, რომ ჩვენ.. მაგრამ ეს ჩემი
მია კიდევ არ ისვენებს, სიღედრმა გამოაგდო და ისევ
| ბრუნდება.

სოფიო. გასაგებია, გრიშა.

გრიშა. მარწმუნებს შურიკას მეშვეობით მალე
ნას მოგცემენო.

სოფიკო. ადვილი შესაძლებელია.

გრიშა. რატომ არის მერე ადვილი შესაძლებელი?

სოფიო?

გრიშა. მე მსურდა, რომ შენ დღეს დარჩენილი-
ავი.

სოფიო. კეთილი.

გრიშა. მოეშვი, თუ ხათრი გაქვს, რეცხვას, თორემ
იელ ჭურჭელს ფანჯარაში გადავუშვებ.

სოფიო. რატომ?

გრიშა. იმიტომ, რომ მიყვარხარ.

სოფიო. მერე ჭურჭელი უნდა დაამტვრიო?

გრიშა. აბა რა ვქნა?

სოფიო. ცოტაც მოვითმინოთ.

გრიშა. წლები მიდის, ჩვენ კიდევ ვითმენთ და რა-
აცას მოველით... მე მინდა, რომ შენ სამუდამოდ
არჩე ჩემთან.

სოფიკო. გასაგებია, გრიშა.

კარებზე აკაკუნებენ.

გრიშა. დიახ, დიახ, (კარებში გრიშას აწოდებენ უწყებას).

დღეისთვის ბანკში მიბარებენ. ალბათ მანქანას მომცემენ.

სოფიო. გრიშა, გთხოვ, ნუ წახვალ, ნუ გავერევეთ ამ საქმეში, დაიწყება საჩივრები, ჩხუბი, სასამართლო. რაც არ უნდა იყოს, ძმა არის... სირცხვილია.

გრიშა. მანქანის მითვისება არც მიფიქრია. მაგათმა საქციელმა აღმაშფოთა, განსაკუთრებით იმან, რომ სულელად მთვლიდნენ. ავიღე და ჩავებარე, მაქინაციებს გზა გადაუჟკეტე.

სოფიო. ძალიანაც კარგი, ახლა ნულარც წახვალ.

გრიშა. არა, წასვლა მაინც მომიწევს, ჯერ ერთი — მიბარებენ, მეორეც, ხომ უნდა ოფიციალურად განვაცხადო, რომ პრეტენზია არა მაქვს.

სოფიო. როგორც აჯობებს, ოღონდაც ჩქარა გადაუჯრჩეთ ამ ორომტრიალს. დავითს, შურიკას, ან შენ რძალს როცა ეხვდები, უხერხულობას განვიცდი. ისე იქცევიან, რომ უნებურად თავს დამნაშავედ ვგრძნობ.

გრიშა. გადავირევი კაცი, კიდეც შენ გრძნობ თავს დამნაშავედ?!

სოფიო. არა, დამნაშავე კი არ ვარ, მაგრამ არ არის სასიამოვნო. და მერე დავითმა ცოლი შეირთო. . .საღდაც შეიძლება ისინიც სწორი იყვნენ.

გრიშა. ღღეში ერთხელ გაჩერებული საათიც კი სწორია.

სოფიო. უი, მეორე საათი დაიწყო, შესვენების დრო დამთავრდა.

გრიშა. ერთად წავიდეთ, ბანკიც ხომ იქითაა.

გაღიან. ცოტა ხნის შემდეგ შემოდის ტაქმასხარა ჩემოდნით ხელში. დადებს ჩემოდანს და გადის, შენდეგ გამოჩნდებიან მანანა, შურიკა. შურიკას ხელში პორტფელი უკირავს.

მანანა. ყველაფერი ვაპატიე, ყველაფერი. დავტო-

ვე მშობლიური კერა და ამ საქათმეში გადმოვბარგდი. როგორ უნდა იცხოვროს აქ წესიერმა ხალხმა. გრიშა სადლა დაიძინებს?

შ უ რ ი კ ა. ამ დღეებში მიიღებს ბინის ორდერს.

მ ა ნ ა ნ ა. რა უჭირს, რა, პატარა საქმეა ბინის მიღება? ეს ჩემი დეგენერატი კი ყიდის მანქანას. რატომ? რისთვის?

შ უ რ ი კ ა. ეგ საქმე, ჩიტუნია გადაწყვეტილია. დღეს, როცა თქვენი დედამთილი ჩამოვა და ქორწინება შედგება, ეს ცარიელი პორტფელი ფულით გაიტენება! (პორტფელიდან ამოაქვს ტარანა და პური. იწყებს ჭამას).

მ ა ნ ა ნ ა. მამასაღამე დათკა დედის შესახვედრად წავიდა.

შ უ რ ი კ ა. დიახ, დიახ, შენ კი გევალება გრიშას ნეიტრალიზაცია. უღროს დროს თუ გამოჩნდა, უნდა მოაცილო აქაურობას, გამიგე?

მ ა ნ ა ნ ა. მოდიან, მოდიან.

შ უ რ ი კ ა. აბა, წესრიგში მოიყვანე თავი.

მ ა ნ ა ნ ა. მე რა შუაში ვარ, მე ხომ არ მათხოვებთ?

შ უ რ ი კ ა. პაპიროსი გამოაგდე პირიდან (წაართვა).

შემოდის დავითი დიდი ჩემოდნით ხელში, უკან მოჰყვება

აღდაპისი.

დ ა ვ ი თ ი. ეს გახლავს, დედაჩემო, ჩემი მეუღლე!

დ ა ვ ი თ ი ს დ ე დ ა. ნენა, ნენა, რა კაია რა კაია, მარა თვალები რატომ აქვს, შვილო, დალურჯებული? მამაშენის სიკეთის არ იყოს, შენც ხომ ცოტა... ა.?

შ უ რ ი კ ა (მივარდება). გამარჯობათ, დეიდა, გამარჯობათ, დაბრძანდით, მოყევით, რა ამბავია სოფლის მეურნეობის ფრონტზე.

დ ა ვ ი თ ი ს დ ე დ ა. ეე, შვილო, ეე. ნენა, რაღა დროის ფრონტია, ფრონტი კი არა, საკარმიდამოს ვე-

ლარ ვუვლი, ისე დავბერდი.

მ ა ნ ა ნ ა. ჩვენ მთელ იმედებს თქვენს გათხოვებაზე ვამყარებთ და რა დროს სიბერეა.

და ვ ი თ ი ს დ ე დ ა (იციხის). რას მიჩივი, ნენა, რას მიჩივი აგერ ახლა სამოცი წელი შემისრულდა.

და ვ ი თ ი. რატომ იმატებ, დედაჩემო, სამოცის რა-
ვა ხარ ჯერ?

შ უ რ ი კ ა. ვა! რას ჩააცივდით? საერთოდ ხნიერ ხალხს უყვარს წლების მომატება.

მ ა ნ ა ნ ა. იმიტომ, რომ მეტი არაფერი აქვთ სწამაყო.

და ვ ი თ ი ს დ ე დ ა. გრიშა სადაა? ხომ მშვიდობაა, შვილო?

და ვ ი თ ი. გრიშა მალე მოვა, სამსახურშია.

შ უ რ ი კ ა. ახლა, დეიდა, საქმე შემდეგშია. დავით-
მა ხომ მანქანა მოიგო, იცით ალბათ.

და ვ ი თ ი ს დ ე დ ა. ყი, კი, ვიცი.

და ვ ი თ ი. მისი გაყიდვა გვსურს.

და ვ ი თ ი ს დ ე დ ა. მე არა ვარ, ნენა, წინააღმდე-
გი, გაყიდეთ, მარა მაი წერილითაც გეიგებოდა.

შ უ რ ი კ ა. ვა! ტო! მაშასადამე თქვენ არ ხართ წინა-
აღმდეგი?

და ვ ი თ ი ს დ ე დ ა. არა, ნენა, თუ ასე ჯობია,
რატომ ვარ წინააღმდეგი?

შ უ რ ი კ ა. შვილების გულისთვის რას არ იზამს კაცი,
ამიტომ, დეიდა, უნდა დაეხმაროთ შვილებს.

და ვ ი თ ი ს დ ე დ ა. რაია ჩემი დახმარება. ისე
კაი გიქნიათ, რომ დაუკითხავად არ გადაგიწყვეტიათ მაი
ამბავი, მარა, თლათ სწორი გინდათ, არ ღირდა ამხელა
ხაზირად, ამხელა გზად...

შ უ რ ი კ ა. როგორ გეკადრებათ, როგორ გეკადრე-

ბათ! მაგალითად, ადამიანს თუ უნდა გათხოვება, დავუშვათ, ქალს, ბეჭედი ხომ არის საჭირო, ხელის მოწერა, ბეჭედი?!

და ვ ი თ ი ს დ ე დ ა. მეიცა, მეიცა, ველარ დავინამდვილე, რაშია საქმე?

და ვ ი თ ი. ჩვენ გვინდა მანქანა გავყიდოთ მომგებიან ფასში.

და ვ ი თ ი ს დ ე დ ა. მე გიშლით ხელს თუ?

შ უ რ ი კ ა. პირიქით. თქვენ უნდა დაგვეხმაროთ.

და ვ ი თ ი ს დ ე დ ა. რაფერ?

და ვ ი თ ი. რაფერ და...

მ ა ნ ა ნ ა. გათხოვებაა საჭირო.

და ვ ი თ ი ს დ ე დ ა. ჩემი?

შ უ რ ი კ ა. დიახ, დიახ, და საჩქაროდ.

და ვ ი თ ი ს დ ე დ ა. რამდენი წლისაა ი კ ა ც ი?

და ვ ი თ ი. შენზე გაცილებით ახალგაზრდაა.

და ვ ი თ ი ს დ ე დ ა. ნენა, დამეფსო თვალები! რა გეიგონა ჩემმა ყურებმა. რაფერ შეიძლება აი ამბავი ახლა? მიშველეთ, მიშველეთ!

შ უ რ ი კ ა. დაწყნარდი, დეიდა. ვა, ტო! რა შეიცხადა?!

და ვ ი თ ი. ამას არა ააქვს მნიშვნელობა, დედაჩემო.

და ვ ი თ ი ს დ ე დ ა. ვიცო, მაგას რომ არ ააქვს მნიშვნელობა, ცხონებული ჩემი მაზლი... უი, უი, რა ერქვა ქე დამავიწყდა, ჰადის სახელი რომ დაავიწყდება კაცს, ისეა, ჰო, ათი წლით იყო თავის ცოლზე უმცროსი, მარა რა გინდა, რა? დააბერა ი ქალმა. არა, არა, რაღა დროს ჩემი გათხოვებაა! უი, უი, უი, მიშველეთ!

შ უ რ ი კ ა. დეიდა, დაწყნარდი, ეს ფიქტიური იქნება გამიგე? ბეჭედი და მისი ქანი... (ხელით აჩვენებს, როგორ ურტყამენ ბეჭედს). მორჩა და გათავდა.

დავითის დედა. რაფერ?

დავითი. მე გაჩუქებ მანქანას!

დავითის დედა. მზითვად თუ?

დავითი. შენ აჩუქებ შენს ქმარს.

დავითის დედა. მაი შეიძლება?

დავითი. მერე შენ გაცვილდები.

დავითის დედა. გავცილდებიო?

შურიკა. რასაკვირველია.

დავითის დედა. რაფერ?

შურიკა. რაფერ და კასფერ.

დავითის დედა. თან ვაჩუქო, თან გავცილდე?
(დასცინის შურიკას). ვა, ტო.

მანანა. თუ არ გსურთ დაცილება, თქვენი ნებაა...

შურიკა. ერთად გადავიხდით ქორწილს, დეიდა.

დავითის დედა. რას არ იზამ შვილების გულისთვის, რას!

შურიკა. აბა, ახლა დროს ნუ ვკარგავთ, საქმრო დიდი ხანია „მმაჩის“ ბიუროში გველოდება, წავიდეთ ჩქარა,

დავითი. პასპორტი არ დაგავიწყდეს.

დავითის დედა. მეიცა, მეიცა, სად წევილე ე პასპორტი. (ეძებს). ხომ არ დამრჩა, იქნება დამეკარგა? სა-მუდამო იყო, სამუდამო... (ეძებს).

შურიკა. ესლა გვაკლდა.

დავითი. გაიხსენე სად ჩაღვივი.

დავითის დედა. მომკალი შვილო და არ მახსოვს.

შურიკა. იქნებ სულაც არ წამოგილიათ?

დავითის დედა. მაგიც შეიძლება...

შურიკა და დავითი მივარდებიან ჩემოდანს. ამოყრიან ნივთებს. გძებენ, შურიკა ჩხრეკავს დავითის ღვდას.

შურიკა. აქ არის, აქ! ჯიბეში ქონია, აბა გავიქცეთ, თორემ სიძე გადაიფიქრებს, (მანანას). ბაი-ბაი, ჩიტო! (მკლავს უყრის დავითის დედას და მიათრევს).

მანანა. მაყრები არ გინდათ? ჩვენც წამოვალთ.

შურიკა. გაგვაცილეთ ტაქსის გაჩერებამდე. „მმაჩ-ში“ კი ზედმეტი ხალხი არ არის საჭირო.

ყველანი გადიან, შემორბის გრიშა.

გრიშა. როგორ მოხდა? ნუთუ ითაღლითეს და გადააკეთეს ნომერი. მე ხომ ჩაწერილი მქონდა. (ეძებს უბის წიგნაკს). ახლავე, ახლავე, (მიაგნო და ფურცლავს). აი, სერია 49 ... სწორია, ნომერი 994853, ჰო, სამი და არა რვა. სამი და არა რვა! ნუთუ არ შევამოწმე ჩანაწერი? ვინ გაგვამასხრა ასე ბოროტად, იქნებ იმათ ითაღლითეს? ოო, თუ მათი ნახილავია, მე ვიცი, შავ დღეს დავაყრი. წაეთრიონ და აგონ პასუხი. იქ იფილოსოფოსონ გაიძვერა შურიკამ და ჩემმა ძმამ. ბინას მოგიხერხებთო, გაიგეთ, არა? ბინას მოგიხერხებთო! ხალამ-ბალამ და ბალამ-ხალამ, 50 წლის შემდეგო. უნდა აიღო და ყურით მოათრიო აქ, აი, შენ ხალამ-ბალამ! (კიტლავს ამოარტყამს და შემდეგ კინწისკვრით აგდებს წარმოდგენილ კაცს). ჩქარა თქვი, მერგება თუ არა? აი, შენ ხალამ-ბალამ! შენ მანდ გაჩუმდი! შენი დროც მოვა, შე გაიძვერა, და მაშინ იტყვი, სტუმართმოყვარეობა გადანამთია თუ ძალმომრეობა. (შეამჩნევს აწეწილ ჩემოდანს). ეს რაღა ოხრობაა? ჩემი რძალი გადმობარგებულა. ძალიან კარგი, ძალიან კარგი, მე სადღა მიპირებთ მოთავსებას, მე სადღა დავწვე? თქვენს შეპირებულ ორდერზე? ჯერ დამიმტკიცეთ, საიდან გაჩნდა სამის მაგიერ რვა და მერე...

შემოდინ მანანა და დავითი.

დავითი. შენს თავს ელაპარაკები?

გრიშა. თქვენ გელაპარაკებით და კიდევ იმათ, ვინც

აქ უნდა იყოს ამჯერად.

მ ა ნ ა ნ ა. რა გინდათ თქვათ, პრინციპში, გრიშა, და ვინ გყავთ მხედველობაში?

გ რ ი შ ა. მე თქვენც მყავხართ მხედველობაში, ძვირფასო, რძალსო და სათქმელი კი ასეთი ხასიათისაა: ლატარიის ბილეთი ყალბი გამოდგა.

დ ა ვ ი თ ი. რას ბოდავ?

მ ა ნ ა ნ ა. გადავირევი, მგონი „ღიშოვი შანტაჟის“ ახალი ვარიანტი იწყება.

გ რ ი შ ა. აი, უწყისები. (აჩვენებს). ორივეს სახელზე. ხვალისთვის გვიბარებენ და იქ გაირკვევა, შანტაჟია თუ მონტაჟი. შენ კიდეც, დავით, კეთილი ინებე და მიპასუხე: როგორ გადაიქცა სამი რვად?

დ ა ვ ი თ ი. ცოტა ხომ არ აფრენ? გაგვაგებინე, რაშია საქმე?

მ ა ნ ა ნ ა. ბილეთი შეგვიცვალა! მე ხომ გეუბნებოდი, ყველაფერია—მეთქი მაგისგან მოსალოდნელი! შეგვიცვალა და ახლა თავს ისულელებს.

გ რ ი შ ა. ამიტომ წაიკითხეთ უწყისები და შემდეგ — ჩემი უბის წიგნაკის ჩანაწერი. (ორივე მიცვოდა უბის წიგნაკსა და უწყისებს (აგიღაზე).

დ ა ვ ი თ ი. ჩვენი ბილეთი იყო 994858 და არ 53.

გ რ ი შ ა. საქმეც მაგაშია, რომ იყო სამი და გახდა 8.

დ ა ვ ი თ ი. კი მაგრამ, როგორ, როგორ?

გ რ ი შ ა. ეს თქვენ უნდა გკითხოთ კაცმა.

მ ა ნ ა ნ ა. ბილეთი ხომ თქვენი იყო, ჩვენ არაფერი ვიცით, ალბათ თქვენვე გადააკეთეთ.

დ ა ვ ი თ ი. გამაგებინე, რაშია საქმე, თორემ ჭკუიდან ავიწვივო.

გ რ ი შ ა. ბილეთის ჩაბარების შემდეგ 10 დღე გავიდა. სახელმწიფო ბანკმა ყველაფერი შეამოწმა და აღმოჩნდა,

რომ სამიანი გადაკეთებულია რვად.

და ვ ი თ ი. ვინ გითხრა?

გ რ ი შ ა. ვინ და სახელმწიფო ბანკში მითხრეს. ხვალ კიდევ თქვენთან ექნებათ საუბარი.

და ვ ი თ ი. ვაი, ვაი, ვაი, ვაი, რა იქნება, რა მოხდება! (ყდება ჩემოდანზე).

მ ა ნ ა ნ ა. ტყუილს კი არ მეუბნებოდნენ ჩემი მშობლები, ვის გადავეკიდე, ვის? ადექი, მომეცი ჩემოდანი.

(დავითი დგება და გამოთაყვანებული დგას გაუნძრევლად, მანანა იღებს ხელში ჩემოდანს). საწყენია, ძალიან საწყენი (ტრუ პათოსით). „პროშჩაი ნავეკი ეტოტ დომ.“

გ რ ი შ ა. მეორე ჩემოდანიც წაიძღვანიეთ.

მ ა ნ ა ნ ა. ეს დედოფლის მზითვებია. (გავილა).

გ რ ი შ ა. ვინ დედოფლის, რა მზითვები?

და ვ ი თ ი. ვაი, ვაი, ვაი (წვება ტახტზე). ვაი. (შემობის სოფიო).

ს ო ფ ი ო. გრიშა, კიდევ კარგი, რომ გნახე. ჩქარა, ჩქარა წავიდეთ, ბინის ორდერი გამოგიწერეს. ახლა დარეკეს ჩვენს განყოფილებაში, უფროსთან გიბარებენ, ბინებს ვანაწილებთ და სასწრაფოდ მოვიდესო.

გ რ ი შ ა. არა, არ გამოვა, არა, დღეისათვის საკმარისია. . .

ს ო ფ ი ო. მე თვითონ ველაპარაკე დირექტორს.

გ რ ი შ ა. არა მჯერა, არა.

ს ო ფ ი ო. პატიოსან სიტყვას გაძლევ, რა დროს ხუმრობაა. ჩქარა, გელოდებიან და, სანამ აქედან გავალთ, მინდა პირველმა მოგილოცო.

გ რ ი შ ა. დაიფიცე.

ს ო ფ ი ო. შენს თავს ვფიცავარ.

გ რ ი შ ა. შენი კირიმე! (კონის).

ს ო ფ ი ო. გავიქცეთ! (ხელიხელ ჩაკიდებული გარბიან).

ტახტზე გაოგნებული წევს დავითი. ფანჯრიდან ისმის მორიგა ჩხუბი.

ქალის ხმა. „პომეშიჩკ ნაშოლსა, ვაინუ ზახოტელ..“
მამაკაცის ხმა. „უიდი ოტსიუდო, უიდი.“

ქალის ხმა. „ნე ტროგაი, ია სუმაშედშიაი, ვსიო პოლამაიუ, უ მენია ბუმაჟკა!“

მამაკაცის ხმა.

ჯერ არც ერთ გიჟს არ უთქვამს — გიჟი ვარო.

ატყდა წივილ-კივილი, ხმაური, შემდეგ უცებ სიჩუმე ჩამოვარდება და ამ სიჩუმეში ისმის: „არა, მითხარით რა შუაშია აქ კომენდანტი?“ დავითი დგება და მიაჯახუნებს ფანჯრებს, კეტავს.

ფ ა რ დ ა .

ავანსცენაზე გამოჩნდება ტაკიმასხარა.

— ასე და ამგვარად, პატივცემულო მაცურებელო, გრიშამ ბინა მიიღო, გადაიხადა ქეიფი და ითხოვა სოფიო. დავითი და მანანა განქორწინდნენ. შურიკა, როგორც კი ლატარიის ბილეთის ამბავი გაირკვა, ქალაქიდან გაქრა იმ ფულთან ერთად, რომელიც მიბარებული ჰქონდა, როგორც შუამავალს. ბრძენს და კლიენტს, ავტომანქანის მყიდველს კი აი, ეს წერილი დაუტოვა (ამოაქვს ჯიბიდან, კითხულობს). „თაღლითობა გადამდები სენია. დღევანდელი მსხვერპლი. ხვალ მომტყუებლად მოგვევლინებათ. (მაცურებლისაკენ). ეს ეპიგრაფია! (განაგრძობს კითხვას). ბრძენო! შეაგნებინე მაგ შტერს, რომ მომხვეჭველობა არავის შერჩენია, რომ კულაკობა 50 წელია გადავარდა და ერთპიროვნული არაშრომითი შემოსავლით ცხოვრება ჩვენს ეთიკას არ შეეფერება! უნდა გამოგიტყდეთ, ძლიერ გადაღლილი ვარ, ექიმები დასვენებას მირჩევენ. თან მიმაქვს მილიონები, გამოგიგზავნით ლიმონებს! ჩამთვალეთ ხარბად! თქვენი შურიკა“.

პო, კიდეც ერთი. შურიკა, მართალია სამხრეთისკენ წავიდა დასასვენებლად, მაგრამ, ამბობენ, ჩრდილოეთში ამოჰყო თავიო. დასვენების შესახებ კი რა მოგახსენოთ... ორივე მხრიდან თავქუდმოგლეჯილნი მორბიან ბრძენი და ის.

ბ რ ძ ე ნ ი. (დაინახა ტაკიმასხარა). დაიჭით, დაიჭირეთ, ეგ არის ყველაფერში დამნაშავე, მე ხომ ვამბობდი! კარაულ!

ი ს. ააა. ჩაგვივარდი ხელში, შე მაწანწალავ, შე ფოკუნციკო, გამძარცვეთ და კიდეც ბებერი ქალი მათხოვინინეთ. მე შენ გიჩვენებ, როგორ უნდა ტაკიმასხარობა, (სტაცეს ხელი კისერში). ჩამოგკიდებ მაგ შენ გრძელ ენაზე... ენით...

ბ რ ძ ე ნ ი. სად არის ის, სად? სამი და რვა. მე შენ გეკითხები, სად არის ლიმონები, დაწყევლოს ეშმაკმა. მილიონები? მე ხომ ვამბობდი, მე ხომ ვამბობდი... (მოათრევენ ფეხებით კულისებისაკენ).

ტ ა კ ი მ ა ს ხ ა რ ა ს ხ მ ა. ძმებო მატროსებო! ძმებო მატროსებო! ნახვამდის, ხომ გეუბნებოდით, ჩემზე გადატეხავენ-მეთქი!

უცებ გაუსხლტება ხელიდან ბრძენს და გამოვარდება ისევ ავანსცენაზე.

ტ ა კ ი მ ა ს ხ ა რ ა. საშუალებას არ მაძლევენ გამოგეთხოვოთ. დიდი პატივისცემით, მომავალ წარმოდგენამდე, ნახვამდის!

ფ ა რ დ ა.

ს ა რ ჩ ი ვ ი

უთერიანი	3
სტუმარი	65
ტაქიმასხარა	141

რედაქტორი ნ. ხელაძე
მხატვარი ნ. ნარიშკინიძე
მხატვრული რედაქტორი ზ. კაპანაძე
ტექ. რედაქტორი მ. გველესიანი
კორექტორი ი. ნემსაძე.

კადასტრის წარმოებას 14/XI-85 წ.
ელმოწერილია დასაბეჭდად 10/XII-86 წ.
საღალდის ზომა 70×90^{1/2}
ნაბეჭდი თაბახი 7,61
აბსტრაქტული-საგამომცემლო თაბახი 6,25

მუქე. № 756, უე 04836, ტ. 5000

ფასი 65 კაპ.

საქართველოს თეატრალური საზოგადოება

თბილისის № 111 საშუალო პროფესიულ-ტექნიკურა
სასწავლებელი
მეგობრობის გამზირი 7 ა

Тбилисское № 111 среднее профтехническое училище,
проспект Дружбы, 7 а.